


UNIVERSITY OF TORONTO



3 1761 00004227 5



3

11





T. LIVII PATAVINI  
HISTORIARUM  
LIBRI

QUI SUPERSUNT OMNES  
CUM INTEGRIS  
JOANNIS FREINSHEMII  
SUPPLEMENTIS



*VOLUMEN DECIMUM*

BIPONTI  
EX TYPOGRAPHIA SOCIETATIS  
MDCCCCLXXXVI

PERAU

PA

6452

A 2

1784

v. 10

164.

887657 .

# JOANNIS FREINSHEMII SUPPLEMENTORUM LIVIANORUM

LIBER LXIV.

IN LOCUM LIB. XCIX LIVIANI.

---

## E P I T O M E

LIBRI NONAGESIMI NONI.

*Q. Metellus proconsul Gnoſſon, & Lyſtum, & Cydoniam, & alias plurimas urbes expugnavit. L. Roſcius tribunus plebis legem tulit, ut equitibus Romanis in theatro quatuordecim gradus proximi assignarentur. Cn. Pompejus, lege ad populum lata, perſequi piratas juſſus, qui commercium annonæ intercluſerant, intra quadrageſimum diem toto mari eos expulit; belloque cum iis in Cilicia conſeſſo, acceptis in deditionem piratis agros & urbes dedit. Præterea res geſtas a Q. Metello adverſus Cretenſes continet: & epistoſas Metelli & Cn. Pompeji invicem miſſas. Queritur Metellus, gloriam ſibi rerum geſtarum a Pompejo præripi, qui in Cretam miſerit legatum, ſuum ad accipiendas urbium deditiones. Pompejus rationem reddit, hoc ſe facere debuſſe.*

**I**NTERIM in Creta Q. Metellus proconsul, prosperis rebus usus, multas in potestatem civitates redegit. Cydonia Cretæ metropolis, quæ hodie sub Canæ nomine, Tur-

carum imperium, erepta Venetis, patitur, post obsidionem aliquamdiu toleratam a Panaxe est dedita, impunitatem veniamque delictorum pacto. Inde transductus Gnossum exercitus, ubi domicilium Lathenes habebat. Sed ille, sedibus cum omni supellectile concrematis, ex oppido profugit. Illo deinde similiter dedito, Lyctus, & hac recepta, pleræque aliæ civitates & castella in fidem venerunt. Sed in Asiam Pontumque missi a senatu populoque Romano decem legati (quia *debellatum cum Mithridate* Lucullus scripserat) postquam in castra venerunt, res repperunt turbatas, & imperatorem præ militum insolentia ne sui quidem potentem.

II. Nam illi, postquam ætas, in quam promiserant operas, transit, suntis armis, strictisque gladiis egressi provocarunt hostem. & postquam comparebat nemo, (diu enim ante ille se receperat) *impletam* testati *fidem, quam Lucullo dedissent*, præter exiguum aliquem numerum, castra reliquerunt. Lucullus, quod aliter se facere non posse videbat, Valerianas legiones dimisit; ceterorum militum quod erat turbulentius, Glabrioni tradidit; alios, quibus nihil erat domi, quod neglecto plebiscito adimeretur, aliquanto æquiores sub signis continuit.

III. Eodem anno Romæ L. Roscius Otho tribunus plebis legem tulit, *ut equitibus Romanis in theatro quatuordecim ab orchestra citimi gradus assignarentur: excepto tamen, si quis artem ludicram exercuisset, aut suo fortunæ vitio decoxisset, ut minorem quadringentis rem haberet.* Fuit illa lex gratissima plerisque equitum, cujus ordinis dignitatem adaugebat; populo graviter ferente discrimen sedis, cum antea promiscue plebs equitesque spectarent. A. Gabinii tribuni plebis lex *de Piratico bello*, quemadmodum majorum rerum habebat molimina, sollicitum senatum habuit.

IV. Sane non erant exiguæ causæ, cur ad bellum istud

§ I. Liv. Epit. Appian. ap. Fulv. Ursin. Flor. Plat. in Lucull. c. 73. Diodor. l. 36. § II. Appian. Mithrid. § III. Vellej. 2, 32. Liv. Epit. Diodor. Cic. Phil. 12, 17. & pro Muræn. c. 19.

summis viribus capeffendum properari oporteret. Ita enim piratarum invaluerat quali quædam respublica, ut jam multi magnis opibus & claro genere viri, ad hoc prudentiæ laude celebres, nomina societati darent. Igitur classes prædatoriæ per maria oberrabant, non solum multitudine & robore fociorum navalium, & gubernatorum arte terribiles, sed etiam magnifica ornamentorum specie plus propemodum doloris offerentes intuentibus. aureis columellis, purpureis cortinis adornatæ naves, inargentatis remis movebantur: tibiæ cantusque & compotationes circum litora erant; & inter hæc principum virorum, interdum matronarum quoque ac virginum, captivitates, urbium opprellarum redemptiones, insignia imperii Romani probra frequentabantur.

V. Usque ad mille naves numerabant: oppida plus minus quadringenta ceperant. Tum & ab omni antiquitate sanctæ inviolatæque ædes & oracula profanata ac direpta sunt: Colophone capta, Clarium, Didymæum apud Milesios, & in Samothrace Castorum, & juxta Hermionem in Peloponneso Chthoniæ Cereris fanum, & Æsculapii templum ad Epidaurum; tria quoque Neptuni, Isthmicum, Tænarium, & quod erat in Calauria; duo Apollinis, alterum Actii, alterum Leucade; tria Junonis, Samium, ipsa quoque urbe capta, Argivum, Lacinium.

VI. Nam non longinqua modo, sed etiam Italiæ intuta ora erat: & sæpe, exscensione facta, militares viæ latrociniiis infestabantur; assitæque divitum villæ direptioni & prædæ erant. Tantusque jam erat metus, ut etiam exercitus Romani Brundisii nunquam, nisi summa hieme, transmitterent; legati populi Romani pecunia redimerentur; duodecim secures, cum prætoribus Sextilio & Bellieno, in prædonum potestatem pervenirent; portus Cajetæ celeberrimus atque plenissimus navium, inspectante prætore,

§ IV. Cic. post red. in senat. c. 5. & pro leg. Manil. c. 17. Plut. in Pomp. c. 37. § V. Cic. pro leg. Manil. c. 12. Plut. in Æmil. c. 39. Pausan. l. 2. Arnob. l. 6.

diriperetur; ad Ostiam classis ea, cui consul populi Romani præpositus esset, opprimeretur; ex Miseno abriperetur M. Antonii filia, ejus ipsius, qui cum prædonibus antea bellum gesserat, rus forte exspatiata.

VII. Et acerbiora malis ludibria erant. quippe ubi quis exceptus *Romanum se civem esse* testabatur, femur feriebant, tanquam timore perciti, genibusque ejus accidentes, orabant *errori veniam*. mox aderant, qui calceos inducerent homini, togamque darent, ne videlicet ignotus ultra civis Romanus esset. Ubi tandem ludibriorum eos satietas cepit, scalis ab ora navis in mare dimissis *abire* jubebant *incolumem*: cunctatum & resistentem præcipitabant. Ob hæc pericula quotidie res frumentaria in urbe fiebat deterior, & ingens erat in tanta hominum turba famis & inopiæ metus.

VIII. Nec erat facile bellum in homines subito magnis navigantes classibus, eisdemque, ubi voluissent, tanquam momento disparentes, & in latebras non inaccessas modo, sed etiam incognitas aliis, dilapsos. Neque Muræna igitur coercere, licet victos, potuerat; neque majori deinceps mole per aliquot continuos annos incumbens Isauricus. Igitur magno plebis applausu legem Gabinus promulgavit, *ui ex omni consularium numero unus deligeretur, cui imperium in triennium esset; idemque legatos, quotquot ex usu fore putaret, ascisceret.*

IX. Idne Pompeji voluntate Gabinus, an ultro fecerit, ut tanti viri aucuparetur gratiam, incertum est: illud certissimum, non esse inductum amore reipublicæ, quam homo pessimus in nullo numero ducebat. Licet autem nominatus in lege Pompejus non erat; dubitari tamen nequibat, quin ante omnes illum electurus populus esset. idque simul, atque recitata lex erat, apparebat futurum esse, cunctis statim ad Pompejum respicientibus. Sed Patres, quamquam in M. Antonio similem ante potestatem

tulerant, partim æmulatione, plures metu correpti, ne acceptum semel imperium Cn. Pompejus, quamdiu vellet, retineret, ita resistebant, ut potius omnia piratici furoris incommoda, quam istam legem, passuri viderentur.

X. Quippe totius pæne terrarum orbis imperium uni viro deferebatur, quod adscriptum legi erat, *ut toto mari, & ad quinquagesimum a mari milliarium proconsularem potestatem haberet: reges nationesque omnes auxilia petenti mitterent: pecuniæ, quantum vellet, ex arario, & a publicanis sumeret: militum sociorumque navalium delectus suo arbitratu haberet.* Igitur tanta contentione pugnatum est, ut parum abfuerit, quin Gabinus in ipsa curia discerperetur. Quod ubi forensis turba comperit, impetu in senatum facto, ceteris salutem fuga tutantibus, C. Pisonem consulem corripuit, qui forte in altercatione Pompejo dixerat, *Romuli sequentem vestigia, non effugiturum illius exitum esse.*

XI. Territi periculo Patres, nam consulem exilio proximum vix servare Gabinus potuerat, abstinuere contentionibus: ceterum, sæpe usurpato remedio contra vim tribuniciam, ex collegio intercessores cœperunt quærere. Duo tantum reperti, ceteris metu deterritis, L. Trebellius, L. Roscius. Die comitiorum Pompejus, imperandi cupiditatem, ficta modestia tegens, cum appetitam potestatem invidiosam fore, tanquam recusanti ingestam honestissimam cerneret, hujusmodi orationem orsus est:

XII. *Gratias equidem pro benevolentia vestra vobis ago, semperque agam, Quirites, quorum in me ornando perpetuo indefessa studia fuerunt. Ceterum & vobis intribuendis honoribus imperiisque, & mihi in accipiendis, modus aliquis esse debet. Quæ populi Romani principes omni ævo vix post longam ætatem consecuti sunt, ea in me prope puerum, certe adolescentem concessistis. Quibus annis tirocinium esse aliorum solet, imperatorem agere coactus, vix unquam postea interquievi, cum ceteras continuas expeditiones gravissimum & diuturnum cum Sertorio bellum excepiisset. Neque annos meos computaveritis.*

*stipendia potius numerate ; & quem longissimæ vitæ spatio fructum ex homine sperare potuissetis , jam ex me captum esse reputate.*

XIII. *Non potest a mortalium conditione postulari , ut si ante annos robur aliquod ostenderunt maturitatis , idem ad ulteriora vitæ tempora perferant. Etiam fructus paulo præcociiores minime durabiles sunt : & animalia , quorum magnitudo viresque velox incrementum habent , citius consenescent. Quod si forte robur animi corporisque nondum ita consumtum esset , ut periculis laboribusque belli hujus impar existimari deberet ; invidiosum tamen erat , inter tot egregios viros ad me potissimum populum Romanum respicere. Magnum est & intolerabile æmulationis onus , cui se cum potest subducere , numeros nemo prudens subjecerit.*

XIV. *Igitur jampridem haud minus honorum laborumque , quam invidiæ satur , consul , ut meministis , juravi , nullam in provinciam ex eo magistratu iturum : idque servavi. Nunc exsolutis , ut spero , quæ patriæ debebantur , rem me non arduam , nec iniquam a vobis puto me petere , ut aliquando bellicis laboribus vacuum , mihi meisque finatis vivere. Neque rempublicam prætexueritis. non ita oderunt negliguntque Romanam Diî , ut non habeat multos , quibus eadem sit peritia rei militaris , idemque in patriam amor. quorum ego nominibus abstineo , & quia vos non possunt fallere , & quia nolo dicta mea sic accipi , tanquam potius in gratiam singulorum , quam ob utilitatem publicam , essem locutus.*

XV. Tacentem post ista Pompejum A. Gabinus tribunus plebis sic excepit : *Rem plane dignam moribus suis Pompejus facit , imperium , quod offertur , recusando. Nec enim boni viri est , omnes promiscue honores appetere ; nec prudentis , nisi re probe considerata , tantæ molis suscipere negotium. Igitur hunc ego quidem minime reprehendo , Quirites : vos hortor , ut potius ad ea , quæ publice sunt utilia , quam quæ gratiora Pompejo sunt , respiciatis. Sane iadulsit tibi patria , Cn. Pompei , ut confesso Hispaniensi bello , quietum consulatum ageres ; deinde jam tertium in annum , non invidendo post tot labores otio reficereris.*



XVI. *Sed tuæ vicissim virtutis, tuæque æquitatis est, ut tam benignam atque indulgentem patriam iterum audias, non ad translatitii cujusdam belli labores, quibus & alii multi pares esse possunt, revocantem; sed ad liberandum fame populum, ad exsolvendum ignominia imperium, ad generis humani continendam confirmandamque societatem, quæ piratarum audacia propemodum convulsa his annis & interrupta est. Neque labores, fractumque iis animum corpusque objeceris. magna illa gloria, ad quam genitus, quamque præstantissimis factis adeptus es, neque quæri sine labore, neque conservari potest. igitur exprobrare, quæ feceris, populo Romano noli: ne sit ei commemorare opus, quot & quantæ ab eo acceperis.*

XVII. *Neque persuaseris cuiquam, ea ætate, quæ vulgo homines animis corporibusque maxime valere consueverunt, te singularem ad omnia virum marcescere. Quod si tamen unus ita fortasse sentis, otio debes, quod illa pristina tua virtus languet: quam quia deperdere summa calamitas & tibi videretur, & omnibus, excitanda tibi negotiis est, facile pristinum recuperaturæ vigorem, ubi digna se negotia senserit. Sed alii quoque sunt, quibus ista recte committantur! jam primum a te peto, Pompei, ut de te tuisque laudibus populo potius Romano permittas iudicium, quam tibi sumas. quid in unoquoque spectare habeat respublica, omnium, quam singulorum, æstimationem esse æquius est.*

XVIII. *An oblitos existimas, quid prima adolescentiæ Cinnanæ bello, quid deinde in Sicilia Africaque rerum gesseris? Nam Sentorium hostem cum omnes nostri duces reformidarent, propemodum ipsa tibi necessitas dedit; eoque experimento populus Romanus didicit, non esse certius minusque fallax indicium, te unum præfici negotiis oportere, quam ubi tanta eorum difficultas esse cœpit, ut a nemine uno sustineri posse videantur. Tibi vero, Pompei, pro ceteris moribus tuis, proque hac mutua tuæ populique Romani benevolentia, nihil recusandum est oneris, quod ob necessitatem publicam & civibus tuis carissimis simul amantissimisque imponitur.*

XIX. *Operam, opes, labores, spiritum denique, si sit opus, impendenda patriæ utilitatibus esse, præclari illi viri, quorum*

*tu ita sequeris vestigia, ut propemodum antevertas, constanti professione statuerunt. Invidiam autem ne expaveris. opprimi a virtute potius illa potest, quam virtutem opprimere. neque ejus est, qui amore patriæ cetera terribilia omnia contemnat, ad livoris terculamentum expallescere. Ego optimum quemque eo esse animo puto, ut potius virtute sit tecum certaturus, quam ut ea vilitate animi gloriam tuam illustret, suam miseriam augeat. Quod si tamen aliqui tam perversi sunt moribus, an ideo te imperatore carebit respublica? quin tu vel ideo promptius oblata suscipis, ut agre facias pessimis hominibus, inimicorumque oculos aspectu fascium tuorum atque laurearum maceres!*

XX. Contra hæc L. Trebellius cum cœpisset differere, nec silentium fieret; *tribus in suffragia mitti vetuit. Tum vero Gabinius, omisso in præsens Pompeji negotio, de L. Trebellio rogare populum cœpit. Jamque tribus septemdecim tribunatum ei abrogaverant, & in eo erat, ut etiam duodevicesima suffragium ferret, plebiscitum factura; cum vix dimoveri a proposito passus Trebellius, tamen incitæ concionis fluctibus cessit.*

XXI. Deinde Roscius loqui orsus, cum animum nemo adverteret, digitis sublati *duos esse designandos* significavit: ut vel sic potentia Pompeji terminum figeret. Ad ejus conspectum tantus indignantis populi sublati clamor est, ut forte prætervolans corvus, tanquam fulmine ictus esset, ex alto rueret. Ita quiescente Roscio, Gabinius Q. Catulum excitavit, ut diceret. Sperabat enim, tribunorum periculo territum, nihil, præterquam volentia, plebi dicturum; &, quia princeps ille senatus erat, ceteros haud gravatim auctoritatem ejus secuturos.

XXII. At ille, dignitatis suæ memor, attento ob reverentiam viri populo, in hunc modum verba fecit: *Si quidem tantarum rerum potestatem ad unum aliquem deferendam existimarem, Quirites, neminem certe Pompejo eram prælaturus. Quem enim aut peritia rei militaris ei viro conferam, quem*

§ XX. Afcon. in Cornel. § XXI. Plat. in Pomp. c. 41. Diodor. l. 30.

adhuc pæne puerum imperatores hostium timuerunt, nostri ornarunt, externi omnes admirationi habuerunt? Aut in quo lubentius conspiciam novorum honorum imperiorumque insignia, quam qui a L. Sulla victore Magnus est appellatus? qui vestro jussu, cum adhuc eques Romanus esset, semel iterumque triumphavit? qui, cum alium magistratum neque gessisset, neque ferre per civitatem potuisset gerere, consul factus est?

XXIII. Præterea tanta est Cn. Pompeji modestia, ut, si cuiquam tuto concedi immoderata potentia posset, huic rectissime credi videatur. Quam lubenter ille vobis petentibus dimisit exercitum? quam facile cum M. Crasso rediit in gratiam? quam prudenter a se cupitæ provinciæ invidiam, jurejurando interposito, in nullam ex consulatu iturum, amolitus est? Verum enimvero negotium mihi potius, quam homo, displicet: neque Pompejo hoc adimendum esse imperium, sed nemini mortalium concedendum existimo. Jamprimum majores nostri, sapientissimi mortales, cum ante omnia viderent habendam esse libertatis curam, quam qui amisissent, ceterorum nihil essent in potestate habituri, diligentissime providerunt, ne nimia potestas uni homini, aut certe, ut locis temporibusque constricta daretur.

XXIV. Summum in republica nostra dictatoris imperium fuit: sed illud cohiberi intra Italiæ terminos, finire sex mensium angustia placuit. sic quoque centum viginti annis est intermissum, cum illud L. Sulla dictator ita accepit perpetuum, ut magis in perpetuum aboleret. Nec enim ipse diu sustinuit invidiam: nec tanta laboraturos insania posteros crediderim, ut, donec Sullanorum temporum exstabit memoria, creare dictatorem concupiscant. Marii quoque paucos intra annos multiplicati consulatus, quid aliud, quam continuæ potestatis amorem, & per hunc acerbissimas reipublicæ calamitates pepererunt? Prætereo jam, quod ejusmodi leges statum convellunt civitatis. nam si æqua libertate fruimur, laborum certe præmiorumque neminem haberi exsortem convenit.

XXV. At non est præterea, qui negotiis sufficiat? Dura profecto vox, & adversus tot excellentes viros injuriose procax! Sed demus, esse paucos. jam etiam pauciores effeceritis, si

*ad res gerendas nemini, præter unum aliquem, relinquetur aditus, nemo enim imperator nascitur: magno labore, multis periculis, longo etiam tempore, tentando, experiundo, facultas ea comparanda est. Quod si adversus Sertorium dux nobis defuit (quamquam non pœnitet Q. Metelli) minus equidem mirum est, quia tum divisa intestinis bellis civitate, multi suorum armis interierant, nec adversus Sertorium duce habuissemus opus, si retinere Sertorium respublica potuisset.*

XXVI. *Tamen etiam tum fuissent haud dubie plures, nisi superioribus annis tradita paucis hominibus respublica, ceterorum virtus in otio, tanquam sub cineribus flamma obtorpuisset. Quorsum autem magistratus creatis annuos, si nullam ad rem insignem eorum opera estis usuri? Majoremne vobis illi gratiam habebunt ob beneficium, quod honore dignos habuistis, an succensebunt ob injuriam, quasi in hoc eos creaveritis, ut majori dedecore homini privato postponerentur? Sed hæc quidem civitatis leges atque instituta sunt, quæ fortasse, si omnino volueritis, moveri poterunt: at naturæ leges qui mutabitis, cujus providentia sic sunt res ordinatæ, ut id negotium, cui vos unum præficitis, multos postulet.*

XXVII. *Diffusum per omnia maria, per omnes prope terras bellum, ab uno regi omnibus locis poterit? idem Italiæ litora tutabitur? defendet Græciam? in Syria, cum postularit usus, in Hispania, in insulis erit? idem eodem tempore geret in Cilicia bellum? At habebit legatos præfectosque. Cur autem ille potius, quam populus Romanus, habeat? cur tot clari viri unum potius respiciant, quam rempublicam? Siquidem eo redeundum est, & multorum ingeniiis manibusque res administranda: quippe nî jam ab initio plures creentur, qui nullius alterius imperio obnoxii, cum pro cujusque merito propriam sibi gloriam ignominiamque futuram esse reputabunt, omnia diligentius cordatiusque gerent; quando natura ita comparatum est, ut lubentius pro suis commodis homines, quam pro alienis, laborem ac pericula capeffant.*

§ XXVII. Sallust. Cic. pro leg. Manil. c. 20. Vellej. 2, 32. Plut. in Pomp. c. 41.

XXVIII. *Quæ omnia si minus apud vos habebunt ponderis, quam habere debebant, at ipsi tandem Pompejo consulite, cujus paulo ante orationem audivistis. Tot profecto laboribus meruit, ut aliquando tempori ejus salutique parcatis. Nam certe iisdem, quibus ceteri homines, legibus vivit; nec invulnerabile ferro corpus, nec inexpugnabilem morbis valetudinem gerit. Huic porro si quid humani evenerit, in quo deinde spem estis habituri? Hæc dicente Catulo, universa concio succlamavit, in te, Q. Catule. Quo ille tam honorifico testimonio delinitus, simul obstinatos hominum animos flecti posse desperans, e concione discessit.*

XXIX. Multa quoque Q. Hortensius in senatu contra Gabinium, multa pro rostris contra legem, pro summa sua facultate, graviter ornateque dixerat: sed vana omnis adversus populi favorem contentio fuit. Qua die suffragia laturæ tribus erant, Pompejus clam in prædium aliquod suum est profectus. Audito deinde, perlatam jussamque rogationem esse, noctu introiit urbem, ut gratulantium cœtus, & ex ea re invidiam declinaret. Prima deinde luce progressus in forum sacrificavit: & concione præbita, sic egit cum populo, ut lege datis multa adjicerentur, geminareturque propemodum apparatus. nam pro ducentis navibus quingentæ sunt concessæ, centum viginti millia peditum, equites quinque millia: pro legatis quindecim legit ex omni senatu quinque & viginti, quæstores duos: pecuniæ præsentis accepit millies quingenties.

XXX. Ejus tanti apparatus fama cum minime latere potuisset, jam tum ita terruit piratas, ut parcius excurrentes mercatoribus liberiores navigandi copiam facerent. Unde subito decrefcentia rerum venalium pretia magna Pompejum claritudine circumdederunt, tanquam solo nominis sui terrore belli partem profligasset. Sed ille, posthabitis inanibus, admirabili prorsus industria negotium complexus, cum suis & Rhodiorum socialibus navibus

§ XXVIII. Plut. Vellej. § XXIX. Cic. præ leg. Manil. c. 17. Appian. Mithrid. Plut.

abundaret, in tredecim fortes distribuit maria, singulisque legatos præfecit, attributis navibus, peditibus, equitatu, & prætorum insignibus: ut unusquisque in parte sibi credita imperium haberet; ipse tanquam rex regum præficeret omnibus, & summam rerum consilio præceptoque moderaretur.

XXXI. Hispaniam & quod circa Gades est mare, Tiberius Nero; Balearicum, Manlius Torquatus sortiti sunt: M. Pomponius Gallicum; Libycum Lentulus Marcellinus; P. Atilius Ligusticum sinum, & mare, quod Sardiniam aluit & Corsicam. L. Gellius, Cn. Lentulus circa Italiam excubare iussi. Siciliam Joniumque pelagus ad Acarnaniam usque Plotius Varus, M. Terentius Varro custodiebant. Achajæ Macedoniæque L. Sisenia præsidebat. Insulas Ægæi maris, omnemque ejus ambitum cum Hellesponto, L. Tubero obtinebat. Bithyniam, Thraciam, Propontidem, & ipsum os Ponti, P. Piso. Lyciam, Pamphyliam, Cyprum, & Phœnicen Metellus Nepos. Ceterorum in obscuro res sunt, M. Varroni, tanquam homini doctissimo, hoc tribuerunt literæ, ut gestorum ejus meritorumque nonnullam fervarent memoriam. Intervallum ab Italia Apolloniam versus, ubi tantum quinquaginta millibus passuum dirimuntur, ponte conjungere instituit; sed aliis curis, quo minus destinata perficeret, est impeditus. Per idem tempus, cum Corcyræ esset exercitus, ac classis & omnes domus repletae essent ægrotis ac funeribus, immisso fenestris novis Aquilone, & obstructis pestilentibus, januaque permutata, ceteraque ejus generis diligentia, suos comites ac familiam incolumes reduxit.

XXXII. Insignis etiam virtutis documentum corona navalis est, quam ex illo bello Cn. Pompejus ei dedit: quod paucissimis omni ævo contigit decus. Sed Pompejus, rebus ita ordinatis, cum velut indagine cinxisset maria, brevi tempore piratarum perplurimas naves cepit: & intra dies

§ XXX. Plut. Flor. 3, 6. Vellej. Appian. § XXXI. Appian. Plin. 3, 11. Varro. de R. R. 1, 4.

omnino quadraginta mare Tuscum, Libycum, Sardinum, Corsicum, Siculum, totumque tractum Occidentis ita repurgavit, ut nulla præterea prædonum navis usquam compareret. Inde Romam recurrit, ubi consul Piso per invidiam & iram apparatus ejus impediēbat; acceptusque est summa gratulatione populi, tanquam ex diuturna peregrinatione revertisset. jam enim pacato longe lateque mari, annona laxaverat.

XXXIII. Id enim præcipuæ curæ habuerat Pompejus; ut Siciliam, Africam, Sardiniam, tria frumentaria urbis subsidia, confirmaret. & nondum tempestivo ad navigandum mari omnes illas provincias ipse adiverat: magnaque vi frumenti in naves imposita, cum ob tempestatem oram gubernatores cunctarentur, primus conscendit, *ancoramque velli* jussit, nobili voce edita, *navigare necessum esse, vivere non necessum*. Tanto major eo merito gratia apud populum fuit: eoque adversatus ei consul graviores expertus est indignationem omnium; nihilque propius factum, quam ut magistratu dejiceretur: eamque in rem conscriptam jam rogationem Gabinius habebat. Sed, deprecante Pompejo, res omissa: ipsi, quidquid voluerat, liberalissime, jam etiam ab senatu quoque decretum est; postquam frustra & cum periculo, fortunæ gratiæque Pompeji se obniti sentiebat.

XXXIV. Neque tamen retinendi conscriptas in Ciliam legiones prætextu consul carebat, quia coloniæ Latinæ, quas bello Marfico Cn. Pompejus Magni pater trans Padum deduxerat, instigante C. Cæsare, consilia de petenda civitate Romana agitantes suspicionem rerum novarum exciverant. Pompejus haud diutius, quam necessum erat, Romæ moratus, Brundisium, ubi classem opperiri jusserat, & inde versus Orientem profectus est. At Rhodi, quamquam properaret, differenti tamen Posidonio dedit ope-

§ XXXII. Festus in naval. coron. Plin. 7, 30. Flor. Plut. Liv. Epit. Appian. Diodor. l. 36. § XXXIII. Plut. apoph. Rom. c. 37. Idem in Pomp. Diodor. Cic. pro leg. Manil. c. 12.

ram. deinde in Ciliciam profectus, fontem caputque belli; undequinquagesimo die, quam Brundisio solverat, universam redegit in potestatem. Id adeo præter omnium & ipsius quoque opinionem factum est, ut potius gravissimum ibi bellum cum exercitatissimis mari hominibus, & arcibus munitissimis futurum videretur. ideoque navibus ex omni numero delectis sexaginta, magnoque armorum atque machinarum apparatu erat profectus.

XXXV. Sed duæ potissimum res maturum bello finem dederunt: altera, terror ex magnitudine famaque imperatoris; altera, spes propter lenitudinem, quam erga captos deditosque ostenderat. Igitur ab omni parte, vitata legatorum severitate, ad Pompejum veniebant oratores: & ille, receptis in fidem dedititiis, horum indicio latebras pessimorum discebat, qui conscientia scelerum salutem desperantes, conjugibus liberisque in castella montis Tauri sepositis, prope Coracesium Ciliciæ castellum ad ancoras stabant. Sed haud ultra primum congressum duravit his animus. statim pari undique plausu signum ediderunt deditionis, simulque tela ac remos abjecerunt. Castella deinde maxima duo, Cragum & Anticragum vocant, tradentibus, qui tenebant, recepta sunt; deinde ceteræ per asperam Ciliciam arces.

XXXVI. In his armorum naviumque inchoatorum effectorumque magna vis inventa est: ærisque & ferri, funiumque & linteorum, & omnigenæ materiæ incredibilis apparatus. Captivi quoque plurimi, quos, partim ut se redimerent pecunia, partim operis faciendi causa, victos piratæ habuerant, ad suos remissi sunt: eorumque haud pauci erecta interim domi, tanquam defunctis, monumenta repererunt. Piratarum viginti circiter millia in potestate victoris erant. eos cum interficere crudele, dimittere periculosum videretur; optimo consilio usus, (quamquam ab obtrectatoribus reprehensum est) procul a con-

§ XXXIV. Sueton. in Cæs. c. 8. Acon. in Pison. Plut. Strab. l. 11. Flor. Cic. Appian. § XXXV. Appian. Plut. Strab. l. 14. Flor.



spectu maris in mediterraneis agris collocavit : futurum ratus , ut necessitate & occasione , duobus nequissimis consulti-  
toribus , remota , quieti deinde pacatique viverent. Simul  
solitudini multorum oppidorum consulebatur : & inter ce-  
tera Mallus , & Adana , & Epiphanea , his cultoribus fre-  
quentata sunt.

XXXVII. In Solorum etiam urbem , quam Tigranes nu-  
per afflixerat , instauratam introduxit ex eo genere hone-  
stissimum quemque , deque suo nomine vocari *Pompejo-*  
*polin* iussit , immunitate concessa. Nonnullos etiam Dymen  
misit , quod Achajæ oppidum , cum agrum latum & opti-  
mum haberet , habitatoribus infrequens erat : alios in  
Calabria , attributis ad colendum agris , collocavit. Hic  
fuit belli tam formidabilis exitus , quo *naves expugnatae*  
*duæ & septuaginta , deditæ trecentæ sex* , narrantur , quo in nu-  
mero *rostratae nonaginta fuerunt : oppida castellaque recepta cen-*  
*tum viginti : prædonum repugnantium caesa decem millia*. quæ  
tanta opera trimestri spatio confecta sunt , ea felicitate ,  
ut ne una quidem navis Romana desideraretur ; ea quo-  
que perpetuitate victoriæ , ut postea longissima ætate pi-  
ratas circum ea maria nemo viderit.

XXXVIII. Tam prosper externis rebus annus , totus  
ferme tumultibus & discordiis in urbe transactus est. In-  
ter alias causas turbarum ambitus erat , permultis proxi-  
ma censura senatu motis , & ordinem quolibet modo re-  
cuperare properantibus. Idcirco C. Cornelius tribunus ple-  
bis , iratus senatui , quod relationem ejus , *ne quis legis*  
*exterarum nationum pecuniam expensam ferret* , senatus repu-  
diaverat , de ambitu ferebat legem , cum acerbissimis in  
delinquentes pœnis. Placebat ea res populo ; sed Patres  
*terribiliorem specie , quam effectu robustiorem , legem* causati ,  
*consulem ferre jusserunt legem , uti condemnati ambitus neque*  
*magistratus gererent , & senatu moverentur ; mulctam quoque*  
*pecuniariam eo nomine penderent*. Interea , dum comitorum

§ XXXVI. Plut. Vellej. 2 , 32. Flor. Appian. § XXXVII. Pluta-  
in Pomp. & Sertor. Strab. Cic. de offic. 3 , 11. Appian. Flor.

dies expectatur, nihilominus ambitus fervebat, tam impudentibus quorundam studiis, ut etiam homicidio non abstineretur.

XXXIX. Factum igitur senatusconsultum est, *de his etiam quæri placere, consulique præsidium dari*. Namque Q. Piso, cum propter multitudinem adversariorum ejectus foro esset, extremi difficillimique temporis vocem miserat, *ut, qui rempublicam salvam esse vellent, ad legem accipiendam adessent*. Deinde majori manu stipatus, legis perferendæ causâ progressus in concionem, negotium perfecit. Neque sponte legem eam tulisse consul juxta quosdam auctores putatur, ipse crimine eodem nocens, & vix gratia paucorum, ne causam diceret, ereptus: sed acerbiora timens senatus præceperat.

XL. Ut tamen ea de consulis infamia minus credam, cetera ejus gravitas & constantia facit, tempore comitiorum memorabili voce factoque testata. M. Palicanus, homo sordidus & seditiosus, consulatum petere ausus, miro stolidæ plebeculæ favore sublevabatur. Sed & tribuni plebis ei aderant, ab hoc exemplo suæ ambitioni paraturi faciliorem viam. His Patres, & ante ceteros consul Piso, resistebant. Igitur tribuni modo non manibus suis sublatum pro rostris statuerunt; & utrinque circumfusi interrogarunt, *essetne Palicanum renuntiaturus consulem, si quidem factus a populo foret?*

XLI. Ille, *non existimare futurum*, respondit, *ut eo indignitatis veniretur*. At urgentibus illis, dicentibusque, *quid igitur, si ventum fuerit, renuntiabis? Non renuntiabo*, inquit. Atque vocis hujus præcisa severitas Palicanum a summa spe impetrandi honoris removit. His occasionibus dissidiorum arreptis, C. Cornelius, ut senatus minueret auctoritatem, promulgavit legem, *ne quis, nisi per populum, legibus solveretur*. Id antiquitus quoque cautum, & in omni-

§ XXXVIII. Diodor. Ascen. in Cornel. Cic. pro Muræn. c. 23. § XXXIX. Ascen. Cic. pro Cornel. § XL. Val. Max. 3, 8.

bus senatusconsultis, quoties legibus aliquis solveretur, adjectum erat, *ut ea de re ad populum ferretur*.

XLII. Sed paulatim fieri erat delitum, resque jam in eam consuetudinem venerat, ut postremo ne adjiceretur quidem in senatusconsultis de rogatione ad populum ferenda, eaque ipsa senatusconsulta per paucos admodum fiebant. Igitur eam Cornelii rogationem indigne tulerunt potentissimi quique, & quorum in senatu gratia magnopere minuebatur. His satagentibus, Publius Servilius Globulus tribunus plebis inventus est, qui C. Cornelio obstitet. Is, ubi legis ferendæ dies venit, & præco, subjiciente scriba, verba legis recitare populo cœpit, & scribam subdicere, & præconem pronuntiare passus non est.

XLIII. Tum Cornelius ipse codicem recitavit. Quod cum *improbe fieri* Q. Piso consul vehementer quereretur, *tribunitiamque intercessionem diceret sublatam*, gravi convicio a populo exceptus est. Et cum illos consul, qui sibi intendebant manum, *prehendi a lictore* jussisset, fracti ejus fasces cuncti, lapidesque etiam ex ultima concione in consulem jacti. quo tumultu Cornelius perturbatus, concilium dimisit. Actum deinde ea de re in senatu est magnis contentionibus, cum Cornelius ita ferre rursus cœpit, *ne quis in senatu legibus solveretur, nisi ducenti assuissent; nevé quis, cum solutus esset, intercederet, cum ea de re ad populum ferretur*.

XLIV. Hæc sine tumultu acta res est; nemo enim negare poterat, pro auctoritate senatus eam legem esse, quam populus habere ratam cogeretur: sed tamen eam tulit invitis optimatibus, qui paucis gratificari solebant. Aliam deinde legem Cornelius, etsi nemo repugnare ausus est, cum multorum tamen offensa tulit, *ut prætores ex edictis suis perpetuis jus dicerent*: quæ res gratiam ambitiosis prætoribus, qui varie jus dicere solebant, sustulit. Sic enim eodem omnibus modo jus reddere cogeantur; alias in-

§ XLI. Diodor. Ascon. § XLIII. Diodor. Ascon. Cic. in Vatin. c. 2.

signi nefandoque scelere, prout favebant, succensebantve litigantibus, aliter atque aliter pronuntiare soliti.

XLV. Alias quoque complures leges Cornelius promulgavit, quibus plerique collegæ intercesserunt: per quas contentiones totus tribunatus ejus peractus est. Ambitus judicio provisum erat, ne vulgo magistratus male capeantur. ea res excitavit attentionem hominum, ut etiam, ne male gererentur, exigent. Ideo sub id tempus adeo severe sunt exercitæ repetundarum leges, ut præter noxiarum pœnas, etiam accusatoribus præmia decernerentur. Carbo equidem, M. Cotta damnato, quemadmodum exponere per occasionem occupavimus, licet adhuc tribunus esset, consularibus insigniis est decoratus.

XLVI. At idem postea, cum eandem obtinuisset Bithyniam, ex qua Cottam damnaverat, ab ejus filio, quo is die, sumta virili toga, de Capitolio descenderat, judicio afflictus est. Igitur L. Lucullus, cum ex urbana prætura Sardiniam esset fortitus, ire in provinciam noluit, propterea quod *participem se negabat futurum infamiæ, qua tum ob avaritiam & rapinas plerique rectores provinciarum laborabant.* Erat enim vir justitiæ amans, & constantis ingenii, cujus in prætura sua clarum documentum ediderat. Cum enim *fellam ejus confringi* consul Acilius jussisset, cui forte prætereunti non assurrexerat, nihil commotus est, & deinde stans jus dixit: idemque ceteri prætores ut facerent, honori ejus tribuerunt.

XLVII. Inter hæc in Creta Q. Metellus cum Cretensisbus simul piratisque dimicabat, qui oppresserant partem insulæ, alteramque ex ea post Ciliciam latrociniorum arcem fecerant, pluribus ea causa castellis per insulam exstructis. Ea cum Romanus expugnaret, ita severe in captivos animadverterat, ut reliqui partim veneno se conficerent, plerique prius omnia mallent experiri, quam ut illi se traderent. Tantaque Cretenesium eo bello pervicacia tra-

§ XLIV. Diodor. Ascon. § XLV. Diodor. Ascon. § XLVI. Val. Max. 5, 4. Diodor.

ditur, ut obsessi, cum siti fatigarentur, suam jumentorumque suorum urinam biberent; donec a Pompejo acciperent responsum, ad quem, audita viri mansuetudine, miserant oratores, in Pamphylia tum agentem.

XLVIII. Ille, oblidibus imperatis, unum ex legatis L. Octavium misit, qui eos in deditionem acciperet, scripsitque ad civitates, *ne dicto audientes Metello essent*. Hoc infestior Metellus non alios tantum, sed etiam quibuscum antea fuerat pactus, ut, priusquam venire Pompejus posset, exigeret ab iis pœnas contumeliæ suæ, persecutus est. Nec Octavius obstitabat, inermis, & non ad bellandum missus: & Cornelius Sisenna, quem Pompejus Achajæ præfecerat, venerat is quidem in Cretam, & cum Metello, *ut populi Romani dedititiis parceret*, egerat; sed præter inefficacia verba, nihil erat ab eo tentatum.

XLIX. Interim & Metellus Eleutheram urbem proditorum opera cepit, qui firmissimam ex lateribus turrim, ut facilius arieti cederet, continuis aliquot noctibus aceto perfuderant. Pecunia hic imperata, Lappan petiit, ubi se L. Octavius incluserat. Metellus, eum nihil moratus, vi expugnavit locum, Octavioque non sine probris dimisso, quos secum habuerat Cilicas ad unum omnes interfecit. Hoc ægerrime ferens Octavius, assumtis Sisennæ copiis, (nam ille morbo decesserat) auxilium quibusdam Cretensium tulit. revocatis deinde illis, Aristioni se conjunxit, Hieropydna munitum oppidum tenenti, quod Cydonia decedens, victo, qui se objecerat, L. Basso, nuper ceperat.

L. Sed ubi Metellus advenit, relictis munimentis, ambo se conjecerunt in naves. ibi in altum evectos atrox tempestas impexit litoribus, multique navalium sociorum naufragio desiderati sunt. De his rebus aculeatis invicem epistolis imperatores duo scripserunt. Metellus *datum a senatu populoque Romano imperium, gloriamque rerum gerenda-*

§ XLVIII. Strab. l. 10. Val. Max. 7, 6. Appian. ap. Fulv. Urfin. § XLIX. Cic. pro leg. Manil. c. 12. Plut. in Pomp. c. 48. Flor. Diodor. Appian.

*rum eripi sibi a Pompejo, gestarumque pretium querebatur, qui ad accipiendas urbium deditiones legatum in alienam provinciam misisset. Pompejus id a se rite atque ordine factum asserbat: universam enim insulam, cum nulla pars ejus præfinitum Gabinia lege modum excedat, ad suam curam pertinere; nec officio se defuturum. Sed hæc utcumque speciose dicta, non tegebant penitus insitam animo ambitionem, ut neque amicissimis ejus probarentur; nedum ut ab instituto revocare Metellum possent.*

§ L. Liv. Epit. Plut.

---

# JOANNIS FREINSHEMII SUPPLEMENTORUM LIVIANORUM

LIBER LXV.

IN LOCUM LIB. C LIVIANI.

## EPITOME

LIBRI CENTESIMI.

*C. Manilius tribunus plebis magna indignatione nobilitatis legem tulit, ut Pompejo Mithridaticum bellum mandaretur. Concio ejus bona. Q. Metellius, perdomitis Cretensibus, liberæ in id tempus insulæ leges dedit. Cn. Pompejus, ad gerendum bellum adversus Mithridatem profectus, cum rege Parthorum Phraate amicitiam renovavit, equestri prælio Mithridatem vicit. Præterea bellum inter Phraatem Parthorum regem, & Tigranem Armeniorum, ac deinde inter Tigranem filium patremque gestum, continet.*

**I.** POSTQUAM eo contentionis ventum inter viros amplissimos, civile bellum in expectatione erat, quia Pompejus se parabat, ut in Cretam transmitteret, Metellus ei nequitiam cessurus videbatur; cum improvisa res a proposito Pompejum ad aliam uberioris gloriæ expeditionem avertit. C. Manlius, tribunatu plebis nuper inito, pridie Kalendas Januarias, quibus Æmilius Lepidus, L. Volca-

tius Tullus consulatum inchoarunt, inclinanti die legem Sulpiciam *de libertinorum suffragiis* retulerat, *uti pari cum patronis suis jure ferrent.* Abusus ad hoc propositum erat Compitalium solemn, quod forte pereos dies celebratum, ex veteri consuetudine pro liberis agere sinens servos, occasionem præbebat, ut multi ejus generis ingenuæ plebi permixti jubere rogationem possent: eique actioni favisse quoque C. Cornelius putabatur.

II. Cum res per tumultum ageretur, ut factio tribunum clivum Capitolinum obsideret, L. Domitius Ahenobarbus quæstor perrupit ac disjecit agmen; multisque Manilianorum interfectis, plebi metum, Patribus animum addiderat. Igitur senatus postridie statim, quam consules inierunt, lege damnata, tribuno tantum incussit metum, ut primo *legis auctorem M. Crassum fuisse* diceret, &, postquam id credebat nemo, ipse quoque abjiceret legem. Sed quo firmiorem sibi compararet patronum, adulari Pompejum etiam invitum ac ignorantem cœpit; cum in magna apud eum gratia Gabinium esse cerneret, cujus rogatione maritimum imperium fuerat adeptus.

III. Nam illum, simul abiverat tribunatu, Pompejus, *ut sibi legaretur*, postularat. Idcirco legem C. Manilius, venalis alienæ potentiæ minister, *de imperio Pompeji tulit, ut manentibus, quæ Gabinia lex dedisset, Cilicia & Bithynia provinciæ, bellumque contra Tigranem atque Mithridatem reges adjicerentur: utique imperium in omnes populi Romani exercitus extra Italiam haberet: utique jus ei ac potestatis esset, hostes sociosve populi Romani exercitus judicandi, sicut e re publica & sua fide esse censuisset.* Maximam ea rogatio nobilitatis indignationem excitavit, quæ Gabiniam quoque legem ægerrime passa, quod supra ceterorum æqualitatem nimium efferri Pompejum videbat, nunc plane dominum imponi cervicibus suis existimabat.

¶ I. Ascon. in Cornel. Dionys. Halic. § II. Ascon. in Milon. & Cornel. Diodor. Cic. pro leg. Manil. c. 12. Vellej. Appian. Mithrid. § III. Cic. pro leg. Manil. c. 19. Appian. Mithrid. Liv. Epit.



IV. Hoc maxime stimulo, quamquam & Luculli injuria, & Glabrionis Regisque, quibus ante tempus adimebantur provinciæ, commoti Patres, mutuo se cohortabantur, *ut huic rogationi resisterent*. Sed ubi comitiorum dies affuit, & incitata populi voluntas constantiam excusserat; præter Q. Catulum & Q. Hortensium, qui Gabiniam quoque legem dissuaserant, ora omnes tenuerunt. Q. Catulus multa locutus, cum moveret neminem, sæpe exclamavit, ad Patres conversus, *quærendam esse arcem tuendæ libertati in tanta desperatione rerum omnium, quemadmodum majores olim bello Gallico, deserti a populo, in Capitolium confugissent*.

V. Sed scivit legem populus, & ipsius Manilii egregia concione inductus, & Cæsaris atque Ciceronis impulsus auctoritate, qui eam suaserant: Cicero quidem ea oratione, quam hodieque mirantes legunt. Cæsar etiam Gabiniam legem adjuverat; non quod Pompejo cuperet, sed ut populum, cujus tum erat potentior Patribus factio, haberet propitium, eundemque ad sciscenda nimia & inusitata, sibi mox eadem pollicitus, assuesceret. Cicero præ se optimatum amorem semper tulerat, eoque adilitatem petierat, omisso tribunatu, ne populi studiosior videretur.

VI. Tum autem, siue gratiam Pompeji affectans, siue ut in se momentum esse, quibus accessisset, partibus ostenderet, plebi se applicuit. Erat autem tum præter eloquentiæ vim, magistratus etiam amplitudine potentior: præturam enim gerebat, secundo populi rumore, maxime postquam in judicio Q. Licinii Macri magnam integritatem constantiamque ostenderat. Vir ille prætorius, cum repetundarum esset postulatus, tantam in suis opibus gentilibusque sui M. Crassi amicitia fiduciam reposuerat, ut, iudicibus in suffragium missis, conferret se domum tanquam certus victor, tonsaque coma, & habitu priore, quem reus, mutaverat, resumto, in forum reverteretur.

§ IV. Plut. in Lucull. c. 74. Diodor. § V. Liv. Epit. Flut. Diodor. § VI. Cic. pro leg. Manil. c. 24, & ad Attic. 1, 3. Val. Max. 9, 12.

VII. Sed Craſſo *damnari eum* renuntiante, cum e Mœniano prætextam ponere prætorem, dum ſententiæ dirigerentur, conſpexiſſet; miſit ad eum, qui diceret, *ſe ante damnationem periſſe, nec bona ſua hæſtæ ſubjici poſſe*. protinuſque correpto ſudario, quod forte habebat in manibus, in os inſerto intercluſit ſpiritui viam. Cicero, re cognita, nihil de eo pronuntiavit. Ita patrimonium filio (Calvus is fuit, præcipui mox nominis orator) inuſitati exempli mors patris conſervavit. Manilia lege perlata, ſenatus in illum inſtammata ſunt odia: ſed ſacroſancta majeſtate tutum nihil interim potuerunt lædere. exacto tribunatus tempore accuſator comparatus, ad Ciceronis tribunal eum forte poſtulavit.

VIII. Iniquius cum reo egiſſe Cicero videbatur: præſertim quod eniſe *tempus ad deſenſionem* poſtulanti, *unam tantummodo diem* conceſſerat. Ob eam rem raptus ad roſtra a tribunis, & invidoſe ad populum traductus, poſtulata audientia, *ſemper ſe æquum ac benignum miſeris, quatenus per leges liceret, fuiſſe* oſtendit. *eandem benevolentiam C. Manilio præſtare voluiſſe, ut ante eam diem, quæ ſola ei prætura ſuperreſſet, judicium ageretur. neque enim faventis eſſe, ad aliud potius prætoris arbitrium quæſtionem rejicere.*

IX. Hæc audita mirifice opinionem vulgi mutaverunt: fauſtiſque acclamationibus exceptus Cicero, & rogatus eſt, *ut Manilii amplecteretur cauſam*. Atque ille populi ſtudiis lætus, ſimul uti Pompejum demereretur, de integro concione habita, acriter *in paucorum potentiam, Pompejique amulos* invectus eſt. Sed Manilianum judicium ſubito tumultu turbatum eſt, ſollicita civitate ob conjurationem, P. Pœti & P. Sullæ opera conflatam, qui deſignati conſules, deinde damnati ambitus fuerant, ut paulo poſt memorabimus, cum, expoſitis, quæ interim bello geſta ſunt, ad res urbanas revertemur.

X. Q. Metellus, nullo jam impediante, quod ad alia converſæ erant æmuli curæ, redactis in poteſtatem, quæ

resisterant, Cretenſi bello finem impoſuit; iſdemque conditionibus recepto in fidem Laſthene, quibus & Panares antea ſe dederat. Hic finis fuit libertati Cretenſium, ad iſtud ævi illibatæ. Etiam inſtituta majorum mutare coacti, novas leges, præſcribente Metello, acceperunt. Metellus, conſtitutis in Creta rebus, *Creſici* cognomento accepto, juſtius illi quidem, quam ante illum M. Antonius id geſſerat, ad triumphum deceſſit.

XI. Dilatus tamen invidia Pompeji in tertium annum triumphus eſt, qui per addiſtos ſibi tribunos ſubinde aliquid impedimenti objiciebat, ne triumphare Metellus poſſet. Ita, quidquid aliorum gloriæ acceſſiſſet, detrimentum eſſe putabat ſuæ: neque geſtis rebus maximis, neque gerendis poterat exſatiari: cum interim cupiditatem quietis, & mirum imperii faſtidium præferret. Nam, acceptis de Manilia lege literis, femur feriens, *Hem*, inquit, *adverſariorum aſtutias, qui, ut aliquando me evertant, omnibus exponunt laboribus, omnibus periculis objiciunt! ecquando erit, ut privatus otioſusque poſſim in dulciſſimorum pignorum conſpectu atque comitatu ruſticari?*

XII. Hæc adeo inepte ſingebantur, ut familiariſſimis ſtomachum facerent: neque diu fuit exſpectandum, ut factis iſtis proderetur. Nam præter inſitam ambitionem, æmulatio Luculli, ut gratiſſimum ei negotium eſſet, effecerat. Idcirco penitus abjecta Cretenſium rerum cura, toto animo Ponticum bellum complexus, præmiſſis ediſtis avocabat a Lucullo milites, *regesque & principes civitatum ſibi jubebat occurrere*. Mox provinciam ingreſſus, acta Luculli reſcindere cœpit; pœnas, præmia, ab illo, etiam de ſententia decem legatorum decreta, auferre; denique ſummò ſtudio hoc agere, ut præ ſe nullius momenti eſſe Luculli auctoritatem admiratoribus illius oſtenderet.

XIII. Tandem, cum ille per amicos eſſet queſtus, con-

§ X. Appian. ap. Fulv. Urſin. Liv. Epit. Strab. l. 10. Vellej. 2, 3. Diodor. § XI. Plut. in Pomp. c. 49. § XII. Diodor. Plut. in Lucull. c. 74.

venire ad colloquium placuit Danalis, quod Galatarum Trocmorum castellum erat. Res ibi levis in omen versa est, ex iis, quæ jam tum fiebant, minime difficili conjectura. Laureati fasces utriusque imperatoris erant: sed ut Lucullus ex amœniore venerat regione, illius erat laurus recentior. Igitur lictores ejus, Pompejanis parte concessa, dederunt ansam quibusdam, ut *victoriarum Luculli ornamenta in Pompejum cessura* dicerent. Congressus imperatorum come & benignum principium habuit, gratulantibus, & res ab utroque gestas invicem extollentibus.

XIV. Sed cito mutatus ad verum animi habitum sermo, gravibus querelis atque etiam conviciis inhorruit. Lucullus erat ætatis & consulatus tempore prior: Pompeji potior ex duobus triumphis & imperii amplitudine auctoritas. Neque deerat, quod objiceretur. Lucullus avaritiæ nomine male audiebat, & , *cum patrare bellum posset, quo diutius opulentissimas provincias obtineret, Tigrani Mithridatique præbuisse effugium* existimabatur. Hæc exagitant Pompejo, Lucullus *infinitam imperii cupiditatem* exprobrabat: *debellatumque esse* dicens *cum regibus, neque nova expeditione opus*, post acre jurgium vix ab amicis diremti sunt.

XV. Exinde Lucullus, in Galatia resistens, captos ex hostibus agros arbitrato suo distribuebat: interque nobile castellum Tomisa, quod Sophenæ regi, cujus regno adiacebat, centum talentis fuerat emptum, Ariobarzani restitutum est: contra Pompejus *judiciorum ejus haberi rationem* vetabat, nudabatque illum copiis, mille tantum & sexcentis ad triumphum relictis militibus, quos ex omni numero ferocissimos, Luculloque infensissimos esse compererat. Neque his contentus, operum ejus æstimationem verbis obterebat, *cum umbra regum & tragico quodam apparatu dimicasse Lucullum* dictitans: *nunc verum instare certamen, postquam illi, omisso ineptiis, ad arma virorumque robur se conulessent.*

§ XIII. Strab. l. 10. Plut. in Lucull. § XIV. Plut. in Pomp. Vellej. 2, 33. Diodor. l. 35. § XV. Diodor. l. 37. Plut. in Lucull.

XVI. Adversus hæc Lucullus, *non bellum Pompejo, sed imaginem belli umbramque relictam esse* jactabat. idque oppido gratum esse homini, *scdæ alitis instar ab aliis prostrata corpora, & reliquias præliorum, sequi consueto.* Sic in Sertoriani belli, sic in Lepidani, postremo Spartacii titulos irrepsisse: cum primum a Metello Pio esset, alterum a Q. Catulo, tertium M. Crassi virtute confectum. Neque mirum esse, si Ponticorum Armeniorumque bellorum affectaret nomina, qui nihil non fecerit, ut in triumphum de fugitivis quovis modo se intruderet.

XVII. Post hæc profectus est ex provincia Lucullus: Pompejusque, præmissis, qui Mithridatem ad pacem petendam hortaretur, Metrophane, cum, classibus a Phœnicia ad Bosporum usque distributis, totum in potestate mare haberet, contra regem magna celeritate contendit. Ducebat secum etiam Valerianas legiones, quæ missionem tantopere expetitam postquam impetrassent, in Pompeji gratiam spreverant. adeo ille ad animos militum alliciendos tenendosque aut aptior Lucullo, aut felicior imperator fuit. Mithridates initio spe Parthicæ societatis Pompejum spreverat: sed audito postea, *Phraaten, renovatæ cum Romanis amicitia, in regnum Tigranis irrupisse*, territus, legatos ad Romanum de pace milit.

XVIII. Sed ille ante omnia transfugas reposcebat. Quod ubi in castris regiis est cognitum, & a transfugis, ne dederentur, & a barbaris, ne spoliarentur horum auxilio (multi enim & manu prompti erant) tumultuatum est acriter, non sine periculo regis: donec progressus in medium juravit, *sibi propter avaritiam Romanorum inexpiabile cum illis bellum esse: neque traditurum eis quemquam; neque omnino facturum, nisi quod ex utilitate omnium esset.* Neque vero missos a se oratores pacis petendæ fuisse; sed ut sub habitu legatorum castra Romana specularentur. Interim quæ Pompejo usui futura crediderat, vastabat urebatque, ut com meatuum inopia vim ejus impetumque frustraretur.

§ XVI. Plut. Diodor. § XVII. Diodor. Plut. Liv. Epit. § XVIII. Appian. Mithrid. Diodor.

XIX. Sed ubi Pompejus in Armeniam minorem convertit agmen, metuens ei per absentiam suam Mithridates, eodem cum phalange triginta millium, & tribus millibus equitum movit. Veteranus hic erat, & ex omni regno cum cura lectus exercitus: quem tum in montem quendam arduum munitumque subduxit, (Dastira vocabant) in Acifilena situm. Ibi castris positus, hostem atterere mora sedendoque conabatur. nam, quod in amica regione confederat, promptius ipsi commeatus subvehebantur.

XX. Interea per equites, qua parte virium præstabat, planitiem subjectam incurfando, subinde excipiebat quosdam, multis quoque ad illum ea de causa transfugientibus. Mutata deinde cum loco fortuna est, postquam omisum a Mithridate jugum Pompejus castris occupavit. Propter aquæ penuriam Mithridates reliquerat locum: sed Pompejus ex fruticum proventu, situsque indole, quod res erat conjectatus, puteos fodi jussit. tantaque mox aquæ affluentia fuit, ut tamdiu hoc ignorasse Mithridatem mirarentur. Accedebat aliud ex ingenio locorum commodum, quod obsita virgultis & arboribus regio tegebat Romanos, ne equitum & sagittariorum regionum excursibus paterent. Eadem res admonuit Pompejum, ut insidias equitatu hostium, natis ad eam fraudem vallibus, strueret.

XXI. Igitur noctu tribus leviter armatorum millibus, cum equitibus quingentis, inter duo castra occultatis, prima luce paucos misit ad vallum regis equites, ita doctos, ut operam darent, quo universus equitatus hostilis eliceretur. eo facto, servatis ordinibus se subducerent, donec insidiis fecissent erumpendi opportunitatem. Omnia obedienter industrieque facta. Successus etiam expectationi par affuit. Regii, novo, unde minime putaverant, hoste emicante, conversis etiam, quorum paulo ante terga viderant, territi, cum utrinque cæderentur, & pedes etiam cominus sgressus

§ XIX. Oros. 6, 4. Plut. Appian. Strab. l. 12. Diodor. § XX. Plut. Diodor. Front. 2, 5.

equos confoderet; multis fortibusque viris amissis, ad castra refugerunt.

XXII. Secuti sunt victores, irrumpebantque cum fugientibus, nisi Mithridates, re provisâ, peditum phalangem opposuisset. Hoc prœlium, detracta regi, quam habebat in equestribus copiis, fiducia, magnis commodis victorem exercitum auxit. brevique liberior ipsis, angustior hosti frumentatio, abundantiam Romanis castris, inopiam & pæne desperationem regiis attulit. Nam in regionibus paulo ante per Lucillum vastatis exiguæ copiae erant; neque acciri longius, equitatu magna ex parte amisso, poterant.

XXIII. Igitur crebra fiebant ad Pompejum transfugia: quibus efferatus Mithridates, quos eadem molitos cognoverat, acerbissimis suppliciis afficiebat. Inde pauciores jam, ob magnitudinem poenæ deterritis plerisque, transfugiebant: sed non ideo cessabat penuria, quæ tandem etiam invitum ad interiora regni sui Mithridatem retruxit. Una spes erat, futurum, ut in locis omni clade belli vexatis non diu durare Romanus posset. eam irritam Pompeji providentia fecit, qui, dimissis ad longinqua frumentatoribus, maximam annonæ vim a tergo subvehi iusserat. Cum esset adeptus hostem, ad orientalem regni plagam redactum, circumvallare pugnam detrectantis castra cœpit, vallo viginti ferme milliarium, crebrisque in circumitu castellis exædificatis.

XXIV. Id opus Mithridates, sive prœlium vitans, sive per imprudentiam, quæ ferme præcedere calamitatem solet, non impedivit. Fame mox urgente, quidquid in castris jumentorum erat, consumpsit; nec sic quidem ultra quinque & quadraginta dies sufficiente victu. Præterea multos ad Pompejum Romanos milites venire quotidie, totumque Marcii Regis exercitum, didicerat. Igitur fugam meditans, quo consilium suum occultum foret, solito latius,

§ XXI. Diodor. Appian. Front. § XXII. Appian. Front. Diodor. § XXIII. Front. 1, 17. Appian.

& usque ad valles ante Pompeji castra fitas, pabulatus, colloquia quoque cum pluribus, avertendæ suspicionis causa, in posterum diem constituit.

XXV. Ignibus deinde frequentioribus per tota castra fieri jussis, secunda vigilia, nihil tale suspicante Pompejo, præter vallum ejus eduxit validam copiarum partem: cum antea, quod inutile & ægrum in castris fuerat, occidisset. Ad Tigranem habebat iter, ut illius opibus protegeretur. sed haud multo meliore in statu res Tigranis erant, Gordyenen repetente Partho, &, postquam non dabatur, armis vexante Armeniam: quodque omni externo bello erat gravius, Tigranes adolescens arma contra patrem ceperat. Tres omnino filios e Cleopatra Mithridatis filia Tigranes sustulerat: quorum duo a patre erant interfecti: Sariaster in prælio, cum, inita conspiratione cum amicis, haustoque dextrarum sanguine, vim parasset; alter in venatione, quod equi lapsu præcipitem patrem neque sublevarat, & jacentis adhuc diadema capiti suo imposuerat.

XXVI. Tertius Tigranes, quod patris casu indoluerat, corona ab eo donatus est. Sed idem postea, deducuntibus quibusdam principibus Armeniorum, qui senis imperio gravabantur, ad Phraatem confugerat, ejusque ducta filia, præcipuus invadendæ Armeniæ auctor exstiterat. Igitur Phraates, deficientibus ad eum, aut vi subactis, quotquot ad Artaxata usque colebant, (quia pater Tigranes metu Parthorum in montes refugerat) urbem obsidione cinxit. ea cum diuturnior futura videretur, ipse regni sui negotiis avocatus, partem copiarum genero reliquit. At rex Tigranes, discessu Phraatis cognito, relictum ad Artaxata filium egregie vicit. Juvenis ad avum Mithridatem prius intendit fugam; deinde, cognito, ipsum potius egere auxilii, quam auxiliari cuiquam posse, in Pompeji castra venit.

XXVII. Inter hæc reversus in urbem Lucullus, fratrem

§ XXIV. Plut. in Pomp. c. 52. Diodor. Front. Appian. § XXV. Appian. Plut. Diodor. l. 37. Liv. Epit. § XXVI. Diodor. Plut.



Marcum reperit a C. Memmio Gemello tribuno plebis, propter ea, quæ Sullæ jussu quæstor gesserat, accusari. Multi enim tum in judicium, ob illorum temporum delicta, vocabantur. Sed ille quidem absolutus est. at, facto in Lucium impetu, Memmius cum populo cœpit agere, *ut triumphum ei negaret: multa illum intervertisse, & bellum, cum finire posset, ultro duxisse* arguens. Contra Lucullus, ratione gestorum reddita, contra invidiam meritis pugnabat: neque eo minus Pompeji potentia tanta fuit, ut per venales homines, tanti viri justissimus triumphus in totum triennium differretur.

§ XXVII. Plut. in Lucull. c. 77. Ascon. in tog. cand. Plut. Nic. Damascen. ap. Athen. Sallust. Catilin.

---

JOANNIS FREINSHEMII  
SUPPLEMENTORUM  
LIVIANORUM

LIBER LXVI.

IN LOCUM LIB. CI LIVIANI.

---

E P I T O M E

LIBRI CENTESIMI PRIMI.

*Cn. Pompejus Mithridatem, nocturno prælio victum, coegit Bosphoron profugere. Tigranem in deditionem accepit, eique, ademptis Syria, Phœnice, Cilicia, regnum Armeniæ restituit. Conjuratio eorum, qui in petitione consulatus ambitus damnati erant, facta de interficiendis consulibus, oppressa est. Cn. Pompejus, cum Mithridatem persequeretur, in ultimas ignotasque gentes penetravit: Iberos Albanosque, qui transitum non dabant, prælio vicit. Præterea fugam Mithridatis per Colchos Heniochosque, & res ab eo in Bosporo gestas, continet.*

I. **M**ITHRIDATES interea Pompejum fugiens ita profectionem instituebat, ut noctibus progredereetur, interdum requiesceret. Neque multum itineris præceperat, & postridie statim, quam castra movisset, Romani erant extremum agmen consecuti: nec dubitabant amici regis, quin pugnandum esset; ipse alia omnia præterens, satis habebat, equitibus emissis, antecursores Pompeji repellere. Ita co-

dendo Mithridates, insequendo Romani, ad fines Tigranis usque processerunt. Neque enim cupido pugnandi Pompejo, aut dies opportuni erant, quod castris Mithridates tum se continebat; aut noctes, quod in locis ignotis temerarium videbatur inter tenebras confluere. Sed ubi ventum ad Euphratem est, quem si transmittere Mithridates occupasset, effugerat; non diutius cunctandum ratus imperator, ita se exercitumque paravit, ut proxima nocte dimicaret. Armenia minor erat, per quam ibatur: neque longe distabat annis, terminus hujus & alterius Armeniæ, cui Tigranes imperabat.

II. Igitur quiescentibus sub meridiem barbaris, Romanus silentio castris egressus antevertit hostem, & in via, qua transeundum regiis erat, locum editiorem occupavit, ut majori impetu in subjectos decurreret. Nocte cœpta barbari ex priore instituto capeſſunt iter: adeo jam soluti cura, quod ad loca tuta perventum credebant, ut nulli speculatores præcederent agmen. Idcirco prius subjectam Pompeji castris vallem ingressi, quam hostem adesse putarent, ad subitam dimicationem sunt coacti. Magnus & multiplex is terror fuit, & astu Pompeji de industria auctus. Primum enim omnes simul tubicines clavicum canere jussi: eum clangorem militum lixarumque acerrimus clamor excepit, hastarumque sonitus ad clypeos allisarum, & quem inermis turba, faxis ærea vasa pulsans, haud minus terribilem auribus ciebat. eaque omnia montium percussu in majus augebantur.

III. Hoc repentino tumultu propemodum debellatos hostes omni ex parte Romanus invasit, lapides sagittasque & pila, quamvis per densas tenebras, haud vanis ictibus ut in tantam multitudinem jaculatus. Barbari longo & mixto agmine, quod ad iter, non ad prælium, erant egressi, mutuo se impediabant: inter angustias locorum equis camelisque & vehiculis, quæ mulieres portabant, armatos turbanti-

§ I. Diodor. Appian. Plut. in Pomp. c. 52. § II. Eutrop. Prolem. Diodor. Front. 1, 7.

*T. Livii Vol. X.*

C

bus. Consumtis deinde missilibus, cominus congressus miles cædebat primos, turbabat sequentes: & cito fiebat ferro via, quod inermes plerique Ponticorum uno vulnere sternebantur. Inter hæc emicans forte nubibus luna recreavit barbaros, ut, si nihil aliud, visuros saltem hostem sperarent, & minore pugnatorios periculo, si, quale illud, & unde maxime timendum esset, agnovissent.

IV. Sed lunæ etiam fallax & perniciosus eis splendor fuit, cum adversos ipsorum perstringeret oculos, conspicuumque hosti agmen efficeret. Summa tamen noxæ in eo fuit, quod umbra, quæ a Romanis corporibus per longum intervallum ad suos ordines pertingebat, decepti, tanquam in propinquum hostem tela miserunt. Eo Romani animadverso, cum clamore fuggressi sunt, Ponticosque tot malis circumventos pepulerunt. *Ad millia decem eo prælio cecidisse traduntur, neque pauciores esse capti.* Romani milites viginti cum duobus centurionibus interfecti sunt, vulnerati mille. Sunt, qui regionum capta cæsaque referant quadraginta millia: quot vix existimen in eo Mithridatis exercitu fuisse; præsertim cum multos etiam effugisse sit proditum, inter quos & Mithridates fuit.

V. Is jam ab initio pugnæ, cum equitibus octingentis, pèr Romanam aciem se eripuerat. deinde diffugientibus metu ceteris, relictus ab omnibus, tres omnino comites retinuit. quo in numero pellex ejus fuit Hypsicratea, masculi animi roborisque mulier, quam ideo Hypsicratem nominare rex consueverat. Ea tum virilem vestem Persicam induta, equo vehebatur: neque longinquitate fugæ, nec curando interim corpore & equo regis fatigata, cum eo ventum miseriarum esset, ut ipse plerumque per invia manu traheret equum; donec in globum equitum mercenariorum, & peditum tria ferme millia incidit, a quibus deductus est in castellum Synoria, sic appellata, quod

§ III. Liv. Epit. Diodor. § IV. Front. Flor. 3, 5. Oros. Diodor, Plut. Eutrop.

ibi utriusque Armeniæ confinia coibant; quo loco Mithridates magnam pecuniæ vim habebat repositam.

VI. Inde sumtis pretiosis vestibus, & inter præsentis distributis, stipendium annuum militi, donativo insuper adjecto, numeravit. Venenum etiam, quod in iisdem thesauris habuerat, dispersit amicis, ne cui necessum esset in manus hostium invito incidere. Sex deinde talentorum portans millia, cum ad Tigranem properaret, cognoscit, *legatos a se præmissos in vinculis, suum in caput centum a Tigrae pronuntiata talenta esse, quod eum filio defectionis auctorem fuisse Tigranes autumabat.* Igitur flectit ad fontes Euphratis iter; præteritis illis, Colchidem petiturus, quarto die contentissimo cursu pervenit ad fontes, triduumque moratus, (nam interea veteres, & quæ postea accesserant, copias recensabat, armabatque) Cothenen, majoris Armeniæ præfecturam, ingressus est.

VII. Prohibebant aditum Cotheni, Iberis etiam quibusdam adjunctis. Sed hos glandibus ac missilibus pugnantes Mithridates submovit; penetravitque ad flumen Abstarum. Deinde pacato per aliquot gentes itinere Dioscuriada venit, *quam in Colchis condidisse Castorum aurigæ Amphistratus & Rhecas ferebantur.* Interim Pompejus, qui ad persequendum Mithridatem partem equitum & levis armaturæ miserat, cum effugisse illum Phasi transmissio comperisset, in loco prælii novam urbem condidit. Hic, quod ætate morbisve sessum in castris erat, lixasque volentes collocavit: & accessit sponte finitimorum barbarorum multitudo. *Nicopolis* ab argumento vocata est: inter duo flumina Euphraten Araxenque jacet, quæ ab eodem monte diversis tamen specubus profiliunt, non amplius sex milium intervallo. Cursus non idem utrique: nam Araxes ad Orientem deflectens, in mare Caspium effunditur.

VIII. Hæc agentem Tigranes juvenis accessit, ex præ-

§ V. Plut. Cic. pro Muræn. c. 16. Appian. Strab. l. 12. § VI. Appian. Plut. Diodor. § VII. Plin. 6, 5. Strab. l. 11. Diodor. Oros. 6, 3. Appian. Plut. Vellej. 2, 37.

lio, sicut supra dictum est, profugus; ductoremque se paternum regnum invadenti præbuit. Multis itaque populis metu Pompeji, partim etiam regii juvenis favore, deficientibus, rex lenitatem Romanam, quam vim, experiri maluit: missioque caduceatore, legatos transdidit Mithridatis.

IX. Sed obstitente filio, cum æqui nihil impetrasset, & *Araxe transmissio*, venire Pompejum audiret, quamquam evocatis amicis, cognatisque Artaxata præsidio muniverat; Romano se statuit dedere. Sextodecimo inde milliario castra Pompejus locaverat: auditoque Tigranis adventu, tribunos præfectosque honoris causa miserat obviam. Eos amici comitesque regis conspicati, in metum adducti sunt, quia Tigranes, nemine præmissio, neque potestate ea impetrata, veniebat, ne hostiliter exciperentur. Sed Tigranes, diffugientibus ceteris, nihilo secius institutum iter peregit. Cum vallum intraret eques, duo Pompeji lictores descendere jusserunt, *quod ita ingredi castra Romana non liceret.*

X. Idcirco pedibus perrexit ad Pompeji tribunal, e tanto fastu rex modo regum ad pudendam humilitatem animo delapsus, habitu inter pristinam pompam & præsentem fortunam temperato. Imitatione Persicorum regum tunicam albo colore distinctam, aliamque vestem purpuream totam (*Candys* hæc, illa *Sarapis* vocabantur) gestare consueverat: eas tum omisit, tiaram cum diademate retinuit. Sed progressus, ubi Pompejus erat, detractum capiti ad pedes illius deponere, ipse procumbens adorare imperatorem coepit, *hoc uni se Pompejo dare præfatus: neque cujusquam alterius, aut Romani, aut barbari, fidei se permissurum fuisse: neque turpe sibi existimare, ei viro subjici, quem Fortuna supra omnes extulisset.*

XI. Pompejus manu sublevatum, neque procidere ad genua passus, diadema suis manibus capiti ejus imposuit, regemque appellavit, & *confidere* jussit. ipse inter patrem si-

§ IX. Plut. Liv. Epit. Eutrop. Appian. Diodor. § X. Curtius 3, 3. Diodor. Eutrop. Vellej.

liumque medius, benigna oratione compellavit: *neque excidisse ipsos Armenia, & insuper amicitia Romana auctos esse, confirmabat. Se porro nihil adempturum eorum, quæ ad eam diem tenuissent: sed neque reddere dudum amissa posse. L. Lucullo imputandum, quod carere oporteat Syria, Phœnicia, Cilicia, Galatia, Sophene: sibi, quod cetera relinquantur. Ea se, ut antea, patris imperio regenda permittere: Sophenen tamen filio proprium regnum dare. At quando bellum populo Romano sine causa commoverit Tigranes; ideo se ei multam sex millia talentorum dicere.*

XII. Omnem eam pecuniam, sicuti Pompejo moris erat, quæstores acceptam in publicas tabulas retulerunt. Neque enim Tigranes quidquam recusabat, quin, impetratis conditionibus, *quingenas drachmas in milites Romanos, millenas in centuriones, decuplum ejus in tribunos, hospitale munus pronuntiavit. Sed hæc ut feni, tali quidem in sorte, prospera lætaque; ita adolescenti indigna, acerba, intoleranda videbantur. Is neque venienti patri affurrexerat, neque ullum aliud reverentiæ, aut etiam translatitiæ humanitatis ediderat signum.*

XIII. Vocatus deinde ad cœnam, quam patri Pompejus dabat, neque affuit; & *dixisse dictus est, Pompejo se honoris hujus gratiam facere: neque sibi alium Romanum imperatorem desore, per quem cupita consequatur. Pompejus, his nondum auditis, aut dissimulata injuria, postridie inter patrem filiumque controversiarum arbiter sedit. Senior Tigranes patrium regnum retinere jussus, ea lege, ut filio utique herede decederet: Sophene Gordyeneque juveni sunt attributæ. Sed is thesauros etiam (nam ibi asservabantur) retinere cupiverat. frustratus autem, (nec enim aliunde promissa Romanis pecunia poterat exsolvi) tantum indignationis concepit animo, ut de fuga, atque etiam infidiis patri struendis deliberaret: incitantibus maxime proceris*

§ XI. Plut. Diodor. Val. Max. 5, 1. Cic. pro Sext. c. 27. Vellej. Liv. Epiz. § XII. Plut. Eutrop. Vellej. Strab. Appian.

bus, qui rege, dum ad Pompejum proficiscitur, deserto; pœnam metuebant.

XIV. Vanum id consilium fuit, quia Pompejus, indicio ad se delato, juvenem libera custodia attinebat: missis interea circum castella, qui *pecunias a custodibus patri Tigrani tradi* juberent. Atque his *jussa junioris expectare* ob-  
tendentibus, *cujus in ditione regnum Sophene esset*, adductus ad castella juvenis, cum clausa reperisset, *aperiri*, quamquam invitus, imperabat. sed illi sic quoque recusare: *nam coacti, non volentis, id imperium esse*. Idcirco Pompejus, ira commotus, in vincula conjecit hominem. ita demum patris in potestatem thesauri sunt traditi.

XV. Atque ille liberaliter his usus ita devinxit Pompejum, ut mox *socium amicumque populi Romani* appellaret, & gravem senectuti ejus discordemque filium interim haberet in vinculis, donec decedens secum ad triumphum abduceret. Id ne fieret, focer juvenis Phraates, missis ad Pompejum legatis, impedire studuerat, *ad se remitti* petens. *simul terminum Parthici Romanique imperii Euphraten esse* postulabat. De Tigra-  
ne responsum, *ia parvis potius potestate filium, quam in potestate soceri generum, censeri æquum esse: terminum imperiorum eum fore, quem jus & fas statuissent*. Armeniorum calamitas Ariobarzani commodo fuit, cui tum Cappadociæ regnum est redditum: & adjecta Sophene Gordyeneque, Tigranis filio ante datæ; quæ ex eo tempore Cappadociæ partes sunt habitæ, & dum regnum Cappadocum stetit, & postea cum Romanorum est facta provincia.

XVI. Eidem & civitatem Ciliciæ Cabala, cum nonnullis aliis dedit. Meruerat hoc constanti adversus populum Romanum fide, ob quam longissimo tempore aspera multa toleraverat, per Tigranem, per Mithridatem aliquoties regno pulsus. Igitur casuum socium, & filium videndi regem cupidus, rerum regimen in illum superstes

§ XIII. Diador. Plut. Appian. § XIV. Plut. Diodor. Appian. § XV. Diodor. Plut. Appian. Liv. Epir.



adhuc transtulit, memorabili exemplo. Forte a Pompejo in tribunal invitatus, sella curuli sedebat; cum filium in cornu scribæ assidentem non ferens, descendit, eique diadema imposuit. Orto inde certamine, cum pari pietate senex offerret regni insignia, juvenis repelleret, auctoritas Pompeji finem dedit, confirmato patris judicio, honoribusque novo regi exhibitis. Pompejus, his in Armenia gestis, relictoque ad tutelam pacatorum Afranio, persequi Mithridatem conatus, per gentes feras ignotasque Caucasum accolentes exercitum circumduxit. Frequentes ille tractus populos, sed præcipuæ potentiae Albanos & Iberos habuit. illi ad Orientem & mare Caspium porrigebantur; Albani ad Pontum & Moschicos montes pertinebant.

XVII. Hæc ingressus loca Pompejus, quia periti fidi- que duces deerant, tanquam in mari, astris sequebatur viam. Satis pacatum ab initio iter fuit, *transitum* petente Pompejo, his concedentibus: donec in Tanaiticam regionem perventum. ibi propter frigoris asperitatem hiberna tribus locis sunt posita. Tum Oroëses Albanorum rex, partim amicitia Tigranis adolescentis motus, ceterum sibi timens, ne aliorum regum exemplo ab his hospitibus opprimeretur, sub ipsa Saturnalia ad quadraginta hominum millia Cyrum fluvium transduxit; magna spe, fore, ut incautos per hiemem Romanos, & diviso exercitu, aggredientibus opportunos, simul omnibus locis adortus, ne subvenire invicem possent, aliqua certe parte operæ præ- tium faceret.

XVIII. Non fefellit barbari dolus Pompejum. igitur, licet prohibere trajicientem posset, expectare, dum veniret in manus, maluit: nuntiisque in cetera hiberna missis, *ut intenti paratique omnes essent*, monuit. Oroëses ita par- titus erat copias & negotia, ut ad eripiendum Tigranem, quem in custodia Metellus Celer habebat, ipse proficisceretur: alios adversus Pompeji castra, reliquum exercitum ad opprimendos, qui cum L. Flacco erant, mitteret. Nus-

quam spei respondit eventus. ipse profligatus a Metello, ne ducibus quidem suis melius cessisse cœpta, triste nuntium accepit. Flaccus, majorem castrorum ambitum defensu difficilem ratus, interius munimentum struxerat: deinde simulato metu, attractos intra prius vallum hostes, subita eruptione ceciderat, multis in prælio, neque paucioribus in fuga, interemtis.

XIX. Pompejus adversum se venientes obviam egressus, eo ipso exterruit: & qui necopinantem opprimi posse speraverant, in hoc incommodum ipsi inciderunt. At ille, post hanc victoriam nihil moratus, Orœsen petebat: sed barbarus jam præverterat. magna tamen Albanorum multitudo in transitu Cyri occupata atque interfecta est. Orœses, legatis ad imperatorem missis, veniam pacemque petiit: neque enim fas esse, fratres invicem agitare hostilia. *Hercules enim, cum boves Geryonis per Italiam ageret, ab Albano monte majores eorum in ea loca traduxisse credebatur. Quemadmodum & Iberos ab Hispania, quam Iberiam Græci vocant, quantumvis ineptis fabulis læti, nullo nisi nominis argumento, venisse tradiderunt. Dedit tamen Albanis veniam Pompejus, non tam cognationis causa, quam quia per tempus anni, parum bello commodum, exercitum quiete refici convenientius judicabat.*

XX. Iisdem temporibus, dum ad Orientem arma Romana peregrinantur, periculosa domi conjuratio erupit, ab ambitu consularium comitiorum profecta. Namque L. Catilina, cum ex prætura Africam obtinuisset, ad petitionem decesserat. Sed quia graviter vexaverat provinciam, Afri legati jam tum de absente erant questi, multæque graves in senatu de eo sententiæ dictæ. Postulatus deinde a P. Clodio, non minus fœdo homine, contra testimonium Q. Metelli Pii, prævaricatione, ut putatur, accusatoris, est absolutus ab equitibus & tribunis ærariis, cum senatorum urna damnavisset.

§ XVIII. Plut. Diodor. § XIX. Justin. 42, 3. Appian. Mithrid.  
§ XX. Diodor. Flor. 4, 1. Liv. Epit. Cic. & Ascon. in tog. cand.

XXI. Dolebat tamen, quod ea res, cum intra legitimos dies profiteri non posset, petiture consulatum impedimento fuerat. *rationem enim ejus haberi non posse*, referente ad consilium L. Volcatio Tullo consule, qui comitia habebat, erat judicatum. Forte acciderat, ut paulo ante designati consules P. Antronius Pœtus, P. Cornelius, Servio Sulla dictatoris fratre genitus, lege Calpurnia postularentur; hisque damnatis, L. Cottæ, L. Torquato, consulatus destinaretur: nam Cotta Antronium, Torquatus Sullam reos peregerant.

XXII. Hi igitur, fociatis cum Catilina consiliis, paucos præterea participes adhibuerunt. De Cn. Pisone, nobili & audaci juvene, non dubitatur, quocum circiter Nonas Decembres rem Catilina & Antronius communicarunt. Sed M. Crassus consularis, & designatus ædilis C. Cæsar, venerunt in suspicionem: multis, tanquam rem haud dubiam, non tantum credentibus, sed etiam posteriorum prodentibus memoriæ. *Hi convenisse dicunt, ut principio anni senatum adorirentur: & trucidatis, quos placitum esset, consulibus ante omnes, dictaturam Crassus invaderet, Cæsar ab eo magister equitum diceretur: constitutaque ad arbitrium republica, Sullæ & Antronio consulatus restitueretur.*

XXIII. Sed emanavit indicium rei, senatumque perpulit, ut consulibus magistratum inituris præsidium decernerent. Factum etiam contra conjuratos senatusconsultum erat: sed ei, tanquam *re nondum satis cognita*, tribunus quidam plebis intercessit. Kalendis Januariis, cum L. Aurelius M. F. Cotta, L. Manlius, L. F. Torquatus in Capitolium ascendissent, (quo die locoque patraturi cædem conjurati fuerant) conspectum præsidium audaciam emovit mentibus, Crassusque pœnitentia, an metu, incertum, destituit focios: eoque ne Cæsar quidem signum, quod ab eo dari convenerat, dedit.

§ XXI. Sallust. Catilin. c. 18. Ascon. Diodor. § XXII. Cic. de fin. 2, 19. Idem pro Corn. Sueton. in Cæs. c. 9. Sallust. § XXIII. Diodor. Sallust. Sueton.

XXIV. *Convenisse* autem C. Curio pater in orationibus scriptum reliquit, *ut togam de humero deiceret*. Idcirco rursus in Nonas Februarias consilium cædis transtulerunt; jam non consulibus modo, sed plerisque senatoribus, exitio destinatis. Erant autem Nonis ex more Patres in senatu affuturi. Sed tum etiam cessatum est a conjuratis, quia Catilina, cum nondum frequentes armati convenissent, signum præmature dederat. Neque tamen ideo spiritus sceleratorum conciderunt: præcipua Pisonis ferocia, prioribus consiliis non ita dissimulanter instantis, ut paulo diligentiores fallere posset.

XXV. Igitur cum M. Cicero ex prætura in provinciam ire nollet, Crasso annitente, Piso in Hispaniam quæstor pro prætore missus est: nec invito senatu, qui pestiferum civem procul urbe tenere cupiebat; & quia Pompeji potentia multis erat formidini, hunc ejus inimicum cupidius ornabant. *Tum quoque cum eo conspirasse Cæsarem*, auctores habeo, *ut foris Piso, Cæsar Romæ, ad res novas confurgerent*. Sed id consilium inopinata mors Pisonis dissipavit, quem in itinere Hispani quidam equites peremerunt. Ea de re diversus in civitate rumor exstitit. plerique, *propter injurias proprias id facinus ausos Hispanos*, putabant: alii, *equites illos e veteribus fidisque clientibus Pompeji fuisse*, arguebant; *neque tale facinus unquam antea patratum apud eam gentem, sæva & injusta imperia multa perpessam*.

XXVI. Inter has sollicitudines anxiam civitatem religiones etiam, & haruspicum gravia responsa terruerunt. Taetum fulmine Capitolium fuerat, complures turres percussæ, lupa gemellos lactans icta, signumque Jovis cum columna, & statua vetus Pinarii Nattæ dejectæ, & legum æra liquefacta. de his consulti haruspices, cum ex tota Etruria convenissent, *incendia templorum, interitum legum & imperii appropinquare*, dixerunt: *idque periculum a civibus, iisque nobili stirpe prognatis, imminere*. Itaque ludi per dies

§ XXIV. Sallust. Afcon. Diodor. Cic. pro Muræn. c. 20. § XXV. Cic. pro Muræn. Sallust. Diodor. Sueton. Afcon.

decem, aliaque placandis numinibus facta. Signum quoque Jovis majus faciendum, & in excelso collocandum, ita ut ad Orientem spectans (nam prius contra fuerat) foro & curiæ obverteretur, consules locaverunt. *Sic enim fore, ut consilia contra salutem urbis & imperii clam inita, senatui populoque Romano conspicua fierent, iidem haruspices docuerant.*

XXVII. Interea Cn. Pompejus, quamquam regnum Ponti possederat, nihil actum credens, donec rex viveret, sui que juris animum ac corpus retineret, Mithridatem persequabatur, & obsistentes in itinere reges nationesque debellabat. Cum Albanis & Iberis maximum negotium fuerat: sed illi nuper victi quiescebant; Iberos antiquæ libertatis fiducia (neque enim Medis Persisque, neque postea Alexandro servierant) & Artocis regis infelix astutia, in belli calamitatem egit.

XXVIII. Nam is, post impetratam per legatos amicitiam, incautiores ideo Romanos adoriri statuerat. Sed Pompejus, re cognita, prius occupandum existimans, quam se ex suo commodo paravisset; ut cito agmine difficillimos gentis aditus præriperet, urbem Acropolin (sic vocabant) ignaro adhuc expeditionis hujus Artoce circumfedit, claustrum gentis, ad Caucaſi fauces obstruendas conditum. Hæc fama regem ita exterruit, ut, Cyro amne superato, pontem exureret. eoque facilius potiti urbe Romani, præsidio imposito, transitus in potestate habuerunt: atque inde progressi, totam cis fluvium regionem subegerunt.

XXIX. Jam & Cyrum transcendere Pompejus parabat, cum legati ab Artoce affuerunt, *pacem orantes, pontemque ad transeundum, & alia necessaria pollicebantur.* His cum fide præstitis, Artoces, simul Pompejum transisse comperit, denuo timens, ad Pelorum amnem (is quoque per

§ XXVI. Cic. de divin. 1, 12. & in Catilin. 3, 12. Jul. Obsequ.  
§ XXVII. Cic. pro Muræna, c. 16. Liv. Epit. Diodor. Plut. in Pom. c. 57.

Iberos volvitur) se recepit. Pompejus, inconſuetam hominis pravitatem admiratus, qui, quos arcere tranſitu potuerat, & tanquam amicos recepiſſet, & tanquam hoſtes vitaret; citatis itineribus cis flumen eum deprehendit. celeriterque invecſus, cum arcubus utendi, quo genere pugnae plurimum Iberi valebant, ſpatium abſtuliffet, acie victum Artocen trans Pelorum fugere coegit.

XXX. Magna tamen multitudo pugnando, aut dum flumen vado tranſmeare tentant, interiit. alii pro more gentium iſtarum denſis nemoribus occultati, cum ab arboribus præaltis jacularentur, exciſis illis afflicti eliſique ſunt. Ad novem millia hominum interfecta, ſupra decem capta eſſe, traditum. Ea clades ſubegit Artocen, ut denuo legatos cum muneribus mitteret, ſerio jam pacis cupidus. Neque Pompejus ab ea abhorrebat, ad alia feſtinans: ſed fidem barbari, ſemel iterumque deceptus, idoneis pignoribus cupiebat obligare.

XXXI. Donis igitur acceptis, ne ſpem foederum abrumperet, *conventurum* negavit, *ni liberos Artoces obſidum loco mitteret*. Ille rem anxia deliberatione traxit, donec Pelorum quoque, vado per æſtatem reperto, Romani tranſierunt. tum demum abjecta cunctatione tradidit, qui poſtulaſtantur, obſides, pacemque impetravit. Pompejus, *Phaſin* *haud procul abeſſe* cognito, in Boſporum, ubi Mithridates agebat, tranſiturus per Colchos finitimosque populos, partim voluntate eorum, partim vi pullis, qui obſtiterant, Colchis, invenit viam.

XXXII. Ceterum animo reputans, reliquum iter neque terra per multas bellicoſasque nationes facile, mari etiam, ob importuoſa litora & feritatem accolentium periculoſius fore, Servilio, qui claſſi præerat, negotium dedit *Mithridatem obſervandi, neque ſinendi aut enavigare ipſum, aut quidquam ad eum portari*. Motis deinde caſtris, ut Albanos, qui interim defeſcerant, coerceret, non proximo iti-

§ XXX. Diodor. Appian. Mithrid. Plut. § XXXI. Flor. 3, 5. Diodor.

nere Cyrum petiit, quod barbari, palis in flumine defixis, impediverant, sed in Armeniam regressus, ubi minore adhuc aquarum copia vadari per æstatem poterat, aditum moliebatur.

XXXIII. Cyrus enim (quem nonnulli *Cyrnum* vocant; corrupte forsitan, cum & in propinquo fuerit Cambyfes annis) Coraxicis montibus ortus, ab Iberis & Albanis Armeniam dividit: acceptoque, ut plures existimant, Araxe, duodecim ostiis in mare Caspium decurrit. Difficilis tamen sic quoque transitus fuit: quamquam repertum & vadum, & ab hoste otium erat, ob vim & rapiditatem fluminis. Idcirco Pompejus ita ordinavit agmen, ut equites supra, inferius jumenta farcinaria, in imo milites transmitterent. Sic exceptus fractusque ab equitibus cursus aquarum, molliorem pediti transitum dabat; &, si quod jumentum vi fluctuum corripere, excipi statim ac sublevari a peditatu poterat.

XXXIV. Hinc ad Cambyfen annem perventum, quieto ab hostibus itinere, sed ob æstum sitimque infesto; quamquam ad hæc incommoda vitanda, noctu plerumque proficiscebantur; duces enim, cum ex captivis essent, de industria per difficilia loca circumducebant agmen. Ipsum quoque flumen, quod frigidissimas aquas veheret, damno majori, quam solatio, sitientibus fuit: & multi, cum affatim se ingurgitassent, in morbos inciderunt. Inde, cum adhuc hostile nihil appareret, per Cambyfenam ad Abanta fluvium processum, nihil, præter aquam, deferente secum exercitu, quæ decem utriusque millibus portabatur; nam arida illa & aquarum inops regio est. cetera benigne præbebantur ab incolis; eoque vicissim omnis ab iis injuria abstinebatur. Hoc flumen transgressis, *Orases cum ingenti exercitu adesse* nuntiatur.

XXXV. *Sexaginta millia peditum, duodecim equitum fuisse*

§ XXXII. Strab. l. 11. Plut. Diodor. § XXXIII. Plin. 6, 9 & 13. Plut. Appian. Diodor. § XXXIV. Plut. Strab. Front. Strabo 2, 3. Diodor.

referuntur *Albani Iberique, male plerumque armati, nec nisi ferarum telis tergoribus*. Igitur Pompejus longa magis itinera, & difficilem persecutionem, quam aciem hostium, timens, ut ad pugnam eos eliceret, equites in æquum locum præmittit: post illos juxta callem in angustiis locatum militem *galeas, ne illarum fulgore proderentur, scuto tegere, & in genua se demittere*, jubet. Oroëses, solis equitibus conspectis, quo genere armorum prævalebat, contemnim invecus, post levem pugnam (sic enim præceptum fuerat) refugientes strenue persequitur. at illi, cum ad perditatum suum pervenissent, in latera discurrentes, spatium legionibus aperuerunt. ab iis inopinato prælio excepti hostes, ab equitibus utrinque circumventi magnam suorum multitudinem amiserunt.

XXXVI. Reliqui cum in silvas se recepissent, Pompejus, exercitu circumdato, *ignes admoveri* jussit. pars pleraque incendio, qui erumpere tentaverant, excepti ab armatis perierunt. & gaudebat cædibus miles, ob tentatas nuper insidias infestus, quarum memoria continenter inclamabant ferientes, Hem Saturnalia! nam sub eos dies opprimere Romanos Albani cogitaverant. Sed eo in prælio non tantum imperatoris, verum etiam militis, Pompejus explevit munia, fratre regis prostrato, (*Cosin* vocabant) qui jaculo Pompejum petens, cum lorice commissuram percussisset, hasta Romani transfixus cecidit.

XXXVII. Dum spolia leguntur, *peltas cothurnosque repositos esse* ferunt, qualibus *Amazones usæ creduntur*; corpus tamen muliebrem nullum repertum. alij fabulam augent. inter obsides captivosque multos generis ejus fuisse, honoris inter pugnandum acceptis vulneribus. adeo familiare hominibus est, per vaniloquentiam a veris ad mira & incredibilia desciscere. Ceterum Oroëses hac clade, &, quæ illam excepit, vastatione regni domitus, missa legatione



pacem petiit. deditque Pompejus, jussu *a montibus* (nam sub ipso Caucaſo caſtra poſuerat) *in plana deſcendere*.

XXXVIII. Atque ille non paruit modo, ſed ultro etiam cum epistoſis munera miſit, lectulum, menſam, ſolium, omnia aurea. quæ pro more ſuo Pompejus quæſtori referenda in tabulas dedit: regemque aliis quibuſdam donis eſt remuneratus. Miſerunt & reliqui plerique Caucaſum inde ad Caſpium uſque mare accolentes populi de pace legatos: quam haud gravate conceſſit, quia jam expeditionem hanc finire, & ad componendas, quas recens conſecerat provincias, itemque Parthorum conſilia ſpeculanda, præverti ſtatuerat.

XXXIX. Poſt pugnam enim cupiditas invaſerat animum ejus ad mare Caſpium penetrandi, quo termino Romanum imperium ab Oriente finiret; ſicut ad Meridiem Oceano, ad Occidentem Atlantico, rebus in Africa & Hiſpania gerendis terminaverat. Nec amplius tridui itinere aberat; ſed multitudine & exitiali veneno anguium deterritus, in Armeniam regreſſus eſt, ne Mithridatem quidem ultra perſequens, *cui ſe acriorem hoſtem relinquare, ſamem*, dictitabat. Edixerat enim, *ne quis negotiator comœatum ad ea loca deportaret: qui feciſſet, eum ſe pro hoſte habiturum*. & ne contemni poſſet, claſſis diſpoſita erat, ex-ceptura, qui contra ejus edictum navigaſſent.

XL. Dum his curis Pompejus diſtringitur, Mithridates a Colchis, ubi hibernaverat, per Scythicas gentes, quarum multitudinem atque pugnacitatem vix florentibus rebus eſſet aggredi auſus, Boſporum petebat. Et Heniochi quidem tranſitum haud inviti dederunt: per Achæos vi & manu parandus fuit, qui, ſuper inſitam feritatem, paucos ante annos bello appetiti, iras retinebant. Græcorum id genus eſſe traditum eſt; ab Achæis, qui Phthiotæ vocati ſunt, oriundum. Inde vel ab Jaſonis exercitu, vel a bello Tro-

§ XXXVII. Appian. Diodor. Flor. 3, 5. Oroſ. 6, 4. Zonar. Vellej. § XXXVIII, Oroſ. 6, 4. Vellej. Flor. § XXXIX, Appian. Plut.

jano reliquæ, cum navibus ad redeundum destituerentur, quæ tempestate ad ea litora ejectæ perierant, inter feras gentes humanitatem omnem exuerunt, ad latrocinia, etiam si propositum abfuisset, locorum egestate coacti. quippe cunctis circum hostilibus, in verticibus asperorum & nivoforum montium fedes figere necessum habuerant.

XLI. At Mithridates, transducto per fines horum exercitu, cum Mæoticas gentes attigisset; a regulis passim, ob famam virtutis & potentiae, & vires tum quoque non contemnendas, hospitaliter exceptus deductusque; acceptis datisque muneribus, societatem belli cum iis pepigit, multa & ingentia animo volutans. & quo firmior esset amicitia, filias (habebat enim multas ex diversis mulieribus) potentissimis eorum despondit. Hæc cum filius Mithridatis Machares, qui tum in Bosporo regnabat, cognovisset, *tam brevi tempore tot indomitas gentes, & celebrata sermonibus Scythiæ claustra perrupta, suoque jam regno proximum patrem esse; misit ad eum legatos, necessitatem excusans, quæ omnia alia cupientem Romanas sequi partes adegisset: ipse patris conspectum, implacabilem ejus iram sciens, vitabat.*

XLII. Quoque tutior ab illius odio foret, plerisque concrematis, ut sequendi facultatem adimeret, cum ceteris navibus in Cherronesum concessit. At Mithridates aliis re-  
 pertis, misit certos, qui, promissa impunitate præmiisque, Macharis amicos *ad tollendum herum* incitarent. Quibus ille rebus cognitis, desperataque salute, sibi ipse conscivit necem. Mithridates amicorum eos, quos ipse addiderat filio, tanquam proditores affecit suppliciiis: quos postea Machares sibi paraverat, iis perpercit, *nihil contra se deliquisse* dicens, *cui nullo obstricti beneficio fuissent.*

§ XL. Appian. Liv. Epit. Strab. l. 7. Sallust. Marcellin. 22, 15.  
 § XLI. Appian. Diodor. § XLII. Appian. Diodor.

# JOANNIS FREINSHEMII SUPPLEMENTORUM LIVIANORUM

LIBER LXVII.

IN LOCUM LIB. CII LIVIANI.

## E P I T O M E

LIBRI CENTESIMI SECUNDI.

*Cn. Pompejus in provinciæ formam Pontum redegit. Pharnaces, filius Mithridatis, bellum patri intulit. Ab eo Mithridates obsessus in regia, cum veneno sumto parum profecisset ad mortem, a milite Gallo, nomine Bitæto, a quo, ut adjuvaret se, petierat, interfectus est. Cn. Pompejus Judæos subegit: sanum eorum in Hierosolyma, inviolatum ad id tempus, cepit. L. Catilina, bis repulsam in petitione consulatus passus, cum Lentulo prætore, & Cethego, & pluribus aliis, conjuravit de cæde consulum & senatus, incendiis urbis, & opprimenda republica; exercitu quoque in Etruria comparato. Ea conjuratio industria M. Tullii Ciceronis cruta est. Catilina urbe pulso, de reliquis conjuratis supplicium sumtum est.*

**I.** **I**NTEREA Pompejus in minorem Armeniam reversus, obvios Elymæorum Medorumque legatos habuit, amicitiam petentium: quibus ille respondit comiter, literasque plenas humanitatis ad reges dedit. Phraates etiam, Pompe-

*T. Liv. Vol. X.*

**D**

peji gesta fortunamque veritus, (cujus & legati per absentiam imperatoris, quidquid in Armenia Pontoque fuerat reliquum, subegerant; & Gabinius, Euphrate transito, jam ad Tigrin pervenerat) de renovanda societate & amicitia legationem misit. Nihil impetratum, quia fidens sibi Pompejus superbe legatis responderat, etiam Gordyene repetita, de qua cum Tigrane Phraates dimicabat. Illis nihil ad hoc reagentibus, (nec enim mandatum acceperant) litteras dedit ad Phraatem; nec expectato responso, cum exercitu Afranium misit.

II. Hic nullo negotio repulit Parthos, & jussu Pompeji Gordyenen Armenio restituit. Cum deinde fugientes per Mesopotamiam ad Arbelitin usque præfecturam insequeretur; ignorantia locorum aberravit a via, multaque per inopiam & hiberna frigora passus, haud procul abfuit exitio, nisi Carrheni, colonia Macedonum, exceperent eum atque deduxissent.

III. Phraates, *contra pacta Romanos in sua ditionis loca irrupisse*, causatus, gravem instituit per legatos querimoniam, illud etiam inter offensas numerans, *quod se regem regum appellari solitum, Pompejus in epistolis tantummodo regem nominaret*. Eadem hieme firmissimum castellum, (*Symphoriotichos* vocabant) in quo thesauri Mithridatis erant, Romani tradente Stratonica receperunt. Ea in matrimonium regis ex humili fortuna venerat, cum psallens in convivio placuisset.

IV. Castoris enim senis & pauperculi erat filia: sed repente in cubile regis recepta, patrem quoque divitiis cumulavit. Nondum satis certa luce ministri regii vestes pretiosas, vasa aurea & argentea, cum alia supellectile plurima domum ejus attulerunt. Quibus conspectis, senex, & sua esse audiens, ludibrio se ratus haberi, proripere se per ostium voluit: donec retinentibus, docentibusque, *divitis cujusdam hereditatem beneficio regis donari, atque hæc*

§ I. Plut. in Pomp. c. 59. Diodor. § II. Plut. Diodor. § III. Plut. Diodor.

*initia tantum esse honoris & opum, quas mox esset habiturus; vix tandem credidit; tanto perfusus gaudio, ut prope modum de potestate exiret.*

V. Sane purpuram indutus, prosequente copiosa familia, per urbem obequitabat, clamitans, *hæc omnia mea sunt & ridentibus obviis, id mirum esse negabat, sed quod occurrentes sibi præ nimia voluptate lapidibus non incessetet.* Hoc sunt & possunt divitiæ, hisque interdum modis illuduntur & illudunt! Illa ergo Stratonice, relictam se & quasi neglectam a rege dolens, *salutem Xipharis* pacta, quem Mithridati pepererat, *si forte venisset in potestatem Romanorum*, castellum thesaurosque Pompejo tradidit, multis a se adjectis muneribus.

VI. Validum in arce præsidium Mithridates reliquerat: sed mulier composito dolo maximam ejus partem per causam advehendi commeatus emisit, deinde Romanis haud procul inde latitantibus aperuit portas. Pompejus, ablata pecunia, quæ subterraneo in specu vasis æneis ferro vinctis ignota vulgo servabatur, & ex muneribus quod ornatum templorum aut triumphum accommodatum videbatur, cetera habere Stratonicen iussit. Sed nec illam, nec quamvis aliam regiarum mulierum, cum captæ deditæque plurimæ essent, attigit, verum remisit eas ad parentes propinquosve.

VII. Regulorum enim & ducum pleræque filiae aut uxores erant. Exinde profectus Amisum in hiberna, iusta quadam ultione in eandem reprehensionem incidit, qua criminatus Lucillum fuerat, ut manente bello (nam in Bosphoro Mithridates haud exiguo instructus exercitu regnabat) res ordinaret, honoresque & præmia distribueret. Maximo ibi concursu principum Asiae & Orientis, reges quoque barbari duodecim affuerunt. In hoc tam celebri conventu Armeniam, Colchos, Cappadociam & Syriam composuit; Pontum in provinciae formam redegit; Armeniam mino-

§ IV. Diodor. Appian. Front. § V. Appian. Plut. Diodor. § VI. Oros. 6, 4. Liv. Epit. Eutrop. Cic. Philip. 2.

rem Dejotaro Galatæ, cujus maximis auxiliis erat usus; quemque ex animo amicum, vereque benevolum populo Romano judicabat, dono dedit.

VIII. Paphlagoniam Attalo & Pylæmeni reddidit, unde Mithridates eos expulerat: Colchis Aristarchum regem dedit. Comanis Ponticis sacerdotem præfecit Archelaum, Archelai, quem Sulla vicerat, filium; quod sacerdotium regias pæne opes ac dignitatem habebat. Bellona hic & Capadociæ Comanis colebatur: paribus utrobique legibus, & antistitum opulentia. Pompejus Archelao præter agrum antiquitus sacrum, duos adjecit in orbem schœnos, id est, passuum septem millia trecentos. His confectis, per Capadociam in Syriam movit, cum, domitis per Afranium Arabibus Amani accolis, viam sibi patefecisset.

IX. In itinere cum præter Zelam duceret, ubi reliquiæ Triarianæ cladis infepultæ jacebant, tumultum iis struxit, & persolvit extrema magnifice: quod neglectum a Lucullo, faucibus antea militum animis, haud mediocris ad pristina odia cumulus accesserat. Dum eum ad modum Pompejus incrementa gloriæ potentiæque bello quærit, C. Cæsar civilibus artibus ad opes vastissimo animo concupiscendas struens aditum, splendida ædilitate fungebatur. Nam Romanis Megalensibusque ludis, præter comitium ac forum basilicasque, etiam Capitolium temporariis porticibus ornaverat, in quibus, abundante rerum copia, pars apparatus spectanda proponeretur.

X. Venationes autem ludosque & cum collega M. Bibulo, & separatim edidit: quo factum, ut communium quoque nomen & gratia penes eum solum esset; ut *evenisse sibi Bibulus, quod Polluci, diceret: ut enim geminis in foro ædes posita, tantum Castoris diceretur, ita suam Cæsarisque munificentiam, unius Cæsaris dici.*

XI. Adjecit insuper & gladiatorium munus Cæsar, pa-

§ VII. Appian. Strab. l. 12. Hirt. de B. A. c. 66. § VIII. Plut. Diodor. Sueton. in Cæs. c. 10. § IX. Diodor. Sueton. Plut. in Cæs. c. 10. § X. Plut. Diodor. Sueton.

tris memoriam celebrans, paribus trecentis & viginti datis, cum aliquanto plura destinasset. Sub idem enim tempus senatusconsulto de numero gladiatorum cautum est, quo ne majorem cuiquam habere Romæ liceret; quia Cæsar, multis lanistarum comparatis familiis, inimicos, quasi ad vim his usurus, exterruerat. Gladiatorio muneri & epulum adjecit. Ob has largitiones, & quia dudum curator Appiæ viæ creatus, multum de suo impenderat, maximum sibi favorem populi conciliavit. Sed & illud latum vulgo fuit, quod monumentum C. Marii de Jugurtha, deque Cimbris, quæ Sulla disjecerat, a Cæsare est restitutum.

XII. Is statuas Marii & tropæa clam fabricata noctu in Capitolio posuit. Postridie cum auri splendor & artificis industria oculos hominum adverteret, momento per urbem deditus rumor, ingentem ad id spectaculum concursum excitavit. Ad audaciam juvenis (neque enim quemquam fallebat ejus rei auctor) inter diversos laudantium reprehendentiumque motus universi stupebant.

XIII. At inimici magnis clamoribus, id videlicet ambitione munerum quæsitum esse, testabantur, ut hoc palpo. mansu factus populus instar ferocis equi frænum sibi injici pateretur. Nam ista profecto tentantis potentiam hominum, & viam ad regnum molientis esse.

XIV. Contra Marianarum partium homines, ingens multitudo plausu complebat Capitolium, profusisque ad conspectum statuarum præ gaudio lacrimis, Cæsarem faustis vocibus omnibusque prosequiebantur, unum omnium affinitate C. Marii dignum prædicantes. Coacto hanc ob rem senatu, Q. Catulus accusans Cæsarem, inter alia multa nobilem illam vocem misit, *nec enim jam cuniculis Cæsar, sed machinis, petit rempublicam*. Cum autem Cæsar ita respondisset, ut senatui probaret causam; faventium adeo sunt erecti animi, ut nemini se submittere juberent, ad omnia magna natum, & populi studiis consecuturum quidlibet.

XV. Eodem anno C. Cornelius majestatis reus, apud Q. Gallum prætorem, a Cicerone longissima oratione defensus est: quamquam Q. Hortensius, Q. Metellus Pius, L. Lucullus, M. Lepidus testimonium in eum infense dixerant, negantes, eo salvo stare rempublicam posse; præterea Q. Catulus, cujus eo anno censura, collega M. Licinio Crasso, parum concors aut utilis reipublicæ fuit.

XVI. Nulla enim re gesta (quippe neque senatus aut eques ab his recensitus, neque populi census actus est) magistratu se abdicarunt. Causa dissidii penes Crassum fuisse creditur, nota Catuli lenitate & modestia. Quidam de civitate Transpadanis danda discordes habuisse sententias ferunt; quos Cæsar, & hujus plerumque consiliis innexus Crassus, fovebant. Apud alios restitisse Catulum collegæ reperio, vectigalem facere Ægyptum molienti.

XVII. Cum hoc tanto & tam egregio viro per eadem tempora Catoni nata est dissensio. Is enim deprecanti multam clientis Catulo mira severitate inexorabilem se præbuit: eousque, ut molestius instanti diceret, *surps est, Q. Catule, te, cum sis censor, a meis ministris hinc abripi discedere nolentem*. Catulus ad hæc labra movens, nec reperto, quid responderet, prohibente pudore vocem, quam ira impellebat, tacitus se proripuit. Tam multiplices inter discordias potentium C. Papius tribunus plebis haud vano metu multitudinem ignotorum hominum suspectam habens, peregrinos, exceptis, qui sedes haberent in Italia, & uno nominatim Glaucippo, urbe submovit, lege in id lata.

XVIII. Jam L. Julius Cæsar, C. Marcius Figulus consules erant; cum C. Cæsar, ut se experiretur, & inimicis ægre faceret, eorumque diminueret auctoritatem, in exercenda de sicariis quæstione, eos quoque sicariorum numero habuit, qui proscriptione Sullana ob relata civium

§ XV. Ascon. in Cornel. Lactant. 6, 2. § XVI. Plut. in Crass. c. 24. Val. Max. 8, 5. Diodor. Ascon. in tog. cand. § XVII. Plut. Cic. de offic. 3, 11.



Romanorum capita præmium acceperant, quamquam excepti Corneliis legibus erant. Eorum hominum causam Cato tum quæstor præjudicio premebat, quod ab iis acceptam ob cædes pecuniam, turpitudinem facti simul vehementer exprobrans, exegerat. Sic deinde trahebantur ad iudices, & velut a Catone prædammati, tristes sententias auferebant. Damnati sunt L. Luscus, notus centurio Sullanus, & tam dives ex victoria factus, ut amplius centies rem haberet: itemque L. Bellienus, avunculus Catilinæ, qui Sullæ jussu Lucretium in foro confoderat: mirantibus, quibus improvisa res acciderat, ut, quos formidabiles prius omnibus vidissent, eosdem reos, humiles, fordidos, postremo sanctionibus pœnisque obnoxios cernerent.

XIX. Post paucos deinde menses a dissimili causa par admiratio fuit, quod, his damnatis, quorum alter infitiatus erat factum, alter imperio dictatoris paruerat, Catilina est absolutus; quem post repulsam in petitione consulatus, L. Lucullus, qui postea quoque eundem honorem petiit, lege de sicariis postulaverat.

XX. Inter hæc Mithridates, Cerealia in Bosporo celebrans, repentino terræ motu est turbatus, quo violentioris non exstabat memoria. clades inde plurima fuit, oppidorum quoque haud pauca graviter sunt afflicta. Sed ille, Panticapæo recepta, quod ad ostium Ponti Europæe partibus emporium est, cum trans fretum agere Stratoniceam comperisset, communem filium, cujus illa salutem pacta a Pompejo fuerat, in conspectu mulieris interfecit, abjicique insepultum jussit: bonum patrem exuens, ut malum maritum ageret. Legatos deinde ad Pompejum misit, paternum sibi regnum concedi postulans, vestigali stipendioque populi Romani futuro. Pompejus adhuc vivere Mithridatem miratus, ad se venire jussit, Tigranis exemplo. Quod ubi est relatum; *facere inquit, nisi essem Mithridates. aliquot tamen filios & amicorum principes mittam.*

§ XVIII. Sueton. Diodor. Plur. in Caton. c. 23. § XIX. Ascon. Diodor.

Nec ideo fegnius delectum habebat, ingenuos fervosque promiscue sacramento adigens. Arma item telaque & machinas intente parabat, neque arboribus fructiferis parcens, neque bobus aratorum, qui ob nervos, quorum copia opus ad machinas erat, frequentes occidebantur.

XXI. Ob hæc, & quia tenuissimis etiam tributum erat impositum, invisum esse vulgo Mithridatis imperium cœpit, & ministrorum culpa crescebant offensæ, quod, latente propter morbum rege, per superbiam & avaritiam in populares multa delinquebant. Mithridatæ enim, ulcerosam abscondens faciem, a nemine patiebatur aspici, extra spadones, qui & medicabantur. Cum percuratus esset, jam sexaginta cohortes sexcenariæ sub signis erant, lecta juvenus, præter inconditam multitudinem: naves etiam, & loca opportuna, interim a ducibus præoccupata, præsto erant.

XXII. Hoc animosior ad cetera, partem copiarum Phanagoream trajecit, ex adverso Panticapæi situm emporium, duobus his claustris os Ponti in potestate habiturus. Sed non diu perstitērunt in fide Phanagorenses, Castore quodam rebellionis auctore, qui tortus aliquando a Tryphone, regio eunucho, ingressum Phanagoream hominem occidit, populumque ad vindicandam armis libertatem excitavit. Regiam liberi Mithridatis obtinebant. eos Castor, congesta circum arcem incensaque materia, compulit ad deditionem.

XXIII. In his Artaphernes ferme quadragenarius erat: Xerxes, Oxathres, & Eupatra in ætatis flore. Sed altera filiarum Mithridatis Cleopatra, cum perire mallet, quam se dedere, tam generoso proposito fortius stimulavit patrem, ut quidlibet pro ejus salute conareretur. Itaque submissis ab eo plurimis dicrotis erepra, & Panticapæum recepta est. Ceteros Phanagorenses ad præsidia Romana transfecerunt. Subinde Castoris successu & aliæ civitates animatæ a rege defecerunt: Chersonesus, Theodosia, Nymphæum,

§ XX. Oros. 6, 5. Diodor. Appian. Mithrid. § XXI. Oros. Appian. § XXII. Plut.

cum aliis circa Pontum opportunis bello gerendo oppidis.

XXIV. Idcirco Mithridates, crebris defectionibus territus, cum exercitui, qui magnam partem ex invitis constabat, parum fideret, filias, Scythicis regulis desponsas, quingentorum militum addito præsidio, misit, ut eos quam maturrimè cum auxiliariis copiis ad se pertraheret. Sed milites, accisis in itinere spadonibus, quod genus apud regem prævalidum & potentia sæpe abusum infestissime oderant, puellas seque Pompejo tradiderunt. Inter has calamitates adeo non deficiebant Mithridatis spiritus, ut potius augerentur. cum enim esset septuagenario major, fractum laboribus corpus, animi vigore sublevando, consilia vasta, inaudita, incredibilia agitabat.

XXV. Namque per Colchos & Mæoticas gentes ad Istrum penetrare statuerat: inde sive per Gallicas gentes, quarum amicitiam diu ante paraverat, tritamque Cimbris viam, tractis secum, qua transfret, auxiliis, superare Alpes; sive Thracia, Macedoniaque & Græcia raptim transitis, in Italiam irrumpere. Quod si efficere potuisset, non dubitabat, quin in ipsa Italia contra Romanos arma & viros esset inventurus: quod & Hannibali successerat; & nuper Spartacus, homo nullius dignitatis, non caruerat adversus Romanos fautoribus, maxime autem socialis belli reliquias, & velut sub cinere latentes igniculos sperabat adventu suo excitari posse, cum haberet apud se generis ejus plurimos, & paucos ante annos ultro inde legationes venissent in Italiam eum vocantium.

XXVI. Sed exercitus a mentione tam longinquæ & duræ militiæ abhorrebat: neque enim se pares futuros Romanis in Italia sperabant, quos domi sustinere nequivissent; & regem desperatione ad audendum propelli rebantur, ut exactam ætatem regia potius morte clauderet, quam brevem lucis usuram perpetua ignominia mercaretur. Durabant tamen adhuc, & imperium patiebantur,

§ XXIII. Sueton. Diodor. Plut. in Caton. c. 23. § XXIV. Orof. Appian. XXV. Orof. Appian.

reverentia regis, cujus tanta erat apud omnes gloria, ut ne quidem inter adversa contemptui facilis videretur.

XXVII. Jam in Syria Pompejus erat, cum hæc omnia circa Bosporum gerebantur. Is enim, obiter superatis Antiocho Commagenæ, Dario Mediæ regibus, quinquagesima, quam ex Ponto profectus erat, die, Ecbatana pervenerat. Duplicia fuerunt Ecbatana dispari nobilitate. nam altera Persarum, deinde Parthorum regum æstivis notissima sunt: Syriaca, præter mediocritatem opum, nomen quoque mutatum obscuravit, postquam a monte, in quo situm erat oppidum, *Carmelum* appellare cœperunt.

XXVIII. Ad hanc igitur Syriæ urbem venisse Pompejum, non ad Medicam, arbitror: quamquam aliter est ab Orofio traditum. Nec ideo, quia cum Medorum rege bellum habuit, ad Ecbatana pervenisse credendus est: nam illud, auxilium Antiocho ferentem, coegit fugere; neque vero Parthus quieviisset, accedente Romano ad regni sui caput, quemadmodum ab eodem Orofio nominatur. Præterea notum est, Parthica bella declinasse Pompejum, Syriæ partes omnes percurrisse, ut sub imperium cogeret: *quidquid enim sub Tigrane fuisset, illo debellato, populi Romani factum esse* autumabat: hocque facitabat lubentius, ut acta Luculli convellerentur.

XXIX. Nam Lucullus, victo Tigraue, reversum in Syriam, receptumque a suis, Antiochum Cyziceni filium, avito regno frui passus, *regem* appellaverat. Sed ademit præsentem videntique regnum Pompejus, quamquam nunquam de populo Romano male meruisset; cum hostem ejus Tigranem regnare pateretur. Nec speciosa dictu deerant: *recusare Syros hominem, a quo tot per annos deserti, alizigenæ regis jugum tulissent, neque vero æquum esse, cum sua tueri nequiviisset, alieni laboris eum habere præmia. Paci quoque Syriæ consulendum, ne rursus Judæorum Arabumque latrocinii fiat opportuna.*

§ XXVI. Diodor. l. 37. Appian. § XXVII. Diodor. Flor. 3, 5. Appian. § XXIX. Diodor. Appian.

XXX. Sic velut iusto rege vacans, in provinciæ formam Syria redacta est: Seleucidarumque imperium finem accepit, præter modicum Commagenæ regnum, quod illi Antiocho non modo reliquit Pompejus, sed etiam auxit, adjecta Mesopotamiæ parte, quam raptim subegerat, castelloque Seleucia, in quo asservatam aliquamdiu Cleopatram cognomento *Selenen*, Syriæ reginam, Tigranes nuper interfecerat. Hoc modo constituenti Syriam Pompejo legati Phraatis Tigranisque regum affuerunt. Recruduerat inter eos bellum; victusque primo prælio Parthus, sequenti Armenios pepulerat.

XXXI. Igitur Tigranes Pompejum Syria arcessebat: Parthus accusabat Romanos varie, ut sentire Pompejus posset, si bellum cœptaret, cum potente & parato hoste certamen fore. Quapropter inconstantiam fortunæ reputans, nulla Tigrani auxilia misit, neque contra Parthos quidquam fecit hostiliter, negans, *injussu senatus populi que Romani bellum suscipi fas esse*. Legatis autem respondit, *esse Phraati non cum Romanis, sed Tigrane, de finibus controversiam: missurum igitur tres viros, qui dissidentes componerent*. Neque reges recusarunt, quin illos pro iustis disceptatoribus admitterent: quamquam inter ipsos jam odio metuque Romanorum convenerat.

XXXII. Tigranes negatis suppetiis iratus; Phraates sibi metuens, si Tigranes perisset; ambo satis certum putantes, ad utrum cum exscidio alterius victoria venisset, illum hostes Romanos, & minus ad repellendum virium habiturum, in gratiam haud difficulter redierunt. Cum inter has res comitiorum dies adessent, magnam in urbe novorum consulum expectationem, multitudo competitorum, & suspecta quorundam consilia moverunt. septem in eum annum candidati petebant: patricii duo, P. Sulpicius Galba, L. Sergius Catilina; totidem plebei nobiles, C. Antonius, L. Cassius: præterea Q. Cornificius, C. Licinius

§ XXX. Plin. 5, 19. § XXXI. Orof. 6, 4. Vellej. 2, 40. Appian. Diodor. Justin. 40, 2.

faceros, qui tamen non primi ex familiis suis magistratum gesserant.

XXXIII. Solus competitorum M. Tullius Cicero equestri loco natus, nullas ostentare imagines poterat. Sed hic eloquentiæ præsidio, & integritate morum in id fastigium erat enisus, ut meliori spe, quam ceterorum quisquam, peteret. Quapropter Antonius & Catilina, pessimi omnium turpissimique, coitionem fecerunt, ut Ciceronem consulatione deicerent, adjutoribus usi firmissimis M. Crasso, C. Casare, qui civilem Ciceronis potentiam rationibus suis adversam fore judicabant. Horum opera & factionibus ita palam fervere ambitus cœperat, ut, paucis adhuc comitiorum diebus reliquis, senatus *legem ambitus, aucta etiam tum pena, ferri* juberet. Intercessit tribunus plebis Q. Mutius Orestinus.

XXXIV. Id cum graviter ferrent Patres, surgens Cicero loco sententiæ orationem habuit in toga candida, contra Catilinam & Antonium: ceteris competitoribus, qui modeste se gerebant, abstinens. Galba enim sine fuco & fallaciis prensabat, more majorum: neque Q. Cornificium reprehenderes. Cassius tum adhuc iners potius ac stolidus esse, quam improbus, videbatur. Orationi Ciceronis & Catilina & Antonius contumeliose responderunt, quod unum poterant, invecti *in novitatem ejus*.

XXXV. Id telum erat ingens apud accensos invidia nobiles, qui velut pollui consulatum rebantur, si ad hominem novum, quantumlibet egregium, pervenisset. Et Manilianis actionibus, tanquam ad popularem factionem deficiens, optimates offenderat. Sed cito mutati sunt, postquam industria vigilantiaque viri opus esse periclitanti rei publicæ viderunt. Quippe Catilina circiter Kalendas Junias cum multis nobilibus, aliisque pessimis & audacissimis hominibus, conjurationem fecerat, ut, consulibus trucidatis, senatuque deleta, incensa pluribus locis urbe, ærarium diri-

§ XXXII. Appian. Syriac. § XXXIII. Appian. Mithrid. Plut. in Pomp. c. 63. Vellej. 2, 37. § XXXIV. Strab. l. 16. Appian,

perent, rempublicam constituerent arbitrato suo. in hoc fidem mutuo obligaverant homine mactato, ejusque gustato sanguine, tantus furor mentes inceserat. Plerosque secuta luxuriam egestas ad ultimi furoris consilia præcipitabat: erant &, qui spe dominationis improbis cœptis occulte faverent.

XXXVI. Mulieres quoque luxu ac libidine perditas, aut maritorum necem optantes, asciverant, per quas servitia concitarent, aut viros illarum interficerent. Harum nec paucæ erant, corruptis civitatis moribus, & primariorum virorum conjuges, ex quibus Semproniam D. Bruti uxorem Sallustius nominat. Sed in eadem causa fuisse non inmerito existimemus, quæ paulo ante aut postea sunt a viris repudiatae, Clodia & Servilia Luculli, Mucia Pompeji, Catonis Atilia, Cæsaris Pompeja, Antonii Antonia, & M. Luculli, quacunque gente fuit, uxor. Juventus etiam pleraque, præcipue nobilium, licet nomen conspirationi non dederat, tamen audiens, hujusmodi quædam agitari, gaudebat, imbecillitate ætatis, & quia, corruptis olim moribus, ut quæque erant flagitiosissima, ita maxime probabantur.

XXXVII. Multum etiam ad perficienda cœpta in Pione spei Catilina posuerat, qui tum, nondum audito ejus casu, Hispaniam citeriorem obtinere credebatur: itemque P. Sicio Nucerino. Nam is publico judicio postulatus, ascito in itinere pessimo quovis & levissimo eadem metuentium, aliisque, quos fors offerebat, per Italiam ac Hispaniam ad fretum transgressus, in Africam ductor exercitus sui transjecerat: ibique regulis inter se bellantibus auxilia ferendo, cum, quibus ille accessisset, superiores fierent, ad famam brevi pervenerat. Sed maxime sperabat, consulenti se, collega C. Antonio, fore: *tum nullis domi provisus opibus, Pompejo bellum in ultimis gerente terris, in destitutam rempublicam impetum rectissime fieri posse.* Hæc ita occulte parari non poterant, quin se quibusdam, sed obscurioribus

§ XXXV. Diodor. Appian. Plut. § XXXVI. Ascon. in tog. cand. Plut. in Cic. II.

indiciis, proderent. cæca tamen res erat, donec per Fulviam est patefacta, nobilem mulierem, quæ ex amatore suo Q. Curio, perditæ luxuriæ juvene, compertam, tacito auctoris nomine compluribus enarravit.

XXXVIII. Id potissimum causæ fuit comitiis, cur consensu omnium, neque per tabellam, sed una voce populi, Tullius renunciaretur prior: ei collega C. Antonius additur, cum ob patris memoriam, paulo speciosiore manu suffragante, pauculis centuriis Catilinam superasset. Conjurati, licet hoc eventu percussi, tamen arma parare, pecunias cogere, plures in societatem consilii adducere non omittebant. contra Cicero, gnarus, quod negotium suscepisset, omnes nervos intenderat, ne quid ad summam diligentiam, exactissimamque pro republica vigilias, reliqui faceret. Hic etiam annus censores habuit, quod proximis censoribus nulla pars populi censâ, neque lustrum conditum erat. Sed horum etiam adeo opera nulla exstant, ut nomina vix eruantur.

XXXIX. Utrum enim Q. Metellus, an P. Isauricus censuram tum gesserint, ambigitur. eadem de L. Cotta dubitatio foret, nisi Ciceronis. joco fuisset notatus. Nam is cum inter petitionem consulatus prensans de more homines, sitique correptus, circumstantibus & tegentibus amicis, biberet in foro, ubi L. Cotta censor confederat; *jure* inquit, *timebatis*, *ne succenseret mihi censor, quod aquam bibo*. Erat enim Cotta vinolior, & eo nomine vulgo male audiebat. Huic igitur Cottæ, & collegæ, quisquis ille fuerit, senatum legere cupientibus, tribuni plebis restiterunt, ne ipsi quoque senatu moverentur veriti, ob fœdas & seditiosas actiones, quibus convellebant reipublicæ statum. Multæ enim tunc rogationes promulgabantur. inter cetera P. Servilius Rullus ferebat Agrariam, *uti decemviri coloniis deducendis, agros, qui ubivis publici essent, maxime Cam-*

§ XXXVII. Cic. de petit. conf. & ad Attic. 2, 3. Ascon. Sallust. Catilin. 23. § XXXVIII. Plut. in Cic. c. 13. Sallust. Catilin. 5.  
17.



*panos, quemadmodum ex usu esse viderent, distribuerunt. eadem lege ad emendos, ubi opus foret, agros, omnis promodum publica pecunia, & quæ cogi undecunque posset, decemvirorum subjiciebatur potestati. Dabatur & exercitus conscribendi potestas, quanto res indigeret.*

XL. Et favebat legi C. Antonius, unum se fore sperans in decem. Igitur M. Cicero Kalendis Januariis, qua die consulatum iniit, ea de re verba fecit in curia, senatusque confirmandi valida fundamenta jecit: neque deinceps destitit, donec, pro rostris etiam causa exposita, rempublicam maximarum largitionum metu liberaret: tanta vi eloquentiæ mentibus admota, ut legem Agrariam, hoc est, alimenta sua, vocatæ in suffragium tribus abrogarent; tribuni vero plebis ita consternarentur, ut alias quoque nonnullas actiones abjicerent. Erant omnino ea tempora, ut & hoc consule respublica, & hoc ingenio consul, haberent opus: cum nihil abesse videretur, quod timere boni, sperare improbi possent. Tribuni plebis varie miscebant civitatem, favente in plerisque Antonio, facili inter prava ingenia ad deterius consensu. Alius, enise rem urgente Cæsare, proscriptorum liberis jus petendi magistratus reddere moliebatur; alius idem dabat P. Antronio & P. Sullæ de ambitu damnatis. neque deerat, qui novas tabulas meditaretur.

XLI. Quibus præcipua Ciceronis industria vigilantiaque occursum est. is consilia omnium magna sollertia indagavit, pari constantia excepit, denique incomparabili eloquentia, tanquam fulmine, dejecit. Tantum enim dicendi copia & gravitate valuit, ut etiam homines ad ea probanda, quæ paulo ante insigniter odissent, posset adducere. Nam illo suadente, etiam Rosciam theatralem legem plebs æquo animo tulit, magnopere prius irata L. Othoni auctori legis, quod, discrimine sedis constituto, indignam, quæ cum equitibus federet, habuisset. Forte acciderat, ut

§ XXXIX. Flor. 4, 1. Liv. Epit. Plut. Appian. civil. l. 2. § XL. Sallust. Plut. Cic. in tog. cand. & ibid. Ascon. Appian.

Othonem tum prætorem legis ejus dolore populus in theatro exhibilaret, equites contra plausu exciperent: deinde iterum inde sibilis, hinc plausu instaurato, maledictis atque conviciis inter se committerentur ordines, & res ad seditionem spectaret.

XLII. Igitur ubi Cicero consul comperit, accurrit propere, vocataque in æde Bellonæ concione, plebem objurgans, ita mutavit animos, ut reversa in theatrum, non minorem Othoni plausum ipsa, quam equites, darent. Majorem deinde dimicationem pro C. Rabirio subiit, cui subornatus a C. Cæsare tribunus plebis T. Labienus perduellionis diem dixerat, *quod ante sex & triginta annos L. Saturnium tribunum plebis occidisset*. Negabat factum Rabirius: sed non tam ille, quam senatus auctoritas petebatur, nihil deinceps valitura, ubi, quod ipsius jussu esset factum, post tot annos in disquisitionem vocari, pœnaque & supplicio vindicari posse constitisset.

XLIII. Cum summa ope restitisset melior pars senatus, ne judicium ea de re fieret; tribuni plebis, factione Cæsaris adjuti, vicerunt. ita duumviri non more antiquo, a populo, qui perduellionem judicarent, sed a prætore dati, sic ducta sorte, ut, res suspiciosissima, Lucius & Cajo Julii Cæsares fierent. a Cajo certe tam cupide condemnatus est, ut more majorum ad populum provocanti, nihil æque ac judicis acerbitas profuerit. Pro hoc reo Ciceronis exstat oratio, quæ ipso indice, quarta habitarum in consulatu fuit. Periclitabatur tamen reus, ( tanta vis adversæ factionis erat ) cum Q. Metelli Celeris, qui prætor & augur erat, factus est liberatus. Centuriatis comitiis de perduellione populus judicabat. illa cum intra pomerium fieri nefas esset, antiquitus erat statutum, ut, occupato in suffragiis ferendis populo, exercitus præsidii causa imperaretur. ita fiebat, ut cum armis exirent; nec simul universi cives, sed per partes, ferrent suffragia, quo semper

§ XLI. Sallust. Flor. Ascon. § XLII. Cic. de leg. Agr. Ascon. Sallust.

idonea manus ad tutelam ceterorum & urbis in Janiculo excubaret.

XLIV. Nam inter initia metus ab accolis, tenui adhuc re Romana, desiderabat cautionem. is deinde mos, ut solet, quantumvis mutato rerum statu, pro lege servabatur. Vexillum igitur fixum erat in Janiculo, quamdiu comitia habebantur: eo dimoto, præsidium discedebat, neque deinceps agi cum populo poterat. Metellus igitur, cum frustra docere conatus esset, *contra majorum instituta judicium eo tempore perduellionis fieri*, omiſſa concione, priuſquam suffragia ferrentur, in Janiculum contendit, vexilloque revulſo, neceſſitatem ſolvendi comitia fecit. Neque ultra inſtitit Labienus, quamquam alia die repetere reum potuiſſet. Supererat de proſcriptorum liberis contentio, ideo tractatu aſperior, quod adoleſcentes boni & fortes, nulla ſua culpa, petitione magiſtratum arcebantur: eratque hæc cum numero, tum opibus minime ſpernenda manus.

XLV. Sed ita tum rei acerbitem oratione mollivit conſul, & *legibus Corneliis ſic cohærere ſtatum civitatis* docuit, ut ipſos quoque honores petere puderet. L. autem Cæciliū tribunum plebis, P. Sullæ fratrem, eoque de mitiganda pœna ambitus ferentem, ut fratri reditus ad petendos honores eſſet, ita immutavit, ut & abjiceret rogationem, & *Agrariæ legis ſe fore interceſſorem*, profiteretur. Legationes quoque liberæ, quamquam ad commodum ſenatus pertinere videbantur, frequentiffimo ſenatu aſſentiente ſuſtuliffet, niſi fuiſſet a tribunis interceſſum. tempus tamen minuit, & quod infinitum fuerat, annuum fecit. Et quia proviſo, quod imminebat, bello, rempublicam pecunia opus habituram putabat, miſſo Puteolos P. Vatinio quæſtore, *aurum & argentum* vetuit *exportari*.

XLVI. Hæc atque talia conſuli eo facilius procedebant,

§ XLIII. Pigh. annal. Plut. Cic. contra Rull. Diodor. 1. 37.  
§ XLIV. Plut. Cic. Agell. 13, 23. § XLV. Cic. epiſt. famil. 1. 9, & ad Attic. 2, 1. Idem de leg. Agrar. Plin. 7, 30. Plut. Diodor.

quod turbaturum alias cuncta collegam, ne contra rem-  
publicam sentiret, patientia & obsequio mitigatum, postre-  
mo commutatione provinciæ perpulerat. Quippe Cicero  
Macedoniam fortitus; cum eam placere collegæ videret,  
cum Gallia commutavit, quæ C. Antonio evenerat. Inter  
hæc P. Lentulus Spinther ædilis curulis tanta magnifi-  
centia ludos edidit, ut superiores omnes novo invento  
vinceret, argentatis choragiis scenam adornans. Idem &  
dibapha Tyria primus est usus, quod tum improbatum,  
mox vulgare fuit.

XLVII. Hic ferme status urbanarum rerum erat, cum,  
audito fine Mithridatis, grates Diis actæ sunt, & ad omnia  
pulvinaria supplicatum, cum, referente Cicerone consule,  
quantum alias nunquam, *in duodecim dies supplicationem* se-  
natus decrevisset. Tribuni plebis T. Labienus, T. Ampius  
privilegium tulerunt, *ut Pompejus ludis Circensibus corona*  
*aurea, toga picta, cultu triumphantium uteretur; scenicis præ-*  
*texta, coronaque laurea.* Salutis etiam augurium, confectis  
bellis maritimis & terrestribus omnibus, celebrari posse cre-  
ditum est. Id veteri more genus quoddam divinationis  
erat, quo maximus prætor explorabat, *salutemne Dii po-*  
*pulo Romano annuerent.* neque fas erat alio die agi, quam  
qui ab omni negotio militari vacuus: eaque de re diu  
intermissum inter continua bella, civilesque discordias fue-  
rat, nullum idoneum tempus ad pacificas cærimonias in-  
venientibus.

XLVIII. Porro Mithridatis exitum operæ pretium est  
penitus exsequi. Calamitatibus, & quæ calamitatem amat  
sequi, perfidia suorum irritatus, cum multos ob culpam,  
alios per suspicionem interficeret, omnium a se amicos  
tædio & metu abalienavit. Etiam Pharnaces, filiorum ad  
eam diem honoratissimus, & sæpe declaratus regni suc-  
cessor, sive fratrum occisorum dolore, sive sibi timens,  
insidias struere seni cœpit, priusquam destinatam in Ita-

§ XLVI. Vellej. 2, 4. Diodor. § XLVII. Cic. ad Attic. & in  
Pison. c. 2. Plut. Sueton. in Cæs. c. 12.

hos expeditionem inchoasset. Nam id ubi esset factum, omnem ab Romanis præcidi spem veniæ existimabat, neque ad se ex opibus paternis quidquam esse perventurum.

XLIX. Non deerant, qui hæc referrent ad regem: multos enim filio apertos clandestinosque custodes apposuerat. Comprehenso igitur consciorum nonnulli, tortique sunt: nec dubitabat rex insidiatorem tollere, nisi Menophanes, ostensis *incommodis*, quæ *sub tempus tam longinquæ expeditionis occisum filium essent secutura*, perpulisset, ut *veniam offerret*. Sed ille, longius progressum existimans, quam ut tutus inde receptus esset, ad hoc animos militum a suscepta expeditione abhorreere gnarus, noctu ad primarios Romanorum transfugarum, qui proxime regem tendebant, ingreditur: *casum suum miseratur: laborem improbum, pericula, miseras*, quæ *per tanta marium terrarumque spatia, omnibus ubique infestis, Italiam petitueros manerent*, exaggerat: *spem a se maximum, honoresque & opes in promptu ostendit, si regno ipse potiatur*.

L. Facile persuadetur, omnia tristissima, si perducti in Italiam forent, metuentibus. mittuntur eadem nocte certi homines ad alia vicina castra sollicitanda: nec mora, simul cum luce transfugarum exoritur clamor. eum exceptum alii sequuntur, transmittuntque. sic brevissimo tempore totum ubique exercitum atque etiam nauticam turbam seditio percurrit. Nam & ab ignaris antea simul cognitum probatumque Pharnacis consilium est: lætis ad res novas plerisque; aliis, quod in defectione omnium soli frustra & cum exitio renisuri videbantur. Sic ad urbem pergitur, nam Panticapæi Mithridates tum agebat.

LI. Rex, tumultu audito, partem eorum, quos secum habebat, obviam mittit, cum ceteris ipse secuturus. Sed & illi defecerunt ad Pharnacem, & urbs, non invitis oppidanis, ab eodem occupata est: Mithridates in regiam con-

§ XLVIII. Diodor. Cic. pro Rabir. Sueton. § XLIX. Liv. 1, 26. Sueton. Cic. ad Attic. Diodor. Læi. Felix ap. Agell. § L. Cic. ad Attic. & in Pison. Plut.

fugit. Inde cum misisset ad milites, quæsitum, *quid ergo sibi vellent?* aperte *Pharnacem* postularunt *regem*, *juvenem pro sene cunuchorum mancipio*, *filiorum amicorumque carnifice*. His auditis, Mithridates, ut spem ultimam tentaret, ipse allocuturus eos prodiit. Tum intentis in illum digitis transfugæ, *en*, inquit, *qui transire ad nos satagitis, ubi prius fidem faciatis animi propositique vestri*.

LII. Ad hanc vocem profilientes complures, equum fugientis confoderunt, *Pharnacem regem* sublati vocibus acclamantes: & ne dubitari amplius posset, raptam aliquis extemplo papyrum, instar diadematis capiti Pharnacis circumposuit. Hæc ex altissimo muro miserabilis senex conspicatus, multis precibus oravit filium, *ut tutam sibi fugam concederet*, alios super alios ea de causa missitando. Postquam nemo revertebatur, atque ultimam adesse necessitatem sentiebat, exclamasse fertur: *Quoniam Pharnaces mori jubet, vos, si estis, Dii patrii, precor, ut quandoque & ipse hanc vocem a liberis suis audiat*.

LIII. Collaudatos deinde satellites & amicos, qui pauci apud eum perstiterant, *fide ad extremum præstita, suæ incolumitati consulere*, & *ire ad victorem*, jubet. statimque descendens ad reliquas conjuges liberosque suos, venenum, quod semper cum gladio gestare consueverat, miscet. Erant ibi duæ filiæ virgines, duobus Ptolemæis, Ægypti Cyprique regibus, desponsæ, Mithridatis & Nyssa. Hæ enise rogarunt patrem, *ut ipso supersilite morerentur*. Igitur his primum venenatam potionem, deinde reliquis dedit: ipse hausit novissimus.

LIV. Reliqui cito extincti sunt: Mithridates, quamquam vehementissimi veneni magnum modum ebiberat, & vim potionis ambulando cuperet accendere, tamen, defendentibus vitalia, quæ sæpe sumserat, remediis, metuere cœpit, ne in filii, & deinde Romanorum potestatem incideret: gladioque admoto, ne sic quidem invenit exitum, quia

§ LI. Quint. 11, 1. Plin. 7, 30. Cic. de legg. 3, 8. § LII. Cic. in Vatini. c. 5. Sallust. Catilin. c. 26. Diodor. § LIII. Cic. in Pison & pro Sull. c. 22. Idem pro Muræa. c. 3.

fenecta malisque circumstantibus, ad hoc veneno debilitata manus aliquanto leviozem plagam fecerat. Igitur confpecto forte Bituito Gallo, qui, muro jam superato, cum aliis in regiam penetraverat, *Multum*, inquit, *dextra tua, cum miles meus esses, debui: plus debiturus, si extremum mihi officium prastiteris, ne hac aetate, hisque rebus gestis, ducis Romani triumphalem currum Mithridates antecedam. Expelles hunc spiritum, quem frustra sollicitavit mea manus, quemque adversus venenum stultus ego medicamentis munii.*

LV. Ita Bituitus, cum & Pharnaci rem gratam facturus videretur, jugulum ultro praebentis hausit: simul accurrentes alii gladiis ac lanceis accelerarunt ei mortem. sic interiit ultimus tum sui juris regum, praeter Parthicos, post multas & illatas aliis, & acceptas aliunde calamitates, fortunaeque miras vicissitudines, ne simplici quidem morte sublatus. Aetatis annos (nam dubitatur) paulo plus minusve septuaginta, regni quinquaginta septem exegerat.

LVI. Eo tempore Pompejus obibat Coelen Syriam, legatos & munera gentium excipiens, quae ex tota Syria Aegyptoque mittebantur. Nam & Aegyptus inquieta seditionibus erat, adque eas comprimendas Pompejum rex advocabat, dona pecuniasque ipsi, & exercitui vestem mittens. Venit & ab Hyrcano Antipater, & Nicodemus ab Hyrcani fratre Aristobulo, de regno Hierosolymitano certantibus. *Ipsi occurrere iussi ad disceptandum reguli: cum Aristobuli legatus, data ab eo prius Gabinio trecenta talenta, deinde Scauro quadringenta* arguens, supra ceteras inimicitias, horum etiam odia comparasset.

LVII. Interea cum ver apparuisset, contracto ex hibernis exercitu, Pompejus in Damascenos fines fecit expeditionem, multis in via excisis latronum castellis, supplicioque affectis tyrannis, qui passim per civitates exstiterant. Primum in Apameno agro capta ex itinere & diruta arx

§ LIV. Diodor. l. 37. Cic. de offic. 2, 16. Val. Max. 2, 4. § LV. Appian. Mithrid. Diodor. Cic. de petit. conf. c. 11. § LVI. Velleius 2, 40. Cic. ad Attic. 1, 15.

est, quam Antiochus Cyzicenus struxerat. Deinde in Ituræos transitum, qui sub Ptolemæi Mennæi ditione Libanî partem habitabant, Iatrociniis dediti. Munitissima horum castella, Sinnam & Borama, in monte sita, & inferius Botryn, & Gigartum, & speluncas juxta mare, & castellum in jugo, quod appellabant *Theu-prosopon*, Pompejus evertit: tyrannus, Tripolitano Dionysio, qui paulo ante securi percussus fuerat, nihilo innocentior, mille talentis redemit supplicium; quibus ad stipendia militum usus imperator, Lyfiada deinde ad lacum Apamenum cepit, munitam urbem, quam Judæus quidam tyrannus nomine Silas obtinebat.

LVIII. Liberavit & Byblum, veterem Cinyræ regiam, cum & hujus urbis tyrannum securi percussisset. Heliopolin deinde & Chalcidem, Mennæi urbes, transiens, per Syriæ partem, quæ Libano & Antilibano montibus inclusa proprie *Cava* dicitur, Pellam, & hinc Damascum venit. Damascus inter Seleucidarum calamitates, Aretam vocaverat Arabum Nabatæorum regem, eique se & omnem circa regionem tradiderat. Sed illam nuper, victo Arabe, Metellus atque Lollius receperant, cum ad Syriam pro sua defendendam Pompejus exercitum misisset. Mox eodem venit ex Armenia, ubi tum Tigranem bello Pompejus urgebat, ejusdem missu M. Scaurus, Aretamque Hierosolymas obsidentem, acceptis ab Aristobulo pecuniis, deterruit, inde Damascum reversus.

LIX. Has causas gerendi cum Arabibus belli adeptus Pompejus, Hyrcanum & Aristobulum, qui Damascum accesserant, miti responso dimisit: *in præsentia prævertendum sibi ad Nabatæorum castigandum insolentiam: inde iturum in Judæam, ut litem fratrum componat. Interea mutuis injuriis abstineant.* Sed Aristobulus, qui se regem ferebat, velut herilium jussorum impatiens, insalutato Pompejo digressus, ita offendit virum, præcipue Hyrcani, & Antipatri, cujus

§ LVII. Diodor. l. 37. Eutrop. Appian. Orof. 6, 5. Liv. Epit.  
§ LVIII. Orof. Appian. Liv. Epit.



postea filius Herodes in Judæa regnavit, obtestationibus agentibus iram, ut, dilato bello Arabico, in Judæam converteret signa, & per Pellam Scythopolinque & Coreas Alexandrium duceret, in finibus Judææ situm, ubi se Aristobulus incluserat, dubius animi, & vicissim de salute ac dignitate anxius.

LX. Omnibus tamen a bello dehortantibus, descendit in castra Pompeji, multaue de jure suo locutus, concedente illo in castellum est regressus. Hoc iterum atque tertio cum fecisset, inter spem metumque ambiguus, se ita temperare cupiens, ut neque prodere dignitatem videretur, neque Pompejum offenderet; neutrum fatis affectus, jussu Romani scripsit ad præsidiorum præfectos, *ut castella quædam traderent*. Deinde bellum indignanti animo volvens, discessit Hierosolyma. Neque Pompejus distulit sequi: castrisque ad Hierichunta positis, palmarum balsamique proventu nobilem, extra vallum equitando exercebatur; cum citi accurrerunt equites, lætum, ut ex laureatis hastarum cuspidibus intelligi poterat, nuntium afferentes.

LXI. Concursum igitur exercitus, precibusque coactus, statim legit epistolas, & suggestu, non cæspitibus, ut moris erat, sed per festinationem militum comportatis jumentorum farcinariorum clitellis effecto, *Mithridatem vixisse* pronuntiavit. Inde læti omnes ad sacrificandum epulandumque se converterunt; in uno corpore bellum extinctum, infinitosque populi Romani hostes deletos rati. Pompejus etiam minore, quam credidisset, labore suo debellatum gaudens, & in patriam, ut primum posset, rediturus, statim orta luce Hierosolyma progressus, Aristobulum terruit, ut descendens, pecuniis promissis, urbem & omnia in potestatem ejus dederet.

LXII. Pompejus, venia vicissim data, Gabinium ad accipiendam pecuniam misit. Sed Aristobuli factione clau-

§ LIX. Plut. in Pomp. c. 66. Diodor. § LX. Appian. Liv. Epit. Diodor. Vellej. 2, 40. Eutrop. § LXI. Joseph. antiq. 10, 36. & de bell. Jud. 1, 5. Plut. Appian.

dente portas, ille datus in custodiam est, urbs obfessa. quam ubi Hyrcani partibus dediti aperuerunt, Piso legatus Pompeji, regia occupata, præsidium ibi posuit, domusque & alia, templo, quod rebelles occupaverant, vicina communivit: deinde templum, qua respiciebat Aquilonem, infirmius ea parte, quam cetero ambitu, videns, oppugnare cœpit. Erat tamen ibi quoque præceps & abrupta vallis, & pontem, qui templum urbi jungebat, obfessi revulserant. Murus etiam firmissimus, turreſque præaltæ tantum non inaccesſibilem efficiebant locum.

LXIII. Sed Pompejus abundanti multitudine (nam & a Damasco ceteraque Syria copias auxiliares adduxerat) *voraginem comportata undique materia* jussit *expleri*. Cum multi inter hæc Judæorum telis vulnerarentur, tardius procedebat opus, vix ad optatum finem perducendum, nisi septima die cessantes a jaculando obfessi, impune Romanos, quod placuisset, moliri paterentur. Quemadmodum enim ea gens ita cum Deo suo velut dividere partes imperandi parendique consuevit, ut mandatis ejus ad suæ interpretationis modum obtemperent; tum solummodo, cum peteretur corpus, repugnare licitum putabant, alia hostilia agentibus per Sabbathum obniti nefas.

LXIV. Igitur per eos dies Romani neque petebant hostem, neque petebantur: tantummodo fossis complendis, struendoque aggeri strenue admovebant manus. Machinæ deinde Tyro advectæ, cum continuo saxorum jactu propugnatoribus mœnia nudassent, spatium Romanis unam suffodiendi turrim præbuerunt. Per hujus ruinas tertio obsidionis mense captum est templum ipso die jejunii, quod tum incidit in Quinctilem. Faustus Sulla, dictatoris filius, primus ascendit murum: secutique statim Furius & Fabius centuriones cum suis manipularibus.

LXV. Interea nihilominus sacerdotes munia sua, tan-

§ LXII. Plut. Oros. 5, 6. Strab. l. 10. § LXIII. Strab. Joseph. antiq. 14, 4. & de bell. Jud. Diodor. l. 37. § LXIV. Joseph. de bell. Jud. Appian.

quam in altissima pace, obeuntes, neque strictos in se gladios, neque accepta vulnera pavescebant: multique inter ipsa sacra sunt interfecti. ceterorum quoque varium exitum fuit: multi ab hoste, multi a civibus discordibus cæsi, magna pars semetipsos præcipitarunt in abrupta. quidam etiam furentes calamitate conjuncta templo ædificia cremarunt, seque ipsos injecerunt ignibus. Ad millia duodecim periisse dicuntur: de Romanis oppido pauci: complures tamen sunt vulnerati. In ea calamitate Judæis nihil acerbius fuit, quam quod inviolata ad eam diem fani arcana, folique principi sacerdotum, nec nisi semel quotannis, aspicienda, profanis hominibus patuerunt.

LXVI. Sed præcipue Romanis admirationi fuit nulla intus Deorum effigie vacua sedes, cum simulacrum aliquod, rem gentibus omnibus velut consensu receptam, quærent. Inde multiplex de Judaicis religionibus opinionum error apud gentes inolevit, tam pertinaciter, ut etiam, vulgatis per Christianorum incrementa Judæorum sacris, Plutarchus, tam diligens abstrusorum inquisitor, in clarissima luce cæcutiret, *Liberum Patrem a Judæis coli* multis argumentis ineptissime disputans. Absurda persuasio inde primum orta, quod sacerdotes Judæi tibia tympanisque concinebant, hederaque vinciebantur: & ante omnia, quod reperta in templo vitis aurea fuisset.

LXVII. Pulcherrimum id opus, quingentis æstimatum talentis, sive Aristobuli donum, sive suas e templo manubias Romam deportante Pompejo, postea in Capitolini Jovis fano stetit, Alexandri nomen inscriptum habens, Judæorum regis. In templo præter candelabrum insigne, mensamque & vasa aurea, magna vis odorum reperta, sacræque pecuniæ ad duo millia talentum, quibus omnibus abstinuit Pompejus: alteroque post captum templum die, repurgari locum ab ædituis, solitoque ritu instaurari fa-

§ LXV. Appian. Joseph. Plut. in Pomp. c. 66. § LXVI. Joseph. Plut. Cic. pro Muræn. c. 16. Hegefipp. 1, 16. Oros. 6, 6. Diodea. l. 37.

era voluit. Jussu deinde regnare Hyrcano, præcipuos belli auctores, in quibus & Absalomus fuit, Aristobuli focer, securi percussit: Faustum ceterosque virtutis causa donavit: Hierosolyma, dirutis oppidi mœnibus, Romanis stipendiaria fecit, procuratore imposito Antipatro.

LXVIII. Judæorum deinde gentem veteres intra terminos compescens, quos ab Syria populos urbesque superioribus annis avulserant, ademit. Gadara, quod oppidum paulo ante dirutum ab ipsis fuerat, instauravit, in Demetrii gratiam liberti sui; cujus tanta erat potentia apud patronum, ut, *sæpe ad convivas excipiendos discurrente Pompejo, ipse accubuisse* memoretur. Unde & apud alios ei adeo nimius honor, ut, quantum Catonem accipere puduisset, homo libertinus admitteret. Ajunt, *per absentiam Pompeji Catonem ad Antiochiam visendam profectum, cum ante portam virorum agmen cum vestibus albis, & propter viam hinc quidem adultos, inde impuberes stare vidisset, honore nimio offensum cœpisse stomachari: cum accesserit ad eum dux Pompeus, coronatus & virgam tenens, interrogans, ubi Demetrium reliquissent? & anne cito esset affuturus. Ibi amicis Catonis effuisse ridentibus, Catonem hæc tantum effatum, o miseram civitatem! nec alio responso dato, præterisse.*

LXIX. Atque hoc idem tanto post tempore Julianus imperator Antiochensum posteris objecit. Hujus igitur Demetrii patriam liberam esse jussit Pompejus; & præterea in mediterraneis Hippam, Scythopolin, Pellam, Dium, Samariam, Marissamque & Azotum, & Jamniam, & Arethusam Samplicerami Arabum phylarchi castellum, prioribus cultoribus restituit. ad mare vero Gazam, Joppen, Dora, Stratonisque turrim, quæ post *Cæsariæ* fuit, potestate Judæorum liberatas suis legibus reddidit. His ita gestis, M. Scauro quæstori suo duas legiones reliquit, ut Syriam, qua Ægypto, & Euphrate terminatur, obtineret: ipse in Ciliciam discessit, vincitum abducens Aristobulum cum duobus filiis, filiabusque totidem; quorum e numero paulo

post major fratrum Alexander, in itinere parum diligenter asservatus effugit.

LXX. Festinabat enim Pompejus, ut, rebus Orientis constitutis, Romam recurreret. Idcirco celeriter pertransitis, quæ Ciliciam & Pontum interjacent, provinciis, cum Amisum venisset, regiones ibi liberos, qui capti interea fuerant, & ab Pharnace munera reperit, cum cadavere Mithridatis, quod muria conditum parricida Pharnaces miserat. Pompejus, mortuo Sinopen amandato, ut sepulcro majorum inferretur, sumtu insuper ad regii splendoris exsequias liberaliter præbito, vestem, qua uti consueverat, armorumque elegantiam & pondus est admiratus. At vaginam gladii, quam ajunt talentis constitisse quadringentis, Publius quidam suffuratus, clam vendiderat: itemque cidarum miri operis, Cajus Mithridatis collactaneus Fausto Sullæ, in quos deinde Pharnaces, re comperta, animadvertit.

LXXI. Idem obsides quoque multos Græci barbarique generis misit ad Pompejum: adductis etiam, qui M. Aquillium comprehenderant, orans, *ut sibi aut paternum Ponti regnum, aut saltem Bosporanum, quibus finibus Machares tenuisset, concederetur.* & Pompejus, illius sane opera Italiam maximo metu liberatam reputans, *socium & amicum* appellatum *regnare in Bosforo* jussit; exceptis in libertatem Phanagorensibus, qui defectione sua primi perculerant Mithridatem, causamque præbuerant periculis, quibus ad extremum est obrutus. Ab eodem merito Castor *socius amicusque populi Romani* appellatus est, &, accepta Galatiæ parte, filiam Dejotari regis duxit. unde subitus ei domui, nec diuturnus splendor.

LXXII. Venerunt deinde præfecti castellorum, qui deditionem in adventum Pompeji distulerant, ne forte thesauros diriperent, quorum in manus traditi forent, & deinde ratio a se repõceretur. Incredibiles hic reper-

§ LXIX. Hegefipp. Eutrop. Joseph. Liv. Epit. § LXX. Tacit. hist. 5, 41. Max. Tyr. dist. 38. § LXXI. Plut. Tacit. Joseph. antiq. 4, 5.

tæ opes : quamquam diuturno & infelici bello maximam vim pecuniæ Mithridates absumserat. Talaura præcipue referta omnis generis opulentia, quæstorem, dum inventa perceret, ad dies tringinta attinuerunt. Duo inde millia poculorum ex onyche Romani fustulerunt, cum multis phialis, fellis lectis, equorum etiam phaleris aureis gemmatisque. Hæc partim a *Dario Hyflaspis filio pervenisse ad ultimum Mithridatem* ferebantur : pars cum Alexandro filio a Cleopatra in templo Æsculapii deposita, tradentibus Cois, facta illius erant : nec pauca ipse paraverat, elegantioris instrumenti percupidus.

LXXIII. Dum ad hunc modum res Romana, tabidæ meretricis instar, insigni splendore & opulento cultu foris enitescit; peste intima propemodum vitalia exedente, in id periculum adducta est, ut parum abesset, quin, omnibus a se subactis conculcatisque urbibus, haberi deberet infelicior. Architectus ejus fraudis Catilina erat, cujus tum maxime, consularibus instantibus comitiis, conjuratio erumpibat. Nam Catilina omni contentione pugnabat, ut prius designaretur, quam venire Pompejus in Italiam posset, cujus unius vires virtutemque maxime metuebat. Idcirco contracto conscriptorum concilio, cum Sullani milites, spe novæ prædæ, quia veteres rapinas luxu & libidinibus dissipaverant, conjurationi faventes, ei totam, in qua plurimum poterant, Hetruriam partibus adjuncturi viderentur; consilium ceperunt Ciceronem inter ipsa comitia trucidandi. hoc submoto, cetera facilius successura.

LXXIV. Hæc primo per literas, incertum unde datas, sunt cognita, quæ erant ad M. Crassum aliosque pari nobilitate scriptæ : quas ad Ciceronem Crassus ipse cum M. Marcello & Metello Scipione detulit. Ob eam rem comitiorum dies, quæ suberat, agente Cicerone dilata est, ut de his rebus consuli senatus posset. Postridie Catilinam in-

§ LXXII. Joseph. de bell. Jud. 1, 5, & antiq. 14, 8. Cic. pro Flacc. c. 18. Diodor. l. 37. Appian. Syriac. Sulpic. Sever. § LXXIII. Joseph. Hegesipp. Plut. in Pomp. c. 66, & in Cat. c. 17. Strab.

terrogavit in curia consul, *quid de illa causa diceret?* atque ille aperte respondit: *cum duo sint reipublicæ corpora, debile alterum, infirmo capite, alterum sine capite prævalidum, huic se vivo caput non esse defuturum.* Tum ergo tumultum esse decretum est ab senatu, & in auctores inquisitio iussa. Consul, ut metum & periculum cives animum avdererent, dissuta de industria tunica, loricæ ostendit particulam. Igitur ad præsidium ejus valida se aggregante manu, comitia sine tumultu peracta, D. Silanus & L. Muræna designati. Sub hoc demum tempus dilatum inimicorum calumnia triumphum L. Lucullus de Mithridate & Tigra-ne regibus duxit: quæ ipsa res gloriam ejus miseratione injuriæ augebat.

LXXV. Pompa uti minime prolixa, ita delecto apparatu spectabilis fuit. Armis machinisque hostilibus circum Flaminium exornaverat. in triumpho paucos cataphractus duxit, decem currus falcatos, amicos ducesque regiones sexaginta. Naves quoque rostratæ centum decem translatae. Præterea Mithridatis effigies ex auro senum pedum, & distinctus gemmis clypeus. Fercula viginti vasorum argenteorum: duo & triginta poculorum, armorumve, aut nummorum ex auro. Lectos etiam aureos octo muli transtulerunt, & alii sex & quinquaginta argentum infectum, alii centum & septem signati paulo minus vices septies centena millia drachmarum. Præferabantur & in tabulis summae, quas Pompejo ad bellum piraticum, deinde quaestoribus ærarii dederat: adscriptum etiam erat, *nongenas quinquagenas drachmas militibus divisisse.*

LXXVI. Inde splendidum epulum populo dedit, in foro & per vicos tricliniis stratis: vinique Græci congiario divisit millia cadum amplius centum. Statuas permultas in publico posuit ex manubiis, in quibus eximiae artis Hercules fuit in fatali tunica suprema sentiens, & Colossus Apollinis triginta cubitorum, centum quinquaginta ta-

§ LXXIV. Appian. Joseph. Plut. in Pomp. § LXXV. Diodor. Plut. Appian, Mithrid. Strab. l. 12. Cic. pro Dejotar. c. 11.

lensis factus, quem ex Apolloniatarum Ponticorum insula advexerat.

LXXVII. Hic finis publicorum operum Lucullo fuit: postea, sive gloriæ opumque fati adeptum ratus, sive nequidquam applicari medicamenta desperatis patriæ morbis; abjecta semel rerum aliarum cura, in otio & luxu vixit: profusæ in ædificiis conviviisque luxuriæ, quæ mox in immensum crevit, primus auctor. quæ ob injectas moles mari, & vicissim exciso ad Neapolim monte, mare admissum, Magnus Pompejus haud infacete *Xerxem togatum* appellavit. Atque ea res etiam incitamento conjuratis fuit, deplorante suam suorumque paupertatem Catilina, dum alii fursum deorsumque vexando opes suas, vincere tamen & consumere nequirent.

LXXVIII. Sed augente horum amentia, simul augeri consulis & Patrum vigiliæ cœperunt. Jam senatusconsultum factum erat ultimæ necessitatis: *darent operam consules, ne quid detrimenti respublica pateretur*. Post paucos deinde dies L. Senius senator literas in senatu recitavit, Fæstulis allatas, in quibus scriptum erat, *C. Manlium, qui sub Sulla duxisset ordines, bellatorem impigrum, postquam male partas divitias pejus etiam decoxisset, ante diem octavum Kalendarum Novembres arma cepisse cum magna multitudine*. Trepididis inde vulgo omnibus, ut solet in tali re, prodigia nuntiabantur. ingenti motu quassata tellus, Spoletumque totum concussum erat, & quædam corruerant. crebra fulmina ceciderant, quibus decussa pleraque, & Varguntejus Pompejis sereno cœlo exanimatus fuerat. Trabs ardens ab occasu ad cœlum ferri visa: multisque locis spectra hominum apparuerant.

LXXIX. Erant &, qui *salutis augurium rite factum* negarent, *quod eo tempore infaustæ aves visæ dicebantur*. Nonnullos Claudius augur moverat, consuli bellum domesticum

§ LXXVI. Appian. LXXVII. Plut. Flor. 4, 1. 6 LXXVIII. Sailust. Catilin. c. . Appian. civil. l. 2, Plut. in Crass, c. 24, Diodor. Cic. pro Muræn. c. 24.



*triste ac turbulentum* prædicendo. Itaque certa incerta rumoribus adaugentes, *conventus factos, arma comportata, servile bellum in Apulia & Capuæ motum* loquebantur. Multa ob has res decreta in senatu facta. Q. Marcius Rex, Q. Metellus Creticus, qui duo imperatores adhuc ad urbem erant, impediti ab adversariis, ne triumpharent, *ille Fæstulas, Metellus in Apuliam ire* jussî. Prætores Q. Pompejus Rufus Capuam, Q. Metellus Celer in Picenum missi, cum mandatis, *uti pro tempore atque periculo exercitum compararent.*

LXXX. Gladiatoriae familiae Capuam, & in cetera municipia, *pro cujusque opibus distribui, per totam urbem minores magistratus vigilias agere* jussî. Conjuratæ indicibus præmia proposita: *servo libertas & centena sestertia, libero impunitas & sestertia ducenta.* Post hæc per aliquot dies, Catilina nihil auso moliri, tranquillæ res videri multis cœperunt, ut jam *Ciceronis calumniam* incusarent. Sed Hetrusci motus cito fidem fecerunt veri: & Catilinam L. Paullus lege Plautia de vi postulavit.

LXXXI. Atque ille conscientiam dissimulans, *vitandæ suspicionis causa apud M. Lepidum habitare velle* dixit, Pauli fratrem. nec receptus, venit ad Ciceronem, deinde ad Q. Metellum prætorem, & repudiat ubique, M. Marcello custodiendum se tradidit. Postea cum in senatûm venire ausus esset, qui tum in Jovis Statoris habebatur, & omnes subsellia, ad quæ sedendi gratia iste accesserat, vacua relinquerent, in aliam partem digressi; Cicero, sive præsentiam ejus timens, sive ira commotus, orationem in præsentem reum habuit, quam adhuc legimus, *excedere jubens urbe, quam exitio destinasset. nam referre bonorum civium, ut inter se & hostem patriæ murus intersit.*

LXXXII. Ille, demisso vultu rogatis Patribus, *ne temere de se crederent, clarissimis majoribus orto,* deflexit ad convicia, *Ciceronem inquilinum urbis* appellando. Plura deinde maledicta ingerenti cum omnes obstreperent, *hostem atque par-*

LXXIX. Plut. Cic. pro Muræn. c. 18, & Acad. quæst. I. 4.  
§ LXXX. Plut. in Lucull. c. 77. § LXXXI. Plin. 14, 14 & 34, 7.

*ricidam* vocando ; furenti similis, *quandoquidem*, inquit, *inimicorum conspiratione præceps agor, incendium meum ruina restinguam.* Proxima deinde nocte cum trecentis armatis egressus urbe, plerisque consularibus, præterea optimo cuique scribit ex itinere, *Massiliam se in exsilium proficisci, ne, si resisteret inimicorum calumniis, periculum inde reipublicæ oriretur.*

LXXXIII. Interim cum præcipuis sodalium ita comparaverat, ut, *quamprimum se Fæsulas pervenisse cognoscent, Lentulus atque Cethegus cum sicis domum Ciceronis irent, propter dignitatem minime excludendi ; & specie secretioris colloquiû seductum confoderent ; L. Bestia* (is tribunatum plebis erat initurus) *subito concione vocata, Ciceronem accusaret, meticulosum hominem, & sui timoris implentem credulos.* proxima deinde nocte, duodecim locis urbs incenderetur. ei negotio præter jam dictos L. Cassius, P. Gabinius Capito, L. Statilius erant præfuturi.

LXXXIV. Hæc vigilantissimi consulis cura in irritum omnia reciderunt. Is in forum progressus, Catilinæ fugam & consilia exposuit populo, ita moderans, ut negligentibus extrema omnia metuenda, intentis optimam spem ostenderet : neque falli eos pateretur ficta Catilinæ modestia, quem *exsilii causa solum vertisse* multi, literis ejus decepti, aut studio partium dictitabant. sed paucos post dies epistolam ejus in senatu Q. Catulus recitavit hoc exemplo :

LXXXV. *L. Catilina Q. Catulo salutem. Egregia tua fides, re cognita, grata mihi, magnis in meis periculis, fiduciam commendationi meæ tribuit. quamobrem defensionem in consilio novo non statui parare : satisfactionem ex nulla conscientia de culpa proponere decrevi : quam medius fidius veram licet cognoscas. Injuriis contumeliisque concitatus, quod fructu laboris industriæque meæ privatus, statum dignitatis non obtinebam, publicam miserorum causam pro mea consuetudine suscepi. non quoniam æs alienum meis nominibus ex possessionibus solvere pos-*

§ LXXXII. Nic. Damascen. Vellej. 2, 33. § LXXXIII. Sallust. Catilin. c. 20. Plin. 9, 54. § LXXXIV. Diodor. Sallust.

*sem, cum & alienis nominibus liberalitas Orestillæ suis filiæque copiis persolveret; sed quod non dignos honore homines honestos videbam, meque falsa suspitione alienatum esse, sentiebam, hoc nomine satis honestas pro meo casu spes reliquæ dignitatis conservandæ sum secutus. Plura cum scribere vellem, nuntiatum est, vim mihi parari. nunc Orestillam tibi commendo, tuæque fidei trado: eam ab injuria defendas, per liberos tuos rogatus, aveto.*

LXXXVI. Inter hæc ipse, cum aliquot dies apud C. Flaminium Flammam in agro Reatino exegisset, vicinitate, quam per emissarios suos antea sollicitaverat, armanda; sumtis fascibus lictoribusque, signisque explicatis, ad paratas a Manlio copias contendit: liberis omnibus (adhuc enim servitia repudiabat) ad societatem armorum vocatis. Hæc ubi Romæ comperta sunt, senatus vestem mutat: Catilinam & Manlium hostes judicat: ceteræ multitudinī diem itauit, *ante quam sine fraude liceret ab armis discedere, præterquam rerum capitalium condemnatis*, præterea decernit, *uti consules delectum habeant: Antonius cum exercitu Catilinam persequi maturet, Cicero urbi præsidio sit.* qui providus futuri provinciam Galliam, senatus auctoritate, exercitu & pecunia instructam & ornatam, quod ita reipublicæ ferebant tempora, in concione, licet reclamante populo Romano, deposuerat.

LXXXVII. Gallia, ne Catilinæ pateret, ipso maxime Cicerone annitente, Q. Metello Celeri, qui in Piceno exercitum habebat, commissa est. Cicero, qui ante etiam contra Catilinæ audaciam clientium amicorumque præsidiiis dissimulanter se muniverat, tum vero palam custodiam circum se habuit equitum Romanorum maxime. quod nomen, ipse equestri genere ortus, sic in consulatu stabilivit extulitque, ut ab eo tempore tertium hoc in republica corpus cum fenatu populoque Romano haberi cœperit. Cum inter hæc a Ser. Sulpicio competitore suo L. Muræna

§ LXXXV. Appian. Cic. Catilin. 1, 3. Sallust. Diodor. Jul. Obseq. § LXXXVI. Plut. Diodor. Cic. de divin. 1, 47. Sallust.

consul designatus legibus ambitus interrogaretur, Cicerone defendente est absolutus; quod nemo judicum sibi de ambitu audiendum esse putaret, quia, gerente bellum Catilina, sciebant Kalendis Januariis duos in republica consules esse oportere.

LXXXVIII. Dixerat enim Cato in reum, vir nullius rei, quam legum & æqui, studiosior. Is, cum in petendo non obscure vidisset largitionem versari, in senatu dixerat, *accusaturum se, quicumque pecuniam dedisset*: unum excipiens Silanum, quod is in matrimonio Serviliam habebat, Catonis sororem. Ceterum quo tempore Catilina bellum orsus est, magnum severitatis documentum A. Fulvius senator dedit, filium necando, quem ad Catilinam euntem e medio itinere retraxerat: præfatus, *non se Catilinæ adversus patriam, sed patriæ adversus Catilinam, genuisse*. Ceterum Ciceronis in urbe retinendi consilium salubre rei-publicæ fuit. P. enim Lentulus, ceterique conjuratorum principes non cessabant de Catilinæ præcepto adjungere, quoscumque novis rebus idoneos judicassent.

LXXXIX. Idcirco cum forte duo legati Allobrogum venissent, *de magistratum Romanorum injuriis* questum; per P. Umbrenum, qui negotiatus in Gallia fuerat, sollicitantur. Neque parum commoti sunt feroces animi, cum *spes libertatis, & ampla alia præmia* ostenderentur. Tandem incerta certioribus posthabendo, Q. Fabium Sangam, quod civitas in tutela Fabiorum erat, adeunt, eique rem totam aperiunt. ab hoc Cicero edocetur. vocantur legati. veniunt cum Muræna consule designato, magnisque promissis inducuntur, *ut, studio conjurationis diligenter simulato, id agant, uti quam certissima coarguendorum noxiorum argumenta indipiscantur*. Interea non in urbe solum, sed per Italiani magni motus erant, ceterum festinatione & amentia conjuratorum fere innoxii: quorum e numero multos Metellus Celer in Piceno, in citeriore Gallia C. Muræna, consulis de-

§ LXXXVIII. Diodor. Sallust. Cic. in Vatin. c. 10, & Catilin. 1, §.

ſignati frater, qui ei provinciae præerat, ex ſenatusconſulto in vincula conjecerunt. Sed in urbe cum a. d. IX Kal. Octobres ſenatus ob inſtantia pericula vocatus eſſet, novæ ſollicitudinum cauſæ plerique terruerunt. P. Nigidius Figulus, quo amico & conſiliario intimo conſul utebatur, audito, C. Octavium *uxoris ſuæ puerperium excuſare, quod in curiam tardius veniſſet*; exclamavit, *Dominum nobis genuiſti*. Ea Figuli exiſtimatio Romæ erat, ut inter doctiſſimos haberetur: mathematicarum autem rerum peritia ſic excellebat, ut prohibitis artibus crederetur uti.

XC. Eo majorem in animis Patrum timorem ea vox peperit, præcipue quia paucos ante menſes conſtanter jactatum fuerat, *naturam regem orbi terrarum parturire*. idemque Sibyllæ carminibus comprehenſum dicebatur. præterea paſſim etiam, extremis ab oris, in eum ſenſum oracula afferbantur. *Ob eas cauſas, maxime quod Romæ etiam factum prodigium eſſet, ſenatum exterritum cenſuiſſe, ne quis illo anno tolleretur; ſuppreſſumque fuiſſe ſenatusconſultum per eos, qui gravidæ uxores habebant*, Julius Marathus ſcripſit, Auguſti libertus. nam ad Auguſtum hæc poſtea tracta ſunt, cujus ille, quem diximus, natalis M. Tullii conſulatum illuſtravit.

XCI. Sed tum quidem ad propiora pericula præventendum ſenatui fuit. Lentulus & ceteri enſes, ſulphur, ſtupam in domum Cethegi clam comportari jufferant: urbem in centum deſcripſerant partes, quas totidem perditis hominibus assignarent fortito, ut multis ſimul locis incenderetur: parati-que erant, qui aquæductus obſtruerent, & aquam petentes trucidarent: cetera quoque, ut ſupra eſt expoſitum, adminiſtrarentur, & filii familias, quorum multi ex nobilitate inter conjuratos erant, patres ſuos, feminæ maritos occiderent. tantummodo liberis Pompeji parcere Lentulus decreverat, quos adverſus iram hominis potentiſſimi, qui paulo poſt aſſuturus dicebatur, haberet obſides. Inter il-

§ LXXXIX. Plut. Cic. Catilin. 1, 5, & in Piſon. c. 11. Idem ad Attic. 2, 11. Salluſt. Appian. civil. l. 2. Val. Max. 9, 11.  
§ XC. Cic. Catilin. 2, 7. Salluſt.

lum tumultum, cæde & incendio perculsis omnibus, ad Catilinam debebant erumpere.

XCII. Sed ceterorum cunctationem Cethegus sæpe increpabat, præfervido ingenio, promptusque manu, & ad quodlibet facinus præsentis audaciæ. nam Lentulus & ceteri rem in Saturnalia proferebant. Jam Allobroges ex mandato Ciceronis cum conjuratis egerant. ab iis ad Catilinam cum Tito quodam Volturcio Crotoniense mittuntur. Eidem literas dat perferendas Lentulus, hoc exemplo: *Quisim, ex eo, quem ad te misi, cognoscēs. cura, ut vir sis; & cogita, quem in locum sis progressus; & vide, quid jam tibi sit necesse. cura, omnium tibi auxilia adjungas, etiam infimorum.* Ad hoc mandata verbis dat, *ne quod genus auxiliorum in hac necessitate spernat: neve cunctetur, paratis in urbe omnibus, propius accedere.*

XCIII. His ita constitutis, cum noctu per pontem Milvium proficiscerentur, excepti sunt insidiis, quas ibi consulis jussu C. Pontinius, L. Valerius Flaccus prætores collocaverant. Ita his comprehensis, consul summo mane vocari ad se statim Gabinium, Lentulum, Cethegum, Statilium jubet; itemque Cæparium Terracinensem, qui in Apuliam ad sollicitandos pastores proficiscebatur. Reliqui venerunt. Cæparius, indicio cognito, ex urbe profugit. Consul, senatu in ædem Concordiæ vocato, *conjuratos cum custodibus adduci* jubet: Lentulum (quia prætor iterum erat, post consuiatum senatu motus, deinde ordine recuperato) manu tenens eodem ascendit. Ibi D. Silanus consul designatus dixit, *ex Cethego nonnullos audisse, fore, ut brevi consules tres, cum prætoribus quatuor, occidantur.* Similia C. Piso vir consularis afferebat. Interea C. Sulpicius, quem consul domum Cethegi miserat, redit, *magnamque vim ibi telorum armorumque, plurimasque fidas & gladios recens exacutos, reperisse* nuntiat.

§ XCI. Plut. Cic. in Pison. c. 12. Idem Catilin. 2, 3, & famil. 5, 2. Diodor. Sallust. § XCII. Plin. 23, 2. Quintilian. 6, 1. Ascon. in tog. cand. § XCIII. Cic. pro Flacc. c. 31, & pro Maræn. c. 11 & 37. Plut. in Cat. c. 38.

XCIV. Postremo Volturcius, accepta fide publica, & post hunc Allobroges, omnia aperiunt. Auctores sceleris tot indiciis, testibus, literis, sua confessione, vultu denique ipso, gestu, colore, convincuntur. Lentulum dissimulantem sermonibus etiam, quos habere solitus erat, Allobroges coarguebant, quærentes ab eo, *nihilne secum esset de fati Sibyllinis locutus?* Nam ex libris earum & haruspicum responsis, *regnum Romæ tribus Corneliis portendi confirmaverat: ante se Cinnam & Sullam fuisse; se tertium, quem necesse esset urbe potiri. præterea esse annum ab incendio Capitolii vicesimum, & post Vestalium absolutionem decimum, quem sæpe prædixissent haruspices bello civili cruentum fore.* Idcirco senatus Lentulum, abdicato magistratu, itemque ceteros, in libera custodia habendos cum censuisset, Lentulus P. Lentulo Spintheri, qui tum ædilis erat, Cethegus Q. Cornificio, Statilius C. Cæsari, Gabinius M. Crasso, Cæparius, qui retractus ex fuga fuerat, Cn. Terentio senatori traduntur.

XCV. Supplicatio etiam nomine Ciceronis decreta, quæ honor nemini ante eum togato contigerat, his verbis: *quod urbem incendiis, cæde cives, Italiam bello liberasset.* Cum inter hæc agenda præterisset dies, obscuro jam consul, quid actum esset, populo exposuit, cujus magna pars paulo ante bello faverat. Tunc autem, subito commutata mente, Ciceronem ad cælum tollebant laudibus, incendium maxime detestati, quod sibi inprimis calamitosum fore non dubitabant. Forte eodem die, eademque hora diei, qua per forum conjurati in ædem Concordiæ ducebantur, Jovis simulacrum ad ortum solis, in conspectu curiæ forique, altioribus, quam antea, columnis impositum est; cum biennio ante locatum, neque tamen ob tarditatem operis statutum ad eam diem esset. Igitur quod eodem tempore patefacta est conspiratio, quod *futurum eo signo sic posito hæ-*

§ XCIV. Sallust. Plut. Val. Max. 5, 8. Appian. Cic. Catilin. 3, 2. Idem pro Fonteio. c. 12, & pro dom. c. 52.

ruspices responderant, non sine numine Deorum tantis periculis ereptam esse civitatem, crediderunt.

XCVI. Postridie, cum iterum senatus haberetur, introductus a consule P. Tarquitius, qui professus indicium fuerat, Crassum inter conjuratos nominavit, nobilitate, divitiis, potentiaque summa hominem. Conclamant senatores, *falsum indicium esse, deque ea re* postulant *ut referatur*: pars ita sentientes; alii, quod periculosum putabant, potentissimum virum vel vero crimine præcipitem agi; multi privatim obnoxii. Igitur, consulente Cicerone, frequens senatus decrevit, *indiciū falsum* videri. Quidam existimabant, *machinatorem ejus indicii P. Antronium fuisse*, quo Crassus *potentia reliquis præsidio esset*: alii Ciceronis dolum, *ut Crassus a suscipiendo improborum patrocinio, quod ipsi frequens erat, abstereretur. Ipsum utique Crassum querentem audivisse* Sallustius scribit, *tantam illam contumeliam sibi a Cicerone impositum*: semperque postea fuit ab eo alienior.

XCVII. Cæsarem quoque nominari per Allobrogas, aut alium indicem, Q. Catulus, & C. Piso vehementer optarunt; sed nec prece, nec pretio persuaderi Ciceroni potuit, ut pateretur. Cum utroque graves inimicitias Cæsar alebat: Pisonem oppugnaverat modo in judicio, propter Transpadani cujusdam injustum supplicium, quo tamen judicio Piso est, defendente consule Cicerone, absolutus: Q. Catulus extrema ætate, maximis honoribus usus, victum se a Cæsare in petitione pontificatus impatientissime ferebat. Nuper enim Q. Metello Pio mortuo, cum pontificis maximi vacaret locus, T. Labienus legem tulerat, *ut, abrogata lege Cornelia, & revocata Domitia, populus sacerdotia mandaret*. Fiebat hoc in Cæsaris gratiam, quem ita fovebat populus, ut nihil non ad demerendum eum facturus videretur.

XCVIII. Itaque licet duo summi viri, Q. Catulus, P.

§ XCV. Plut. Sallust. Cic. pro Muræn. c. 41. Sueton. in Aug. c. 5. § XCVI. Sueton. in Aug. Agell. 15, 14. Diodor. § XCVII. Sueton. in Aug. Vellej. 2, 36. Plut.



Servilius Isauricus peterent, Cæsar nihil territus, se ostendit competitorem. Et *Catulus*, quanto major annis ac dignitate erat, impensius timens repulsam, *per certos homines egisse cum Cæsare* dicebatur, *magna ostensa mercede, ut a petitione desisteret*. Ille contra, *longe majorem se impensam facturum in comitia*, declaravit. Nec verbis absuit fides; tantaque largitione est usus, ut matri, descendentem ad comitia cum lacrimis osculanti, magnitudinem æris alieni reputando, dixerit: *hodie, mater, aut pontificem habebis filium, aut exulem*. Idèoque duos tam potentes viros ita superavit, ut plura in eorum tribubus suffragia, quam uterque in omnibus ferret. Piso igitur & Catulus, his odiorum causis, cum impellere consulem nequivissent, circumeundo tamen, & velut ex Volturcio aut Allobrogibus audita differendo, tantum illi invidiæ conflagrant, ut equites Romani quidam ex eo numero, qui circum Concordiæ ædem armatus stabat, tanquam hosti publico gladiis minitarentur.

XCIX. Ibi Curio dicitur eum texisse toga sua, & consul, intuentibus in eum equitibus, abuisse cædem: five credebat innocentem; five ille potentiam hominis metuebat, ne causa hujus & ceterorum mixta, potius illos ob Cæsarem fervaret populus, quam cum illis interire Cæsarem pateretur. Territus tamen Cæsar, an ut invidiam conflaret inimicis, in reliquum anni tempus curia abstinuit. Inter hæc liberti & clientes conjuratorum, servitia & facem vulgi commovebant, ut vi Lentulum & ceteros eriperent. Qua re cognita, consul, cujus diligentiam nihil effugiebat, noctu Capitolium forumque præfidiis occupat; ipse in domo cujusdam amici præsentia insomnis ac sollicitus animoolvebat. Nam suam domum intrare religione verabatur, quod ibi tum Terentia uxor cum Vestalibus sacrum Bonæ Deæ celebrabat. Detecta conjuratione lætabatur; sed nobilissimi deprehensi cives angebant, si

§ XCVIII. Phil. Sallust. Cic. Catilin. 3, 4, & pro Flacco, 2, 40. Flor. 4, 1. Diodor. l. 37.

tollerentur, invidiam sibi, sin viverent, reipublicæ periculum allaturi.

C. Sub ortam lucem (Nonæ Decembres erant) confirmatus prodigio, & nuntio Vestalium *insistere* jubentium consiliis, magnum ei lumen ad gloriam præferentibus, quod domi ejus inter sacrificandum ex favilla & cinere luculenta flamma proruperat; populum sacramento per prætores adigit, ubi militibus opus esset, arma capturum: ipse convocato senatu refert, quid de iis fieri placeat, qui essent in custodias traditi. Tum Decimus Junius Silanus consul designatus (hi enim ferme sententiam primi rogabantur) de illis, & præterea de L. Casso, P. Umbreno, P. Fulvio, Q. Annio, cum deprehensi forent, supplicium sumendum censuit. Assentientibus aliis, Ti. Nero debellandum antea Catilinam dixit videri; ceteros haberi in custodia, præsidiiis additis, donec iterum ea de re referatur.

CI. Ubi ventum ad Cæsarem est, qui tum erat prætor designatus, mortem a Diis immortalibus supplicii causa constitutam negans, sed potius portum quendam miseriarum, & quietem laborum esse; vinculis, eisque sempiternis, coercendos decrevit, bona publicanda, ipsos in municipiis, quæ Cicero consul probasset, habendos: neu quis de iis postea ad senatum referret, neve cum populo ageret: municipibus, si quis eorum vincula rupisset, atroces pænæ præstiterentur. sic effugi invidiam, ne quis civis indicta causa necatus videatur; reos interea gravius plecti, quam si supplicium paterentur.

CII. Adeo commoverat animos tam facundia orationis, quam potentia viri, ut non modo ceteri deinceps eam sententiam sequerentur, sed qui sententiam prius dixerant, & ipse ante omnes Silanus, retractarent, quæ censuerant, aut interpretatione mollirent; cum post orationem insignem, a consule interpositam, pæne inter ultimos (adolescens enim adhuc, & tribunus plebis designatus erat) sententiam M. Cato rogatus, ita & Silani perstrinxit incon-

§ XCIX. Vellej. 2, 34. Plut. Cic. Sallust. § C. Cic. Sallust. Plut. Appian. civil. l. 2. § CI. Cic. in Pison. c. 3. Quindilian. 2, 16.

stantiam, & Cæsarem suspicionibus & invidia obruit, ut in ejus sententiam, *sumendum de conjuratis supplicium*, decerneretur.

CIII. *Etiam bona publicari* volebant plerique: sed Cæsar, *indignum esse* testatus, *id unum ex sententia sua retineri, quod erat asperissimum* (nec enim alii hoc consueverant) repugnavit; illisque non desistentibus, appellavit tribunos. cum neque tribuni intercederent; consul sponte cessit, eamque sententiæ partem remisit. Magnam ea dies Catoni celebritatem attulit, adeo incomparabilem pro republica & honesto animum attulisse viso, ut major pars senatus abeuntem domum prosequeretur. Consul opperiri noctem, ne quid per eam novaretur, inutile ratus, triumviros capitales *parare, quæ pertineant ad supplicium*, jubet: &, prædiis dispositis, Lentulum e palatio per Sacram viam mediumque forum ipse ducit.

CIV. Principes senatus consulem stipabant: populus, magnitudine rei attonitus, cum horrore & veneratione præteribat. Ut ventum ad carcerem est, demisso in Tullianum Lentulo, gula laqueo frangitur. idem fit Cethego, Statilio, Gabinio, & Cæpario, quos prætores adduxerant. Consul, spectato supplicio, digrediens, cum frequentem adhuc in foro videret turbam, velut noctem effringendi carceris causa exspectantium, alta voce pronuntiavit, *vixerunt*. hoc enim verbo ad mortis evitandum omen veteres utebantur.

CV. Domum deinde jam cœpta nocte redeuntem cum plausu & lætis acclamationibus deduxit populus; matronis etiam honoris ejus causa, simulque servatorem urbis videndi cupidine, de tectis efferentibus faces. Prosequebantur eum primarii viri, gestis præclare rebus, & triumphorum splendore nobiles: quibus non alius inter eundem sermo erat, quam, *se quidem & similes alios imperium protulisse populi Romani; servatum populum Romanum cum imperio & imperatoribus, unius Ciceronis opus esse. hunc non exercitu,*

§ CII. Plut. Cic. Sallust. Arnob. § CIII. Sallust. Plut. in Crass. c. 24. Diodor. § CIV. Plut. in Cat. c. 10. Sallust.

*neque vi militum, sed suis consiliis togataque nisum industria, tantum incendium, quo conflagratura opulentissima post homines natos civitas fuerit, quinque admodum noxiorum sanguine reslinxisse.*

CVI. Neque deinceps aut in rostris, aut in curia minus ei honoris ab optimo quoque delatum est. Cato certe pro concione, deinde Q. Catulus frequentissimo fenatu, *parentem patriæ* nominarunt: non, ut postea Cæsares idem vocabulum, & quidquid tribuere adulatio potest, habuerunt; sed integra libertate. L. Gellius vir censorius, *civicam ei coronam deberi* dixit *a republica*. Cum hic bonorum omnium sensus esset, exortus est Q. Metellus Nepos, qui, tum tribunatu recens inito, cum L. Bestia collega, & designato prætore C. Cæsare, Ciceronis acta iaceret.

CVII. Is pridie Kalendas Januarias abeuntem magistratu, verba facere ad populum vetuit; *ei, qui in alios animadvertisset indicta causa, dicendi potestatem fieri non oportere*, dictitans: tantummodo jurare permisit. Tum Cicero, ut insultaret & inimicorum pravitati, non solemne magistratum ejurantium carmen, sed hoc magna voce juravit, *republicam atque Romam urbem sua unius opera esse salvam*. Nec indelectatus ea calliditate populus, magna voce & ipse juravit, *vere hoc ab illo juratum esse*. Ea res adversarios ejus momordit vehementer, utque se magis etiam contra eum intenderent, stimulavit.

CVIII. Sed Ciceronis, ut ipse deinde in fenatu dixit, *is domum fuit e foro reditus, ut nemo, nisi qui cum illo esset, civium esse in numero videretur*. Nec sane tanto viro nimius haberi honor poterat, cujus consulatui nullum alium omni memoria conferendum reperio. nam ceteri sæpe domi bellive egregiam operam navarunt reipublicæ, sed magnis plerumque præsidiis instructi: hic sibi præcipue innisus, adjutus a paucissimis, oppugnatus a magno au-

§ CV. Cic. pro Flacc. c. 32. Vellej. 2, 43. Sallust. Diodora.  
§ CVI. Sueton. in Cæs. c. 13. Plut. Sallust. § CVII. Appian. civil. l. 2.

clacissimorum hominum agmine, & adhuc amplius latentes adversarios timens, atrocissimam post homines natos, vaferrimamque conjurationem, eruit industria, debilitavit facundia, virtute constantiaque singulari superavit.

§ CVIII. Diodor. L. 37. Cic. familiar. & ad Attic. 1, 13.  
Plut.

JOANNIS FREINSHEMII  
SUPPLEMENTORUM  
LIVIANORUM

LIBER LXVIII.

IN LOCUM LIB. CIII LIVIANI.

E P I T O M E

LIBRI CENTESIMI TERTII.

*Catilina a C. Antonio proconsule cum exercitu cæsus est. P. Clodius accusatus, quod in habitu muliebri in sacrarium, in quod virum intrare nefas est, intrasset, & uxorem maximi pontificis stuprasset, absolutus est. C. Pontinius prætor Allobrogas, qui rebellaverant, ad Solonem domuit. P. Clodius ad plebem transiit. C. Cæsar Lusitanos subegit: eoque consulatus candidato, & captante rempublicam invadere, conspiratio inter tres principes civitatis facta est, Cn. Pompejum, M. Crassum, C. Casarem. Leges agrariæ a Cæsare consule cum magna contentione, invito senatu, & altero consule M. Bibulo, lætæ sunt. C. Antonius proconsul in Thracia parum prospere rem gessit, M. Cicero, lege a P. Clodio tribuno plebis læta, quod indemnatos cives necavisset, in exilium missus est. Cæsar, in provinciam Galliam profectus, Helvetios, vagam gentem, domuit: quæ, sedem quærens, per provinciam Cæsaris Narbonem iter facere volebat. Præterea situm Galliarum continet, Pompejus*

*de liberis Mithridatis, Tigrane, & Tigranis filio triumphavit: Magnusque a tota concione consalutatus est.*

I. **T**URBULENTUM & atrocem annum excepit D. Junii M. F. Silani, L. Licinii L. F. Murænæ consulatus, sicut periculorum oppressa majori parte tutior, ita reliquo adversus Catilinam bello, & gliscentibus in urbe discordiis, futurorumque expectatione haud minus laboriosus & minax. Kalendis Januariis, cum senatum novi consules convocassent, Q. Metellus tribunus plebis Ciceronem vellicans, vicissim acriter est ab illo reprehensus. Et C. Cæsar primo præturæ die Q. Catulum de refectione Capitolii ad disquisitionem populi vocavit, promulgata rogatione, quæ curatio ea in alium transferretur, ut Catulum honore dedicationis depelleret.

II. Sive enim quædam adhuc, ut ex tanto opere, imperfecta restabant, (& depressæ sub area cellæ plures gradus, paremque fastigio suggestum fieri non erant passæ) sive hoc fingebat Cæsar; id certe agebatur, ut, peculatus præscriptione remoto Catulo, Pompeji nomen operi absolute præscriberetur. In ea contentione tam contumeliose tractavit primarium virum, ut purgare se volentem ex inferiore loco juberet dicere. Sed optimates, relicto novorum consulum officio, frequentes accurrisse videns ad resistendum, hanc quidem actionem deposuit: Metelli turbulentissimas actiones pertinaciter cœpit defendere, infimæ plebi totum se applicans; quæ res novare cupientibus in omni magna civitate paratissima semper materies fuit.

III. Igitur M. Porcius Cato, minime alias largitor, ut eriperet homini populum, auctor Patribus dividendi in egenos cives frumenti fuit. Ea res licet constaret trecenties fectertium annui sumtus, tamen quietam eo anno rempublicam a formidata Cæsaris prætura præstitit: atque is post aliquot experimenta, cum deferi se a turba videret, reli-

§ I. Cic. famil. 5, 2. § II. Sueton. in Cæs. c. 15. Vellej. 2, 43. Diodor.

quum magistratus fui tempus modeste & civiliter exegit. Sed hæc paulo post referentur, ubi Catilinæ, & copiarum, quas secum habebat, exitum tradidero.

IV. Is jam ex omni numero hominum, quos aut ipse adduxerat, aut coactos repererat a Manlio, duabus exple-  
tis legionibus, eventum consiliorum suorum in urbe exspe-  
ctabat. Ubi *deprehensa ea disturbataque, & principes conjura-  
tionis supplicio affectos*, didicit, simul ob eam rem multis  
deficientibus, res suas quotidie fieri imbecilliores, prius-  
quam relinqueretur ab omnibus, per montes arduos in  
agrum Pistoriensem duxit, fugam in Galliam trans Alpes  
moliens. Sed, intellecto ejus consilio, Q. Metellus Celer,  
castris ex agro Piceno propere motis, in radice montium,  
qua descendendum Catilinæ erat, confedit.

V. Interea & C. Antonius affuit, qui cum magno exer-  
citu secutus fugientem fuerat. Ibi Catilina, locorum inge-  
nio, geminisque hostium castris clausus, quamprimum sta-  
tuit discernere, in Antonium versus: quamquam ille digni-  
tate præstabat, majoribusque & melioribus, quam Metellus,  
copiis erat instructus. Sed quia non alienum a pravis con-  
siliis noverat, futurum aliquid sperabat, quo ille ultro victo-  
riæ occasionem corrumpere. Neque dubitatum est, lentius  
periculosiusque futurum bellum fuisse, nisi M. Petrejus, &  
P. Sextius cunctanti Antonio stimulos ad rem gerendam ad-  
movissent.

VI. Quæstor Antonii Sextius erat: Petrejus legatus, vir  
mirificio rei militaris usu, qui amplius annos triginta tri-  
bunus, aut præfectus, aut legatus, aut prætor, cum magna  
gloria in exercitu fuerat. unde summa ipsi apud milites  
auctoritas; simul amor, quod noverat plerosque, & fortia  
eorum facta subinde commemorabat. Is igitur, exploratis  
omnibus, (nam Antonius pedibus ager, aut simulato mor-  
bo, prælio non affuit) signum pugnæ proposuit. Nun-  
quam certatum est pertinacius. Catilinæ exercitus, quam-

§ III. Cic. ad Attic. § IV. Cic. Plut. in Cat. c. 36. § V. Liv.  
Epit. Sallust. Catilin. c. 56. Appian. civil. l. 2.



quam & viribus impar, cum perire unusquisque prælio, quam supplicio, mallet, fugæ immemor, vita citius, quam loco, depelli potuit.

VII. Manlius in primo dimicans, post insignem editam pugnam, cecidit. Catilina post expletas boni militis imperatorisque omnes partes, ubi se relictum cum paucis vidit, in confertissimos hostes impetu facto, longe a suis occisus est: ceteri quoque omnes, tria circiter hominum millia, ad unum pugnando interfecti; neque quisquam ingenuus civis aut inter præliandum, aut in fuga captus est. Ex Antonianis quoque haud paucos pugna tam pertinax absumsit. Antonius ex eo prælio, licet minore hostium interfecto numero, quam ob quem hic honor dari consueverat, *imperator* & appellatus; triumphum tamen non petiit.

VIII. At Q. Cæcilius Metellus Creticus ex Apulia reversus, ante diem Kalendas Junias triumphans urbem iniit; serius, quam meruerat, ob ejusdem Pompeji invidiam, qua & Luculli fuerat triumphus retardatus. Quin & Panarem Lasthenemque, præcipuos Cretum duces, ne in triumpho currum Metelli præcederent, per quendam tribunum plebis eripuit Pompejus, *suos dedititios esse* causatus. Ceterum in urbe, capite Catilinæ viso, (nam illud certæ securitatis pignus Antonii jussu allatum fuerat) supplicatio decreta, quod alias ex civili bello fieri non solebat: &, sagis positis, ad priorem vestitum civitas rediit.

IX. C. Antonius statim in provinciam suam Macedoniam, reliqui etiam in suas provincias sunt profecti. Galliam cis Alpes Metellus Celer habebat; Transalpina C. Pontinio cessit. Hispaniam C. Cosconius, Q. Pompejus Africam fortiti sunt. L. Valerius Flaccus in Asiam est missus. Reliquæ deinde conjurationis, cum, ne quiescere possent, metu suppliciorum præcipites agerentur, diversis Italiæ re-

§ VI. Diodor. Cic. pro Sext. c. 5. Sallust. § VII. Appian. civil. l. 2. Flor. Diodor. § VIII. Val. Max. 2, 8. Fragm. Capitol. Sallust. Vellej. 2, 34. Diodor.

gionibus sunt extinctæ. Præcipui in his Caji Marcelli fuerunt, pater & filius. sed alterum in Pelignis, alterum in Brutiis, M. Bibulus, Q. Cicero prætores opprefferunt. de his motibus L. Vettii equitis Romani indicio fuerat cognitum: quod ab initio salutare, mox varie corruptum, magnas & ipsum in civitate turbas excitavit.

X. Multi enim affines conjurationi protracti sunt, partimque morte, alii pecunia condemnati, quod tempus ab inimicis Ciceroni postea objectum est, *quasi domi suæ judicia legis Plautiæ exercuisset cum uxore Terentia*: cujus alioquin id erat ingenium, ut cupide se publicis negotiis ingereret. Sed Vettius, cum tabulam senatui exhibuisset, qua *socios Catilinæ dicebat contineri*, ex intervallo eam repetiit, plures adscripturus. Enimvero Patres hoc anceps & fraudibus opportunum rati, tabulam, ne forte etiam nomina quorundam expungeret, non reddiderunt: ipsum, si quos præterea indicaturus esset, voce jusserunt edere.

XI. Sic ille, pudore & metu perfusus, pauca addidit nomina. Sed apud Novium Nigrum quæstorem ab eodem Vettio C. Cæsar erat compellatus: quem etiam Q. Curius, cui primo Catilinariæ conjurationis indici, decreta præmia erant, in senatu nominaverat. Id vero intolerabile Cæsari visum. Idcirco *Ciceronem* in senatu testatus, *ad quem ultro quædam de illa conjuratione detulisset*, effecit, ne præmia Curio darentur. Vettium, pignoribus captis, & direpta suppellectile, male multatum, & pro rostris in concione pæne discerptum, conjecit in carcerem: eodem & quæstorem Novium, quod majorem apud se potestatem compelli passus esset. Ab eodem indicio & per Italiam multa sollicitudo exstitit: dum etiam qui non erant nominati, ne essent, metuunt, aut aliorum suspicione notarentur.

XII. Idcirco senatus, publicata Vettii tabula, securitatem ceteris & quietem præstitit. at qui nominati erant, vocati

§ IX. Veliej. 2, 40. Diodor. Jul. Obseq. § X. Cic. in Vatrin. c. 5. § XI. Cic. pro Cæsar. c. 30, & pro Flacc. c. 3. Idem ad Attic. 2, 24. Oros. 6, 6. Diodor.

in judicium, & præsentes & absentes condemnati sunt. Nec desinebat Ciceronem accusare Nepos, senatum oblique petens, cui negabat *permissum, injussu populi civem occidere*. Ceterum facto senatusconsulto, *ne cui pestilentes & in conjuratione deprehensos necasse fraudi foret*; additoque, *si quis contra hæc periculum cuiquam faxit, eum senatui pro hoste futurum*: ista calumnia citra majorem tumultum conquivit. Illa Metelli ejusdem rogatio maximas turbas dedit, qua *Pompejus una cum exercitu ad constituendam rempublicam* vocabatur. Hoc maxime modo Ciceronis se potentiam infracturos rebantur, uti salutarem reipublicæ, ita novatoribus importunam.

XIII. Metello inter pertinacissimos propugnatores C. Cæsar aderat. Patrum seniores resistebant, & amplissimus quisque maxime. His firmissimum præsidium in animo Catonis erat, qui, jam a principio Metelli provisus consiliis; non alia de causa, quam ut his occurreret, tribunatum petierat. Forte cum amicis quibusdam & librorum supellectile proficiscebatur in Lucaniam, ubi prædia non contemnenda possidebat, cum, jumentorum farcinarumque & fervorum magna multitudine obvia, *Metellum Nepotem in urbem ire didicit, tribunatus petendi causa*.

XIV. Idcirco cum paulisper restitisset cogitabundus, præcepit suis *convertere iter*. Mirantibus, qui aderant, *non intelligitis*, inquit, *stoliditatem Metelli, bonis ultro formidabilem, nunc voluntate Pompeji velut amento concitatam, in rempublicam ferri? minime vero hic cessandi locus est, sed aut reprimendus ille mihi, aut pro libertate moriendum*. Nam affinis Pompeji Metellus, omnia ex ipsius nutu facere facturisque videbatur. præterea moribus erat improbis, unde & cognomentum ei *Nepotis*, licet a majoribus acceptum, mire congruebat. Profectus tamen, hortantibus illis, quo intenderat, nec multo post reversus in urbem, petiit tribunatum, & una designatus est.

§ XII. Sallust. in Cic. Plut. in Cic. c. 26. Diodor. Sueton. in Cæs. c. 17. § XIII. Cic. de legg. 3, 3. Sueton. § XIV. Diodor. Plut. in Cat. c. 27.

T. Livii Vol. X.

G

XV. Hic igitur Metellum in senatu compellans, non egit vehementer & illo Catoniano spiritu, sed præter morem lenis, etiam ad preces devolutus, admonuit, *ne familiæ suæ decus, quæ semper optimarum partium fuisset, abjiceret.* At illi, postquam rogari sensit, crevit animus: Catonisque domitam libertatem cedere sibi & succumbere putans, eo prorupit temeritatis, ut *vel invito senatu cæpta exsecuturum* diceret. Tum vero mutato oris habitu, & vocem ac orationem a priori mansuetudine ad contentionem & vehementiam revocans, Cato acerrime cum illo disputavit de republica. postremo adjecit, *Pompejum armatum se vivo venturum in urbem non esse.*

XVI. Ambo exivisse de potestate videbantur: sed Metellus quadam infernali rabie concitari, Cato cœlitus affiatum furorem furere. Cum deinde cum populo agendi dies adesset, in quem Metellus atque Cæsar vim & arma paraverant, magnusque conflictus exspectaretur; domesticos anxios Cato confirmavit, cœnaque de more sumpta, quievit ita tranquille, ut a Q. Minucio Thermo collega arcte dormiens excitaretur. Cum hoc ad templum Castoris progressus, conspecta armatorum multitudine, *Homines, inquit, timidos & nequam, qui contra unum & inermem tantum præsidium compararunt!* hoc dicto, perrumpens per densam circumstantium turbam, Minucio comite, & Munatium amicorum intimum manu vix pertrahens, ceteris exclusis omnibus, medium se Metello & Cæsari interposuit, quo colloquium eorum dirimeret.

XVII. Ibi omnibus de vita ejus timentibus, cum Thermo collega intercessit legi. Metellus ferre perseverabat. illi recitare scribam vetuerunt. Tum, arrepto codice, Metellus instituit recitare: Cato ei extorsit codicem. Metellus, qui memoriter tenebat verba legis, nihilominus eam populo satagebat exponere: cum Thermus opposita manu com-

§ XV. Cic. pro Muræn. c. 38, & famil. 3, 2. Val. Max. 9, 14. Plut. § XVI. Sueton. in Cæs. c. 16. Plut. Cic. pro Sext. c. 29. Diodor. l. 37.

pressit os homini, fatique prohibuit. Ibi Metellus, constantia virorum cognita, signo dato excivit armatos. Hoc metu cum omnes diffugerent, solus Cato resisteret, faxis & fustibus petebatur.

XVIII. At consul Muræna, quamquam accusatus a Catone nuper fuerat, obtenta toga pervicit, ut jacere cessarent, Catonemque secum in ædem Castoris abduxit. Metellus, vicisse ratus, & legem sine impedimento perferendam, *discedere* iussit armatos, iterumque cœpit civiliter cum populo agere. Sed adversarii, subito recollecti, cum magno plenoque fiducia clamore affuerunt: vicissimque Metelli opera, venire illos arreptis aliunde armis rati, fuga facta, vacuum ad rostra viam reliquerunt. Igitur Cato populum docendo confirmandoque suam in sententiam adduxit: simul Patres, eum ob tumultum subito vocati, rempublicam consulibus tuendam permiserunt, addito, *ut omnes, qui salvam vellent, pestiferam legem oppugnanti Catoni adessent.*

XIX. Ergo Metellus, quamquam ipsum audacia non deseruerat, suis perterritis, imparem se factioni optimatum videns, celeriter convocata concione, multis invectus est in Catonem, *ejusque se tyrannidem, & principum contra Pompejum conjurationem (cujus futurum sit, ut brevi eos puniteat) fugere* dixit: statimque contendit in Asiam; cum tribunus plebis esset, quibus ne quidem abnoctare licebat. Senatus, molestissimo tribunatu, Catonis opera & virtute excusso, decretum contra Metellum & Cæsarem fecit, quo ab administratione reipublicæ ambo removebantur. Cæsar primo resistens, deinde, postquam sibi vim paratam sensit; domi se continuit, plebemque biduo post sponte confluentem, operamque sibi in asserenda dignitate pollicentem compefcuit.

XX. Hoc facto tam propitium sibi senatum effecit, qui

§ XVII. Plut. Diodor. § XVIII. Diodor. Plut. Sueton. Strab. l. 12. Cic. de harusp. resp. c. 13. § XIX. Appian. Mithrid. Plin. 6, 2. Strab.

ad tumultum concurrentis populi celeriter convenerat, ut gratias ei per primarios ageret, accitumque in curiam, & gravissimis verbis collaudatum, inducto priore decreto, in integrum restitueret. Eadem lenitas erga Metellum adhibita, non tam sponte senatus, quam Catonis precibus, qui nec insultare victo inimico cupiebat, nec utile putabat irritare Pompejum. Et Metellus, iis rebus auditis, eadem levitate, qua ad Pompejum ex urbe cucurrerat, a Pompejo in urbem rediit. Pompejus interea, constitutis Asiæ rebus, præter alia, quæ dederat amicis, præmia, Mithridatium, quod Pontici juris fuerat, Brogodiatoro, Galatarum Trocmorum tetrarchæ dedit, qui Dejotari filiam in matrimonio habebat.

XXI. Eupatoriam, non eam, quæ conjuncta fuit Amiso, sed ubi Lycus & Iris fluvii miscentur, dirui a Mithridate coeptam, quod Romanos recepisset, refecit, appellavitque ex suo cognomento Magnopolin. Cabira quoque in urbis formam adornata, *Diospolin* postea vocari voluit. Sed & aliam Eupatoriam, quæ fuit Amiso juncta, simul cum eadem Amiso vocari *Pompejopolin* jussit. Per eundem Phazemon vicus urbs effecta, cognomento *Neapolis*. castrilla circum dejecta, præsertim quæ sita in editis jugis erant; ne prædonum receptacula fierent: putei quoque, qui inerant, obturati. Ad Anniam itidem fluvium, ubi victi a Mithridatis ducibus Bithyni fuerant, Pompejopolin condidit. Interim ut otio liberaliter uteretur, Rhodum navigavit Posidonii causa, quem sapientiæ professorem etiam proficiscens ad piraticum bellum audiverat, tantumque studiis honorem detulit Orientis Occidentisque victor, ut intraturus domum ejus percuti ex more fores a lictore vetaret.

XXII. His per hiemem gestis, decessurus ex Asia, viritim militibus distribuit denarios millenos quingenos, & pro portione centurionibus & equiti. *Sedecim millia talento-*

§ XX. Plin. 7, 30. Diodor. l. 37. Plut. in Pomp. c. 71. Idem in Cat. Pedian. in Scaur. § XXI. Plut. in Pomp. Cic. Pedian.

*rum ea largitione expensa* dicuntur. Inde descendit Ephesum, & mox, exercitu in classem imposito, petiit Italiam. Sub idem tempus, præmissus ab eo M. Piso consulatum petebat. idcirco Pompejus literas misit ad senatum, *ut dies comitiorum proferretur, quo ipse præsens commendare amicum posset.* nam hætenus eo legato erat usus. Tantis rebus gestis nihil sibi denegatum iri putabat; eratque plerisque formidabilis, quod adhuc exercitum habebat, neque dimissurus credebatur. At Cato, ne hoc initio ad majora progrediretur, obstitit, persuasitque senatui, ut negaret. ne tamen queri Pompejus posset, M. Piso consensu omnium comitiis est designatus.

XXIII. Eodem tempore Pompejus uxori Tertie, Mucii Scævolæ filiae, quamquam soror Metellorum erat, corruptam a Cæsare suspicatus, libellum repudii misit ex itinere, quod jam erat ingressus; cum, quo propius Italiam accedebat, eo plures & graviores de ea rumores exciperet. Id divortium a plerisque vehementer probabatur. quo iniquiore postea animo Pompejus tulit, M. Scaurum, ducta Mucia, iudicium suum traducere.

XXIV. Sed quasi gentilis sui suamque vindicatura injuriam Pompeja Quinti filia, L. Sullæ neptis, adulterandam se P. Clodio tradidit, simul publicis violatis cærimoniis. Cum enim exeunte anno domi prætoris Cæsaris sacrum pro populo fieret, P. Clodius Ap. F. perditissimus adolescens, psaltriæ vestitu in sacrarium (opertum vocabant) accessit: neque enim virum interea, dum Vestales ibi sacrum Bonæ Deæ facerent, fas erat interesse, aut omnino sub eodem tecto versari: in tantum, ut picturas quoque masculorum animantium contegi mos esset. Inter hæc tam horribilia arcana, mater Cæsaris Aurelia, sororque Julia, cum ceteris matronis, P. Clodium ancillam Pompejæ coperientem deprehenderant; velatisque continuo sacris, a mulieribus domo exactus est.

§ XXIII. Cic. ad Attic. 1, 13. Liv. Epit. Plut. § XXIV. Plin. Senec. epist. 97. Cic. ad Attic. 1, 10.

XXV. Eam rem eadem statim nocte viro quaque suo indicantibus, cum luce per totam urbem percrebuit, *magnum & atrox admissum piaculum esse*. Sacrificium a Virginitibus instauratum est. in senatu mentionem faciente Q. Cornificio, senatusconsultum factum, *ea de re ad Virgines & pontifices referri oportere*. ab his, *nefas esse*, decretum est. Deinde senatus *questionem de pollutis sacris habendam* censuit, *consulesque* (jam M. Pupius M. F. Piso Calpurnianus, M. Valerius M. F. Messalla Niger iniverant) *rogationem ea de re promulgare* iussit. Cæsar uxorem, tanta coopertam infamia, dimisit.

XXVI. Cum deinde *de provinciis ornandis* ageretur, C. Antonio, qui *multa facere injuste & illiberaliter* dicebatur, successor dabatur, ni fuisset a Cicerone defensus. Sic ille Macedoniam retinuit: Q. Metellus Galliam citeriorem, C. Pontinius Transalpinam. utrobique bellum erat, ortum autemve ex conjuratione Catilinaria: & *Helvetios novis rebus studere* nuntiatum ab sociis. Igitur senatus censuit, *uti, quicumque Galliam provinciam obtineret, quod commodo reipublicæ facere posset, Æduos ceterosque amicos populi Romani defenderet*.

XXVII. C. Cæsar Hispaniam citeriorem, Q. Tullius Cicero Asiam, fortiti obtinuerunt. Dum ista maxime sunt, Pompejus ad urbem venit, non ut plerique crediderant, armatus, sed Brundisii dimisso, sic tamen ut ad tempus triumphi præsto esset, exercitu. Vitare invidiam & certamina maluerat, quæ utraque prægravia & acerba imminabant. Nam quæ esset omnium de Marii Sullæque actis sententia, non ignorabat: movebaturque, quod & M. Crassus, cum liberis & pecuniis, velut vim Pompeji timens, ex urbe profugerat: & Cato, haudquaquam spernendus adversarius, tum alios principes, tum maxime Lucullum, ad resistendum Pompejo excitabat.

§ XXVI. Diodor. Sueton. Plut. Cic. ad Attic. 1, 9, & famif. 3, 6. Cæsar. de B. G. 1, 2 & 35. § XXVII. Diodor. Cic. ad Q. fratrem. Plut. in Pomp.



XXVIII. Ferunt, *Catonis tantam jam tum fuisse Pompeji æstimatione auctoritatem, ut ad hunc conciliandum, sibi filioque duas Catonis propinquas in matrimonium peteret*: repudiatusque a Catone est, qui pararium ejus Munatium nuntiare Pompejo jussit, *Catonem per feminas capi non posse: ceterum recte agenti ultro amicum & adiutorem fore*. Sed hanc, undecunque profectam, Pompeji modestiam, tantus hominum favor excepit, ut cum paucis & inermibus, tanquam ex qualibet peregrinatione redeuntem, aggregata per viam maxima hominum multitudo deduxerit; nihil magnopere desideraturum pristinas copias, si quid novare cupisset.

XXIX. Ex urbe quoque frequenter obviam itum: longissime a juventute; post hos, ut cujusque ætas aut dignitas tulerunt: proxime portam fenatus occurrit. Non erat obscurum, quamcunque in partem vir eo robore inclinasset, momentum ingens fore: idcirco qui Clodium salvum volebant, non omissum ad hunc se protinus convertere. M. Piso consul, quam ipse ferebat ex senatusconsulto de religione violata rogationem, amicitia Clodii adductus, antiquatam cupiebat.

XXX. Ejus impulsu Q. Fufius tribunus plebis Pompejum in concionem produxit, cum die nundinarum in circo Flaminio maxima frequentia populi esset: quæsitique, *Placeretne ei, judices a prætore legi, quo consilio idem prætor uteretur*. Pompejus, *senatus auctoritatem semper sibi maximam visam esse, ejusque decretis obtemperandum*, respondit. Ad extremum Fufius obtinuit, ut de judicium genere (in quo erant omnia) ipsi concederetur.

XXXI. Accusavit Clodium tribunus plebis P. Lentulus Spinther, duobus ex eadem gente subscriptoribus usus. Q. Hortensius præcipue, ut hæc fineret, auctor senatui fuit; infensus Clodio, & nullis illum aut judicibus aut accusatoribus effugiturum putans. Itaque ne Fufius rogationibus

§ XXVIII. Diodor. Plut. in Lucull. c. 88. & Cat. c. 42.  
§ XXIX. Plut. in Pomp. & Cat. Vellej. 2, 46. § XXX. Appian.  
Cic. ad Attic. 1, 10. Diodor. l. 39.

consulum intercederet, ita transactum, ut ipse ferret eadem omnia, præterquam ut judices a prætore legerentur. Testimonium in hoc judicio Cato & Cicero dixerunt: Clodius *Interamnæ se fuisse* pugnabat, *qua die incestasse sacra diceretur*. Sed Cicero vere quidem, sed impulsus, ut putant, a Terentia, ut eum testimonio læderet, *Romæ apud se fuisse* juravit. Multi præterea principum, perjuriam ejus, testamenta supposita, Nisibenam seditionem, homines centuriatos, stupra matronarum atque virginum, suis testimoniis exposuerunt.

XXXII. Lucullus etiam ancillas produxit, *adulteratam a Clodio sororem germanam esse*, quam de tribus minimam idem Lucullus in matrimonio habuerat. Putabatur etiam cum duabus reliquis fororibus suis consuetudinem stupri habere, quarum Tertia Q. Marcio Regi nupta erat, Q. Metello Celeri major Clodia, profligatissimi pudoris femina, quam vulgus *Quadrantulam* cognominabat, quod ei quidam aliquando mœchus, cum aureos dare putaretur, loculos quadrantibus impleverat. Eandem & Catullo poetæ sub Lesbæ nomine fuisse adamatam, Apulejo prodente, cognovimus.

XXXIII. Inter hæc testimonia, Cæsar quoque citatus negavit, *se quidquam comperisse*: quamvis & mater Aurelia, & soror Julia, apud eosdem judices, omnia ex fide retulissent. interrogatusque, *cur igitur repulisset uxorem? Quoniam*, inquit, *meos tam suspicione, quam crimine, judico carere oportere*. At judices, cum initio se valde severos exhibuissent reo, præsidiumque ab senatu, non nisi damnaturis necessarium, postulassent; M. Crasso suscipiente negotium, pars major ita turpiter sunt corrupti, ut *præter pecuniam noctes etiam certarum mulierum, atque adolescentulorum nobilium introductiones, nonnullis judicibus pro mercedis cumulo fuisse*, Cicero scripserit.

§ XXXI. Cic. ad Attic. 1, 11. & de harusp. resp. c. 46. Ascon. in Milon. Plut. in Cæs. c. 15. § XXVII. Val. Max. 2, 2. Cic. pro dom. c. 30. Plut. in Cic. c. 38. § XXXIII. Cic. pro Milon. Plut. in Cæs. c. 15.

XXXIV. Igitur Q. Catulus, cum vidisset eorum aliquem, *quid vos*, inquit, *præsidium a nobis petebatis? an, ne nummi vobis eriperentur?* Neque diu post Catulus senex admodum extinctus est: vir summis honoribus in republica usus, optimarum semper partium, & incorrupta integritatis fama. Paulo ante mortem dedicato Capitolio, consummasse felicitatem vitæ visus est, præcipuo tum honore, & usque ad aliud incendium, Vespasianique tempora mansuro.

XXXV. Nec omiserim, quæ tum ei per somnium oblata futuri species dicitur. Namque post dedicationem duabus continuis noctibus somniasse dicitur: prima, *Jovem Optimum Maximum, prætextatis compluribus circum aram ludentibus, unum secrevisse, atque sigillum Romæ, quod manu gestabat, in ejus sinum deposuisse: at insequenti, animadvertisse se in gremio Capitolini Jovis eundem puerum; quem cum detrahi jussisset, prohibitum monitu Dei, tanquam is ad tutelam rei-publicæ educaretur.*

XXXVI. Ac die proximo, cum adoraturus in Capitolium ascendisset, obviam sibi C. Octavium, qui postea Augustus est appellatus, nunquam antea visum, non sine admiratione contuitus, *similem dixit puero, de quo somniasset.* Quidam aliter somnium Catuli exponunt, sed eodem recidente significatu. Inter hæc pons Fabricius, ad insulam Tiberinam pertinens, exstructus est: qui ad nostram ætatem incorrupta structura hanc inscriptionem pertulit, *L. Fabricius C. F. Cur. Vicar. faciundum curavit.*

XXXVII. Dum in urbe ista sunt, Allobroges, quam diu voverant animis, rebellionem cœptavere, facto in Galliam Narbonensem impetu. Sed Q. Pontinius idoneo loco castra metatus, ut ad omnia, quæ tempus postularet, præsto esse posset, Manlium Lentinum cum copiis ad oppidum Ventiam recipiendum misit. Ventini, repentino hostium adventu territi, oppidum reliquerunt: qui relictæ erant, missis oratoribus, petierunt pacem. Interea totis agris ad auxi-

§ XXXIV. Cic. ad Attic. 1, 13. Appian. civil. l. 2. Sueton. in Cæsar. c. 74. § XXXV. Diodor. Plut. Cic.

lium concurritur. fit in Romanos ex improvise impetus, oppidumque in potestatem Allobrogum redit.

XXXVIII. Agrum tamen impune Romanus populabatur, donec multi ad Isaram flumen accolentium cum Catugnato, gentis universæ duce, affuerunt. Ibi Manlius, cum transitu prohiberi hostes propter multitudinem navigiorum non possent, veritus, si aperte strueret aciem, ne conferti unitique incumberent, in propinquis flumini nemoribus occultus confedit, ut dissipatos & sine metu trahentes exciperet. Satis feliciter processit aliquamdiu dolus. Sed ubi fugientes quosdam infecutus, in ipsum Catugnatum temere incidit, cum omnibus suis perierat, nisi repentina tempestas hosti suam occasionem eripuisset.

XXXIX. Postea Catugnato longius abscedente, rediit ad Ventiam Lentinus, obsessamque & oppugnatam vi cepit. Servius autem Galba, & L. Marcius legati, Rhodano transmissi, populabundi agros Allobrogum, Solonium oppidum pervenerant; castello munito haud procul inde positi. Occurrentes deinde hostes prælio fuderunt, oppidique partem incenderunt; nam pleraque ædiificia ligno exstructa fuerant: ne universum caperent, Catugnati superventu prohibiti. His rebus auditis, Pontinius cum toto exercitu movit, obsessosque hostes, præter Catugnatum, in deditionem recepit.

XL. Dum hæc geruntur, Romæ comitiorum fervebat ambitus, non sine gravi culpa Pompeji, qui, ut Afranius Metellumque consules efficeret, largitione magis, quam vel auctoritate, vel gratia pugnabat. In eo negotio M. Pisonem consulem uti credebatur. Contra hæc tam adulta vitia parum aut veteribus legibus, aut novis profectum est. Nam Lurco tribunus plebis de ambitu ferebat hoc novum, *ut, qui nummos in tribu pronuntiavit, si non dederit,*

§ XXXVII. Plut. Cic. de harusp. resp. c. 17. Sueton. in Aug. c. 94. Diodor. § XXXVIII. Diodor. l. 37. Tertull. de anim. c. 46. § XXXIX. Pigh. annal. Liv. Epit. Diodor.

*impune sit : sin dederit , ut , quoad vivat , singulis tribubus sefertium terna millia debeat.* Sed minime lex perlata.

XLI. Comitia in a. d. XI Kalend. Sextiles dilata sunt. Cato, ut semper, pugnabat pro republica, eodemque tempore propinquis, maxime mulieribus, quæ repudiatam Pompeji affinitatem ægre tulerant; probavit consilium suum; ostenditque, *siquidem accepta conditio foret, nunc ipsis una subeundam fuisse tantæ turpitudinis infamiam*: quod, in hortis Pompeji dividi pecuniam, crebro vulgi rumore jactabatur. Ciceronem quoque mordebat, in Afranii honore consulatum suum sugillari: quem magistratum, velut usucaptum a nobilibus, duo novi homines Arpinates, C. Marius excellenti belli gloria, M. Cicero pacis artibus, meruisset. at Afranium neutro præstantem æquari sibi ægre ferebat.

XLII. Sed peior his omnibus pecunia, consules, quos volebat Pompejus, designavit, Q. Metellum Celerem, A. Afranium. Censores eo anno quinam fuerint, haud dixerim; fuisse certum est. Nam & senatus recensitus est, solito quidem numerosior, quod omnes, qui magistratum quandoque gessissent, adlecti erant; & vectigalia locata a censoribus. Lustrum neque tum, neque post Cn. Lentulum, L. Gellium censores factum est, donec Augustus sextum consul fecit. Eodem anno L. Domitius Ahenobarbus ædilis curulis urfos Numidicos centum, & totidem Æthiopes venatores in circo dedit, a. d. XIV Kal. Octobres.

XLIII. Sic quidem in annalibus est annotatum. at *leo- nes intelligi putant, quod constet, Africam urfos non gignere.* Sed & in nummis Domitii leonum, non urforum, expressa effigies cernitur. Lectis tum populus primum prandendi causa surgere instituit, prius sine interruptione perspectare solitus. Triumphum deinde tertium Pompejus biduo duxit, a. d. III & pridie Kalend. Octobres, cum una dies tot transvehendis opibus non sufficeret. In id tempus incidebat natalis ejus, ut consulto huc distulisse pompam

§ XL. Cic. ad Attic. 1, 13 & 15. § XLI. Plut. Cic. ad Attic. 1, 13. § XLII. Diodor. l. 37. Pigh. annal.

videatur. Biduum quoque non cepit magnitudinem apparatus: & quantum alii cuilibet instruendo triumpho fuisset fatis, relictum & omissum est. Ejus triumphi hæc fuit præfatio: *Cum oram maritimam a prædonibus liberasset, & imperium maris populo Romano restituisset, ex Asia, Ponto, Armenia, Paphlagonia, Cappadocia, Cilicia, Syria, Scythia, Judæis, Albanis, Iberia, insula Creta, Bastarnis, & super hæc de regibus Mithridate & Tigrane, triumphum ducere.*

XLIV. At in concione, cum de rebus suis differeret, cum duobus & viginti regibus bellum se gessisse dixit, & Asiam, quam provinciarum ultimam accepisset, mediam patriæ reddidisse. Ceterum in templo Minervæ, quod ex manubiis dicebat, hunc inscripsit titulum: *Cn. Pompejus Magnus imperator, bello triginta annorum confecto, depressis aut captis navibus DCCCXLVI, oppidis, castellis MDXXXVIII in fidem receptis, terris a Mæotis lacu ad rubrum mare subactis, votum merito Minervæ.* Cognomen ex tot victoriis nullum ascevit, quamquam plurima offerrentur, contentus appellatione Magni, quam olim meruerat. sed tum a tota concione sic consalutatus est: hætenus familiaris magis assentatio, quam consentientis famæ judicium, fuerat.

XLV. Nunquam antehac tanta spectata Romæ opulentia fuit, neque tam exitiosa moribus, ad margaritarum gemmarumque studium hinc præcipue inclinatis: quarum rerum maximam ille copiam conspicuæ magnitudinis æstimationisque in triumpho tulit. In acta relatus est alveus luforius e duabus gemmis, latus pedes tres, longus quatuor. in eo fuit Luna aurea pondo XXX. Præterea lecti tricliniarii tres, in quibus unus Darii fuisse dicebatur, Hyfaspæ geniti: vasa ex auro & gemmis abacorum novem: signa aurea tria, Minervæ, Martis, & Apollinis: coronæ ex margaritis triginta tres: mons aureus quadratus cum

§ XLIII. Plin. 7, 26 & 8, 36. Solin. c. 29. Vellej. 2, 40. Plut. in Pomp. c. 72. § XLIV. Val. Max. 8, 15. Plin. Orol. 6, 6. Plut.

œrvis & leonibus, & pōmis omnis generis, circumdata vite aurea, Aristobuli donum.

XLVI. Museum ex margaritis, in cujus fastigio horologium erat. Imago Cn. Pompeji c margaritis. Tituli quoque præferebantur pecuniæ, quam impenderat : *reipublicæ causa, legatis & quæstoribus, qui oras maris defendissent, datum mille talentum, militibus singulis sena millia sestertiorum*. Erat adscriptum, *universos populi Romani reditus antea fuisse bis millies : nunc suis victoriis Pompejum adjecisse millies quadringenties*. Præter hæc translata est Mithridatis regis dactyliotheca, quam mox dedicavit in Capitolio, cum illa, quam modo diximus, aurea vite, aliisque donis.

XLVII. Naves in portum adduxit integras septingentas. Transvexit & fellam ac sceptrum Mithridatis, cum effigie illius aurea cubitorum octo, quamquam non totus, sed pectore tenus expressus erat : itemque statuam argenteam Pharnacis, qui primus regnavit in Ponto : currusque aureos & argenteos. Arborum etiam genera tum primum ostensa Romæ, ebenus, quam sola ferre putabatur India : & uni quondam terrarum Judææ concessa, balsamum. Inter hæc innumeri currus transvehebantur arma portantes, & navium rostra. Captivorum deinde ingens multitudo, sine vinculis, patrio habitu cultuque.

XLVIII. Proxime currum reges aut liberi regum ducesque ibant, capti bello, aut obsidum loco traditi. Horum illustrissimi Tigranes minor, ejusque conjux & filia, & regina Zosime, patris Tigranis uxor : & Artaphernes Cyrusque, & Oxathres, & cum Dario Xerxes, sororesque eorum Orsabaris & Eupatra, Mithridatis liberi. Sed & Olthaces ducebatur, qui in Colchis regnaverat : & Judæorum rex Aristobulus cum Antigono filio, & puellis duabus. præterea Cilicum tyranni & archipiratæ : Scytharum regiæ mulieres : tres Iberorum, duo Albanorum duces,

§ XLV. Diodor. l. 37. Liv. Epit. Liv. 30, 45. Eutrop. Plin. 37, 1. Appian. Mithrid. Joseph. 14, 4. § XLVI. Plut. Strab. l. 12. Plin. 37, 1. Joseph. Appian. § XLVII. Plin. 12, 4 & 25. Appian. Plut.

earundemque gentium, & Commagenis regis obsides: itemque Laodicensis Menander, qui præfectus equitum Mithridatis fuerat. Absentium quoque imagines, Tigranisque ac Mithridatis pugnas & clades pictura repræsentabat. Omnium item præliorum, quibus per se legatosve victor exstiterat, tabulæ antelatae. Mithridatis præcipue postrema obsidio, & nocturna fuga, sed & exitus spectabatur; virginesque mortis paternæ comites. Etiam reliquorum ejus filiorum filiarumque ante patrem mortuorum, nec non Deorum barbaricorum, effigies transferebantur.

XLIX. Titulus quoque visebatur conditarum urbium, octo in Cappadocia Pontoque ædificaverat: in Cilicia & Cava Syria viginti: in Palæstina quoque aliisque regionibus nonnullas: in universum undequadragenta. Reges victi memorabantur *Tigranes Armenius, Artoces Iberus, Oræses Albanus, Darius Medus, cum Areta, qui Nabatæis Arabibus, & Antiocho, qui Commagenæ imperabat.* Ipse triumphator, junctis exemplo Liberi elephantis, gemmato curru vehabatur, chlamyde, ut ferebatur, Alexandri Magni amictus, quam apud Coos in thesauris Cleopatrarum Mithridates invenerat.

L. Currum focii ministrique victoriæ sequebantur, legati tribunique pedites partim, alii in equis. nam exercitum diu ante dimissum non acciverat: quamquam veteri more Romano, sine exercitu triumphare imperatorem, bello confecto, absurdum habebatur. Mitior hic solito triumphus in captivos fuit: omnes dimissi sunt ad suos sumtu publico, præter Aristobulum & Tigranem, in custodia servatos, ne ille fratris, hic patris, pacem turbarent. Majorem hic triumphus pecuniam in ærarium, quam ulla ætate quisquam intulit: *non comprehensa, quæ ex manubis est in Capitolio reposita, signati argenti septingentes quinquagies semel centena millia drachmarum translatus,* Appianus auctor est: Plutarchus, *in auro & argen-*

§ XLVIII. Plut. Appian. Joseph. 14, S. Diodor. l. 37: § XLIX. Plin. 8, 2. Diodor. Appian. Vellej. 2. 40.



30 *facto signatoque in ærarium illata ad viginti talentorum millia.*

LI. Multis novis inusitatisque ornamentis insignis iste triumphus cum haberetur, nihil illustrius visum, quam quod tribus triumphis totidem terrarum orbis partes devictæ causam titulosque præbuerunt. Ter enim & alii triumphantes Capitolium ascenderant: hic, quod antea contigerat nemini, primum triumphum ex Africa, secundum ex Europa, tertium ex Asia duxit. Ob tam celeres grandæque victorias a plerisque Magno Alexandro conferebatur: & quo similior ei videretur, ut sit, ubi suis inventis homines blandiuntur, *quatuor & triginta annis minorem finxerunt* quidam; cum quintum atque quadragesimum explevisset: felix opinione hominum futurus, si quem gloriæ, eundem & vitæ finem habuisset, neque vertentem fortunam esset, jam ætate profectior, expertus.

LII. Mense Decembri cœpit agitari in senatu causa publicanorum, qui, redemptis Asiæ vectigalibus, *ut induceretur locatio*, postulabant. Erat res invidiosa, & turpis confessio temeritatis. Tamen Crassus, ut peterent, fuit auctor: Cicero adjuvit petentes, ut concordiam ordinum retineret, quam in consulatu stabiliverat. Sed Cato, semper adversus iniqua flagitantibus, summopere resistebat. Idemque præterea, quod alterum ab senatu valde abalienavit equites, censuit, assentiente senatu, *ut de iis, qui ob judicandum pecuniam acceperant, quæreretur.*

LIII. Ea de re certatum & olim fuerat, honestissimis equitum *hanc conditionem* recusantibus, *ut in dispari fortuna, dignitate, honoribusque ac præmiis, paria ipsis atque senatoribus pericula proponerentur: cum præsertim ita lex Sempronia primum, dein Cornelia, conceptæ essent, ut, senatores complexæ, de ceteris non cogitasse viderentur.* Sed tum hoc agebatur, ut etiam equites nova lege illigarentur. Placebant hæc & Metello, qui designatus tum consul, cum pote-

§ L. Cic. pro Balb. c. 4 & 6, & pro Sext. c. 61. § LI. Plur. Vellej. Liv. 9, 17. Cic. ad Attic. 1, 14, & pro Cluent. c. 56. Idem in Pison. c. 4, & Ascon. ibid. § LII. Joseph. de bell. Jud. 5, 6. Hegesipp. Cic. ad Attic. 2, 17.

state nondum uteretur, auctoritate permultum poterat: adeo quidem, ut sub finem hujus anni, Compitalicios ludos, quos auctore tribuno quodam plebis magistri vicorum facturi erant, privatus adhuc fieri prohiberet.

LIV. Eodem anno M. Æmilius Scaurus, qui relictus a Pompejo cum legionibus in Syria fuerat, Petram Arabum Nabatæorum metropolin aggressus, cum famem exercitus pateretur locis difficilibus, Antipatrum ad Aretam misit, quo deditionem suaderet. Hoc internuntio pactum, *ut recentia talenta Romano darentur*. bellum Areta Scauroque volentibus diremum est; idque adjumento fuit Scauro, ut destinatam M. Pisoni provinciam, in alterum annum, annitente Cicerone, retineret. L. deinde Afranius, A. F. Q. Cæcilius Q. F. Metellus Celer consules inierunt: pro quibus, uti designarentur, maximis largitionibus pugnavisse Pompejum narravimus.

LV. Sed illi plus molestiæ & impedimenti, quam, quod speraverat, auxilii, tantis impensis quæsitum est. Nam horum opera, tum alia, quæ vellet, affecuturum rebatur; tum uti acta sua confirmarentur: eo magis, quod legati sui ad exercitum operum summorum præcipui ministri iidem illi fuerant. Ceterum Afranius saltandi, quam negotiorum, peritior, nihil ei profuit. Metellus etiam obfuit ab ira dimissæ Muciæ, quam sororem Metelli, cum haberet ex ea liberos, Pompejus repudiaverat. Accedebat excellentis gloriæ perpetua comes invidia: præterea simultates cum maximis viris Lucullo Metelloque, graves potius, quam iniquæ, quos prior & sine causâ offenderat.

LVI. Igitur Lucullus, qui de cetero se penitus otio ac voluptatibus tradiderat, præter pristini doloris stimulos ab optimatibus nonnullis incitatus, in senatum venit. Pompejoque, *rata haberi acta sua* postulanti, acerrime restitit; *aquum esse prius, ut senatus cognoscat de singulis*, dictitans: *nam ut promiscue omnia ignaris, qualia quæque sint, Patribus*

§ LV. Cic. ad Attic. 1, 13 & 16. Diodor. l. 37. Vellej. 2, 40. Flor. 4, 2. Plat. in Lucull. c. 88.

*confirmanda objiciantur, id vero incivile prorsus, & dominationi proximum. Præterea, quod a se constituta pleraque Pompejus labefactaverat, arbitrari jubebat senatum, utrius potiora esse decreta deberent. Hæc cum per se non iniqua principes senatus M. Crassus, duoque Q. Metelli, Creticus & consul, sed & M. Cato enise defenderent, inferior in curia Pompejus, ad tribunos plebis confugit, ut, quod per senatum nequiverat, populi favore consequeretur.*

LVII. Idcirco quo infimi vulgi promptiora & plura suffragia quærentur, L. Flavius tribunus plebis promulgavit rogationem, *uti Pompejanis militibus certus agri modus daretur: utque, quibus civitatis, iisdem & suffragii jus omnibus esset.* Ea tota ratio senatui displicebat. Cicero, ut populo simul, Pompejoque, & possessoribus satisfaceret, secunda concionis voluntate tollebat ex lege, quæ ad incommodum pertinebant privatorum: *ne quid mutaretur de agro, qui P. Mucio, L. Calpurnio consulibus publicus fuisset, quo anno Ti. Gracchus Agrarias leges tulerat; neve Sullanorum hominum possessiones moverentur.*

LVIII. Volaterranos etiam & Arretinos, quorum agrum publicarat Sulla, neque diviserat, defendebat; id solum concedens, *ut ex ea pecunia, quæ ex novis vectigalibus per quinquennium redigeretur, agrorum emtiones fierent.* Sed hæc contentio, cum maxime ferveret, Gallici belli metu paulisper remissa fuit. Nam Helvetii in armis esse, atque excursiones in provinciam facere nuntiabantur. Idcirco senatus decrevit, *ut consules duas Gallias sortirentur: electus haberetur: vacationes ne valerent: legati cum auctoritate mitterentur, qui adirent Galliæ civitates, darentque operam, ne se cum Helvetiis jungerent.*

LIX. Cum in sortitione legatorum, prima de consularibus fors Ciceronis, deinde Pompeji exisset; senatus una voce, *retinendos hos in urbe, censuit.* legati sunt Q. Metellus

§ LVI. Plut. in Pomp. c. 75, & Cat. c. 44. Diodor. Appian. civil. l. 2. Cic. ad Attic. 1, 15 & 16. § LVII. Plut. Cic. § LVIII. Cæs. de B. G. 1, 5. Diodor.

Creticus, L. Flaccus, & Lentulus Clodiani filius. Pacata tamen provincia mansit, cum victoria C. Pontinii facilem ad reliquias pacandas viam paravisset: atque ille, contentus domuisse, qui rebellaverant, non laceffivit quietos. Igitur cum motuum Gallicorum vanus rumor fuisset, & otium e Gallia nuntiaretur, ad civiles contentiones acrius reditum, tam vehementi concertatione, ut Q. Metellus consul, lapidibus appetitus, percuteretur a feditionis, deinde a tribuno in carcerem duceretur.

LX. Sed neque consul eo terrore flecti potuit; neque tanti viri causam deseruit senatus, quin apud illum in carcere convenire cuperet. Ibi Flavius, sella tribunitia ad fores collocata, jure inviolabilis potestatis clausit aditum, *per murum intrare jubens senatum, si vellet*; tam pertinaciter obluētans, ut eodem loco pernoctaturus videretur. Tum vero Pompejus pudore ductus, & quia res perquam invidiosa etiam ad populum erat, *discedere Flavium* jussit, *id a se petiisse Metellum* mentitus. Sed notam animi magnitudinem Metellus effecerat, cum eum reliqui tribuni eximere vellent e carcere, id beneficium recusando. postea quoque, cum Flavius denuntiasset, *non passurum, ut in provinciam iret, nisi legi consensisset*, quamquam cupidior triumpho haberetur, manere potius in urbe, quam de sententia dimoveri, sustinuit.

LXI. Pompejus igitur, principum invidia potentiam suam urgeri videns, interdum pœnitentia ducebatur, quod exercitum dimisisset: postremo, quamlibet rationem inimicos reprimendi honestam arbitratus, plane descendit ab optimatibus, stulto consilio, ut dignitatem tueretur, stolidis turbulentisque adolescentulis indigne se submittens; quæ potissima ipsi seque & rempublicam perdendi causa existit. Commodum sub ea tempora P. Clodius ab Siciliensi quæstura reversus, conceptum ex judicio suo adversus optimates

§ LIX. Cic. de prov. conf. c. 13, ad Attic. 1, 17, & pro dom. c. 5. Diodor. § LX. Cic. ad Attic. 1, 17, & pro Cœl. c. 24. Diodor. Plut. in Pomp. c. 75. Liv. Epit. Sueton. in Tib. c. 2.

odium, tribunatus viribus exsequi gestiebat. & ne propterea, quod erat patricius, impediretur petere, per C. Herennium tribunum plebis legem promulgandam curaverat, ut *universus populus in campo Mario suffragium ferret, quo P. Clodius, ejurato patriciatu, plebejus esset.*

LXII. Hoc perfecto, jam pro plebejo se gerens, cum omnes semper Claudii patriciæ gentis acerrimi propugnatores asserioresque juris optimatum fuissent, tribunatum cœpit petere: sed Q. Metellus consul, vir egregius, & patriæ amans, impendebat, tanta contentione animi, ut *eum sua se manu interfectorum* diceret, quamquam frater ejus patruelis erat. Sed maximum ei contra Herennii rogationem argumentum erat, quod negabat, *nisi Curiata lege, recte de illa causa ferri potuisse.*

LXIII. Igitur tribunis aliis intercedentibus, tum quidem irrita P. Clodii astutia fuit. Lex deinde, auctore Q. Metello Nepote, qui præturam gerebat, *de abrogandis urbis & Italiæ portoriis* perlata est. Cum grata lex esset omnibus, non tam ob portorium, quam nonnullas injurias portitorum; tamen auctor displiceret: eo senatus inclinabat, ut exemplo Lacedæmoniorum, qui commodam sententiam, ab improbo viro dictam, repeti a probato, atque huic adscribi, jusserunt, alterius quam Nepotis nomen legi præscriberetur. Sed id quidem omissum: voluntas tamen spectata senatus est.

LXIV. Eodem anno Faustus, Sullæ dictatoris filius, munere gladiatorio, quod in patris honorem edebat, populo magnificentissimum epulum, balneumque & oleum dedit. Apollinares quoque ludi magnifice facti: primusque tum P. Spinther theatralia vela ex carbaso duxit. ostendit & amphoras ex onyche, Chiorum magnitudine cadorum: quod magnæ tum admirationi, nec diuturnæ fuit, cum intra

§ LXI. Cic. ad Q. frat. 1, 1. Diodor. Plut. præc. polit. § LXII. Cic. in Vatin. c. 13. Plin. 19, 5. § LXIII. Sueton. in Cæs. c. 18, Plut. Appian. civil. 1. 2.

quintum deinde annum, columnæ triginta duorum pedum magnitudine ex eodem lapide monstrarentur.

LXV. Dum hæc in urbe gerebantur, Cæsar Lusitanos insulasque nonnullas in Oceano fitas subegit, cum in ulteriorem Hispaniam ex prætura venisset; M. Crassi ope protectione maturata, qui sibi Cæsarem contra Pompeji prægraves opes cupiebat adjungere. Igitur cum a creditoribus retineretur Cæsar, Crassus pro eo sponpondit ducen-  
tias. Nam per ambitionem effuso patrimonio, contractoque gravi ære alieno, multo plus debebat, quam redigi ex bonis ejus potuisset: auditaque vox est dicentis, *opus sibi esse millies, ut habeat nihil.*

LXVI. At tum Crassi opera onerosissimo quoque importunissimoque creditorum levatus, priusquam provinciæ ornarentur, contra morem ita celeriter profectus est, ut ambiguum relinqueret, mæturæ judicii, an quo maturius focciis implorantibus subveniretur, festinarit. Ajunt, in itinere per Alpes, cum ad conspectum pauperis vici comites ejus per jocum inter se controverterent, *an illic etiam sit ambitioni locus*, serio dixisse Cæsarem, *malle se ibi primum, quam Romæ secundum esse.* Nam ingenium dominationis avidum, ne quidquam cogitare aliud posset, ominibus variis erectum in spem potiundi fuerat.

LXVII. Cum adhuc quæstor in eadem Hispania conventus circumiret, jussu Veteris Antistii prætoris sui; visa Gadibus in Herculis fano Alexandri Magni imagine, ingemuit, nec sine lacrimis dixit, ad amicos conversus, *me miserum! qui hac ætate, qua iste terrarum orbem subegit, nihil adhuc gesserim memorabile.* Neque distulit millionem efflagitare, quo regressus in urbem, majorum rerum captaret occasiones: maxime, postquam absurdo proximæ noctis somnio, & conjectorum promissis inflatus majorem in modum animus fuit.

§ LXIV. Plut. Sueton. Auctor de bell. Hisp. c. 42. Diodor.  
§ LXV. Diodor. Sueton. Appian. § LXVI. Diodor. Val. Max.  
3, 2. § LXVII. Diodor. Plut. in Cæs. c. 23.

LXVIII. Quod enim ille cum matre concubuisse per quietem sibi visus erat, *imperium orbis terrarum portendi, quod omnium mater terra esset*, interpretati sunt. Spem deinde confirmavit insolitæ figuræ ac ingenii equus, quem erat nactus, filis prioribus ungulis, neque fessoris, nisi Cæsaris, patientem. Idcirco cum latrocinia, locis illis solennia, minore negotio compescere prætor posset, bellum maluit: novaque legione paucos intra dies supra priores duas conscripta, contendit ad Herminium montem, & habitatores, *situ loci ad prædas agendas incitari* causatus, *in planâ* iussit descendere.

LXIX. Sic initio belli quæsito, & hos armis domuit, & vicinos populos, qui, relictis oppidis suis, trans Durium amnem cum uxoribus liberisque fugiebant, oppressit. Rebellantes deinde montis Herminii incolas, cum iterum subito adortus profligasset, atque illi, fuga ad Oceanum facta, in quandam insulam transjecissent; partem militum, ratibus impositam, quia navigia deerant, immisit. Sed ille, cui commissum hoc negotium fuerat, in scopulo quodam vicinæ insulæ exposuit copias, pedestri deinde itinere perrecturus ad hostem; ipse, priusquam faceret exscensionem, abreptus ab æstu recurrente, relinquere expositos coactus est.

LXX. Ibi milites circumventi cæsi que sunt, cum fortiter aliquamdiu se defendissent; neque præter P. Scævam, prodigiösæ virtutis hominem, quisquam servatus est. Is cum diu magnam hostium multitudinem sustinisset, saucius fessusque, scuto, quod jam inutile innumeri excepti ictus fecerant, relicto, se coniecit in æstuarium, & interim, ubi profundior aqua occurrebat, natando vix evasit in litus; conspectoque Cæsare, qui hæc omnia cum admiratione viderat, genibus accidens, *veniam amissorum armorum* supplex petiit. Cæsar, non modo virtute hominis, sed etiam disciplinæ reverentia probata, centurionatum ei præmii loco

§ LXVIII. Val. Max. Plut. § LXIX. Sueton. Plut. Appian. &c. vii. 1. 2. Cic. de leg. Agrar.

dedit. Sed hoc quidem alii Britannico factum bello tradiderunt : quod si ita esset , vix fuisset a Cæsare prætermisum.

LXXI. Ceterum Cæsar , classe Gadibus advehi iussa , totum trajecit exercitum , hostesque penuria rerum omnium pressos in deditionem accepit. Inde in Gallæcos transtulit bellum , qui Brigantium oppidum habebant : hominesque , non ante visa classe , sic exterruit , ut *imperata promte fluctuos* pollicerentur. Sic pacata provincia , gentibusque aliquot novis imperio adjectis , juri dicundo conventibusque dedit operam , ut concordiam civitatum stabiliret , quæ propter æris alieni magnitudinem plerisque locis convellebantur.

LXXII. Igitur constituto , ut *ex debitorum reduibus bessem creditores perciperent , donec dissolutum as alienum esset* , cum magna gratia sociorum , se exercituque locuplete præda aucto , præterea imperatorium nomen bello adeptus , non expectato successore , ad triumphi simul consulatusque petitionem decessit. Et quidem , quod grandem pecuniæ summam ad ærarium miserat , decretus ei triumphus est : sed erat improba hominis & intricata ambitio ; nam postulaturum triumphum extra urbem manendum , candidato honoris petendum in urbe erat.

LXXIII. Igitur ab senatu contendit , ut *absentis , & per amicos petentis , rationem haberi liceret*. Neque deerant , qui faverent , *nulla id lege prohibitum , præterea & aliis concessum* jactantes. sed multi contradicebant , & ante omnes Cato , qui , ne decretum ea de re fieret , diem , quæ postrema erat temporis , intra quod profiteri candidatos oportebat , dicendo exemit. His cognitis , Cæsar , ne consulatu excluderetur , unde plus sibi virium , & ampliorem triumphi materiam pollicebatur , dimisso triumpho , urbem ingressus , eam continuo suscepit actionem , qua rempublicam

§ LXX. Diodor. Plut. Appian. Sueton. Liv. Epit. Cic. Philip. 3 , 10. § LXXI. Diodor. Liv. Epit. Sueton. Appian.



captans invadere, præter Catonem atque Ciceronem, omnes fefellit.

LXXIV. Namque Pompejum & Crassum, æmulatione potentiæ discordes, inter se & sibi conciliavit, his legibus, *ut omnibus in rebus adjumento invicem essent, ne quid, quod cuilibet horum displicuisset, in republica ageretur.* Hæc libertatem urbis deglutiit triceps conspiratio: quam exinde velut infernale monstrum, Cerbereo rictu absorbentem omnia, M. Varronis satira, sub titulo Tricareni, perstrinxit; qui sub id temporis ædilis cum C. Muræna, Lacedæmone excisum latericiis parietibus opus tectorium, propter excellentiam picturæ formis inclusum, ad comitium exornandum deportavit. quod opus per se mirum hominibus, sed magis admirationi fuit, transferri potuisse.

LXXV. Ceterum tres illi principes, suis quisque causis, societatem inierant: Pompejus, ut tandem acta sua confirmarentur: Cæsar, nondum adultum robur committere cum viro tantis radicibus immaturum ratus, ipsius illius opibus, ut se muniret, abutebatur, omni interim illi delegata invidia: simul Crassi retinebat studia, graviter adversaturi, si Pompejum sibi antepositum a Cæsare vidisset. M. Crassus, cupidus primi loci, sed retinendo impar, ad rem pertinere credebat, si duorum potentissimorum viribus fulciretur; sperabatque Cæsaris crescentem potentiam cum maturatione Pompeji auctoritate ita commissurum, ut, his mutuo se atterentibus, majores ipse opes consequeretur.

LXXVI. Nam huc omnia sua consilia olim retulerat; neque optimatibus prorsus addictus, neque vicissim ita popularis, ut oblitus curiæ videretur. tantum hoc agebat, ut, quidquid utrislibet gratum accidisset, id se auctore, quæ contra essent, invito aut ignaro, facta censerentur. Atqui reliquorum etiam principum nemo sincerum ad rem publicam studium, nullis admixtis ambitionis avaritiæ

§ LXXIII. Plin. 35, 14. Vellej. 2, 44. § LXXIV. Diodor. Plut. in Pomp. c. 71. Vellej. § LXXV. Cic. ad Attic. 1, 14. Appian. Plut. in Cæs. c. 18.

fordibus, afferebat; uno excepto Catone, cujus invicta ad extremum constantia, quamquam nudata præfidiis omnibus, in tuenda republica perstitit. Ceterum, quo majores acquireret vires tardius animadversa conspiratio, dederunt diligentem operam, ut tegerent eam dissimularentque: neque eo fecius communicabant consilia, & quidquid conducere suis rationibus visum erat, conjunctis opibus exsequebantur.

LXXVII. Jam primum in petitione consulatus, cum haberet competitores duos Cæsar, L. Luccejum historiarum scriptorem, & M. Bibulum; per Arrium cum Luccejo coivit, pactus, *ut is, quia gratiæ, quam Cæsar, minus, pecuniæ plus habebat, nummos de suo, communi nomine per centurias pronuntiaret.* Contra optimates, nihil non in consulatu Cæsaris timentes, si concordem collegam nactus esset, auctores Bibulo fuerunt tantundem pollicendi: ac plerique contulerunt pecunias, ne Catone quidem instigante, *esse e republica, largitionem eam fieri.* hæc tum erant tempora. Cæsar cum Bibulo designatur. Igitur optimates dederunt operam, ut provinciæ futuris consulibus minimi negotii, id est, silvæ callesque decernerentur.

LXXVIII. Interim C. Octavius ex prætura, summa cum laude gesta, Macedoniam fortitus, (quod C. Antonio male provinciam administranti successorem mitti placuerat) negotio sibi ab senatu extra ordinem dato, agrum Thurinum purgavit, jam olim infamem latrocinii, residuamque ex Spartaci & Catilinæ copiis fugitivorum manum delevit. Sequitur non jam consulatus C. Cæsaris, sed regnum, quo tempore collegam potestatis M. Calpurnium Bibulum nomine, re & opere Cn. Magnum, M. Crassum habuit. Idcirco nullo jam veteris & probi moris respectu, tantum ea, quæ ad fundandas conjurationis opes pertinebant, ingenio Cæsaris, auctoritate Pompeji, divitiis Crassi perficiebantur: neque Romanis fiebat injuria libertatem amitten-

§ LXXVI. Sueton. in Aug. c. 31. Cic. ad Q. fratrem 1, 17.

tibus, quam ingratus stolidusque populus, accepta mercede, vendiderat.

LXXIX. Prodigia tum multa, non sine minis & horrore malorum imminantium, nuntiata aut visa sunt. Procella repens in urbe & circum arbores exstirpavit, ædificia scidit, naves in Tiberi juxta urbem & ad ostia fluminis merfit, pontem publicium rupit. Theatrum quoque, ad ludos quosdam e ligno structum, corruit: omnibusque his cladibus magna hominum absunta multitudo est. Sed prima honoris initi, antiquitatis specie decora, aut latente adhuc Cæsaris proposito, pro innoxiiis fuerunt: ut quo mense fasces non haberet, accensus ante eum iret, lictores pone sequerentur; quod ex vetustate relatum: ut tam senatus, quam populi diurna acta conficerentur & publicarentur; quod ipse instituit primus, quo per provincias & exercitus nosceretur, nihil agi Romæ, nisi ex voluntate trium principum, posse.

LXXX. Inter hæc Bibulum, *ut concorditer secum rempublicam gerere velit*, in senatu rogans, ab intentione muniendi sese avocatum, ipse, clam paratis subsidiis, fallacibus blanditiis mulcebat: donec provisus, quæ voluerat, ad majora itum, legesque promulgari a consule cœptæ, quales vix tribunus plebis paulo modestior tulisset; agrariæ ante omnes, quæ maximam contentionem, quod invito senatu ferebantur, habuerunt. Sed nimirum Cæsar, *ita se fore popularem*, semper erat professus, *ut nihil esset æsturus, quod non ad senatus quoque commodum pertineret*. Igitur sic conceperat verba legis, ut nihil in his reprehendendum videretur; & tamen, *ne sic quidem laturum*, testabatur, *nisi senatu auctore*.

LXXXI. Sed optimates non fallebat, hæc omnia non alia causa fieri, quam ut abductam a Patribus plebem Cæsar hac largitione sibi auctoraret. ideoque hoc ipsum erat dolori, quod ita scripta lex esset, ut, qui eam impedirent, non tam voluntati plebis, quam æquitati manifestissimæ

§ LXXVIII. Diodor. § LXXIX. Appian. Plut. in Cat. c. 45.  
§ LXXX. Liv. Epit. Diodor. l. 38.

utilitatie publicæ, refragari viderentur. Namque multitudo illa, numero & egestate urbi intoleranda exhauriebatur: frequentabantur Italiæ regiones, inopia hominum desertæ: consulebatur annonæ, instaurata passim agricultura: & hæc sine impensa reipublicæ, sine incommodo principum fiebant; immo his ultro honor & emolumentum adjiciebatur, quod ex eorum numero viginti viros dividundis agris creabat Cæsar, seque nominatim excipiebat; ne scilicet suum in usum aliquid ferre existimaretur.

LXXXII. Cetera quoque ita complexus erat, ut neque prudentiam, neque æquitatem desiderares. *Publicum agrum omnem dividebat, Campano, ob præstantiam regionis, ad subsidia reipublicæ reservato: privatum non nisi a volentibus emi jubebat; neque minoris plurisve, quam æstimatus in censu esset.* Pecuniam autem affatim subministrabat cum triumphus Pompeji, tum recens ab eo constituta vectigalia: *quæ civium usibus, quorum & periculis parva forent, non immerito dicebat impendi.* Hæc utrumne placeret ferri, singulos interrogabat; *correcturum, si quid secus scriptum videretur, aut plane deleturum, pollicitus.*

LXXXIII. Illi, cum nec incusare legem possent, nec ferri vellent, promisso, *auctorem senatum fore*, quæsitis impedimentis morabantur. At Cato pro libertate ingenii sui palam, quæ sentiret, præferens, legem non damnabat; ceterum negabat, *ex his, quæ antea constituta essent, moveri quidquam oportere.* ducebatque dicendo diem, ne perfici res ea posset: quippe sententiam rogato senatori licebat etiam aliis de rebus, quoad vellet, differere. Tum Cæsar, ira commotus, simul ut ceteris incuteret metum, *Catonem extrahi curia per liforem, ducique in carcerem*, jussit. nam illum tribunos appellaturum sperabat. Cato, nulla voce missa, sequebatur: neque pauci, relicto senatu, comites ei ibant: quorum M. Petrejus, objurgatus a Cæsare, *quod, nondum*

§ LXXXI. Liv. Epit. Sueton. in Cæs. c. 20. Diodor. § LXXXII, Plut. Diodor.

*misso senatu, discederet, Malo, inquit, esse cum Catone in carcere, quam tecum in curia.*

LXXXIV. Ob hanc invidiam, & quia plebem quoque gravatim hæc ferre animadvertebatur, destitit Cæsar, submissoque tribuno plebis, dimittendum Catonem curavit. Eo tempore cum senatum mitteret, lætus contigisse, quem optaverat, ad plebem se applicandi colorem, hoc tantum adjecit: *equidem vos & judices legis, & auctores esse volui, priusquam cum populo agerem, Patres conscripti: sed quoniam vobis tam bona conditio displicet, & pro honore, quem vobis habebam, tantum injurias rependitis, age, jubebit populus, quod ei videbitur.* Exinde, senatu prorsus neglecto, ferre ad populum cœpit. Quo tamen honestiores haberet auctores, in concione interrogavit collegam, *ecquid ei in lege displiceret?* ille nihil, nisi non permissurum, ut aliquid novetur se consule. tum Cæsar rogare illum cœpit, idemque faciundi auctor populo fuit. nec mollior inde Bibulus, sublata voce, *ne si omnes quidem volueritis, legem habebitis: & cum dicto discessit.*

LXXXV. Cæsar, reliquos magistratus interrogare intutum putans, cum hujus esset contra spem expertus constantiam, Pompejum Crassumque produxit, privatos quidem, sed opibus & auctoritate principes. Ibi Pompejus, ego vero, Quirites, omnia hæc summopere probo: nec ego solum, sed jam tum universus probavit senatus, cum & meis & Metelli militibus agrum decerneret. Sed eo quidem tempore propter inopiam reipublicæ ea largitio dilata est: eadem nunc beneficio Deorum, & opera mea, locupletior, & illis præstare promissa, & reliquis reddere fructus communium laborum, potest.

LXXXVI. Hæc locutus, singula legis capita recensens dilaudabat. Id cum cupientissimo populo fieret, adjecit Cæsar: *Quæro igitur ex te, Magne Pompei, quoniam legem probas, an ei defensor sis futurus, si quam adversarii vim fecerint?* simul versus ad plebem, orare Magnum hortabatur.

§ LXXXIII. Plut. Appian. civil. l. 2. § LXXXIV. Appian. Diodor. § LXXXV. Plut. in Pomp. c. 77. Appian.

Pompejus, hoc honore valde elatus, quod consul populi Romani, atque ipse populus ad auctoritatem privati confugeret, multa de rebus suis magnifice locutus, postremo dixit, *si quis sumere gladium ausus esset, se cum scuto & gladio affuturum.* quo dicto nihil unquam exciderat Pompejo immodestius. Et offendeabantur quidem haud perfunctorie optimates; sed cum hæc omnia M. Crasso probarentur, alii quoque minus tetenderunt in re populo gratissima: hisque duobus accefferunt, qui & boni viri, & Cæsari non amicissimi putabantur; adhuc enim conspirationem suam occultabant.

LXXXVII. Sed eruperunt paulo post ejus rei manifesta indicia, cum Cæsar filiam, Cæpioni Servilio, cui desponsa fuerat, cujusque præcipua opera Bibulum impugnaverat, ademtam Pompejo collocavit; Pompeji filiam Cæpioni pollicitus: quamquam & illa sponsum haberet Faustum Sullam. Hæc faciebat, provinciam cogitans: simul, ne, se absente, Pompejus aliquid novaret per Gabinium scdissimum adulatorem suum, qui consul in sequentem annum destinabatur: ipse Calpurniam duxit, ut patrem ejus L. Pisonem, quem alterum facturi consulem erant, hac affinitate pignorum haberet; non dissimulante Catone, talibus nuptiis dotem a republica imperium & exercitus dari.

LXXXVIII. Post hanc affinitatem, Cæsar in senatu Pompejum primum sententiam rogare cœpit, cum M. Crassum soleret: cujus rei rationem senatui reddendam putavit, quia moris erat, ut, quem quis rogandi sententias Kalendis Januariis instituisset ordinem, eum toto anno servaret: id quoque novo more, cum olim, qui princeps in senatum esset lectus, etiam sententiæ dicendæ esset princeps. Ne sic quidem mutavit sententiam Bibulus, quin optrium tribunorum plebis, Cn. Domitii, Q. Ancharii, C. Fannii, suffultus, legem impediret tanta pervicacia, ut, consuntis omnibus moræ causis, ad extremum in singu-

§ LXXXVI. Cic. ad Attic. 2, 17. § LXXXVII. Sueton. in Cæs. c. 2. Vellej. 2, 44.

los consulatus sui reliquos dies ferias indiceret: ne enim feriis coiret populus, legibus vetabatur.

LXXXIX. Sed Cæsar, spreto Bibulo, nihilominus prædixit comitiis, legis ferendæ causa, diem: inque idem tempus Pompejus, jam ducta Julia, Cæsaris gener armatis urbem compleverat. Affuit & Bibulus, instigantibus Patribus, qui domum consulis venerant, quod altero impediendo consule convocari senatus nequibat; ut potius aliena improbitate victus esse, quam sua sponte cessasse, videretur, & per densam multitudinem, quæ, fidas sub vestibus ferens, forum de nocte occupaverat, ad ædem Castoris, Lucullo & Catone comitantibus, contendit: aliis reverentia potestatis, multis, quia sententiam mutasse crediderant, viam dantibus. Sed ubi ex superiore loco impugnare legem cœpit, tanta est commota seditio, ut ipse de gradibus deturbaretur, cophinus stercore repletus in caput consulis effunderetur, fasces frangerentur, multi comitum, atque inter alios duo tribuni, verberibus vulneribusque afficerentur.

XC. Inter hæc Bibulus insigni constantia nudabat jugulum, offerebat, ad cædem magna voce invitabat Cæsaris satellites, *ego vero, inquiens, si Cæsarem, ut jussit agat, movere nequeo, id saltem efficiam, ut mea mors scelestiorem invisioremque omnibus reddat.* Hæc vociferantem in vicinam Jovis Statoris ædem amici rapuerunt. Tum in Catonem versus impetus, qui, ut erat juvenis, & robusto corpore, per medium agmen via facta, cum verba cœpisset facere, sublimis a factione Cæsaris est elatus. At ille, diversa fori parte recurrens, convicia Cæsari ingerebat; donec iterum priorem ad modum est elatus. Ita per vim perlata lege, *jurare populum* jussit Cæsar, *perpetuo ratam fore.* idem deinde jusjurandum a senatu exegit.

XCI. Bibulus, ægre vitato exitio, postridie in curia con-

§ LXXXVIII. Dionys. Appian. Sueton. § LXXXIX. Tiro ap. Agell. 4, 10. Varro ap. Agell. 14, 7. Cic. pro Sext. § XC. Plut. in Cæs. & Pomp. Appian. Diodor.

queritur, rescindere acta parat: Pompejo Crassoque resistentibus, plerisque metu aut errore quietis, nihil promovetur. Igitur Bibulus, in reliquum anni tempus (mensēs autem octo supererant) domi se continens, tandem agenti aliquid Cæsari *ferias esse* obnuntiabat per edicta. Sed P. Vatinius tribunus plebis levissimus, qui & nuper consulem in vincula ducere conatus erat, viatorem misit, qui eum domo vi extraheret. Nam hic se ad omnia Cæsaris cupita signiferum præstabat: unde Cicero, occultius ad Atticum de his temporibus scribens, *Athenionem* vocat, cum illo fervorum in Sicilia duce, vilissimæ plebis concitorem Vatinium comparans.

XCII. Nec ex toto illo collegio quisquam illo anno legem tulit, cum nemo non haberet promulgatas, præter Vatinium, qui nec auspicia, nec Æliam Fulviamque leges curabat. Ceterum collegis Vatinii intercedentibus, Bibulus omissus in præsentia, nihil postea neque ipse, neque tribuni, qui cum eo senserant, publicæ rei egerunt. Adhuc in legem aliqui senatorum non juraverant, Q. Metellus Celer, exemplum Numidici referens; M. Cato, & hujus imitationem affectans M. Favonius. Idcirco Cæsar legem tulit, *ut, qui certam ante diem non jurasset, capitalem fraudem fraudus esset*. Hic metus, an quia, lege jam perlatā, nihil ex sua calamitate commodi perventurum ad rempublicam erat, & illos, & tribunos plebis ad jurandum adegit.

XCIII. Sic ille non modo agrum, de quo pugnatum erat, divisit; sed etiam, qui exceptus antea fuerat, Campanum Stellatēque extra sortem dedit patribus familias, quibus terni aut eo plures liberi essent. horum ad viginti millia reperti: & ab eo primum tempore coloniis Romanis connumerata Capua est, cum circiter annos centum quinquaginta præfecturæ formam nomenque habuisset. His legibus ingenti ad populum quæsitā gratia, quo equestrem

§ XCI. Plut. Sueton. in Cæsar. c. 20. Diodor. § XCII. Cic. in Vatin. c. 9.



ordinem adjungeret, publicanis (erat enim ex eo ordine) trientem plebiscito remisit: haecenus enim resistentibus quibusdam, & praecipue Catone, nihil ab senatu impetraverant.

XCIV. Sic in ordinem redactis Patribus, reliqua civitate devincta, quidquid voluit, cui voluit, dedit. Acta Pompeji, ne ipso quidem ultra renitente Lucullo, quem ita calumniarum metu exterruerat, ut ad genua sua accideret, nedum aliis, confirmavit: provincias, ut Spintheri Hispaniam, dandas, quibus ipse cuperet, curavit; de variis rebus, ex suo conjuratorumque arbitrato leges tulit: de maiestate, de sacerdotiis, de provinciis, de repetundis; paratis in quodlibet populi suffragiis, quae, praeter cetera, ludorum & venationum mercede quaesiverat. Totam denique rempublicam, latente collega, solus administravit. Unde homines urbani, quae gesta eo anno essent, non ut solitum duobus consulibus, sed ejusdem nomine ac cognomento fingabant, *Julio & Caesare consulibus*.

XCV. Hunc rerum statum cum multi gravarentur, & aliquando Caesar in senatu de infrequentia quereretur; Q. Confidius, arma nimirum & milites timeri, respondit. *Quin igitur te*, inquit Caesar, *eadem formido non continuit domi?* Tum ille, *hoc metu senectus me liberat, quae gladiis tuis parvam reliquit vitae, nec dignam cautione, particulam*. Inter quae Q. Fufius Calenus praetor, animadverso, in suffragiis promiscue latis, bene consulta sibi quemque adscribere, deteriorem culpam transferre in alios, legem tulit, uti *singulorum corporum suffragia seorsim colligerentur*, quo intelligi possit, si non, quid viritum unicuique, (nam id ad leges solvendas tabellarias pertinebat) certe quid cuilibet ordini placuisset.

XCVI. Nihil id Caesaris intererat, qui, *se praesentibus abunde contentum* ferens, quidquid cupiebat, aliorum opera, nec a plebe solum, sed postea etiam a senatu, consequabatur.

§ XCVII. Cic. ad Attic. 2, 8. Diodor. Appian. Plut. § XCVI. Plut. in Cat. c. 46.

Nam Illyricum Galliamque Cisalpinam, quam ex omnibus provinciis elegerat, focero generoque suffragantibus, cum legionibus tribus in quinquennium accepit rogatione Vatinia: mox quarta legio, & quæ trans Alpes est Gallia, senatusconsulto accessit. Verebantur enim Patres, ne, cunctantibus ipsis, & hanc populus daret, qui jam contra legem Semproniam juris hujus usurpationem primam gustaverat.

XCVII. Neque dissimulavit hujus victoriæ gaudium, paucisque interjectis diebus. frequenti curia, *omnium se capitibus illufurum* jactavit: ac negante quopiam, *facile hoc ulli feminae fore*; respondit, *in Assyria quoque regnasse Semiramis, & magnam Asiæ partem olim paruisse Amazonibus*. Neque contentus domesticis præfidiis, regna sociorum omnibus modis studuit adjungere, Ariovistum Suevorum regem, itemque Ptolemæum, cui & magnam pecuniæ summam crediderat, *socium & amicum* appellandum, & lege & senatusconsulto, foedusque cum eo in Capitolio ferendum curavit. Inter hæc consules designati sunt, uti convenerat, L. Piso, A. Gabinus. Gabinium de ambitu interrogare C. Cato adolescens cupiebat. Sed cum per aliquot dies copiam sui prætores non facerent, in concionem ascendit Cato, & Pompejum privatus *dictatorem* appellavit. Unde magnus exortus tumultus est, propiusque nihil factum, quam ut homo temerarius & nullius consilii occideretur.

XCVIII. Sed acriores sub idem tempus turbas excitavit L. Vettius, Catilinaræ conjurationis index, qui, subornatus a Cæsare, *solicitatum se a quibusdam de inferenda Cn. Pompejo & C. Cæsari nece*, dicebat. Ea fabula aliquanto aliter, quam ornata putabatur, acta est. Vettius enim cum pugione, servique ejus cum telis in foro deprehendi, mox Vettius indicium profiteri debuerat. Sed ille, quo Curionem adolescentem in suspicionem adduceret, familiarita-

§ XCVI. Appian Diodor. Cic. ad Artic. Sueton. § XCVII. Vellej. 2, 44. Diodor. Appian.

te ejus affectata, dixerat, *sibi certum esse cum suis servis impetum in Pompejum facere*; idque ille ad patrem, pater ad Pompejum detulerat. Erat autem Curioni filio Cæsar offensus, quod aperte triumvirorum nimias opes traducens, assensum habere multitudinis videbatur, eique ludis Apollinaribus equites stantes plauserant, cum, ingrediente theatrum Cæsare, quievisserent.

XCIX. At Vettius, in senatum introductus, *fide publica* postulata, exposuit, *manum fuisse juventutis, duce Curione, in qua Paullus initio fuisset, & Q. Cæpio Brutus & Lentulus Flaminis filius, conscio patre. postea C. Septimium scribam Bibuli, pugionem sibi a Bibulo attulisse.* quod totum irrisum est: Vettio pugionem defuisse, nisi dedisset eum consul, præsertim cum ipse Bibulus Pompejum. *ut caveret insidias,* monuisset; eoque nomine Pompejus ei gratias egisset. Introductus Curio filius refellit Vettium eo maxime, quod *Paullum* ille dixerat *afferre manus Pompejo voluisse*, quo tempore Paululum constabat fuisse in Macedonia. Fit senatusconsultum, *uti Vettius, quod confessus esset, se cum telo fuisse, in vincula conjiceretur: qui eum emisisset, eum contra rempublicam esse facturum.*

C. Non obstitit senatusconsultum Cæsari, quo minus postero die produceret in rostra Vettium, & tribuno plebis P. Vatinio secundas agente, dicere juberet ex eo loco, ad quem consuli Bibulo non licebat accedere, quemque Cæsar in prætura Q. Catulo præcluserat. Igitur Vettius auctores impulsoresque sceleris nominavit *M. Bibulum, C. Curionem cum filio, L. Paullum*, qui tum quaestor in Macedonia aberat. Præterea L. Lucillum, L. Domitium, quos in senatu ne tenuissima quidem suspicione asperferat. Contra Cæpionem, quem ibidem acerrime nominaverat, in foro omisit; ut appareret, noctem, & nocturnam deprecationem intervenisse Serviliæ, quæ mater Cæpionis cum Cæsare habere consuetudinem putabatur.

§ XCVIII. Sueton. Plut. in Pomp. Diodor. Afcon. in Vatin. c. 12. § XCIX. Vellej. Sueton. § C. Plut. in Cæs. c. 21. Diodor.

CI. Ciceronem non nominavit, sed dixit, *consularem dīfertum, vicinum consuli, sibi dixisse, Ahalam Servilium aliquem, aut etiam Brutum opus esse opperiri*. Deinde cum jam descendisset de rostris, collocutus cum eo Vatinius, revocavit, interrogavitque, *ecquosnam alios posset nominare?* tum ille *C. Pisonem generum Ciceronis, & M. Laterensem conscios* edidit. Quamquam in his multa erant, quæ falsum indicium proderent, tamen promulgata lex est a Vatinio, *ut Vetitio præmia decernerentur, deque nominatis ab eo quæstio haberetur*. Interim Vettius apud Crassum divitem, de vi postulatus, cum fraudis architecti consilii tam præcipitis eventum desperarent, in carcere occisus est; Cæsare suspicionem in alios transferre niso, quamquam ipse necis auctor crederetur.

CII. Impetravit tamen ab addicta plebe, ut illius voluntate jussuque præsidium sibi circumdaret: verbo *adversus insidias*; revera, ut opprimendis inimicis se muniret. Erāt plane miserabilis temporum status, cum paterentur homines, quæ nollent; omitterent mederi, cum possent; & tamen ne taciti quidem sortem suam indignarentur. Ludis Apollinaribus maxime perspecta populi voluntas est, cum neque Cæsari præsentī plausum, & in Pompejum (coloniam enim Capuam deducebat) petulantissime inventus Diphilus tragædus ita placuit, ut sæpius a populo juberetur repetere, *Nostra miseria tu es magnus: &, virtutem istam, veniet tempus, cum graviter gemes*.

CIII. Edicta vero Bibuli, probrorum in illum & Cæsarem plena, tam erant jucunda populo, ut locum, ubi proponebantur, præ multitudine legentium, transire nemo posset. Cum ista maxime fierent, C. Antonium ex provincia reversum accusatores corripuerunt L. Caninius Gallus, Q. Maximus Æmilianus, & M. Cælius admodum adolescens, apud Cn. Lentulum Clodianum. Catilinariam conjurationem objiciebant: nec eo crimine convictus, ob alia, quæ

§ CI. Plut. Sueton. Vellej. Diodor. Oros. 6, 7. § CII. Cic. in Vat. c. 15. Sueton.

proprie in iudicium deducta non erant, est condemnatus, male gestis in Thracia rebus. Macedoniam provinciam obtinuerat, eoque statim, ut in agro Pistoriensi victus fuerat Catilina, cum laureatis fascibus profectus, (quæ res post eventum in omen tracta est, quasi victoriam hostibus, ad quos laurum victricem tulerat, portendisset) multa fociis finitimisque tum adhuc pacatis incommoda per avaritiam intulerat.

CIV. Non tulerunt Dardani prædas ex suis finibus agentem: suoque & vicinorum contracto exercitu, iverunt obviam. Sed ille non ausus expectare, quos laceraverat, tanquam ad alia prævertens, cum equitatu profugit. pedestres copię cæsæ fugatæque sunt. præda omnis amissa. Simili causa eventum commovit timuitque Mysiæ bellum, postquam ad Istriarum urbem Scythæ Bastarnæque incolis auxilio advenerant. Hujus damnatione Catilinæ sepulcrum floribus ornatum; iustaque ei a perditissimis hominibus facta sunt. Ipse Cephalleniani legit exilii sedem, ibique urbem instituit condere, totam insulam, tanquam suam possessionem, tenens: ut jam tum appareat majora fuisse exsulum viatica, quam fuerint principum antiquorum patrimonia.

CV. Hujus deinde filiam accusator ejus Caninius duxit. Sed Antonium in consulatu collegam Cicero defenderat, quamquam aspersum se suspitione gravatus, quod inter rapinas suas *partem quæri Ciceroni* jactaverat. In eo iudicio forte quædam de præsentis reipublicæ statu questus erat Cicero: quæ ad Cæsarem Pompejumque delata, graviter eos offenderunt. Et erat jam ante iratus Ciceroni Cæsar, quod in viginti viris dividendo agro Campano esse nolisset: magnum enim inimicitiarum argumentum putabatur edere, qui ne honorem quidem delatum ab illo accipere vellet. Igitur nihil ultra cunctandum rati, ut simul potentiam suam vimque adversariis ostentarent, eadem adhuc

§ CIII. Cæs. de B. G. l. 1. Plut. in Pomp. § CIV. Cic. ad Q. frat. 1, 2. Diodor.

die, horaque nona, cum illa sub sextam a Cicerone dicta essent, acerbissimum ejus inimicum P. Clodium ad plebem transfuderunt.

CVI. Id olim agitabat Clodius: sed varie frustrato proposito, nihil dum promoverat. Nuper autem Q. Celer, qui fortissime proposito Clodii restiterat, morte subductus erat, tam opportune & velociter, ut scelus uxoris, quæ fratri & in aliis nimis dicebatur esse morigera, plerique suspicarentur. Tum vero agente Cæsare, inventus est P. Fonteius quidam ex plebe Romana, qui lege Curiata Clodium adoptaret, statimque emitteret manu; quod per se evidens erat elusarum legum commentum, & sane quam rationi & juri repugnans, quod major natu Clodius a minore adoptabatur.

CVII. Exhinc multa injecta sunt in rempublicam & integerrimos quosque custodes ejus fulmina, patefacto ad tribunatum aditu, quem mox petiit Clodius, & designatus est. Petierat & M. Laterensis egregius adolescens. sed quia lex de agro Campano *exsecrationem* habebat *in coitione candidatorum, si mentionem fecerint, quo aliter ager possideatur, atque ex legibus Julii*; petere destitit, ne juraret. Post Antonii damnationem reus ex Asia L. Valerius Flaccus, ab eodem Cicerone, apud T. Vettium feliciter defensus, & opportunitate joci cujusdam absolutus. Eodem quoque patrono bis hoc anno judicium suffragiis liberatus est A. Minucius Thermus. Inito deinde tribunatu, P. Clodius M. Bibulum verba facere in deponendo magistratu incipientem prohibuit, & solemni jurejurando jussit esse contentum.

CVIII. Eodem anno Q. Metello Celeri, cum in Galliam proconsule profectus esset, rex Suevorum Ariovistus homines quosdam ex India dono dedit, qui, cum e patria commercii causa navigarent, tempestatibus erant in Germaniam abrepti. Marcius Philippus, qui Syriam ex prætura obtinebat, cum Arabum prædonibus, provinciam incurfan-

tibus, parum prospere bellum gessit: alioquin etiam haud optima fama agendo: ut clarissima Q. Octavius, qui Macedoniæ non minore iustitia, quam fortitudine, præerat. Atque is, Bessis, ferocissimis Thracum, magno prælio fufis, *Imperator* appellatus est. At Clodius, omni ad opprimendum Ciceronem intento nisu, favorem sibi ordinum prius parandum rogatione ratus, *Annonariam* legem, itemque aliam *de instaurandis collegiis* tulit, triduo postquam L. Calpurnius L. F. L. N. Piso Cæsonius, A. Gabinus A. F. consulatum inissent.

CIX. Erant hæc summe popularia. nam frumentum populo, quod antea semissibus & trientibus in singulos modios dabatur, gratuitum fiebat: & collegia non tantum, quæ senatus sustulerat, restituebantur; sed multa præterea, quæ nunquam fuerant, ex fæce plebis constituiebantur. Ut autem senatu placato uteretur, (nam consules, Pisoni Macedonia, Gabinio Syria datis provinciis, emerat) tulit, *ne quem censores in senatu legendo præterirent; neve notarent, nisi qui apud eos accusatus, & utriusque censoris sententia damnatus esset.* Ne autem cum plebe acturo, de cælo servantium obnuntiatio noceret, unam maximam perniciosarum legum remoram, Fufiam & Æliam leges, quæ erant de auspiciis latæ, abrogavit; cauto, *ne quis magistratus per eos dies, quibus tribunus plebis cum populo ageret, de cælo servaret.*

CX. Nam antiquitus obtinuerat, ut quam plurimum auguriis ominibusque Romani tribuerent, infinita haberent singulis negotiis, ut putabant, significantia eventum. Sed augurium de cælo præcipuum habebatur, idque semel captum in totam eam diem & ad omnia negotia valebat. Eadem rogatione Clodii comprehensum, *ut omnibus fastis diebus legem ferre liceret, etiam intercessione sublata:* ne quid divini humanive juris morari præcipitem hominis furorem posset. Nec fallebat Ciceronem, adversus se omnes istas machinas comparari: quapropter L. Mumium Qua-

§ CVIII. Sueton. Cic. in Vatin. c. 10. Plut. in Pomp. § CXL. Plut. in Cat. c. 32. Cic. Sueton. Appian.

dratum tribunum plebis invenit, qui Clodianis actionibus intercederet.

CXI. Hic & Kalendis Januariis, cum in id tempus Com-  
pitalitiorum dies incidisset, Sex. Clodium, operarum Clo-  
dianarum ducem, prohibere tentaverat, ne ludos faceret:  
& P. Clodio se adversarium ubique intendebat. Idcirco  
Clodius, & qui occulte in perniciem Ciceronis conspira-  
verant, Pompejus atque Cæsar, dolum instruunt. Pompe-  
jus, cui Cicero fidem habebat, *Clodium a se, uti ne in tri-  
bunatu contra Ciceronem faciat quidquam, omni cautione, sæ-  
dere, execratione devinctum* confirmat; præterea præclare  
atque magnifice omnia pollicetur. his uti color constaret,  
ipse jam Clodius remissius leniusque inceslere Ciceronem;  
magis inculcare *Terentiam*; sæpe *desiderium instaurandæ gra-  
tiæ profiteri*.

CXII. Ita decepto Cicerone, & quiescente Mummio, le-  
ges istæ perferuntur. Continuo promulgatur, *uti aqua igni-  
que interdiceretur eis, qui civem indemnatum occiderent, occidif-  
sent*. Hoc crimine, si crimen esset, totus senatus teneba-  
tur; sed Cicero solum se, aut primum, peti gnarus, qui  
Lentulum ceterosque Catilinariæ conjurationis antesigna-  
nos de sententia senatus supplicio affecerat, priusquam cum  
eo nominatum agi cœptum esset, vestitu mutato, popu-  
lum rogare cœpit: quod consilium, sejuncta causa sua,  
perniciosum fuisse postea ipse agnovit. Mutavit cum eo  
vestem omnis pæne Romanorum equitum multitudo: nec  
minus viginti millia juvenum promisso capillo cum eo cir-  
cumibant rogabantque, P. Crasso M. F. auctore ac duce.

CXIII. Sed omnibus viis, qua incederet, Clodius cum  
ingenti perditorum hominum agmine occurrebat, perculso  
insultantium, lapidesque & cœnum in eum jactantium. Se-  
natus quoque *vestem mutare populum, velut in publico lusu*,  
jubebat: sed consules refragabantur, & cum armatis cu-  
riam obsidens Clodius. Sic quoque erupit magna pars Pa-

§ CX. Cic. ad Attic. 2, 19. Val. Max. 6, 2. § CXI. Liv. Epit.  
Jul. Obseq. Diodor. § CXII. Jul. Obseq. Diodor. Strab. l. 10.



trum, scissis vestibus, invidiam adversariis cum clamore cientes. At ubi ne ista quidem tam lamentabilis facies ad movendum aut misericordiam plebis, aut pudorem, fatis efficax fuit; cedendumque urbe Ciceroni, aut pugnandum armis apparuit: tum Cicero, crescente anxietate, intentius etiam rogabat primores civitatis, noctu atque interdium circumiens domos. sed ceteris plus voluntatis, quam potentiae, aderat: Crassus palam oppugnabat eum; Pompejus atque Cæsar scelestius tegebant odia, quam fovebant, certique illum perdere, quo magis illicerent in fraudem, quamquam ipsi unanimes, discordia consilia dabant.

CXIV. Cæsar *secum ire jubebat in Gallias, legatione oblata: sic honeste declinaturum pericula*. Pompejus id quidem magnopere dissuadebat, *fugam appellando, neque consilium aliunde, quam ab inimico animo, profectum subinnuens. quin ille pro se atque senatu fortiter propugnaret: nec suum ei, nec ceterorum bonorum auxilia defutura, quibus haud ægre superaturus Clodium esset*. Accessit haud invitus huic sententiae Cicero, semper in Pompejum pronior: præterea opes ejus, quibus supra omnes eminebat, intuitus, per hunc maxime retineri Clodium posse putabat, qui affinis ei per Muciam, & sub ejus imperio diu in exercitu fuerat: consules autem, Gabinium quidem, totum noverat esse Pompeji; Pisonem non inhumanum, & propter affinitatem sui studiosum rebatur. Ergo resumta fiducia, se parabat ad pugnam, multorum adjutus, insignibus studiis.

CXV. Nam per ea tempora equites Romani frequentes in Capitolio congressi, deprecatores ad consules & senatum cum alios ex suo ordine, tum principes civitatis, Q. Hortensium, C. Curionem miserunt: L. Mummius tribunus plebis, præter alia, quæ studiose pro Cicerone factitaverat, etiam plebem ad *vestem mutandam* est adhortatus; quod senatores ipsidem plerique fecerunt, donec edicto consulum *ad vestitum redire* compulsi sunt. Major enim adver-

§ CXIII. Val. Max. Cic. ad Attic. 1, 9, & pro dom. c. 16.  
§ CXIV. Sueton. Diodor.

fariorum potentia fuit: &, intercessione sublata, parum L. Mummii valebat auctoritas; & equites per Gabinium consulem aditu curiæ sunt prohibiti: Lucius etiam Ælius Lamia, quod vehementius infiterat, relegatus; Hortensius & Curio, ad populi concionem a Clodio rapti, per homines, ad id præparatos, contumelias & verbera, susceptæ legationis præmium retulerunt.

CXVI. Igitur rebus ad extrema deductis, Cicero ipse, aut per amicos, Pompejo supplicabat. Ille, quo pudorem improbe deserti amici saltem absentia tegeret, in Albano degebat. Eo primum Ciceronis gener C. Piso, deinde ipse quoque Cicero venit; cum ille hominis ante amicissimi, & qui pro se multas contentiones suscepisset, vultum non sustinens, ne in conspectum veniret, per alias fores se subduxit. Postremo accesserunt ad eum L. Lentulus tum prætor, Q. Fabius Sanga, & ex consularibus L. Torquatus, M. Lucullus: sed remissi sunt ad consules, negante Pompejo, *se, nisi relatum ea de re, senatusque consultum factum esset, arma capiturum*. Itur ad consules, quorum non erat ignota Pompejo sententia. Gabinus duriter respondet: *lenius in speciem, sed eodem animo, L. Piso, nihil opus esse contentione: posse iterum a Cicerone servari rempublicam, si cedat, ni faxit, infinitam eadem, & ipsi inevitabile periculum fore*.

CXVII. Jam dies a Clodio perferendæ legi dicta aderat: & concio, quo Cæsar, qui jam paludatus profectus ex urbe fuerat, interesset, extra pomeria habebatur. Ibi producti ad populum consules, & interrogati, *quid de lege sentirent?* Piso respondit, *nunquam sibi placuisse crudelitatem*; Gabinus non *Ciceronem* modo, sed etiam *equites ac senatum*, inculcavit. Cæsar deinde iussus dicere, *Lentulum Cethegumque & ceteros jure necatos videri* negavit: *neque obsecrum cuiquam esse, quid de ea causa semper sensisset: pœ-*

§ CXV. Cic. ad Attic. 2, 10, & pro dom. c. 29. Idem pro Sext. c. 7. Sueton. CXVI. Diodor. Appian. civil. l. 2. Cic. ad Attic. 2, 8 & 16. Macroh. Saturnal. 2, 1.

*nam tamen ejus facti non probare: praterita mala oblivione sepelienda.*

CXVIII. At Crassus, quamquam filium suum quam posset opem ferre Ciceroni pateretur, ad populi sensum, ut solebat, accommodavit orationem. Pompejus ore magis, quam animo, verecundo per simulationem aliorum negotiorum abfuit. Inter hæc Ciceronem, consilii incertum, Lucullus *vim vi repellere* hortabatur: ceteri, & maxime M. Cato, Q. Hortensius, Q. Arrius bellum civile abnuebant. Cato tum in Cyprum proficiscebatur, arte tyrannorum, qui, non nisi duobus his publicæ libertatis amotis assertoribus, consiliorum suorum, qualem volebant, eventum opperiebantur.

CXIX. Neque enim dubio illorum impulsu P. Clodius, de Ciceronis oppressione desperans, donec in urbe Cato esset, hanc ejus per speciem honoris amoliendi astutiam est commentus. In Cypro Ptolemæus regnabat, omnibus contaminatus morum vitiis: ceterum nec id ad populum Romanum pertinebat; neque is erat Clodius, ut alienas vitas, omni ipse turpitudine coopertus, castigare deberet. Sed ille Ptolemæum oderat, quod se captum a piratis redimere neglexisset; promulgabatque de Cypro ei adimenda. Magna paupertas erat tum ærarii, magna Cypriarum opum fama: civitatis corrupti mores, populus injustus, principes avari. his omnibus de causis injustissima rogatio cupide accepta est.

CXX. Ea de re cum Catone, non multo post initum tribunatum, collocutus, *ei se curationem illam daturum dicebat, quem Romanorum omnium innocentissimum, ideoque beneficio illo dignum arbitraretur.* Reclamante Catone, *se vero insidias & injuriam, non beneficium Clodii, agnoscere;* tum ille arroganter & aspere, *quando igitur volentem,* inquit, *emittere nequeo, nolentem expellam.* continuoque profectus in con-

§ CXVII. Cic. pro Cœl. c. 24 & 32. Diodor. § CXVIII. Apian. Plin. 2, 67. § CXIX. Pomp. Mel. 3, 5. Cic. ad Q. fratr. 1, 2.

cionem, legem tulit, *uti Cato quæstor cum jure prætorio, adjecto etiam quæstore, ad exuendum regno Ptolemæum, in Cyprum mitteretur; idemque Byzantinorum reduceret exsules*: quo nimirum diutius absens in tribunatu grassandi locum Clodio daret.

CXXI. Hoc igitur tam firmo propugnaculo cum se destitutum Cicero reputaret, signo Minervæ, quod diu habuerat domi, in Capitolium cum inscriptione *Custodis urbis* posito, nocte profectus ex urbe, deducente amicorum præsidio, Siculos petiit, publice privatimque devinctos plurimis beneficiis, & quia provinciam eam C. Virginus obtinebat, vir meliorum partium, & vetusta amicitia Ciceroni conjunctus. in illo itinere, dum in villa quadam Atinatis agri diversatur, primam ei meliorum temporum spem oblatus per quietem C. Marius cum laureatis fascibus obtulit, a quo consulatus insignibus ornato interrogari se putavit, *quid ita tristis incerto itinere pergeret?* deinde proximum sibi lictorem ab eo datum, *qui se in monumentum Marii deduceret*, adjecto, *in eo salutem fore.*

CXXII. Id somnium cum fugæ comiti Sallustio narrafset; *reditum ei celerem & gloriosum paratum esse*, Sallustius exclamavit. *Et eventu comprobata rem ferunt: idque senatusconsultum, quo reditus Ciceroni procuratus est, in æde Jovis Mariana factum esse.* Sub idem tempus obtinenti Asiam fratri Ciceronis Quinto, visus per quietem Marcus erat equo ad ripam magni fluminis advehi, deinde lapsus in flumen disparere: postremo redditus esse mœrenti lætus, eodemque equo adversam ascendisse ripam, & venisse in fratris amplexus. Cognito Ciceronis discessu, Clodius *exsilium* ei scivit, *aqua & igni interdicto*, vetitoque, *ne a quoquam intra quingentesimum ab urbe milliare lecto reciperetur. si quis intra eos fines ipsum, aut a quo receptus lecto esset, occidisset, ut impune esset.* quæ tanto omnium metu perlata rogatio est, ut etiam strenuissimi quique Ciceronis defensores assentirentur.

§ CXX. Sueton. in Aug. c. 3. Strab. l. 7. § CXXI. Cic. pro Sext. & in Pison. c. 4. § CXXII. Ascon. in Pison. Diodor. Plut. in Cic. c. 41.

CXXIII. Senatus tamen publice regibus civitatibusque commendavit virum. Ob eam rem, & propria merita famamque, plurimorum obviis studiis exceptus adjutusque, tamen cum Vibonem venisset, a Vibio, quem multis affecerat beneficiis, præfectumque fabrum habuerat in consulatu, domo exclusus, etiam a C. Virgilio literas accepit, *abstinere Sicilia* jubentes: igitur a Brundisio transmittens, ventoque rejectus, iterato cursu Dyrrhachium tenuit. ibi quia inter exscendendum terra tremuerat, & recipro- caverat æquor, *celerem ei reditum* vates prædixerunt. Ipse tamen tristis & abjectus animo, quamquam Græciæ civitates studiis in eum certabant, privatimque amicorum officia supererant; non aliorum consolationibus, non sapientiæ monitis, quamquam id studium præcipue jactare solitus, allevabatur.

CXXIV. Interea Clodius bona ejus subjecerat hastæ, nec sectorem reperiebat: incendit ergo villas; diruit, velut publicatam, domum, area libertati consecrata. Hæc omnia cum, territis optimatibus, tam celeriter ex voto confecisset; prædens animo, neminemque superiorem potentia ratus, in Pompejum insurgere, & ipsius sollicitare acta cœpit. Præterea Tigranem, qui ductus in triumpho tum adhuc in custodia apud L. Flavium, amicum Pompeji, detinebatur, acceptis pecuniis liberavit emisitque. Erat eo anno prætor L. Flavius, a quo forte super cœnam Clodius petiit, *ut Tigranem adduci juberet, cupidum se videndi ejus* simulans. Adductum deinde collocavit in convivio: neque Flavio statim, neque postea Pompejo repetenti reddidit; sed apud se aliquamdiu habitum, imposuit in navem, & profugere jussit.

CXXV. Sed ille tempestate relatus, cum a Sex. Clodio missu tribuni receptus ad urbem reduceretur, Flavius, recognita, ad eum diripiendum excucurrit. ad quartum ab urbe lapidem pugna facta, multi ex Clodianis, plures a

§ CXXIII. Diodor. Cic. pro Sext. & ad Attic. 2, 14. Plut.  
§ CXXIV. Vellej. 2, 45. Liv. Epit. Diodor. Plut.

parte Flavii ceciderunt; inter quos & M. Papirius, eques Romanus, publicanus, familiaris Pompeji. Flavius sine comite Romam vix perfugit. Tum demum deserti Ciceronis pœnitentia Pompejum subiit, dolentem, ita sibi cecidisse nequiter omnia, ut cliens modo suus Clodius, ad se opprimendum tribunatus a se restituti viribus abuteretur: statimque cœpit revocandi Ciceronem agitare consilia. estque eo res perducta, cum, atrociter repugnante Clodio, perfici nihil posset, ut tamen senatusconsultum fieret, *ne quidquam prius publicæ rei, quam de reditu Ciceronis, decerneretur.*

CXXVI. Ob eas res quotidiana in urbe prœlia fiebant, Pompejum, Gabiniumque consulem, qui pro Pompejo stabat, fœdissimis conviciis proscindente Clodio. multi mortales inter eas rixas verberati vulneratique sunt: fasces consulis fracti, bona a tribuno consecrata. Contra L. Mummius, adjutus a collegis septem, resistebat acriter. Hic enim Kalendis Juniis de *reditu Ciceronis* retulit, (quæ res intercessione P. Ælii Liguris est sublata) & bona P. Clodii, illius exemplo Cereri consecravit. Pompejus, sive contumeliarum impatiens, quod a Clodianis in medio foro sæpe conviciis spurcissimis exagitatus erat; sive metu insidiarum, post deprehensum in turba cum gladio Clodii fervum; quamdiu fuit in tribunatu Clodius, domi suæ se tenuit.

CXXVII. Ibi quoque obsessus est ab homine audacissimo, liberto Clodii Damione, qui & L. Novium tribunum plebis ferro vulneravit. Sed nec a Cæsare vellicando Clodius abstinens, *leges Julias contra auspicia latas* in concionibus jactabat; quamquam in his esset Curiata illa, qua adoptio Clodii continebatur: interrogabatque productum in rostra M. Bibulum, *utrumne, leges ferente Cæsare, semper de cælo servassent?* interrogabat augures, *quæ ita lata essent, rectene lata essent?* Interea Cæsar, qui proficisci noluerat, donec relegatos a republica Ciceronem Catonemque vidisset, alterius ingenium, alterius animum, non fraude, non vi

§ CXXV. Plut. in Crass. c. 29. Cic. ad Attic. 3, 15. § CXXVI. Appian. civil. l. 2. Cic. in Pison. c. 8. Diodor. Plut.

superabilia, metuens, sub initium Aprilis in provinciam iit.

CXXVIII. Pacatissima ibi erant omnia, minime ex voto Cæsaris, qui rebus turbatis, ex ditissimis nationibus prædam, & de pugnacissimis materiam triumphorum quærebat. Igitur de motu Helvetiorum lætus audivit, qui ab Orgetorige principe gentis incitati, quamquam, illo defuncto, consilium, cujus auctorem damnaverant, exsecuti, incensis sedibus suis, alias quæsitum ad ripam Rhodani contendebant. His Cæsar auditis, tanta festinatione peregit iter, ut octavo die, quam erat ab urbe profectus, ad Rhodanum flumen perveniret. cujus adventu cognito, legatos Helvetii mittunt petitem, ut *sibi per provinciam eundi copiam faciat, sine maleficio transituris.*

CXXIX. Cæsar, quasi deliberabundus, *reverti legatos a. d. Idus Apriles* jubet. interim contrahit strenue copias, provinciæ indicit delectum, murum fossamque a lacu Lemanno ad montem Juram ducit, quo Helvetiis Rhodanum ad Genevam transmissuris iter præcluderet. Igitur illi, cum se delusos intelligerent, & vim tentantes repellerentur, per Sequanos & Æduos in Santonum fines penetrare instituunt. Hoc impediturus Cæsar, T. Labieno legato ei munitioni, quam ad Rhodanum fecerat, imposito, celeriter in Italiam regressus, duas legiones novas conscribit, easque cum tribus, quæ circa Aquilejam hiemabant, per Alpes non sine certamine transduxit in Galliam.

CXXX. Inter hæc Helvetii, Æduorum agros populando, coegerunt illos, Ambarrosque, & Allobrogum, quæ trans Rhodanum colebat, partem, auxilium a Cæsare petere. Nec abnuitt ille, quo potius his fociis bellum adversus Helvetios, quam neglectis & alienatis, adversus hos simul illosque gereret. Ad Ararim sive Sagonam (utroque enim nomine appellatur flumen) prima commissæ pugna est: ubi quarta ferme pars Helvetiorum, (pagus Tigurinus erat) cum ceteri amnem transissent, a Cæsare profligata est. Ce-

§ CXXVII. Vellej. Diodor. Cic. ad Q. frat. 1, 2. § CXXVIII. Cic. ad Attic. 2, 19. Diodor. § CXXIX. Flor. 4, 2.

teri per Diviconem legatum, qui bello Cassiano dux Helvetiorum fuerat, *pacem* a Cæsare postulando verius, quam petendo, conditiones ferebant, *uti sibi sedes constitueret; ibi futuros, ubi ipse voluisset*: recusanti minas ingerunt, *pristinorum populi Romani cladium* admonent, *neque magni facere ostendunt, quod nocturno Cæsaris furto partem suorum desiderant, & ruitute reparaturos, quod hostili dolo damnum captum sit.*

CXXXI. Cæsar, ad hæc dato, quali opus erat, responso, *si quidem dent obsides, facturum, quæ peterent*, ostendit. Helvetii contra, *sic se a majoribus institutos, ut obsides accipere, non dare, consueverint.* Sic abjecto pacis negotio, cum hostes progredierentur, Cæsar sociorum equitatum præmittit, exploratum hostium iter. Quatuor millia equitum erant: qui, numero confisi, cum longe paucioribus Helvetiis alieno loco pugnam conferuerunt. paucis cadentibus, fit fuga a Duninorige, præfecto equitatus, quem Ædui auxilio Cæsari miserant, quique, Orgetorigis ducta filia, clam rebus Helvetiorum studebat.

CXXXII. Helvetii, quod eorum equites quingenti admodum multitudinem tantam fuderant, majore cum fiducia cœpta prosequuntur. Subsequitur iter facientes cum suis copiis Cæsar, ita ut per dies præter propter quindecim, inter novissimum hostium, & primum illius agmen, non amplius quinis, aut senis millibus passuum interesset. Cum ita ad duodevicesimum milliare ab oppido Æduorum Bibracte perventum esset, Cæsar, rei frumentariæ causa eo digressus, opinionem injecit hosti, timore correptos Romanos, & adversi prælii memoria discedere. Igitur omisso itinere, insequi Cæsarem atque laceßere cœperunt. Ille, subductis in collem copiis, dum aciem intrueret, equitatum ad sustinendos hostes emittit: sarcinas in summo colle unum in locum conferri, eumque ab auxiliariis copiis, (ad viginti hominum millia erant) duabusque nuper conscriptis legionibus muniri jubet.

§ CXXXI. Cic. familiar. 5, 2, & in Pison. c. 5. Diodor. § CXXXI. c. 27. in Pison. c. 27. Diodor. Plutarch. in Cic. c. 43. § CXXXII. Cic. in Pison. c. 5.



CXXXIII. Interea Helvetii, cum omnibus suis carris fuggressi, postquam seorsim impedimenta collocassent, rejecto Cæsaris equitatu, ad collem instructa phalange processerunt. Cæsar, suo primum equo, deinde omnium, e conspectu amotis, ut aequato periculo spem fugæ tolleret, quatuor veteranis legionibus prælium committit. ab hora septima, usque ad vesperam ita certatur, ut terga neutri verterent; Helvetii, pars major in montem se quendam recipere vulneribus onerati; Boji Tulingique ad impedimenta carroſque se referrent. In hos ad mediam usque noctem pugnatum; non viris tantum, sed feminis atque pueris acerrime se defendentibus; postremo tamen capta impedimenta, & cum his Orgetorigis filia, atque unus & filius ejus. Hostes, qui prælio superfluerunt, ad centum triginta hominum millia, quamquam labore & vulneribus fessi, tota nocte continenter ierunt: & quartum intra diem in fines Lingonum sunt delati.

CXXXIV. Cæsar, qui propter vulnera militum & sepulturam occisorum tridui moram fecerat, literas ad Lingones mittit: *Helvetios frumento, ullave alia re juvari vetat; secus facientes pro hostibus habiturum* minatur. Ea res cum ad extremam inopiam Helvetios rede-gisset, legatos ad Cæsarem *de deditione* mittunt. Cæsar *codem loci adventum suum præstolari* jubet. ubi venit, *arma, obsides, servos, qui ad eos perfugissent*, postulat. Inter hæc conquirenda cum nox incidisset, Verbigeni pagi homines, sex circiter millia, ad Rhenum finesque Germanorum ituri, clam excellerunt castris. Hoc ubi Cæsar recevit, iisdem, per quorum agros incesſerant, denuntiat cum minis, *ut illos reducant*. reductis pro hostibus utitur: reliquos omnes, obli-dibus, armis, perfugis traditis, in deditionem accipit.

CXXXV. *Helvetios, Tulingos, Lacobrigos ad sua reverti* jussit, pristinasque sedes instaurare; Allobrogibus imperat, *ut frumenti copiam his faciant; quod nihil haberent domi,*

6 CXXXIII. Plut. Diodor. Cic. in Pison. c. 6. Sallust. § CXXXIV. Plut. Diodor. Cic. ad Q. frat. 1, 3, & pro dom. c. 9.

quo famem tolerarent. Nolebat enim Helvetiorum vacuos fines a Germanis occupari, quos graves provinciis Romanis futuros accolae metuebat. *Bojos*, quod egregia virtute erant, petentibus Æduis dedit, quos in finibus suis præsidium contra Germanos collocarent. eosque postea Ædúi in partem juris atque libertatis conditionem, qua ipsi agerent, receperunt. In castris Helvetiorum tabulas repertas esse Græcis literis conjectas, Cæsar tradidit, harundem rerum auctor idem, scriptorque incomparabilis, quibus ratio contineretur generum capitumque Helvetiorum & sociorum, quæ domo exissent. Summa erat Helvetiorum millia ducenta sexaginta tria: Tulingorum millia triginta sex: Lacobrigorum quatuordecim: Rauracorum tria & viginti: Bojorum duo & triginta: horum, qui arma ferre possent, ad millia duo & nonaginta. ex omni hoc numero tantum centum & decem millia domum redierunt.

CXXXVI. Hoc primum Cæsaris in Gallia bellum fuit: unde mox alia aliaque secuta, quibus ille per annos novem, totam ad Rhenum Oceanumque perdomuit; etiam semel iterumque trajecto Rheno Germaniam ingressus. Hæc omnia quo facilius meliusque noscantur, regionum illarum situs, & quibus sub ea tempora gentibus inhabitatæ fuerint, operæ pretium est exponere. Galliam Romani duplicem antiquitus fecerunt, Alpibus discretas. Harum, quæ ab Roma est remotior, ea hoc vocabulo hodieque censetur: at quam illi *Togatzm* vocarunt, eam posterior ætas ab novis incolis nominavit *Longobardiam*, quæ nunc Italiæ pars est.

CXXXVII. Veram Galliam vetus ætas in Braccatam Comatamque divisit. Braccata, quæ & Narbonensis, vetus populi Romani provincia fuit. Comatam Cæsar triplicem fecit, Belgas a Rheno ad Sequanam, Celtas inter Sequanam & Garumnam: reliquam partem, quæ Garumna, Pyrenæisque & Oceano clauditur, attribuit Aquitanis. Sed

§ CXXXV. Plut. in Cat. c. 48. Cic. pro Sext. c. 28. Vellej. 2. 45. § CXXXVI. Diodor. Strab. l. 14.

ea cum videretur ineptior divisio, quod & Narbonensis excluderetur provincia, & Aquitaniæ fines, ceterarum comparatione partium, nimis exiles viderentur; Augustus Cæsar, quicquid intra Alpes, mare mediterraneum, & Oceanum, & Rhenum terrarum jacet, uno Galliarum nomine complexus, Aquitaniæ nationes adjecit quatuordecim: universæ Galliæ provincias constituit quatuor, Narbonensi addita: quæ iterum sub tempora Constantini discesserunt in partes septemdecim; quæ deinde partitio a Romanis semper est retenta.

CXXXVIII. Ejus hæc est notitia: Viennensis, Lugdunensis, Germania prima, Germania secunda, Belgica prima, Belgica secunda, Alpes maritimæ, Alpes Penninæ & Grajæ, Maxima Sequanorum, Aquitanica prima, Aquitanica secunda, Novem populorum, Narbonensis prima, Narbonensis secunda, Lugdunensis secunda, Lugdunensis tertia, Lugdunensis Senonia. Harum Viennensis hodie *Delphinatus* vocatur, inter fluvios Isaram Rhodanumque ad fines Allobrogum sita: cujus etiamnum caput Vienna est, archiepiscopi sedes, sicut olim consularis fuit. Pleræque enim omnes urbes, quas Romanum imperium metropoles fecit, archiepiscopales postea exstiterunt.

CXXXIX. Ceterum urbes Viennensis provinciæ in itinera-rio, quod Antonini vocant, notantur quatuordecim: Vienna metropolis, civitas Genevensium, Gratianopolitanorum, Albensium seu Vivariorum, Deensium, Valentinorum, Tricastinorum, Vasionensium, Arausicorum, Carpentoraecten-sium, Caballicorum, Massiliensium, Avennicorum, Arelaten-sium. quæ omnes suis adhuc, aut paulum deslexis nominibus noscuntur, totidem nunc episcopatus, præter duas ultimas, archiepiscopali-bus infulis insignes. Gratianopolis etiam tribu-nal habet, Parlamentum vocant. Sequitur Lugdunensis, in quatuor tributa partes, universa nomen a metropoli habens.

§ CXXXVII. Marcellin. 15, 11. Flor. 3, 9. Plut. Cic. pro dom. c. 35. Diodor. Vellej. § CXXXVIII Diodor. Appian. ci-vil. l. 2. Val. Max. 1, 7. § CXXXIX. Cic. pro Sext. c. 54, & de divin. Val. Max.

CXL. Prima partium præter metropolin, quatuor habebat civitates, quæ & ipsæ nunc episcopatus sunt, civitatem Æduorum, hoc est Augustodunum, Lingonum (nunc *Langrensem episcopatum* vocant) castrum Matisconense & Cabillonense. *Germanias duas* in Rheni ripa citeriore vocarunt Romani: quod eam Galliæ partem Germanicæ nationes infederant. Earum quæ prima vocabatur, a meridie Burgundos respicit & montem Juram, Rhenum ab ortu habet, ad occasum Lugdunenses Senones colunt. Metropolis huic est Moguntiacensium civitas: reliquæ, præter alia municipia, Argentoratensium, Nemetum, qui nunc Spirenses sunt, & Vangionum, in quorum urbe hæc scribebamus, quæ hodie *Vormatia* vocatur. (Borbetomagum fuisse opinantur:) & hæ quoque omnes præter metropolin archiepiscopalem, episcopos suos habent.

CXLI. Inferior Germania post metropolin Coloniam, civitate Tungrorum, quam Cæsar *Atuatikum* vocat, insignitur. Belgica fluminibus Mosella, qui & *Obrina* vocabatur, & Sequana terminatur; Mosa dividitur. Primæ Trevi-  
 rum est civitas metropolis, mox Mediomatricum, id est, Metis, Leucorum sive Tullo, & Verdunensium. Secunda Belgica nobiles civitates antiquitus habuit duodecim: civitatem Remorum, quæ nunc etiam est metropolis; Sueffonum, Catalaunorum, Veromanduorum, Atrebarum (nunc *Arras* vocant) Cameracensium, Tornacensium, Silvanectum, quæ nunc episcopatus Senlisiensis est, Bellovacorum, Ambianensium, Morinorum (Teroanensis episcopatus intelligitur) & Bononien-  
 sium, ubi Gessoriacum fuit.

CXLII. Ad Oceanum deinde Britannicum secunda Lugdunensis, Rotomago metropoli, & sex præterea civitatibus nobilis: Bajocassium, Abricantum, Sajorum, Eburonicum, Lexoviorum, Constantiensium. Tertiã deinde Lugdunensem, cui caput Turonum, constituebant civitates Cenomanorum (Mansensis episcopatus hodie) Rhedonum, An-

§ CXL. Diodor. Cic. familiar. 14, 4. Appian. Plut. § CXLI. Diodor. Plut. Appian. Cic. ad Q. frat. 1, 2.

degavorum, Nannetum, Curiofopitorum (is est Cornovalensis episcopatus) Ciantium, id est, Venetorum (Vennensis episcopatus) Ofismiorum, Diablintum, id est, Carifes, quas duas civitates ignoramus. Quarta Lugdunensis, quæ & Senonia, inter Sequanam & Ligerim has amplectebatur civitates, Senonum metropolin, Carnutum, Altiſiodorum, Tricassium, Aurelianorum, Parisiorum, Melduorum, quos hodie Meaufenses pronuntiant.

CXLIII. Alpium maritimarum civitates obscuri hodie nominis *Rigomagensium*, *Solliniensium*, *Cemelevenſium* referuntur: notiores præterea, Ebrodunensium metropolis, *Ambrunum* hodie vocant archiepiscopalem urbem: Dinienſium, Sanicienſium, *Senas* appellant vulgo: Glanatenna, & Vencienſium, quæ *S. Pauli Vencienſis episcopatus* nunc usurpatur. At in Penninis Grajiſve Alpibus, ubi sunt Allobrogum Sabaudi, & Helvetiorum particula, metropolis Centronum, id est, Tarantasia locatur, & præter hanc Valenſium civitas Octodurus, hodie *S. Mauriti* nomine notior. Maxima Sequanorum, Burgundiam Helvetiosque complexa, Crispolinorum civitatem agnoscebat metropolin, quæ Vefontio est, vel ut hodie pronuntiant, *Besanſonenſis archiepiscopatus*.

CXLIV. Huic civitates octo ſuberant, Equeſtrium, id est, Noviodunum ad lacum Lemanum, quæ Genevam & Laufannam interjacens, hodie *Nion* appellatur; Elvicorum, id est, Aventicum, nunc *Avanches*; Baſilienſium, Caſtrum Viridunenſe, Caſtrum Ebrodunenſe, Caſtrum Argentarienſe, cujus ex ruinis Colmaria ſurrexiſſe putatur, Caſtrum Rauracenſe, ceteris oppidis tum illuſtrius, hodie nomen Auguſtum, ſed ſine ſpecie, retinens, prope Baſileam, in quam vetuſtioris & dignitas & appellatio translata videtur ſub Græcis imperatoribus: & portus Abucina. Hi Belgarum Celtarumque nobiliores populi fuerunt: Aquitaniam, ad mare ſitam, eoque vetuſta incolarum lingua appellata

§ CXLII. Afcon. in Milon. Plut. § CXLIII. Diodor. Plut. Cis. de haruſp. reſp. & pro dom. c. 15.

*Aremoricam*, Oceanus ab occasu claudit: Boreale litus ortumque solis Ligeris fluvius terminat: a meridie Pyrenæis montibus & Narbonensi Gallia finitur. Hæc spatium terrarum Garumna fluvius, ex Pyrenæo monte delapsus, in duas provincias secat.

CXLV. Primæ caput Biturigum Cuborum civitas est; nunc Burgenfis archiepiscopus: quamquam Biturigas Lugdunensi primæ Marcellinus accensuit. Huic junguntur civitates Arvernorum, Rutenorum, Albigenſium, Cadurcorum, Lemovicum, Gabalorum, Velaunorum. Quod deinde a ripa Garumnæ ad Ligerim fluvium protenditur, sub Aquitaniz *secundæ* vocabulo sex civitates habuit, Agenſium, Encolismenſium, *Angulema* hodie est, Santonum, Pictavorum, Petrocoriorum, cum metropoli Burdegala. Novem populos prope Aquitaniam, propterea *tertiã* a multis dictam, in qua Vascones habitant, Auscii commendant & Vafatæ. reliquorum septem hæc fuerunt nomina: Vibisci, Meduli, Boatæ, Convenæ, Conſaranni, Biggeriones, Terbelli.

CXLVI. Horum duodecim recensentur in veteri itinera-rio civitates: Ausciorum metropolis, Convenæ, quæ duæ jam ætate, Strabonis jus Latii habebant: Aquenſium, Laetoratum, Conſarannorum, hodie *Conſerans*, Boatum, Benearnenſium, Aturenſium, nunc *Aire*, Vafatica, Tarba vel caſtrum Bigerra, nunc episcopatus Tarba-Bigorrenſis, Eloronenſium, id est, Oleron, Eluſatium, id est, Eufa, quam Narbonenſis partem facit Ammianus. Sed alii Narbonenſem & ipſam duplicem ita diſtinguunt, ut primam, quæ a Varo flumine uſque ad Rhodanum verſus ortum porrigitur, a meridie mare Gallicum habet, tredecim inſigniant civitatibus.

CXLVII. Nam præter metropolin Narbonenſium, civitates ei tribuunt Tolofatium, Beterrenſium, Agatenſium,

§ CXLIV. Cæſar de B. G. 1, 7. Liv. Epit. Sueton. in Cæſ. c. 27. § CXLV. Diodor. Oroſ. 6, 3. Plut. in Cæſ. c. 26. § CXLVI. Flor. 2, 10. Plut. Diodor. Liv. Epit.

Nemaufensium, Magalonsium, Lutensium, five castrum Luteva, Ucetensium. Secunda Narbonensis, cui metropolis est Aquensium civitas, Pyrenæis & Cebennis montibus ab Aquilone, mari Gallico a meridie inclusam: sex præterea civitates honestabant, Aptensium, Rejensium, Forojulensium, Vapincensium, Segestriorum, Antipolitana. Hæc ferme fuit Galliarum sub initia Constantinopolitani imperii descriptio: sed idem situs gentium, plecarumque civitatum eadem fuisse nomina, Cæsare bellum gerente, apparet: quamquam gentium numerus, ut solitum est, cresceret, aut contraheretur.

CXLVIII. Nam ara, quæ apud Lugdunum Augusti Cæsaris fuit, inscriptionem habuit gentium sexaginta. nec multis post annis universæ Gallie quatuor & sexaginta civitates numerabantur. Sed Appianura, qui sub Adriano Cæsare scripsit, pacatos a C. Julio populos quadringentos, oppida octingenta, tradidisse præcitat: mihi numerorum potius errorem intervenisse liquet, ut pro 7 aut 6 Græcorum litera, quarum illa quinquaginta, hæc septuaginta notat, 7, quæ est quadringentorum nota, temere scripta lectave videatur; idque tum ex consensu veterum, tum adjecto numero oppidorum, quæ tantæ gentium multitudini proportionem parum respondet, haud difficile arbitrato est. Ceterum tractus ille terrarum soli bonitate, & incolarum abundantia, maximarum opum famam, nec falso adeptus, invitavit Cæsarem, ut hanc unam, præ ceteris omnibus provinciis, suo proposito commodissimam crederet. Nam divitiis ad emendandum imperium indigebat: militem duraturus erat ad civilia bella; famam reportaturus ex victoria clarissimam, periculisque & laboribus ampliorem, quod tum adhuc durabat Gallicæ fortitudinis opinio, virtus paulatim deficiebat.

§ CXLVII. Diodor. Cæs. § CXLVIII. Strab. l. 4. Tacit. Germ. c. 13.

# JOANNIS FREINSHEMII SUPPLEMENTORUM LIVIANORUM

LIBER LXIX.

IN LOCUM LIB. CIV LIVIANI.

## E P I T O M E

LIBRI CENTESIMI QUARTI.

*Prima pars libri situm Germaniæ moresque continet. C. Cæsar, cum adversus Germanos, qui Ariovisto duce in Galliam transcenderant, exercitum duceret, rogatus ab Æduis & Sequanis, quorum ager possidebatur, trepidationem militum, propter metum novorum hostium ortam, allocutione exercitus inhibuit, & victos prælio Germanos Gallia expulit. M. Cicero, Pompejo inter alios orante, & T. Annio Milone, tribuno plebis, agente, ingenti gaudio senatus ac totius Italiæ, ab exsilio reductus est. Cn. Pompejo per quinquennium annonæ cura mandata est. Cæsar Ambianos, Sueffiones, Veromanduos, Atrebates, Belgarum populos, quorum ingens multitudo erat, prælio victos in deditionem accepit: ac deinde contra Nervios unius civitatis cum magno discrimine pugnavit, eamque gentem delevit; quæ bellum gessit, donec ex sexaginta milibus armatorum trecenti superessent, ex sexcentis senatoribus tres tantum evaderent. Lege lata de redigenda in provinciæ formam*



*Cypro, & publicanda pecunia regia, M. Catoni administratio ejus rei mandata est. Ptolemæus, Ægypti rex, ob injurias, quas patiebatur a suis, regno pulsus, Romam venit. C. Cæsar Venetos, gentem Oceano junctam, navali prælio vicit. Præterea res a legatis ejus eadem fortuna gestas continet.*

I. **C.** CÆSAR, Helvetiorum gente perdomita, quod ea fortissima totius Celticæ habebatur, ingentem apud Gallos gloriam meruit. Idcirco passim ex civitatibus gratulatum venerunt principes; simul petatum, ut bona cum ipsius gratia concilium totius Galliæ sibi liceat indicere. In illo, ut postea apparuit, de Germanorum amoliendo jugo deliberatum: & ab iisdem principibus flentibus & ad pedes prostratis rogatus est Cæsar, ut oppressis auxilium ferret. Ariovistus, Suevorum rex, per Arvernorum Sequanorumque contentiones, cum centum viginti millium exercitu Galliæ partem occupaverat: Æduos eorumque clientes semel iterumque magnis præliis vicerat: iis quoque gravis, a quibus erat accitus, universæ Galliæ imperio imminebat.

II. Cæsar, cum in suo consulatu petentem cupide Ariovistum socium amicumque populi Romani appellandum curasset, causam belli a se removens, Ariovistum ad se venire jubet, ut de præsentibus colloquantur; ratus, quod accidit, regem moleste laturum, atque inde causam belli existuram. Nam Ariovistus Cæsarem, si quid vellet, ad se jusse accedere. Tum Cæsar postulata sua per legatos edidit: ne quos præterea Germanos trans Rhenum arcesset: ne sociorum populi Romani fines armatus ingrederetur: obsides etiam ab illis acceptos redderet. Ad hæc ferociter ab Ariovisto responsum: oblataque Cæsari conditio, amico se, an hoste, uti mallet. sub idem tempus, quo hæc sunt renunciata Cæsari, Æduorum etiam & Trevirorum legati affuerunt.

III. Illi querebantur, *Harudes, nuper in Galliam transpor-*

§ I. Cæsar de B. G. l. I. Plut. in Cæs. c. 27. § II. Dio Cass. l. 49. Cæs. Plut.

*litos, fines suos populari*: Treviri, *centum pagos Suevorum ad Rheni ripam confedisse*, nuntiabant, *hoc animo, ut amnem transfrent*. Igitur Cæsar, minime differendum ratus, ad Ariovistum, priusquam novæ copiæ cum veteribus ejus se conjungerent, magnis itineribus contendens, Vesontionem Sequanorum, ne ab hoste occuparetur, præcepit. Quæ deinde gesta sunt, quoniam multorum Germaniæ populorum mentionem continent, obscuram molestamque futuram legentibus, nisi commoda explicatione illustrentur; locus hic desiderat, ut veteris Germaniæ situm moresque exponamus.

IV. Igitur Germaniam ad Occidentem a Gallis Rhætisque Rhenus, ad Orientem a Pannoniis Danubius, certissimi limites separabant: septemtrionale latus vocatus inde Germanicus Oceanus ambit: a Meridie montes claudunt Alpibus ita propinqui, ut pars earum videantur appellenturque. A Sarmatis versus solem orientem montium, qui proprie Sarmatici vocabantur, asperitate, & anne Vistula dirimebatur: eodem pertinebat & Hercynia silva, quæ tum novem dierum iter habebat in latitudine, & ab Helvetiorum, & Nemetum, & Rauracorum finibus, secundum flumen Danubium, ad fines Dacorum Anartiumque pertinebat. deinde finistrorsum flexa multos attingebat propter magnitudinem populos, ultra sexaginta dierum iter porrecta.

V. Hoc spatio multæ tum gentes coluere, veteribus non fatis cognitæ, quod asperæ bellis, in pace commerciorum negligentes, ab aliis populis haud facile adibantur. Quod tamen inter antiquos constat, initium Germaniæ, qua Sarmatas attingebat, mons Sevo fuit, sinum Codanum, id est, Danum sive Danicum, efficiens, insulis refferum. Quarum clarissimam nominabant Scandinaviam, tria borealia regna amplectentem, ideoque veteribus incomptæ magnitudinis, falso tamen insulam creditam: cujus partem Helleviorum gens (sic rupium incolas indigenas

§ III. Cæs. Flor. 10, 4. Diodor. § IV. Diodor. Liv. Epit. Tacit. Germ. Strab. l. 7.

fermo vocabat) quingentis pagis, scribente Plinio, obtinebat. Ab eodem auctore Germanorum genera quinque sic ponuntur, ut excludi Scandinaviæ gentes appareat: primum *Vindilos* vocat; quorum pars *Burgundiones*, *Varini*, *Carini*, *Guttones* fuerint. Vandalos intelligi putant, quorum sedes a Poloniæ finibus atque Vistulæ capite per Megaloburgensium, Pomeranorum, Prutenorumque regiones, & Marchiam, Saxoniamque partem extentæ fuerunt.

VI. Alterum genus *Peucini Bastarnæque*, Peucen insulam ad ostia Danubii positam, & vicina inter Sarmatas Dacorumque loca occupabant. Cetera Germaniæ tres habebant ex situ loci habitatorum differentias, totidemque nomina. *Ingævones* qui scribuntur apud Plinium, eos *Vigævones* non absurda conjectura Beatus Rhenanus intelligit, sic appellatos, quod ad sinum maris incoherent. Ejusdem Plinii *Isævones*, Occiduos interpretantur, quod ea parte fluit Rhenus, quem accolabant. Inter hos intercepti veteribus *Hermiones* vocabantur, incertum unde: & qui detorquendis vocabulis sine alio indicio conjecturæ nimis indulgent; eos proclivius est in mille errores incidere, quam unam veritatem.

VII. Ex his gentes nobiliores ad Rheni ripam, præter quas in Galliæ descriptione retulimus, Batavi non multum ex ripa, sed insulam Rheni amnis colebant; Cattis orti. At dextrum Rheni latus, quod Germaniæ prætexitur, incertæ olim possessionis fuit; eoque notitia illius obscurior. Rhenus ipse a Rhæticiis Alpibus & monte Gothardo, per abrupta devolutus, Curientem agrum percurrit; mox duos efficit lacus, Acronium & Venetum: hinc modico flexu in occidentem pronior, juxta Rauracos ad Septemtriones redit, agrum Helvetium a Germanico dividens: quæ res olim perpetuis duarum gentium bellis occasiones præbuit. nec

§ V. Hegeſipp. 2, 9. Pomp. Mel. 3, 3. Ptolem. Altham. in Tacit. Cæſ. de B. G. 6, 25. Strab. § VI. Plin. 4, 3. Solin. c. 32. Pontin. in deſcript. Daniæ. Dalecamp. ad Plin.

alia major causa fuit, cur Helvetii, sedibus suis incensis, alias instituerent in Gallia interiori quærere.

VIII. Ibi jam antiquitus initium Germaniæ fuit. ea loca incerti erant juris, quod nunc a Gallis invadebantur, nunc recipiebantur a Germanis. Ibi Decumates agri fuerunt, postea trans Rhenum Danubiumque; cujus in propinquo fontes sunt, vix duorum milliarium a ripa Rheni spatio distant. Hegoviam nostrates vocant, oppositam Helvetiorum Turgaviæ. Infra Hegoviam Clechovia jacet, Martiano nemore (quod Hercyniæ silvæ caput est) & Rheno amne terminata. In illis regionibus, & quæ præterea usque ad Cattorum fines descendunt, Decumates agros fuisse intelligo, sinum imperii & Rhæticiæ provinciæ partem.

IX. Ultra hos Catti tenuerunt iis finibus, quibus nunc Thuringi sunt, Hasslique, & ad Rhenum fluvium porrecta Westphalorum portio. Eorum pars Mattiaci, cum Tacitus scriberet, Romanis subditi, dictum ab oppido Mattio agrum coluerunt: cujus oppidi nomen adhuc & vestigia servare tenuis ad Adranam vicus traditur. In eorum agro calidissimi fontes visebantur, quos hodie frustra, nisi apud Visbadenses contra Moguntiam sitos, requiras. Neque moveor, quod apud Ptolemæum Mattiaci & Moguntiaci ad millia passuum centum septuaginta disjungi videntur. Nec enim ignotum est, (ne auctori culpam imputemus) quam proclivis sit in notis numerorum, atque in illius præcipue scriptoris opere frequens librariorum aberratio.

X. Cattos penitus fuisse deletos, quorundam opinio est: mihi verius videtur, Hasslos nunc esse, qui olim Catti fuerunt; neque aliud nomen, sed tantummodo pronuntiatione differens, non aliter, quam ut alia multa vocabula, quæ apud ejusdem gentis varios populos aliter atque aliter efferruntur. Sub Cattis Usipios Tencterosque ad Rhenum locans Tacitus, haud dubie tractum illis assignat, ubi nunc

§ VII. Tacit. Germ. c. 29. Altham. Pomp. Mel. 3, 2. Cæf. de B. G. Oros. 6, 7. § VIII. Tacit. Germ. c. 29. Altham. § IX. Tacit. Germ. c. 9. Altham. Plin. 31, 7.

Franci colunt, ad Salam Mœnumque flumina: inter Boemos Noricosque & Rhenum, a meridie Sueviam spectantes, ab Aquilone Thuringiam. Sed & Clivensium fines tenuisse videntur: & quæ ad Rhenum inde loca versus Francofordiam usque pertinent, Hassorum hodie ditio.

XI. Juxta Tencteros Bructeri occurrebant, quorum *agrum inter Amisiam Luppiamque amnes a Germanico vastatum* Tacitus retulit. Hi tum ultimi Bructerorum erant. pars alia late terras inter Salam, Westphaliæ fluvium, ac Rhenum interceptas possidebat. Ita Juliacensis Bergensisque & Clivensis ditionum partes, comitatumque Marcanum, & Lippensem, usque in Westphaliam a Bructeris habitatum fuisse, non absurda opinio est. At Ubiorum sedes Colonia monstrat, certum clarumque monumentum. Ab his juxta Rheni ostia & Frisios Sicambri, mox Chamavi & Angrivarii, deinde Tubantes, postea Usipii, tum Franci, ad extremum Westphali, Monasteriensem agrum Cliviæque & Geldrorum partem tenuerunt.

XII. Ab Angrivariis certe Angriæ ducatus ad Visurgim amnem, qui nunc inter titulos archiepiscopi Colonienfis est, nominatus creditur. A quibus diversi Ansibarii, quondam a Chaucis pulsi, vacuos juxta Frisiorum regiones agros infederunt: quos deinde Francis Marcellinus accensuit. Angrivarios a tergo Dulgibini & Chasuarii claudebant, in fronte Frisii usque ad Oceanum pertingunt, populosum genus, in majores minoresque distinctum: nunc Orientalium & Occidentalium nominibus dividuntur. Hæc ad occidentem solem veteris Germaniæ tabula est: a Septemtrione Chaucorum gens a Frisiis incipiens, partemque litoris occupans, terga gentium Rhenanarum claudit, usque dum in Cattos ingenti sinu redeat.

XIII. Hi quoque majores minoresque appellabantur. Majores prope Angrivarios, ultra Visurgim, ad Albim usque tenuerunt; quorum oppidum fuit Fabiranum, quæ hodie

§ X. Tacit. Strab. I. 7. § XI. Cæsar de B. G. Tacit. Altham.  
§ XII. Tacit. Plin. 16, 1. Altham.

Brema putatur. Minores a Visurgi ad Rhenum Westphaliæ Frisiæque partem versus Islalam Rheni amnis ostium sedes habuerunt. Cherusci, mediterraneus populus, Hercyniæ partem, quæ vulgo *Harto* nuncupatur, accoluerunt, cis Albim fluvium, ubi nunc Misni Thuringique & Ascanienses, sive Anhaltini, habitant. Cheruscis conterminos fuisse Fossos, ex uno Tacito discimus; quo latere fuerint, incertum.

XIV. Sed Cimbrî proxime Oceanum colebant, & inter duo maria, orientale Germanicum, & occidentale Britannicum, peninsula Cimbricæ Chersonesi nomine nobilitata est. Præ cunctis istis populis uti maxima potentia, ita nomen quoque clarissimum Suevorum fuit, majorem Germaniæ partem occupans, & multas in nationes distributum. Nam a Rheno usque ad Albim protenta, parte sui etiam trans Albim jacentes campos obtinuit. Generis Suevici gentes quatuor & quinquaginta suo tempore numerabat Orosius. Olim *centum pagos habere dicebantur: ex quibus quotannis singula millia bellandi causa, suis ex sinibus educerent.*

XV. Mari Suevico nomen haud dubie ab accolis fuit: hicque eorum olim terminus. Igitur ab Holfatia & Jutia, Cimbrorum sedibus, ad Bohemicam usque silvam, Pomeraniam, Marchiam, Saxoniam late repleverunt; mox etiam ad Danubium & Rhetiæ partem transgressi, Sueviæ, quæ nunc est, appellationem cultoresque dederunt. Sed & præcipua Saxonie nobilitas Suevicæ est originis. Ceterum inter Suevicas gentes nobilissimi olim Semnones fuerunt, Lusatiam & Marchiæ partem, ad Suevi fluminis utramque ripam habitantes. Hæc copiosa gens fuit: Longobardica virtute, quam numero, potior, cis Albim in agro Lunenburgensi, reliquisse nominis sediumque suarum memoriam in oppido Bardunvigo creditur, quod Henricus, cognomento Leo, delevit.

XVI. Post hos Reudigni, & Aviones, & Angli, & Varini, Endosæque, & cum Suardonibus Nuithones a Tacito me-

§ XIII. Ptolem. Tacit. Altham. § XIV. Strab. l. 7. Oros. 1. 2. Cæsi. de B. G. 4, 1. § XV. Altham. Strab. l. 4. Tacit.

morantur. quorum Reudignos & Avionas in Aquilonari & maritima Saxoniae plaga collocat Andreas Althamerus, cuius diligentiam tota hac descriptione plurimum sequor, (Cluverium enim, qui hæc copiosissime est exsecutus, adipisci non licuit) ubi nunc Megaloburgensis ducatus nominatur. Anglorum autem veterem habitationem inter Saxonas Vitarumque gentem fuisse, Beda tradidit, inde migrasse in Britanniam. Sed hos arguit Vecta insula, cui vocabulum hoc impositum est ab his incolis.

XVII. Pro Vitis alii scriptores Jutas ponunt, notius nomen. Quidam putant, *habitasse Anglos ad mare Germanicum & Albim fluvium eas partes, quas hodie Luneburgensis atque Brunovicensis ditiones occupant.* Ceterum peninsula inter Sliam & Flensburgum Balthici maris sinus, incorrupta adhuc appellatione, veteris Angliæ situm demonstrat. Ceteris, quos memoravimus, per Germanici maris litora versus Orientem, a Pomerania in Prussiam, a conjectura potius, quam notitia, sedes assignantur. Nam ætate Strabonis Germania Transalpina prorsus erat incognita: cum Tacitus scriberet, is quoque fluvius adiri ab Romanis nequebat. Plinius autem Varinos Vandalorum fecit partem.

XVIII. Paulo certiora sunt, quæ de gentibus ad Danubium scriptores prisca tradiderunt. Ex his Hermundurorum terra, Albis ortu notata, & vicinia Semnonum Cattorumque, quibuscum de fluvio Sala magno prælio decertarunt, minus ignoratur; Misniam & Bohemiam partem fuisse, indiciis illis declarantibus. Juxta Hermunduros Narisci, deinde Marcomanni & Quadi agebant. Nariscos Voithlandiam superioremque Palatinatum habuisse putant, cum Transdanubiana Bojarum portione. Nec absolum est, ab his esse vocabulum regioni, quam Nordgaviam vocant, cum ab incolarum vulgo *Narca* nominetur.

XIX. Moraviam Marcomannis fuisse patriam, priusquam

§ XVI. Tacit. Germ. c. 40. B. Rhenan. Beda hist. Angl. § XVII. Cypri. de orig. Sax. § XVIII. Tacit. Germ. c. 13, Plin. 4, 14. Vellej. Altham.

in Bohemiam immigrarent, vix dubitatur. His ferme conjungi Quadorum natio solet, ad Danubium flumen colens: Moraviæ Silesiæque partem, deinde Austriam obtinuisse, non inepta conjectura existimatur. Superest orientalis Germaniæ portio, qua Pannoniam Sarmataeque respiciebat. Ex his Marfigni Buriique Suevico sermone habituque testantur originem: Gothinos Gallica, Olos Pannonica lingua, teste Tacito, coarguebat non esse Germanos, & quia tributa patiebantur. Omnes eæ gentes terga Marcomannorum Quadorumque claudebant: inter hos & Sarmatas intercepti; ut Silesiæ Moraviæque partem habitasse appareat; Buriis etiam ad Vistulam fluvium pertinentibus.

XX. At post hos Lygiorum multæ civitates ad Danubium, qua nunc Austriæ Hungariæque trans amnem partes incoluntur, late tenuerunt. Arios, Helveconas, Manimos, Elyfios, Naharuabos vetus ætas appellavit, sequens oblita est. Gothorum sedes, quos & Guttones scribunt, succinum ostendit, quod tantum Ruthenico litore legitur. hos Vandalis adscripsit Plinius: Rugiorum insula sedes antiquas ejus populi nomine nihildum mutato satis demonstrat. His quia finitimi fuerunt Lemovii, Pomeraniæ cultores fuisse, non immerito quis arbitretur. Extremos Suevorum in ipso Oceano statuit Suionas Tacitus, Sitonumque gentes, quorum illi nomen atque potentiam antiquam hodieque retinent: sermone etiam, quia penetrare eo Romani aliique externi non potuerunt, propius accedente ad veterem, ut ex antiquissimis monumentis Germanicæ linguae certo cognoscitur.

XXI. Sitonas Norvegiam possedisse argumento, quod *Suionibus similes contiguique* traduntur; ac apud eos videatur ætate Taciti regnasse soror Haimundi, minor annis fratre, sed audacia superior. nec multo post Sticla & Russa virgines, cum Trondo fratre diutissime de regno certaverunt. Qua tamen re distingui a Suionibus non debuerunt:

§ XIX. Tacit. Germ. c. 42. Altham. § XX. Tacit. Ptolem. 2, 11. Plin. 37, 2.



nam & apud illos antiquitus utrique sexui præstans virtus affuit; & modo virginis regnum fuit, qualem æquari sibi magnitudine animi, rerumque gestarum gloria, & imperandi artibus, nemo vel maximorum regum indignetur. Neque enim animis, uti corporibus, differentia sexus inest: neque pars ea, quæ servire in singulis hominibus debet, ubi de imperio in quamplurimos agitur, respicienda est.

XXII. Ut nisi culpam istam Tacitus aliis meritis redemisset, notandus eo nomine haud perfunctorie fuerit, quod, qui mulieris imperio regantur, eos etiam a servitute descivisse judicavit; homo Neronēs atque Othones & Domitianos passus, quorum mollitiæ atque flagitiis pleraque pars vel abjectissimarum feminarum erubesceret. Sed ad descriptionem Germaniæ redeo. supersunt enim ad dextrum Suevici maris litus Æsthyorum gentes, quorum hodie durat apud Finnonēs appellatio, & per Livoniam sermo usurpatur, antiquitus in Prussiam usque pertingebant, argumento succini, quod soli omnium ea ætate legebant, *glesum* appellantes, quo nomine vitrum Germani vocamus.

XXIII. *Bastarnas fuisse Germanos, sed mixto Sarmatis sanguine*, veteres auctores prodiderunt. horum *Pucini* ex insulæ, quam habitabant, nomine vocantur: Roxani magis pertinebant ad Aquilonem, inter Tanaim & Borysthenem pascere soliti. At Venedos Fennosque, licet quædam ex Germanicis moribus traxissent, Sarmatis potius adscribendos crediderim, maximo certissimoque linguæ argumento, quæ nulla parte Germanicæ est similis. Hellusios veterum in Gothlandia putant habitasse: Oxionas in Livonici sinus insula ponit vocabulum Oxiliæ, (nunc *Æfiliam* frequentius vocant) & quod ovis avium vescebantur: inde a quibusdam *Oones* appellati: quæ nota nostris etiam temporibus durat. nam avium innumerabilium agmina sub Majum mensem iis locis foeticant: earum dispoliant incolæ

§ XXI. Krantz. Norveg. 1, 27. § XXII. Tacit. Strab. l. 7. Altham. Plin. 4, 13. Pomp. Mel.

nidos, ovaque sale condita ad diuturniorem victum recondunt.

XXIV. Haecenus Cornelii Taciti maxime secuti ductum, Germaniam ex obscuro vetustatis situ eruimus. restat, ut de moribus earum gentium pauca referantur. In universum aestimanti liquet, cœli terrarumque genio Germanos ad feritatem & arma inclinari debuissè. Tanta enim erat antiquitus partium istarum asperitas, ut maximo mihi argumento sit, tum incredibilis facta mutatio, præter cognitos siderum cursus, certo quodam, sed nos fallente motu, naturæ partes invicem conjungi, aut discedere.

XXV. Sed ista subtiliorem indagationem desiderant. Ceterum Germanis corporum magnitudo roburque, & copiosus sanguis, pugnarum aviditatem & vulnere contemtum attulit. Valida & ingentia membra, truces & cærulei oculi, rutilæ comæ, communis olim omnibus habitus, nunc quoque manent, ubi minus peregrini sanguinis immixtum est. Nam hæc nostra Germaniæ, maxime quæ Rhe-no est propinquior, peragrata Romanis exercitibus, infesta coloniis, conjugii innexa, quantum a cognatione priorum, tantum a similitudine, recessit. Sed & pacis artibus cultior, morumque longe meliore temperamento, agit. Nam pristina Germanorum feritas latrocinia, dum extra fines cujusque civitatis fierent, in laude ponebat: eadem, uti mos barbaris, ratione non multum, superstitione plurimum moveri, mulierum vaticiniis incendebatur aut interquiescebat; nec sumi prælia, nisi his annuentibus, in morem verterat.

XXVI. Mortem extimescebant minus, quod se redituros ad vitam existimabant. Illud etiam, e natura regionis, quæ multis passim lacubus fluminibusque finditur, profectum, auctores mirantur, quod rapidissimos amnium vortices tranare Germani cum armis potuerunt. Pecuniæ an-

§ XXIII. Altham. Liv. Epit. Cæs. de B. G. 6, 23. Appian. Tacit. hist. 2, 35. § XXIV. Diodor. l. 2, Herodian. l. 6. § XXV. Plut. Cæs. Diogen. l. 38.

tiquitus spretores, mox avidissimi facti, postquam Romanorum commerciis utilitatem ejus intellexerunt. Alia multa, quæ de moribus eorum Tacitus retulit, procuranda Belgica vicinus illis notusque, (& quæ accurato opere Philippus Cluverius,) propterea quod omnium manibus auctoris eximii opera teruntur, prætereo. Cum hujusmodi gentibus tum primum sub nomine Germanorum dimicaturus populus Romanus, qui domi, quique militiæ erat, laud tralatitia cura sese affligebat.

XXVII. In castris multi erant adolescentes nobiles, per amicitiam secuti Cæsarem, & quia mollem sub eo quaestuosamque militiam speraverant: quibus ille tribunatus præfecturasque dederat. Hi partim per varias causas comeatum petebant a Cæsare: partim pudore prohibiti, tamen non dissimulabant metum, *fatigue instantis acerbitatem* soli, aut inter familiares deshebant, *quod immanissimis gentibus, quibus nulla resisti vi humana posset, objicerentur.* Ergo & alia indecore fiebant, & timorem incitabat militum, quod passim etiam in principiis testamenta scribebantur. Cæsar, trepidatione exercitus cognita, alienum a præsentī statu putavit, in concionem eum advocari, priusquam ductores confirmarentur.

XXVIII. Igitur concilio convocato, omnibusque adhibitis centurionibus, *nullam esse causam timendi docet, ne Ariovistus solvat amicitiam tam diligenter quæsitam & cupide initam. Quod si maxime ille insaniat, non ideo despondendos animos, tanquam ob rem novam & atrocem, esse. Cimbro & Teutones clade sua satis docuisse, nec invictam esse Germanorum ferociam, nec valde difficilem vinci. sperare se, non deterioribus usum militibus, quam Marius habuisset: nec ipsos multo inferiorem cognituros imperatorem. Etiam Spartaci bello deletas Germanorum maximas copias a ducibus non maximis esse. Cum his ipsis hostibus per eos annos sæpe Helvetios pugnasse, eosque non in suo tantum, sed etiam in illorum solo vicisse: quorsum igitur*

§ XXVI. Flor. 3, 10. Liv. Epit. Diodor. Cæs. Plut. § XXVII. Diodor. Cæs. Plut.

T. Liv. Vol. X,

L

*timeant ab aliis expertos ; cum haud magno negotio superiores victoribus eorum fuerint ?*

XXIX. Quod autem quidam timori tegendo difficultates itinerum , & angustias frumentariæ rei obtendant ; id ipsos arroganter facere , qui suum jus esse putent , de his rebus consulendi , quæ totæ imperatoris officio contineantur. Igitur illa sibi curæ & fuisse , & fore. Neque putare vera retulisse , qui milites propter timorem , ubi castra moveri jussisset , signa deserturos esse renuntiarent. Non ita se virtutis felicitatisque suæ , ac præterea innocentia pænitere , ut , quod malis atque avaris ducibus aliquando accidisset , id sibi metuendum a militibus suis existimaret. Atque ut statim periculum faceret animorum , quod antea in dies aliquot fuisset dilaturus , eadem nocte de quarta vigilia profecturum.

XXX. Desererent sane , quorum in animos potentior formido , quam Romani nominis & sacramenti memoria esset : sibi abunde fore , si decima sequatur legio , de qua non dubitaret , quamque prætoriam esset cohortem habiturus. Hac oratione mirifica commutatio animorum facta : & cum in vulgus militum , quæ erant dicta a Cæsare , emanassent ; pars laudibus imperatoris alacriores redditæ sunt , ceteri ad æmulationem ejusdem decoris incitati. Statim & decima legio per tribunos militum gratias egit , quod bene de se judicasset imperator : & reliquæ satisfacere studuerunt , neque dubitasse unquam , aut timuisse ; neque de summa belli suum , sed imperatoris , esse judicium existimavisse.

XXXI. Ita Cæsar , eodem , quo prædixerat , tempore castris motis , cum iter nullo die intermisisset , septimo copias Ariovisti non longius passuum quatuor & viginti milibus abesse intellexit. Ariovistus etiam celeri Cæsaris accessu , quem suum adventum vix præstolaturum putaverat , non nihil commotus est. Idcirco legatis nullis , quod antea petitus a Cæsare colloquium esset , ejus nunc venisse opportunitatem , ostendit , propius inter se congressis , & remota suspi-

§ XXVIII. Front. Strat. 4, 5. Cæs. Plut. Diodor. § XXIX. Diodor. Cæs. § XXX. Appian. ap. Fulv. Ursin. Cæs. Diodor.

cione periculi. Convenit, ut in diem quintum colloquerentur. Interea cum ultro citroque legati commearent, Ariovistus negabat, se venturum ad colloquium esse, si pedites Cæsar adduxisset.

XXXII. Cæsar, quod neque tolli colloquium volebat, neque suam salutem Gallis equitibus credere, iussit eos præbere militibus e legione decima equos, quibus militibus quam maxime confidebat. Unde nec absurde quidam decumanorum, plus, quam pollicitus esset, facere Cæsarem, dixit: pollicitum in cohortis prætoriae loco decimam legionem habiturum, ad equum rescribere. Congressi sunt in conspicuo tumulo, quem patens undique planities ambibat. equitatus utrinque ad passus ducentos abstinit: dein ad colloquium adducti sunt. Cum Cæsar imperare quidlibet, Ariovistus concedere nihil vellet, & interim Germani tela conjicere in Cæsarianos inciperent, diremtum sine fructu colloquium est.

XXXIII. Biduo post redintegrari Ariovistus colloquium postulat, aut aliquem ex legatis Cæsaris ad se mitti. Cæsar, suos objicere periculo nolens, C. Valerium Procillum ex principibus Gallorum, unaque M. Mettium mittit, qui hospitio Ariovisti usus fuerat. eos Germanus speculatum venire causatus, in catenas conjecit; statimque cum exercitu propius accessit ad Cæsarem, mox præteritis ejus castris, ad duo millia passuum ultra confedit, quo commeatum impediret, qui ab Æduis Sequanisque supportabatur. Ex eo die dies continuos quinque Cæsar, eductis in aciem copiis, potestatem pugnandi fecit. Ariovistus equestri prælio contentus concurrere, peditatum intra castra continebat.

XXXIV. Eo genere pugnae potiores erant Germani, cum ad sex millia haberent equitum, quos lecti vir a viro totidem mira velocitate pedites comitabantur, sic exerciti, ut, quoties esset properandum, jubis equorum sublevati cursum adæquarent; de cetero pugnantibus equitibus pro

§ XXXI. Front. Strat. 2, 1. Cæf. § XXXII. Plut. in Cæf. c. 28. § XXXIII. Front. Plut. Cæf.

munimento essent, ad quod se reciperent, aut ipsi ultro subvenirent laborantibus. Igitur Cæsar, ne diutius commeatu intercluderetur, circiter passus sexcentos longius, quam Germanorum stativa erant, castris delegit locum: eumque, frustra prohibentibus Germanis, communivit, ac duas ibi legiones cum parte auxiliorum reliquit; quatuor reliquas in castra majora reduxit.

XXXV. Ariovistus, cum ex more Cæsar's productæ in aciem copiæ circiter meridiem in castra revertissent, partem suorum minora castra oppugnatum misit. multum utrinque sanguinis fufum. Germani, re infecta, sub occasum solis recesserunt. Cæsar, quæsitæ ex captivis *causa*, *propter quam de summa rerum Ariovistus decernere fugeret? eam esse intellexit, quod matres familias, quarum prædictione multum Germani utebantur, negarent fas esse vincere, si novam ante lunam acie decertassent.* Erat his ea disciplina divinandi, ut ex fluviorum vorticibus, undarumque sonitu futura se prospicere arbitrarentur. Eo magis Cæsar incitatus est, ut quam maturime contenderet, suo tempore usus, si quidem vera mulieres dicerent; aut saltem facilius debellaturus impeditum religione hostem, & de victoria desperare jussu.

XXXVI. Igitur acie instructa, cum ad castra hostium succederet, irritati ignominia Germani processerunt & ipsi, nationatim distributis copiis. Præter Suevos, ex quibus ipse erat, Marcomannos in exercitu Ariovistus habebat, & Triboccos & Vangiones, Nemetasque ac Harudes & Sedusios; ignobiliora reliquis nomina, & vix certarum sedium, nisi quod Harudes ad lacum Acronium, quibus locis condita Constantia est, habitasse putant; Sedusios, aut ut legi volunt, Sepusios, ad fines Nemetum in ripa Rheni. Cæsar, a dextro cornu, quod ibi imbecilliolem esse hostem fenserat, commissa pugna, tanta Germanorum alacritate

§ XXXIV. Cæf. Diodor. Flor. § XXXV. Cæf. Diodor. Front. Strat. 2, 6. Appian.

exceptus est, ut spatium pila in hostes conjiciendi militibus non daretur.

XXXVII. Abiectis pilis, res acerrime gladio geritur: & cum, phalange facta, Germani testudine se tegerent, multi Romanorum super ipsa scuta salierunt, manibusque ea revellentes, desuper intulerunt vulnera. Interim ab altero cornu Romanus urgebatur: quam tum rem conspicatus P. Crassus, qui equitatus præerat, tertiam aciem subsidio misit. hæc res plenam Romanis victoriam dedit, Ariovisto cum equitibus Rhenum versus fugiente. pedites, qui consequi non poterant, densatis agminibus restiterunt. Eos cum sine magno labore ac periculo militum cædi non posset Cæsar videret, *emitti* jussit, ratus futurum, quod evenit, ut in fuga sparsi facilius opprimerentur. Ariovistus, naviculam ad ripam deligatam nactus, transmisit amnem. simili ratione aut nando evasere perpauca: ceteros Romani equites consecuti interemerunt.

XXXVIII. Ne mulierum quidem infantiumque cædibus temperatum est: duæ conjuges Ariovisti occisæ cum una filiarum; altera pervenit in potestatem hostis. Cecidisse Germanorum octoginta millia feruntur. Cum maxima victoriæ tantæ lætitia esset, haud minus gaudium Cæsari fuit C. Valerius Procillus, Marcusque Mettius recepti. Valerius, *ter se præsentē sortibus de se consultatum*, narrabat, *utrum statim igni combureretur: sortium beneficio superesse*. Clades Ariovisti cum Suevis, qui ad Rhenum venerant, terrorem fecisset, Ubiis animos; domum revertentes illos Ubiis insecuti, magnam multitudinem ceciderunt. Cæsar, duobus ingentibus bellis eadem ætate confectis, aliquanto maturius solito exercitum in hiberna deduxit; Labienoque hijs præposito, in Cisalpinam Galliam ad conventus agendos profectus est.

XXXIX. Tanta Cæsaris felicitas cum adversariorum

§ XXXVI. Plut. Sueton. in Cæs. c. 23. § XXXVII. Cic. in Vat. c. 14. § XXXVIII. Sueton. Cic. pro Sext. c. 64, & ad Q. frat. 1, 2.

odia metumque acrius stimulare, reducendi Ciceronis consilio magnis studiis coeperunt incumbere. L. Domitius Ahenobarbus professas cum Cæsare inimicitias gerebat. Ab hoc & C. Memmio prætoribus relatum ad Patres *de superioris anni actis* fuerat, priusquam in provinciam Cæsar iret. & cum ille, cognitione senatui delata, nec a senatu suscepta, profectus esset, statim quæstorem ejus in consulatu legibus in præjudicium Cæsaris interrogandum curaverunt. Vatinius quoque dicta dies, quo legato Cæsar utebatur: sed & ipsum Cæsarem L. Antistius tribunus plebis postulavit. Cæsar, appellato collegio, *quod reipublicæ causa aberat*, ne reus fieret, obtinuit: Vatinius, cum eadem exceptione posset uti, maluit in ipso judicio pæne deteriora scelera facere, quam quorum causa erat accusatus.

XL. Nam ubi dies venit, nominatim appellato P. Clodio, ne causam diceret, illoque adjuvante, in tribunal sui quæstitoris ascendit, eumque vi deturbavit, dissipavit subsellia, urnas disjecit. Sic in fugam conjectus est prætor, accusatores ejus vix e manibus Vatiniæorum erepti. Horum intemperie stimulat, quicumque aut Ciceronis, aut omnino quietis atque legum cupidi erant; illum sibi virum omni conatu restituendum in priorem locum esse statuerunt. Sed deerat, qui referret ad senatum, quamvis adeo pronum, ut nullis de rebus ante consuli vellet. Sed consules, cum essent inter inimicos Ciceronis, *cupere se dicebant, sed lege impediri*. nam id caput legis Clodius in curiæ poste fixerat, *ne quis ad senatum referret, ne quis decerneret, ne disputaret, ne loqueretur, ne pedibus iret, ne scribendo adesset*.

XLI. Idcirco Domitius prætor *se dixit relaturum, si consules nollent*. Nihil tamen perfici eo anno potuit, quamquam præterea studiosissimi Ciceronis homines in magistratibus agerent, tribuni octo, P. Nigidius, L. Lentulus, prætores; eratque inexplicabilis in urbe consternatio, cum senatus propensissimam voluntatem consules per causam



legis morarentur; plebs & facta improbare Clodii, & eundem, quo faceret quotidie plura, adjuvaret. Is populū fensus maxime in theatro & spectaculis erumpebat. eoque Clodius toto suo tribunatu spectando abstinuit; licet multi eo tempore magnifici ludi, & super omnes a M. Scauro apparatissimi ederentur.

XLII. Ille enim ædilitio munere (noscenda enim hæc quoque est infania, quo minus ruinam libertatis admiremur) theatrum tantummodo ad temporarium usum fecit, triplici scena: ima pars e marmore fuit, media e vitro, summa tabulis inauratis. Columnas ea structura habebat trecentas sexaginta duodequadragenū pedum. signa ænea inter columnas tria millia: duplum nempe ejus, quod Pompejanum theatrum, sub eadem tempora structum. Sicyone olim præstantissimi pictores fuerunt: eorum opera omnia, quotquot in publico servabantur, propter æs alienum civitatis addicta, ad ornamentum theatri sui transtulit Romanus Scaurus: choragiumque, antea translaticie cultum, exquisito genere vestis induxit: tanta quidem Attalicæ copia, tabularumque pictarum, & ceteri apparatus, ut in Tusculanam villam reportatis, quæ superfuerant, incensa ab iratis servis villa, conflagraret festertium millies.

XLIII. *Iisdem ludis ab hujus magnificentia cepisse certamen athletarum* dicitur, *antea infuetum Romæ*. Idem euri-pum fecit temporarium ludis suis, & in eo hippopotamum & quinque crocodilos, animalia nunquam antehac Romæ visa: postea perquisita tam intemperanter, ut hippopotami defecerint in Ægypto; ad hanc vitandam molestiam, pro sagacitate naturæ suæ, nigrasse crediti in Blemmyas. Circensibus pantheras varias centum quinquaginta universas primus ostendit, itemque ossa longitudine pedum quadraginta, altitudine costarum majore, quam sit elephantis Indicis, spinæ crassitudine sesquipedali: quæ belluæ fuisse dicebantur, quam ad oppidum Judææ Joppen (inde ex-

§ XLI. Val. Max. 2, 4. Plin. 8, 26. Ascon. Solin. c. 45. § XLII. Cic. ad Attic. 3, 14, & pro dom. c. 26.

portaverat Scaurus) liberator Andromedæ Perseus interfecisset.

XLIV. Non igitur mirum, si per hunc furorem in æs alienum grande se immerfit stultissimus adolescens, non sufficientibus opibus, quas pater diu princeps civitatis, & sub justitiæ larva minime in rapiendo segnīs, quasque mater Metella, mariti Sullæ proscriptionibus ditata, amplissimas reliquerant. Eodem anno, novum & inusitatum antea, delignatorum consulum provinciæ ornatae sunt. P. Lentulus, Q. Metellus erant: alter amicissimus Ciceroni; alter, deposita, quam cum eo gesserat, similitudine, non vehementer adversus. Igitur octo tribuni plebis a. d. IV. Kalendas Novembres promulgaverunt *de reditu Ciceronis* legem, eaque de re postea retulerunt ad senatum.

XLV. Ibi Lentulus, nihil territus lege Clodia, sententiam libere dixit, sed, Pisone & Gabinio repugnantibus, nihil effectum, donec novi consules magistratum iniverunt. Cujus ipso principio, Kalendis Januariis, agente consule P. Lentulo, sententiæ de reditu Ciceronis in senatu, præsentē etiam & approbante Pompejo, dictæ sunt. Sed & Q. Nepos consul *susceptas cum Cicerone inimicitias Patribus conscriptis & temporibus reipublicæ* dixit *esse remissurum*. Varia tamen ludificatione senatus impedita est auctoritas. Idcirco Q. Fabricius tribunus plebis, rogatione proposita, cum populo ante diem VIII Kalendas Februarias agere statuit. Sed id quoque vanum inceptum Clodianorum efficiebat audacia, qui multa de nocte curiam, forum, comitium armati occupaverant.

XLVI. Ab his Q. Fabricius repellitur; itemque collega ejus M. Cispinus: cædes in foro editur maxime. Q. Cicerō, qui nuper ex provincia Asia decesserat, cum ad supplicandum pro salute fratris venisset, pulsus a rostris, inter cadavera latuit, ut opinione mortis mortem evitaret. Idemque non multo post P. Sextio tribuno plebis in tem-

§ XLIII. Cic. familiar. 5, 4, & post red. in sen. c. 8. Idem pro Planc. § XLIV. Cic. pro Sext. Liv. Epit. Ascon. in Scaur.

plo Castoris accidit: cujus tamen periculum contrariæ factionis tribuno Quinctio propemodum exitiosum fuit. nam Clodiani furoris fatellites, quod occisum a se tribunum putabant, hunc, licet suarum partium, ad necem quæsiiverunt, ut similis facinoris suspicione adversarios onerarent, nec ante hic timere mortem desit, quam rescitum est, Sextium vivere.

XLVII. Studiosissimus Ciceronis hic Sextius erat, qui & designatus, iter suscepit ad Cæsarem, ut illum induceret ad causam, aut saltem a voluntate resistendi abduceret: & inito magistratu, rogationem scripsit, & suis copiis, clientelis, vitæ etiam periculo amicum constantissime jovit. Præminebat tamen T. Annii Milonis studium, qui Clodium modis omnibus acerrime vexatum, postremo lege Plotia de vi reum fecit. Sed elusum id judicium est edictis magistratum, qui Clodio favebant. Consul Metellus, nondum satis placatus Ciceroni, ad hæc propinquus Clodio, itemque frater Appius prætor, unusque de collegio tribunorum, vetabant *judiciorum fieri mentionem, priusquam quæstores crearentur, apud quos sortitionem judicum fieri oportebat.*

XLVIII. Hoc ideo fiebat, ut inter hanc moram petere Clodius ædilitatem posset, & magistratum adeptus, quod factitatum ab aliis fuerat, judicium effugeret. Igitur Milo, sublata judicia cernens, & auctoritate senatus accusatione se prohiberi, cœpit & ipse gladiatores, aliamque secum sentientium turbam, circumducere. unde quotidianæ propemodum inter factiones pugnæ, cædesque tota urbe fiebant. Domus etiam L. Cæcilii prætoris, & postea domus Milonis atque Ciceronis a Clodianis sunt oppugnatae. Inter has inflammata Q. Ciceronis. Cum Milone Pompejus sentiebat, adeoque *spe consulatus excitasse illum* putabatur, *ut reducendo Cicerone de Clodio se vindicaret.*

§ XLVI. Cic. de harusp. resp. c. 24. Diodor. § XLVII. Cic. pro Mil. c. 4, & pro Cæl. c. 32. Appian. civil. l. 2. § XLVIII. Plut. in Pomp. c. 81. Vellej. 2, 40.

XLIX. Idem, coacto ingenti agmine, cum rogationem suam Milo perlaturus esset, Clodianis fugatis, forum ei liberum præstitit: ut ejusdem hominis intentissima cura Cicero restitueretur, cujus proditiōe everfus profligatusque fuerat. Jam impar consensui tot potentium Nepos, impugnare Cicronem desierat; & P. Lentulo referente, Pompejoque sententiam de scripto dicente, senatus decreverat reditum: eo facilius accepta rogatio est, ut quidquam unquam tanto consensu populi rogatum negent. Eodem tempore senatus decrevit, *ut civitatibus, quæ in Cicronem officiosæ fuissent, itemque privatis, qui ex municipiis salutis ejus causa convenerunt, gratiæ agerentur: atque domus ejus & villæ publico sumtu reficerentur, solo, quod libertati dedicaverat Clodius, religione per sententiam pontificum liberato.*

L. Exstat adhuc disertissimi viri pro domo sua oratio, ex qua, & aliis sub eisdem annos habitis, multum luminis illorum temporum historiæ adspergitur. Dixit pro eadem domo M. Calidius, qui tum præturam gerebat. Postridie quam apud pontifices Cicero dixerat, Kalendis Octobribus senatusconsultum factum est, *placere domum ei restitui. ei senatusconsulto tribunus plebis Sex. Atilius Serranus Gavianus intercessit: sed consensu senatus & Cn. Oppii Cornicini foceri, ad pedes ejus procumbentis, precibus victus remisit.* Sic post menses ferme sedecim, quam fuerat urbe expulsus, Cicero rediit, tanto favore hominum, ut, cum ipse *humeris Italiæ se reportatum* diceret, rem minuere potius aliquanto, quam augere, videretur.

LI. Cum ad urbem accederet, tanta gratulantium obviamque prodeuntium multitudo fuit, ut vix totus dies illis officiis sufficeret. Fuit inter illos & M. Crassus, inimicus antea, sed tum in gratiam filii magno studio redeunti se offerens. sic inter hos reconciliata, magis tamen in speciem, quam vere & penitus, est gratia: diciturque *in illum & Cæsarem scripsisse librum de consiliis suis Cicero, re-*

6 XLIX. Diodor. Plut. Cic. post red. in sen. Quinælian. 10, 1. § L. Appian. Vellej. Plut.

*sertum in hos probis, ideoque nec ab auctore editum.* Cum Pompejo meliori fide reversus est in gratiam, & ne poenitere eum suæ voluntatis posset, statim beneficium reddidit, senatu inducto, ut ei *per quinquennium annonæ cura, Sex. Clodio improbo & audacissimo homini erepta*, mandaretur.

LII. Ingenti enim urbem premente fame, plebs insanis tumultibus fremebat. Et primum Apollinaribus ludis, quos L. Cæcilius Rufus prætor faciebat, tanta infimæ multitudinis concursatio fuit, ut omnes, qui spectandi gratia confederant, theatro pelleruntur. Deinde in Capitolium, cum ibi senatus haberetur, concursus factus *incendium templo, necem senatui* minitantium. Inter eam consternationem auctor Patribus Cicero fuit, *Pompejo curam illam decernendi.* proconsulare imperium per Italiam omnesque terras, quale prius piratico bello tenuerat, datum. Pompejus, accepta curatione, *legatos* postulavit *quindecim, & in his principem Ciceronem.* quibus passim per provincias dimissis, in Siciliam, Sardiniam, & Africam ipse navigavit.

LIII. Inde cum onustis navibus reversurus, inter curationem gubernatorum, qui tempestatem timebant, primus, consensu navigio, solvere iussit, nobilissima voce edita, *navigare necessum esse, vivere non esse necessum.* Absente Pompejo, cum nihilominus ferveret Milonis atque Clodii contentio, civitasque & senatus in partes scinderentur, referente P. Rutilio Lupo, qui recens tribunatum inierat, frequentiore curia, quam mense Decembri sub dies festos putari potuisset, de judiciis agitatum est. Marcellinus consul designatus sententiam dixit, *uti prætor urbanus ipse fortiretur iudices: judicum sortitione facta, comitia haberentur.* Id cum probaretur, C. Cato, C. Cassius, tribuni, *comitia prius habenda*, contenderunt. Hæc sententia vicit: & comitia, non sine maximis certaminibus, obnuntiante Milone, perfecta, Clodiusque ædilis curulis factus est.

LIV. Dum hæc in urbe fiunt, C. Cæsar gravissimum in

LI. Cic. ad Attic. 4, 1. Plut. § LII. Ascon. in Milon. Cic. pro dom. c. 7. Plut. apoph. Rom. § LIII. Cic. ad Q. frat. 2, 1.

Gallia bellum habuit. Belgarum populi, Rhemis exceptis, omnes conjuraverant, incredibili hominum multitudine armata: quippe Bellovacos millia sexaginta pollicitos Cæsar ipse prodidit, quinquaginta Sueffiones, totidemque Nervios: at Ambianos, Caletes, Bajocasses, Vellocasses & Veromanduos dena millia: quindecim Atrebates, quinque & viginti Morinos, septem Menapios, & Atuaticos undeviginti: præterea Condrusos, Eburones, Cæræfos, Pæmanos, qui uno nomine Germani appellabantur, armatorum præbuisse millia circiter quadraginta; ut ita non injuria de fide auctoris dubitaverit quidam Galliæ regum, quod ex universo regno tantam hominum bello utilium multitudinem (trecentis enim millibus plures fiunt) cogi posse minime arbitraretur, quamquam refertum habitatoribus esset.

LV. Sed olim, ut arbitror, quia pacis artes minus frequentabantur, uberior militum copia fuit: nunc eo res deducta est, ut magnæ eruditionis cum insigni patriarum rerum peritia Gallus scribere non dubitavit, *citius ducenta millia scribarum, quam triginta millia militum, reperiri hodie in Gallia posse*. Causa bellandi præcipua fuit, quod Belgæ, successibus Cæsaris territi, nec ambitionis ignari, ad se quoque perventura arma imperiumque Romanum sentiebant. ad hoc a quibusdam Celticorum Gallorum diversis de causis incitabantur. initium armorum a populatione agrorum ortum, in Rhemos effundente se Belgarum ira, quorum etiam oppidum Bibrax, acriter ab his oppugnatum est. Sed quia haud longius, quam ad octo millia passuum castra Cæsaris aberant, & inde subsidia Rhemis mittebantur, relicto Bibracte, Belgæ protinus ad castra Romana contenderunt.

LVI. Axona flumen per extremos Rhemorum fines labitur, ad quod Cæsar eo tempore confederat, castris diligenter munitis; quod propter multitudinem hostium & virtutis eximiæ famam, non statuerat prælium, præterquam

§ LIV. Cic. ad Attic. 4, 3. Diodor. Cæs. de B. G. 2, 3. § LV. Liv. Epit. Orof. 6, 7.

ex commodo suo, committere. Sed postquam in transitu fluminis impeditos didicit, (nam ut Q. Titurium legatum cum sex cohortibus in altera ripa relictis opprimerent, aut, si hoc non possent, Rhemorum vastarent agros, partem suorum transducere conabantur) cum omni equitatu ac levi armatura pontem transgressus, multos occidit; alios per suorum corpora transire conantes, multitudine telorum repulit: aliquem numerum, qui jam transmiserat, equitatu circumvenit.

LVII. Hostes, sibi sua consilia parum feliciter succedere experti, ad hoc audito, concitatos a Cæsare Æduos Bellovacorum fines hostiliter intrasse, secunda vigilia nullo certo ordine neque imperio ad sua proficisci instituerunt: sic inter se pacti, ut qui eorum primi a Cæsare petiti essent, ad horum defensionem universi concurrerent. Cæsar, discessu hostium per speculatores cognito, milites tamen, quod in re inexpectata metuebat insidias, castris continuit. prima deinde luce misit, qui hostes moraretur, universum equitatum, cum Q. Pedio, L. Aurunculejo Cotta legatis. Labienum cum legionibus tribus subsequi iussit. Cum hostium ea ratio esset, ut novissimi se converterent, & impressionem Romanorum sustinerent, ceteri interim contente fugerent: illos superveniens Labienus disjecit, & fugientibus immixtus eques, ingentem stragem edidit.

LVIII. Nec moratus Cæsar, quin postridie statim in Sueffiones duceret. Ii se statim, neque multo post Bellovacis, dediderunt. Cæsar utrumque populum, Sueffiones Rhemis, Bellovacos Æduis deprecantibus, conservavit. Mox Ambianis receptis, ad fines Nerviorum perventum. Hi neque miserant ad Cæsarem legatos, & ferocissimi Belgarum omnium habebantur, institutis virtutem roborantibus, cujus vigorem, prohibitis in fines ingredi mercatoribus, vinoque & peregrinis deliciis præcluso aditu, tuebantur. Vetus genti adversus finitimorum incursiones præsidium in silvarum munimentis erat, quas arte quadam, ita implicatis arboribus,

rubisque & sentibus inter eas ferendis, densaverant, ut non modo pedibus inaccessiæ atque invia, sed ne visu quidem penetrabiles essent.

LIX. Ex his veluti lustris subito Nerviorum & Veromanduorum ac Atrebatum, quibus eadem Nervii persuaserant, sexaginta millia proruperunt, impetuque in Cæsarianos castra metantes facto, cruentam ediderunt pugnam. Tanta enim fortitudo & celeritas hominum fuit, ut objectum Cæsaris equitatum momento funderent, flumen interpositum (Sabis erat, Sambram vocant hodie) superarent, & in adversum collem, ubi castra Cæsaris erant, eniterentur. Ibi cum maximum discrimen esset, septimæque & duodecimæ legionum centuriones propemodum omnes cecidissent, Cæsar, ut nutantem exercitum confirmaret, rapto e manu militis scuto, in primam aciem provolat, præliumque restituit: donec duæ legiones, quæ impedimentis relictæ præsidio fuerant, & ab Labieno, qui castra interim hostium ceperat, decima, succurrere laborantibus potuerunt.

LX. Harum superventu mutata fortuna est, hostiumque totus ferme exercitus pugnando deletus. Hoc prælio facto, majores natu Nerviorum, quos cum pueris atque mulieribus in loca paludibus invia miserant, Cæsari se dediderunt. horum legati in exponenda civitatis calamitate dixerunt, *de sexaginta millibus armatorum, non amplius quingentos superesse, & tres admodum senatores de quadringentis.* Cæsar misertus, *suis eos finibus oppidisque* iussit *uti: finitimisque* imperavit, *ne quam facerent populi Romani dedititiis injuriam.* Atuatici, Cimbrorum Teutonorumque progenies, ex iis orti, qui a properantibus in Italiam relictæ cum impedimentis in Gallia fuerant, cum ad auxilium Nerviorum ferius moti essent, eorum cladis nuntio accepto, retulerunt se domum, desertisque ceteris oppidis atque castellis omnibus, in unum, quod omnium natura munitissimum erat, se incluserunt: accedentesque Romanos crebris excursionibus morati, ad vallum duodecim pedum, circui-



tu quindecim millium, crebraque castella excitanda Cæsarem compulerunt.

XLI. Postquam ea facta sunt, & procul ædificari turrim viderunt, ridicula res ignavis visa, increparuntque de muro, *quorsum homines inepti tanta opera molirentur? anne sperarent tantillis corporibus* (nam præ magnitudine sua statutam Romanorum despiciebant Galli) *tantam molem in muros posse autollere?* Sed ubi moveri turrim, simulque armatos in ea stantes viderunt, exterriti velut miraculo, miserunt legatos, *existimare se, non nisi Deorum ope bellare Romanos, qui tantæ altitudinis opera tam celeriter promoveant. itaque se suaque illorum fidei permittere: unum deprecari, ne arma tradere cogantur, sine his prædæ vicinis populis futuri, quibus hætenus dominari consuevissent.*

LXII. Cæsar omnino *tradi arma* jubebat: *se, quod in Nervii fecisset, imperaturum finitimis, ut injuriam ac vim ab his abstineant.* His in oppidum nuntiatis, tanta vis armorum in fossam dejecta est, ut propemodum summam muri atque aggeris altitudinem adæquaret: portisque patefactis, Romani milites in oppidum recepti sunt. Ast ubi Cæsar sub noctem *milites egredi, portasque claudi* jussit, ne quam injuriam oppidani acciperent; illi de tertia vigilia, correptis armis, quæ celaverant, aut subito compararant, munitiones Romanorum adorti sunt. Sed quia Cæsar adversus omnem casum mature providerat, celeriter concursum e castellis, & post acrem pugnam Atuatici repulsi sunt, quatuor ferme amissis hominum millibus.

LXIII. Postridie refractis portis, nemine ultra defendente, captum oppidum atque subhastatum est. quinquaginta tria millia capitum numerum sectores ad Cæsarem retulerunt. Sic omni pacata Gallia (nam sub idem tempus legatus Cæsar P. Crassus, Venetos, Osismios, Curiosolitas, ceterosque ad Oceanum populos in deditionem populi Romani redegerat) tanta fuit Cæsaris gloria, tantusque

§ LX. Val. Max. 3, 21. Cæs. Plut. Oros. Liv. Epit. § LXI. Cæs. Diodor. § LXII. Diodor. Cæs.

omnium circa terror, ut etiam a Transrhenanis gentibus legati mitterentur: quibus ille *ad initium æstatis proximæ* jussis *occurrere*, legiones in hiberna deduxit, ipse in Italiam est profectus. His rebus in urbem nuntiatis, decreto senatus supplicatio in dies quindecim, ob res a Cæsare in Gallia gestas, fuit: qui numerus nulli antea decretus unquam fuerat.

LXIV. Sed ferocissimæ maximæque gentes erant domitæ, ut honorem mereretur Cæsar. præterea summa ejus erat in senatu potentia, apud populum favor, ut res per se amplissimæ, quia ab hoc erant gestæ, majores etiam gratiorefque haberentur. Eadem æstate, qua hæc sunt gesta, Ser. Galba cum legione duodecima & parte equitatus, in Nantuates, Veragros, Sedunosque missus a Cæsare, prosperis aliquot factis præliis, pacem petentibus dedit. Gentes illæ a finibus Allobrogum, & lacu Lemano, & flumine Rhodano ad summas Alpes colebant; cupiebatque pacatas Cæsar, quo tutius per Alpes minusque sumtuosum mercatoribus iter foret, a quibus illi populi magna portoria exigebant.

LXV. Igitur Galba de sua legione duas cohortes in Nantuatibus, octo in vico Veragrorum Octoduro in hibernis collocat: alteram oppidi partem (nam torrens medium dividebat) suis cohortibus occupat, in alteram commigrare jubet oppidanos. Ibi Veragri Sedunique collecti ad triginta hominum millia, subito, quæ Octoduri erant, hiberna oppugnare cœperunt: donec nullo, nisi in virtute, reliquo præsidio, auctoribus Sextio primipilari, & Voluseno tribuno, eruptio facta, & amplius tertia pars hostium concisa est. Galba, incenso vico, incolumem legionem per Nantuates in Allobrogum fines deduxit, ibique reliquam partem hiemis exegit. Per eadem tempora M. Cato, lege Clodia ad redigendam in provinciæ formam Cyprum missus, reductis Byzantinorum prius exsulibus, in insulam venit,

§ LXIII. Diodor. Plut. Cæs. Oros. 6, 8. § LXIV. Liv. Epit. Appian. civil. 1. 2.

morte Ptolemæi vacuam, qui neque paratus ad resistendum, neque, regno amisso, vivere sustinens, veneno epoto perierat.

LXVI. Pollicitus erat præmissus a Catone Canidius, *populum Romanum ei, si lubens cessisset, sacerdotium Veneris Paphiæ concessurum esse*: verum ille mortem potiore eo ludibrio habuit, stulta tamen avaritia conservatis opibus. Cum enim aliquando, ut vicissim prædonibus suis ægre faceret, omni pecunia in naves imposita, profectus in altum esset, eo consilio, ut secum omnia mergeret; non sustinuit perdere, propter quæ peritulum intelligebat. A Cypriis Cato promte acceptus est, mitiorem sub jure Romano, quam in servitute regia habuissent, sortem sperantibus. Idcirco Catoni nihil fuit reliquum, quam ut ordinaret provinciam, & pecuniam regiam, & quod ejus ex instrumento Ptolemæi vendito redigi potuit, reportaret.

LXVII. Vendidit enim omnia, una solummodo excepta Zenonis statua, non propter æris, aut artis excellentiam, sed in honorem philosophiæ. Hæc cum ab illo integerrima fide acta essent, summa longe major, quam sperare quisquam potuisset, redacta est. Paulo minus septem milia talentorum navibus impositum est: ita distribuyente adversus naufragiorum pericula Catone, ut singulis vasis, quæ ad condendam pecuniam multa magnitudine æquali paraverat, corticem suberis longo funiculo alligaret, ut si forte mersum navigium esset, locum amissæ pecuniæ cor-dex indicaret. Ita præter Asiam Cycladasque & Epirum vectus, tantum ubique abstinentiæ præstitit, ut in locis amœnissimis, omnique genere deliciarum famosis, tantarum opum compos, ab omni non lucro tantum, sed etiam Venere abstineret.

LXVIII. Cum primum Tiberim liburnis subiret, consules, fenatus, sacerdotes, tota ferme civitas obviam effu-

§ LXV. Plut. in Cat. c. 49. Diodor. Appian. Val. Max. 9, 4. Strab. l. 14. § LXVI. Val. Max. 9, 4. Diodor. § LXVII. Strab. l. 14. Vellej. 2, 45. Plut.

fa est, turpi confessione avaritiæ: qua sine si fuisset, ob unius tribuni plebis furiosas iras, vivus videntque rex amicus, neque ullius in rem Romanam injuriæ reus, neque rebus, ut solet, repetitis, causa incognita, non esset cum bonis omnibus publicatus. Huic tanto dedecori publico qui ministerium, quamquam invitus, præbuerat Cato, tam diligens commissi custos fuit, ut ad occursum senatus & ceterorum non ante exscenderet, neque inhiheret cursum, quam ad locum perventum est, ubi erat exponenda pecunia. Inde translata per forum admirationem excitavit spectantium: nec erat res triumpho absimilis, frequentia & gaudio celebrantium; & plus inferebat ærario, quam factum ex ullo triumpho fuerat.

LXIX. Actæ ob hæc Catoni in senatu gratiæ, consuli-  
busque referentibus *prætura* illi, & *jus spectandi ludos prætextato*, *extra ordinem* data. Ea cum decreta magnam Catoni gloriam conferre viderentur, majorem spreta illi atque repudiata dederunt. quippe extraordinariis potestatibus semper adversus, quod in aliis non probabat, ejus in se conspici exemplum non patiebatur. Cum Clodio mox contentionem habuit ob servos regios, quorum magnum ex Cypro numerum adduxerat. *eos, quod ex sua lege adducti essent, Clodianos appellandos* ille dicebat: Cato nec id concessit, neque *Porcios* a suo nomine vocari, quod nonnullis placebat, voluit: *Cyprii* nominati sunt.

LXX. Ab hoc initio Clodius acta vellicare Catonis instituit, & *rationes acceptæ pecuniæ* postulare. nec erat ulla contra clarissimam viri notissimamque integritatem suspicio: sed quia commentarii, quos diligentissime confecerat, naufragio erant amissi, calumniæ color aliquis dabatur. Hanc ad instruendam accusationem conferre operas Cæsar dicebatur, epistolas ad Clodium ea de re missitandæ. Inter alia criminabantur *dimissam velut a recusante præturam*, cum ipse fuisset relationis consilibus auctor, deinde rem

§ LXVIII. Plin. 7, 30 & 34, S. Val. Max. 4, 3. § LXIX. Flor. 3, 9. Marcellin. Sex. Ruf. c. 13.

*obtineri non posse sentiens, sponte a se omissam simulasset.*

LXXI. Priusquam in Cyprum Cato navigaret, rex Ægypti Ptolemæus, suorum injurias fugiens, Romam properabat. Cum Rhodum venisset, ubi tum adhuc Cato agebat, misit ad illum, & *uti ad se accederet petiit*: Cato vicissim *ad se venire jussit, si vellet*, in valetudine curanda occupatus. Id cum factum esset ab rege, nec prodiit obviam, nec assurrexit venienti, sed translatitie salutatum *confidere* jussit. Unde regem magnus invasit stupor, in tanta vilitate cultus, tantum supercilium admirantem. Sed ubi ille reprehendere *consilium* cœpit, *certa commutantis cum incertissimis, & omissa patria, Romanorum principum avaritiæ se permittentis, quos vix tota in argentum conversa satiare Ægyptus posset*; jussitque reverti, & *redire in gratiam cum civibus, comitem ad hoc & adiutorem se offerens*: libertate atque prudentia hominis perspecta, ut consilium ejus sequeretur motus est: deinde iterum revocatus a familiaribus, Romam contendit.

LXXII. Sed ubi primum ad unius e magistratibus domum accessit, intellecto fastu Romano, recordatus est Catonis, deflevitque *imprudentiam suam, per quam vinci se passus esset ad contemnendum non tam hominis sapientis consilium, quam Dei cujusdam prædictionem*. Impulsus a Theophrane Mytilenæo Ptolemæum, *uti ob causis non maximas Ægyptum defereret*, Timagenes scripsit, *novas quærente imperiorum & opum occasiones Pompejo suo*: auxitque suspicionem Pompejus, hospitio regem excipiens. neque amici ejus ac familiares voluntatem hominis obscuram esse passi sunt. Ceterum causæ, propter quas discesserit ex Ægypto Ptolemæus, non aliæ traduntur, quam *quod, magna in Romanos profusa pecunia, ut socius & amicus appellaretur, eam extorquere a popularibus non poterat, ultro rem incusantibus, repetique jubentibus ab omni memoria subjectam Ægyptiis Cyprum, aut amicitia illud inane nomen abjicere.*

§ LXX. Cic. pro dom. c. 8. § LXXI. Diodor. Plut. § LXXII. Liv. Epit. Plut. in Pomp. c. 52. Strab. l. 17.

LXXIII. Sane etiam ob morum infamiam invifus contentusque erat, fuper alia indecora regibus tibie ita ftudiofus, ut palam in regia certamina inftitueret, & inter certantes ipfe effet, unde & nomen ei *Auletes* hæfit. Alexandrini, nondum cognito regis itinere, cum morte fublatus exiftimarent, *Berenicen regnare* jufferunt, Ptolemæi filiam, de tribus natu maximam, & folam ex legitimo matrimonio natam. Aderant & filii duo: fed propter imbecillitatem ætatis pofthabebantur. Igitur ut reginæ maritum quærerent, Menelaum & Lamponem, & Callimandrum mittunt, Antiocho delaturos conditionem, qui non ita pridem Syriæ regno exciderat, & propter matrem Selenen Ægypti regnum ad fe putabat pertinere.

LXXIV. Sed mors illius cum vanam hanc quidem expectationem effeciffet, tamen ex eadem domo matrimonium petendum rati, Seleucum quendam arceffunt, qui *fe ftirpe Syriacorum regum editum* ferebat. Sed cum effet moribus fordidis & illiberalibus, *Cybiofufles* (quafi falſamentarium dices) ab Alexandrinis appellatus, paucos intra dies periit; cum Alexandri Magni loculum aureum, fubstituto vitreo, rapuiſſet, neque quidquam ante ftudium pecuniæ poneret, juffu reginæ, quæ perferre fordes ejusmodi non poterat, frangulatus.

LXXV. Comperto deinde, Romæ Ptolemæum degere, legatos & ipſi centum miferunt, qui ad crimina reſponderent regis, & ultro ipſum accuſarent. Sed ex eo numero plerique in itinere, pars in ipſa urbe Ptolemæi dolis occiſi ſunt: cum ille, multis Romanorum pecunia corruptis, inſidias locis omnibus poſuiſſet. Hæc omnia tam & aperte & impune committebantur, ut ſi M. Favonius, Catonianæ libertatis æmulus, tacuiſſet, nemo relaturus de tanto ſcelere fuerit. Illo accuſante *peregrinam temeritatem*, *domesticam avaritiam*, ſpecies aliqua priſtini pudoris, neque diuturna, inceſſit, ut princeps legationis Dio, haud incele-

bris Academicæ sapientiæ professor, vocaretur in senatum, de rebus illis interrogandus.

LXXVI. Hoc adeo sine cura veri & honesti factum, ut paulo post ipse etiam Dio occideretur, tantumque pecunia regis posset, ut, donec ipse Romæ fuit, nulla sit instituta de tantis criminibus quæstio. Desperabundus tamen de negotii eventu, concessit Ephesum, ut ibi velut in religiosissimo loco tutius, minusque contra dignitatem regiam, degeret. Inter hæc, ut magistratum tribuni inierunt, C. Cato, turbulentus adolescens & audax, nec imparatus ad dicendum, concionibus assiduïs invidiam & Ptolemæo, qui jam profectus ex urbe erat, & P. Lentulo consuli, paranti jam iter, concitare, secundo quidem populi rumore cœpit.

LXXVII. Igitur Ptolemæus, cum illo anno promovisset nihil, sequenti, quo Cn. Cornelius P. F. Lentulus Marcellinus, L. Marcius L. F. Philippus magistratum gesserunt, per legatos atque literas enisse instituit agere, uti tandem reduceretur. Huic ejus desiderio multa obstabant: æmulatio maxime principum, quod idem negotium Cn. Pompejus, & P. Spinther, cui ex consulatu Cilicia cum Cypro provincia evenerat, ambibant. & utrisque adversabatur magna pars senatus, per legatos reduci regem convenientius publicis, an suis rationibus rata. Accesserunt & aliæ a religione tricæ, quod obstatuam Jovis in Albano monte fulmine tactam decemviri *adire libros* jussi, Sibyllæ carmen invenerant, cujus hæc sententia fuit: *Cum ad vos rex Ægypti opem petens venerit, neque denegate amicitiam, neque cum multitudine auxilium forte: sin vero, labores vos & pericula manent.*

LXXVIII. Hac de re cum esset a C. Catone tribuno plebis relatum, carmen ita congruere præsentibus, tanquam sub eadem tempora scriptum esset, admirati Patres, fecerunt senatusconsultum, *regem Alexandrinum cum exercitu reduci, periculosum reipublicæ videri.* Cum varia de Sibyllino

carminis existimatio esset, neque deessent, qui *obtestatione & invidia aliquorum inductam esse fictam religionem* crederent, C. Cato veritus, ne res omnino supprimeretur, advocatos in concionem decemviros oraculum coegit exponere. idque recusantibus, summa contentione populi extortum, eo cupidius instantis, quo magis *hoc non licere* sacerdotes testabantur. nam ad eam diem Sibyllinum carmen nullum populo recitari consueverat, nisi senatus decrevisset.

LXXIX. His rebus intellectis, Ptolemæus optavit a Pompejo reduci, codicillosque, sub nomine regis passim per forum & in curia sparfos, populo A. Plautius tribunus recitavit. dicebanturque ab amicis Pompeji similes in senatu sententiæ. Sed veriti Patres, ne potentia viri, hac imposita curatione, in immensum augeretur, per honestam causam restiterunt, *non esse vitam hominis necessarii tot exponendam casibus; præsertim cum illius incolumitate res tota fragmentaria niteretur.* De ceteris quoque nihil convenit. P. Lentulo multi dabant negotium, *sed sine exercitu*: Crassus tres legatos decernebat, ita ut non excluderetur Pompejus. volebat enim etiam ex iis esse, qui cum imperio essent.

LXXX. Id plures abnuebant, *ex privatis censentes legi oportere.* Unus consularium P. Servilius omnino negabat *reducendum*: & in eam sententiam, cum intercessum esset, perscripta est senatus auctoritas. Paulo post tribuni plebis promulgarunt: Cato *de imperio Lentulo abrogando*; Caninius Gallus *de Ptolemæo, uti eum Cn. Pompejus Magnus cum duobus lictoribus reduceret.* Cum his rebus nimium sollicitaretur urbis quies, Clodii furiosis actionibus plane præcipitata & extincta est. Is, ædilitate inita, Milonem vicissim *de vi* postulabat, *turbam ab eo coactam gladiatoresque* insimulans, & alia, quæ ipse prior, & proposito deteriore fecerat. Hæc non tam spe opprimendi Milonis agebat, quam cupiditate exagitandi suos adversarios, a quibus ille defendebatur.

§ LXXVIII. Cic. ad Q. frat. 2, 2. Diodor. § LXXIX. Cic. familiar. 1, 4. Diodor. § LXXX. Plut. in Pomp. c. 82.



LXXXI. In Pompejum præcipue convicia & maledicta congesturus, quibus illum sciebat acerrime pungi, sic cum sua turba comparaverat, *ut quoties, aliquo crimine aut probro prolato, quis eo teneretur, interrogaret, Pompejus acclamaretur.* Igitur a. d. VIII Idus Februarias, cum pro Milone Pompejus perorasset, surgensque ad dicendum Clodius clamore adversariorum impediretur, interrogabat suos in clamore ipso, *Quis esset, qui plebem fame necaret?* respondebant opera, *Pompejus.* *Quis Alexandriam ire cuperet?* respondebant, *Pompejus.* *Quem ire vellet?* respondebant, *Crassum.* Nam & Crassus aderat, haud satis æquus Miloni. Denique interrogante Clodio, *Quis esset, qui vir virum quæreret? qui caput uno digito scalperet?* & si quæ alia proterviæ hominis occurrebant, *Pompejus* nominabatur.

LXXXII. Et hac viri contumelia delectabantur ejus adversarii: Catoneinque tribunum inimicum Pompeji suscitabant; pecuniam Clodio dabant, quo esset ad vexandum illum instructor. Igitur in concione populi a Clodio, in senatu a Catone acerbè jactabatur: ingentemque percipiebat dolorem, qui nec facere talia, nec ferre didicisset. Inter hæc in Albano parvum templum Junonis, qualia ex argento, aut alia materia fiebant, mensæ impositum, ab Oriente ad Septentrionem conversum est: lupus in urbem intravit: in cælo fax a meridie ad Boream visa ferri: cives aliquot Romani, Deorumque simulacra fulmine percussa: & in agro Latinienſi strepitus cum fremitu armorum sub terra auditus est.

LXXXIII. Ob hæc prodigia consulti haruspices, cum urbem lustrandam, Jovi, Saturno, Telluri, Diis cælestibus postulationes esse respondissent, addiderunt: *irasci Deos ob fidem & jusjurandum neglectum, oratores contra jus & fas interfectos, ludos minus diligenter factos, sacrificia vetusta occultaque minus diligenter facta, pollutaque, loca sacra & religiosa occupata & profanata.* Ob hæc periculum esse, ne per optinatum dis-

§ LXXXI. Cic. familiar. 1, 7, & ad Q. frat. 2, 2. § LXXXII. Cic. pro Sext. c. 44. Plut. Diodor.

*cordiam, diffensionemque, Patribus principibusque cædes, pericula creentur, auxilioque diminuti deficient: qua re ad unum imperium provinciæ redeant, exercitusque pulsus diminutioque accedat: ne occultis consiliis respublica lædatur, ne deterioribus repulsisque honos augeatur.*

LXXXIV. Hac Clodius occasione arrepta graviter ad populum traducendi Ciceronis, ob hunc iram Deorum gravem atque formidabilem incumbere inculcabat: hunc enim in area, quæ consecrata libertati esset, ædificare. Nec mora, pergit ad ædes illius cum multitudine, & disturbare opus, domumque iterum a fundamentis diruere instituit. Sed Milone cum armatis occurrente, non sine multorum cæde, domus Ciceronis servata est. Cicero, ut hanc injuriam ulcisceretur, assumpto Milone ac tribunis quibusdam, ascendit in Capitolium, avulsasque tabulas Clodianæ legis, quas ille de Ciceronis exilio fixerat, domum deportabat, nisi eas cum Cajo fratre, qui tum prætor erat, accurrens Clodius vi recuperasset.

LXXXV. Postridie in senatu, cum de *haruspicum responso* consules ex senatusconsulto retulissent, vehementem orationem Cicero habuit, omnium eorum, quæ arguerentur a Diis, aut unum, aut principem reum Clodium agens. Ab illo & conjuratis, sociorum legatos interfectos, Megalesia servorum incredibili multitudine immissa polluta, vetusta occultæque Bonæ Deæ sacra violata esse. Loca autem religiosa non a se, cujus ædes a pontificibus religione liberata, ex auctoritate senatus, publicæ pecuniæ ædificarentur; sed a L. Pisone, a Sex. Serrano, ab ipso denique Clodio possideri. Diffensioni porro, cujus mentionem fecerint haruspices, non ab alia Furia faciem majorem atque horribiliorem admotam fuisse.

LXXXVI. Cum ita vetus inter hos odium vehementiore motu recruidisset, Ciceroque, absentiam inimici speculatus, tabulas Clodianarum legum ex Capitolio sublatas de-

§ LXXXIII. Cic. familiar. 1, 5, & ad Q. fratr. 2, 3. § LXXXIV. Plut. Cic. de harusp. resp. c. 24. § LXXXV. Diodor.

tulisset domum; nihil postea tam grave, aut contumeliosum dictu factuque fuit, quod non alter in alterum conaretur. Sed in senatu, cum de tabulis detractis Clodius quereretur; Cicero tribunatum Clodii totum tolleret, *quod contra auspicia esset adoptatus, tribunum plebis fuisse* negans: exurgens Cato, *nihil a Clodio recte atque ordine in tribunatu gestum esse*, pronuntiavit. *ceterum, si acta ejus rescindantur, etiam, quæ ipse in Cyprico negotio egisset, rescindi, cum ex ejus tribuni lege missus in Cyprum esset, qui legibus tribunus esse non potuisset. Justum immo tribunum fuisse, qui exisset de patriciis, lege Curiata, priusquam tribunatum petisset adeptusque esset.*

LXXXVII. Ex ea causa refrixit paulisper inter Catonem atque Ciceronem prior dilectio: non ad manifesta tamen odia, sed ut per aliquod tempus mutua consuetudo intermitteretur. His principum discordiis cum tota civitas & plebs involveretur, erat etiam alioquin exulcerato animo propter caritatem annonæ: quæ, licet cura Pompeji sustineretur, tamen ob sterilitatem agrorum, & inopiam frugum nondum sane laxaverat. In causa erat potissimum nummarie rei difficultas, quod factionibus potentium decretæ nuper Cæsari, Pisonique, & Gabinio maximæ pecuniæ ærarium exhauserant.

LXXXVIII. Idcirco Nonis Aprilibus difficilior acriorque de tota re disceptatio fuit. & cum, decreto ad frumentum coemendum quadrigentis, publica paupertas de variis rebus admonuisset, factum est senatusconsultum in sententiam Ciceronis, *uti de agro Campano frequenti senatu Idibus Majis referretur*: qui revocari eum ad jus publicum gravissima oratione jusserat, *eo uno omnium certissimo vestigali, subsidium belli, horreum legionum, solatium annonæ contineri* demonstrans. Eandem causam P. Rutilius Lupus tribunus plebis urgebat, qui priore jam anno, simul inisset tribunatum, de agro Campano accurate in senatu egerat. Nihil ea re moveri tunc adhuc Pompejus videbatur, jam suspe-

§ LXXXVI. Cic. de harusp. resp. c. 10. § LXXXVII. Jul. Obsequ. Diodor. Cic. & Ascon. in Milon.

cta habens incrementa Cæsaris, &, ut infida est potentiæ societas, suarum rerum anxius.

LXXXIX. Idcirco, quas ipse extulerat auxeratque Cæsaris opes, tanta securitate, ut in decernendis supplicationibus ampliorem ei honorem tribueret, quam ipse accepisset; eas, animadverso errore, citra suam invidiam minui vehementer cupiebat. Urebat hominem, principi loco propemodum a juventute assuetum, suam magnitudinem apud populum vilescere ipsa assuetudine videndi: Cæsarem, ut nova gratiora sunt veteribus, cum rebus gestis magnificum, tum ultra gestorum amplitudinem, in admiratione & amore hominum esse: præterea tantum ei in senatu quæsitum auctoritatis esse, ut per illum consequeretur, quæ ne per populum quidem sine seditione assecuturus putabatur.

XC. Nam & *stipendium* ei decretum erat *ex arario*, & *decem legati*, (quod non nisi confecta provincia solet) & *ne lege Sempronia ei succederetur*. Atque hæc omnia, non quidem palam repugnante Pompejo, fiebant, sed tamen per cuniculos conante spem eludere Cæsaris. cum consulibus enim egit, *ne de rebus iis ex literis Cæsaris referrent*; utque *successor ipsi etiam ante tempus Vatinia lege comprehensum mitteretur*. Nec deerant inimici Cæsari, satis potentes ad impediendum, si concordessent. nunc invicem obtrectantes suspectantesque pars prætermisit occasionem oppugnandi; ceteri pauci rem susceptam perficere nequiverunt.

XCI. Igitur Pompejus, unam retinendæ potentiæ rationem optimam ratus, si cum M. Crasso consilia conjunctiora haberet, hominem eadem omnia agitantem animo facile permovuit: communiterque ambobus placuit, *petendum consulatum*, & *obtinendas provincias esse*, quo novis gerendis rebus reficarent in animis hominum veteris gloriæ admirationem, iisdemque modis, quibus augeri Cæsarem videbant, se suæque opes tuerentur. Cum hæc ita placuissent, reliquum-

§ LXXXVIII. Cic. de harusp. resp. c. 6. § LXXXIX. Plut. in Cat. c. 48. Diodor. Cic. pro dom. c. 15. § XC. Plut. Cic. de harusp. resp. c. 4.

que negotium esset, ut Cæsari petitionem consulatus probarent, quod, eo renitente, nulla spes adipiscendi supererat; ipsi ad eum proficisci per quamlibet causam statuerunt.

XCII. Neque erat difficile, cum hoc instituto Cæsar uteretur, ut, quoties per bella poterat, præberet se adituris, in magno negotio habens, obligare semper annuos magistratus, neque pati alios pervenire ad honorem, quam qui suas rationes defensuri essent. quod ut obtineret, nullum largitionis aut officiorum genus in quemquam prætermisit: neque vulgatus ea tempestate quidquam erat, quam in petendis magistratibus emi suffragia tribuum ea pecunia, quam pro candidatis suis Cæsar pronuntiandam curavisset. Ille igitur sub initium hiemis profectus in Illyricum fuerat, *quod eas quoque nationes adire, & regiones cognoscere volebat*, sicut ipse scribit: major tamen, quam tacet, itineris causa fuit, cum suæ factionis hominibus de republica colloquendi cupiditas, ut illam per suos conjuratos domi moderaretur, foris exercitus provinciasque manu obtineret.

XCIII. Sed ante omnes Pompejum Crassumque cupiebat; in eadem consilia, quæ inter se illi conceperant, diversam ob utilitatem pronus. Namque L. Domitius palam minatus fuerat, *consulem se contra Cæsarem effecturum, quod prætor nequivisset*. isque in annum sequentem erat petiturus. Igitur Cæsar cum his egit, ut *consulatum detrudendi Domitii causa ambo peterent: eumque adepti, sibi prorogarent imperium in aliud quinquennium*. Prior ad eum Crassus Ravennam, inde Pompejus Lucam, mense Aprili profecturus in Africam, venit. Eodem & Q. Nepos, Hispaniam fortitus ex consulatu, & Ap. Claudius, in Sardiniam ex prætura proficiscens, multique alii summi viri confluerant: adeo quidem cupide, ut uno tempore senatores amplius

§ XCI. Cic. ad Q. frat. 2, 3, & in Pis. c. 16. § XCII. Cic. familiar. 1, 7. Idem de leg. Agr. & de prov. cons. c. 11. Diodor.

ducenti, lictores centum & viginti apud Cæsarem conspicerentur.

XCIV. Ab illo maxime conventu exstingui libertas urbis, vis senatus populique procumbere, omnisque unum in Cæsarem, non jam inclinare, sed ruere potentia coepit. Idcirco neque Idibus Majis, uti prædictum fuerat, de agro Campano actum; neque omnino quidquam, quod Cæsari adversum videretur. Atque ille, effectis, quæ voluerat, confirmataque supra modum potentia, cum rebellasse quidam populi nuntiarentur, ad componendos motus in Galliam rediit. Maritimæ civitates, missos a P. Crasso ad frumentum accipiendum, equites Romanos retinuerant, per quos sperabant suos se obsides recuperare posse. Principes potentiæ audaciæque Veneti erant, ad Oceanum colens populus.

XCV. Cum his Osisimii, Curiosolitæ, Lexobii, Nannetes, & aliæ nationes arma junxerant: a Menapiis etiam ad Rhenum colentibus, & ex opposita Venetis Britannia auxiliares manus parabantur. Cæsar cum multa hostium oppida magno labore, modico operæ pretio cepisset, commutandam sibi gerendi belli rationem, & classe conflegendum, judicavit. Etenim in promontoriis linguisque sita pleraque oppida erant, perangusto aditu, & accedente æstu, quod bis accidit horarum duodecim spatio, impenetrabili. ne navibus quidem adiri tuto poterat, quas relabens æstus inter aspera & vadosa loca destituebat.

XCVI. Igitur quoties summo militum conatu opera acta, & mare aggeribus exclusum erat; obsessi, desperato teneri locum posse, rem significabant suis. Illi, magno repente numero navium adhibito, (quod facere sine periculo poterant, quia naves ad locorum patientiam erant ædificatæ) homines omnes cum copiis atque armis in aliud oppidum deportabant: quo si admovere Cæsar exercitum vel-

§ XCIII. Diodor. Cic. familiar. 1, 7. Cæf. § XCIV. Sueton. in Cæf. c. 23. Plut. in Cæf. c. 3. § XCV. Cæf. de B. G. 3, 7. Plut.

let, eadem de integro difficultates omnes superandæ erant. His gestis, cum major pars ætatis præterisset, tandem cum classe, quam Cæsar in Ligeri fluvio ædificandam curaverat, D. Brutus adolescens advenit.

XCVII. Exiverunt contra circiter ducentæ viginti hostium naves, prælioque commisso, rebus omnibus inferiores Romani, præterquam quod virtus militum & celeritas navium aderat, falces præacutas longuriis affixas adhibuerunt, & funes, quibus antennæ ad malos destinatæ erant, amputarunt. Id cum esset factum, & vela armamentaque Gallicarum navium, in quibus omnis spes fuerat, inutilia fierent; plurimæ naves expugnatæ, quod subita malacia & tranquillitas maris etiam fugæ facultatem præciderat. Hanc pugnam deditio gentis secuta. Senatus omnis necatus: ceteri sub corôna venditi sunt. Per eadem tempora res ab legatis Cæsaris pari fortuna in aliis Galliarum partibus gestæ. P. Crassum cum duodecim legionariis cohortibus, & magno numero equitatus in Aquitaniam miserat, ne ex his nationibus auxilia ad rebelles Gallos venirent.

XCVIII. Is pugna cum Sontiatibus victor, oppidum eorum totamque gentem in deditionem accepit: inde maximas Aquitanorum Cantabrorumque copias, quamvis militiæ duces haberent peritissimos, qui sub Sertorio diu meruerant, ita cecidit, ut ex quinquaginta millium numero vix quarta pars superesset. Ea victoria pleramque Aquitaniam redegit ad Cæsaris obsequium: paucæ civitates tempore anni, quod hiems instabat, & quia erant ab hoste remotissimæ, legatos obsidesque mittere neglexerunt. Ab alia parte C. Titurius Sabinus, quem Cæsar, tribus legionibus datis, in Unellos, Curiosolitas, Lexobiosque proficisci jusserat, ut illas gentes distineret, cum simulatione timoris eo adduxisset hostem, ut ad castra oppugnanda succederet, subita eruptione profligavit. civitates omnes sta-

§ XCVI. Sueton. in Cæs. c. 24. Plut. in Cat. c. 56. § XCVII. Plut. in Cæs. Appian. civil. l. 2. Cic. ad Q. frat. 2, 2.

tim se Titurio dediderunt. ea Gallorum erant ingenia, ut ad fuscipienda bella prompti, ad toleranda molles impatientissimique mortalium essent. His ita gestis, cum etiam Morinorum Menapiorumque in silvas recedentium agmina Cæsar infecutus, tempestatibus ulterius procedere vetaretur; exercitus in Aulercos, Lexobiosque, & reliquas civitates, quæ nuper in armis fuerant, ad hibernandum deductus est.

§ XCVIII. Diodor. Cæs. Oros. Flor. 3, 10.

---



# JOANNIS FREINSHEMII SUPPLEMENTORUM LIVIANORUM

LIBER LXX.

IN LOCUM LIB. CV LIVIANI.

## E P I T O M E

LIBRI CENTESIMI QUINTI.

*Cum C. Catonis tribuni plebis intercessionibus comitia tollerentur, senatus vestem mutavit. M. Cato in petitione prætura, prælo Vatinio, repulsam tulit. Idem, cum legem impediret, qua provinciæ consulibus in quinquennium, Pompejo Hispaniæ, Crasso Syria & Parthicum bellum, Casari Galliæ & Germania dabantur, a C. Trebonio tribuno plebis, legis auctore, in vincula ductus est. A. Gabinius præconsul Ptolemaum reduxit in regnum Ægypti, ejecto Archelao, quem sibi regem asciverant. Caesar, victis Germanis in Galliæ castrisque, Rhenum transcendit, & proximam partem Germaniæ domuit: ac deinde Oceano in Britanniam, primo parum prospere tempestatibus adversis trajecit; iterum parum feliciter: magnæque multitudine hostium caesa, aliquam partem insulæ in potestatem redegit.*

I. **B**ELLORUM ea conditio cum esset, ut tamen interdum post gravia & atrocia damna pace aut induciis in-

terquiescerent, aut saltem hieme remitterentur; in urbe, non conditionibus, non tempore leniente iras, sine intermissione certabatur. Nova & ingens contentio ex eo surrexerat, quod *Cn. Pompejus*, *M. Crassus*, quos ullius bonæ rei causa cum Cæsare fuisse nemo credebatur, *consulatum petitori* dicebantur: quæ res haud dubie ad opprimendam libertatem pertinebat. Et occultabant illi consilium suum, quia in eo negotio, quod cum re insolens, tum tempore alienum erat, (non enim erant legitimis diebus professi) metuebant, ne validius oppugnarentur.

II. Nam *Cn. Lentulus Marcellinus* egregium præstabat consulem: & quia ille comitia erat habiturus, nec alioquin imbecillis erat, haud immerito timebatur. Jam *M. Cato*, per affinitatem consulis *L. Philippi*, cujus filiam *Marciam* duxerat, auctoritatem prope consularem obtinebat. Idcirco parum confisi viribus, hoc agebant, ut dolo rem obtinerent. id adeo putabant processurum, si toto illo anno comitia impedirentur. sic enim necessario decurreretur ad interregnum, ipsiſque spatium dabatur, quo petere secundum leges & consequi magistratum possent. *Idoneus* audacia, & adversus senatum odio, *C. Cato* tribunus plebis ad hoc ministerium videbatur, quem multa de Cæsare ferre parantem consul, aliiſque principes impediabant.

III. Facile hic transductus in partes, palam concionabatur, *comitia haberi non siturum, si sibi cum populo agendi exempti dies essent*. Propter hæc & ex his orta certamina; cum senatus vestem mutasset, neque tamen *Cato* quidquam remitteret; *Marcellinus* consul luculentam ad populum orationem de præsentibus habuit, *reipublicæ* deplorans statum, quæ non ab aliis, quam per quos defendi eam verum esset, acrius premeretur. Mœsti adstabant Patres, positique dignitatis insignibus, illacrimantes atque gementes, haud minorem tacendo commiserationem hominum, quam dicendo consul, excitabant.

¶ § I. Plut. in Crass. c. 27. Diodor. § II. Vellej. 2, 46. Cic. ad Q. frat. 1, 5. § III. Plut. in Cat. c. 50. Diodor.

IV. Neque ulli tum contradicendi animus, aut fiducia fuit: tam & graves querelarum causas habere consulem, & concionem faventem, apparebat. Quippe cum *nimiam Cn. Pompeji potentiam* accusaret, universus ei populus clara voce assensus est. Atque ille, *acclamate*, inquit, *Quirites, acclamate, dum licet: mox enim impune facere non licebit*. His actis, cum reversi in curiam essent, P. Clodius, servato vestitu, in concionem populi progressus, consulem & ceteros acerrime infectatus est; cum Pompejo gratiam redintegrans, cujus auxilio legationem liberam, quam captabat, se credebatur assequi posse.

V. Cum eam rem permolesto senatus ferret, abrupto sermone perrexit in curiam Clodius, ut ibi quoque adversariis conviciaretur. Sed repulsus a quibusdam senatoribus, cinctus ab equitum globo, perisset inter manus, nisi plebs appellata cum facibus accurrisset, *incendium curiæ* minitans, *si quid acerbius Clodio accidisset*. Ea vis & tum servavit Clodium, & senatum ad ceterum certamen effecit molliorem. Pompejo postea non difficile fuit, venire in curiam, & decernentibus, quæ nolle ipse, resistere. Unica spes Marcellino suberat, quod semper vultum ac sermonem ad modestiam componere Pompejus studuerat, fronte, quam mente verecundior, futurum, ut interrogatus publice *verene consulatum petere constituisset*, non auderet confiteri. Sed ille in senatu, consule & L. Domitio candidato interrogantibus, *fortassis petiturum*, respondit, *fortassis destitutum a petitione*. & instantibus illis, adjecit, *bonorum civium causæ non esse, cur petat; esse, quo resistat malis*.

VI. Simul interrogatus Crassus fuerat. ille, *se facturum*, dixit, *quod ex usu reipublicæ fuisset visum*. Crassi responsum moderatius, Pompeji superbum & incivile cum existimaretur: Marcellinus invecus suo more in Pompejum est; per hæc tempora eum & in curia & ad populum asperè tractare fuetus. Respondit Pompejus, *malam sibi a Marcel-*

§ IV. Cic. Liv. Epit. Diodor. § V. Val. Max. 6, 2. Cic. ad Q. frat. 2, 8.

*lino referri gratiam, qui suo beneficio factus ex elingui facundus esset; & antea jejunus ac famelicus, nunc quotidie vomeret.* At Marcellinus, hoc velut ultimo conatu edito, in posterum abstinuit curia, majorque cum eo pars Patrum, adeo ut nunquam ad numerum reliqua ejus anni parte convenirent. ceteri neque vestem senatoriam resumere volebant, neque ullis adesse solemnibus: itaque nec in Albanum montem iverunt, cum feriæ Latinæ instaurarentur. Sic absumto, quod reliquum ex eo anno fuerat, cum, circumactō consulum imperio, interreges creari cœpissent, Pompejus cum Crasso consulatum aperte petere decrevit.

VII. Hos præter propriam potentiam amici Cæsaris adjuvabant, ad quos ille scripserat: sed & milites plurimos cum P. Crasso M. F. per causam commeatuum, in urbem idem Cæsar miserat. His rebus deterriti ceteri candidati mature cesserunt. L. Domitium sororis suæ maritum M. Cato confirmavit, *ne susceptam de libertate verius, quam consulum, contentionem metu defugeret.* Neque deerat multorum favor, *quid ita Pompejus Crassusque iterum, quid una peterent, mirantium: neminem igitur præterea dignum eo magistratu in civitate esse, qui cum alterutro horum declarari possit?* Igitur adversaria factio, cum timeret inclinationem plebis, ad vim conversa, Domitio ante lucem in campum eunti posuit insidias: puerque præluens ei, cum quibuidam aliis occisus est.

VIII. Retinebat tamen Domitium Cato, ipse quoque, vulnere in dextrum cubitum accepto, saucius: sed cum omne illorum agmen diffugisset, timens Domitius ægredomum rediit: Pompejus Crassusque, repugnante jam nemine, facti. Inter hæc L. Piso Macedoniam, A. Gabinius Syriam cum finitinis provinciis, adversa uterque fama, tenuerant. Piso per avaritiam accolis Macedoniae Thracibus ac Dardanis pacem magna summa vendiderat. Ea ipsa res

§ VI. Diodor. Sic. ad Antic. 4, 14, & pro Fontej. c. 84. Plut. in Cæs. c. 27. § VII. Plut. in Pomp. Cic. ad Q. frat. Diodor.

in bellum egit barbaros, ut replerent bellica præda domos, quas pretio quietis exhauserant. Igitur non vexata solum & spoliata Macedonia est, sed etiam exercitus Romanus, vi hostium, aut imperatoris injuria, fame, morbo confectus.

IX. Thessalia & Achaja, sicut ab hoste longius aberant, cladibus intactæ, pacis injurias sentiebant, magnam vim pecuniæ Pisoni pendere coactæ. Gravius adhuc Byzantini vexabantur, quos ob merita Mithridatici belli senatus populusque Romanus nuper liberaverat. Missæ tamen eo cohortes in hiberna sunt: contra leges senatusque consulta exercita jurisdicção: avaritia, vis, ac libido fœdissime grassata. Nam & statux urbisque ornamenta multa abrepta sunt, & cædes factæ: & virgines nobilissimæ, cum ad stuprum raperentur, in puteos abjectis corporibus voluntaria morte interierunt. Neque mitius Agriani Dolopesque & Ætolia vexata.

X. In Syria Gabinius adversis rebus nocebat reipublicæ; prosperis consulebat sibi. primo adventu parte equitatus, deinde cohortibus aliquot amissis, cum reliqua felicius procederent, bella non ex necessitate aut bono publico fumebat, sed inferebat quibuslibet etiam pacatissimis, quorum opes spem optimæ prædæ rapacissimo eidem profusissimoque mortalium facerent. In Judæos tamen, cum Alexandro Aristobuli filio rebellantes, expeditione suscepta, non instrenuum imperatorem egit. Cum enim Alexander, exercitu collecto, muros Hierosolymitanos everfos a Pompejo instaurare cœpisset; deinde ab hoc instituto repulsus, Machæruntem & alia quædam castella communiret: Gabinius, præmissis M. Antonio, quem equitatus præfecerat, cum legionibus subsecutus, haud procul Hierosolymis signa cum Judæis contulit.

XI. Ibi cum tria millia interfecta hostium, capta toti-

§ VIII. Plut. in Cat. c. 57. § IX. Cic. in Pis. c. 21, & pro Sext. c. 43. § X. Cic. pro Sext. Joseph. antiq. 14, 16. Hegesipp. l. 6.

dem essent: reliqui cum duce suo Alexandriam confugerunt, castris ante ipsa munimenta positis. In hos, quia veniam delictorum oblatam a Gabinio aspernabantur, iterum factus impetus, &, plerisque cæsis, ceteri intra muros compulsi sunt. Hoc prælio clara M. Antonii virtus exstitit, multique hostium ipsius manu interfecti. Nec diu postea restitit Alexander. quo in deditionem accepto, Gabinus castella, quæ nominavimus, & præterea Hyrcanium, ne res novantibus receptui essent, diruit: contra dirutas olim urbes restituit multas, Scythopolin, Samariam, Anthedonem, Azotum, Raphiam, Dora, Marissam, Apolloniam, Jamniam, Gamala, Gazam, & alias præterea non paucas. Judæam deinde ita composuit, ut reducto Hierosolymam Hyrcano sacerdotium redderet; gentem optimates regerent, quinque conventibus institutis.

XII. Ob has res cum, missis in urbem literis, supplicationem petisset, Idibus Majis frequenti senatu denegata est: quod præter T. Albucium acciderat nemini. Eam Gabinus ignominiam Ciceronis inimici opera putaretur accepisse, nisi per absentiam Ciceronis id esset actum. Publicanorum potentissima factio plurimum ei nocuisse videtur, cui se in provincia perquam iniquum adversumque exhibuerat. Cum deinde Cn. Pompejus Cn. F. Sex. N. Magnus, M. Licinius P. F. M. N. Crassus, altero collegio consulatum inissent, ante omnia ceterorum magistratuum comitia curæ habuerunt: intentis in hoc animis, ne quisquam, nisi qui de factione illorum esset, crearetur.

XIII. Præcipue referre arbitrabantur, Catonem repelli, qui providus futuri præturam petebat, ut auctoritatem magistratus, velut arcem defendendæ libertatis, obtineret. Igitur multa præter morem & honestum commenti sunt, quo tam gravem futurum adversarium amolirentur. Jam primum per infrequentiam senatusconsultum faciendum curaverunt, *uti prætores, qui creati essent, extemplo inirent: quamquam sententiæ dictæ erant, prætores ita creari place-*

*re, ut dies sexaginta privati essent.* Cum ita providissent, ne ambitus iudicio esset ante magistratum initum locus, amicos suos clientisque commendarunt populo, tam inverecunde, ut ipsi palam præberent pecunias, ipsi præessent suffragiis.

XIV. Ne sic quidem plus largitio & fraus consulum, quam virtus atque existimatio Catonis, potuit; fiebatque haud dubie prætor, ni Pompejus, ceteras tribus auctoritatem prærogativæ secuturas, metuens, turpi mendacio comitia dissolvisset, tanquam audito tonitru obnuntians: nè enim Jove tonante cum populo agi licebat. Iterum deinde mercedem augentes, atque faniore populi parte vi pulsa, cum Cato, ut erat legum fervantissimus, suarum partium studiosos vim vi opponere vetaret: effectum est, ut pro Catone P. Vatinius renuntiaretur, quamquam nuper repulsam in petitione ædilitatis tulerat.

XV. Hoc ubi factum est, ferunt, partem populi, talium suffragiorum sibi consciam, fugæ simili discessu disparuisse: ad ceteros, dante concionem tribuno, (sive C. Atejus Capito, sive P. Aquillius Gallus fuit: ceteri enim consulum erant affectæ) verba fecisse Catonem, non præsentia modo, uti se haberent, clare docentem, sed etiam vaticinantem de futuris: *Pompejo Crassoque haud leviter perstrictis, qui rempublicam & consulatum ita gerere consituisissent, ut timendus eis prætor Cato fuerit.* Domum inde digredientem major hominum multitudo deduxit, quam eos simul omnes, qui erant prætores declarati. Ædilium mox comitia turbulentiora fuerunt. crædes ibi facta, tamque propinquus periculo Pompejus fuit, ut vestis ejus multo sanguine respergeretur.

XVI. Is aspectus, cum, remissa domum veste, alia postularetur, Juliam, Pompeji conjugem, tum prægnantem ita perterrituit, ut, abortu facto, gravem in morbum inci-

§ XIII. Diodor. Plut. in Cat. c. 59. Cic. ad Q. frat. 2, 8.

§ XIV. Liv. Epit. Val. Max. 7, 5. § XV. Cic. in Vat. c. 16. Plut. Appian. civil. l. 2. Val. Max. 4, 6.

deret. Valde enim amabat virum, isque ei in amore respondere. Unde mox criminati sunt inimici, *provinciam obtinere per legatos, ipsum sedere ad urbem, ut fomenta præberet seditionibus, & Juliæ suæ deliciis homo uxorius frueretur.* Comitibus magistratuum, uti voluerant consules, perfectis, ipsi nullius rei cupiditatem præferentes, in speciem quiescebant. At C. Trebonius, tribunus plebis, suum nomen rogationi commodabat, qua *consulibus provincia in quinquennium, Syria & Hispania* (nam & Hispaniam Aquitanici belli vicinia commoverat) destinabantur: adjiciebatur, *ut copias civium sociorumque conscriberent, quantas e republica & fide sua ducerent: belli etiam & pacis arbitrium cum finitimis rebus atque nationibus penes ipsos esset.*

XVII. Hæc ab initio non aliis modo, sed etiam amicis Cæsaris parum placebant, quod jam pleraque pars temporis, quo imperium ejus finiebatur, transierat, ne a Pompejo Crassoque, tantam potentiam adeptis, opprimeretur: donec hi nova pacatione, *de prorogando Cæsari imperio ferendum curaturos*, adstrinxerunt fidem. Ita quiescentibus Cæsarianis, reliquo populo obnoxio, aut desperante, nemo magnopere Treboniæ legi, præter Catonem atque Favonium, repugnabat, duobus tribunis plebis hos adjuvantibus. Sed adversus tantarum factionum opes, parum roboris in tam paucis erat: legemque dissuadere volentibus ne tempus quidem idoneum concessum est.

XVIII. Unicam horam Favonio dederat Trebonius, vix ad querendum de temporis angustia sufficiens spatium. duas Cato cum accepisset, frustra de negotio dicturum intelligens, multa monendo prædicendoque tempus eximebat: donec interpellatus, &, quia nihilo fecius pergebat dicere, de rostris detractus est. Cum sic etiam ex inferiore loco vociferanti populus auscultaret, iterum missus a tribuno viator, foro eum eduxit. Nec quievit ille, quo mi-

§ XVI. Plut. in Crass. c. 28. Diodor. Vellej. 2, 48. § XVII. Liv. Epit. Diodor.



nus statim reverteretur, & populum *ad præstandam sibi secundum mores & leges audientiam* inclamaret.

XIX. Id cum sæpius esset factum, æstuans dolore & cura Trebonius *adduci eum in carcerem* iussit. Sed populus sequebatur, auresque præbebat inter eundum de legis incommodis differenti. Unde metus inçessit Trebonium, *missumque fieri Catonem* iussit. Sic ea dies exempta est, ut nemini tribunorum verba ad populum facere vacaret. Obtinebat enim, ut de legibus privati primum, qui vellent, deinde magistratus dicerent: ne, si priores hi essent auditi, auctoritatem horum privati sequerentur. Idcirco P. Gallus, ne postridie foro excluderetur, in curia pernoctare statuit, tutissimum hunc receptum ratus, & commodissimum una cum luce in concionem prodituro.

XX. Sed C. Trebonius, omnibus occlusis curiæ januis, præsidioque armatorum opposito, totam ibi noctem & sequentis diei partem magnam otiosum consumere coegit: Atejum cum Catone & Favonio, & horum amicis, alia multitudo, præoccupato de multa nocte loco, concione prohibuerunt. Illi tamen omnia conati, Favonius & Ninnius clam reperto aditu, Cato & Atejus aliorum humeris sublati, obnuntiaverunt. Ceterum vis adversariorum validior fuit. submotis his a foro, pulsatisque, atque etiam interfectis aliorum haud paucis, cum etiam L. Annali fenatori Crassus ipse faciem pugno contudisset, per vim perlatam lex est.

XXI. Ecce autem, populo jam incipiente dilabi, recurrit in forum Atejus, collegam Gallum manu ducens, qui e curia in concionem venerat, ibique fuerat vulneratus. Id ostendens multitudini Atejus, reique convenientem orationem orsus, magnopere plebem commovebat; cum, renuntiata, consules (nec enim procul inde magna stipati manu aberant) repulerunt tribunos: vocataque statim concione, etiam *de provinciis Cæsaris, in quinquennium ei pro-*

§ XVIII. Plut. in Cat. Diodor. § XIX. Liv. Epit. Plut. Vellej. 2, 46. Appian. civil. l. 3. § XX. Plut. in Crass. c. 85.

*rogandis*, pertulerunt legem. Ibi quoque repugnatum est ab iisdem: & Cato, non jam ad populum, sed ad Pompejum, sermone converso, *ipsum non intelligere, quæ faceret*, testabatur. *nunc enim non in ceterorum magis capita, quam suos ipsius humeros, Cæsarem attollere: cum eo deinceps onere, cum mox gravius ipsius culpa esset factum, quam ut ferendo amoliendove esse possit, in rempublicam procubiturum. Tum demum, ubi præter pœnitentiam nihil sit futurum reliqui, Catonis cogniturum consilia, qui non minus tuta & salubria, quam justa & honesta, suasset.*

XXII. Atque id vaticinium paulo post comprobavit eventus. Tum vero Pompejus, inflatus magnitudine sua, neque commutationem fortunæ timens, cum Crasso provincias, tanquam oppressæ captæque reipublicæ spolia, dividebat. Sortem adhiberi placuerat. ea Syriam Crasso, Africam omnem & Hispanias, cum legionibus quatuor, Pompejo dedit. His ita confectis, ad emendandos civitatis mores, egregii auctores se contulerunt.

XXIII. Nihil erat civitatis judiciis corruptius, nihilque frequentius, quam ut atrocissimorum criminum manifesti, per gratiam, aut pecuniam, absolverentur. Præcipue erat invidiosum, quod, accepta a Ptolemæo rege pecunia, multi occidendos curaverant legatos Alexandrinos, aut eos, qui eo crimine postulati frequenter fuerant, sibi timentes eripiebant. Etiam P. Ascitius, qui conscius & adjutor occidendi Dionis fuisse credebatur, judicio erat liberatus. Aurelia lege cautum erat, *ut ex tribus ordinibus judices legerentur.* id mutari non placuit: modus legendorum immutatus, latumque, *ut amplissimo ex censu lecti e centuriis judicarent trecenti sexaginta viri.* Paupertatem plerisque fuisse ad accipienda munera prætextum videbant: sed nec fallabat eos, non fore innocentiores, qui per scelera ad divitias pervenissent.

§ XXI. Cic. pro Cœl. c. 10. § XXII. Diodor. Cic. & Ascon. in Pison. Vellej. 2, 76. Plut. § XXIII. Val. Max. 6, 2. Quinſtilian. 6, 3.

XXIV. Sed in ea morum foeditate nihil aliud fieri poterat: ipsique auctores legis tales erant, ut severis incorruptisque iudicibus sibi nihil opus esse existimarent. Nec enim crimina aut accusatores vel Magno Pompejo deerant, si iudicia rite & libere exercerentur. Neque dissimulatum hoc a Cn. Pisone, qui Manilium Crispum accusans, cum evidenter reum a Pompejo videret eripi, juvenili temeritate multa crimina præpotenti defensori objecit. Ad hæc cum Pompejus dixisset, *Cur igitur me quoque non accusas?* respondit: *Da prædes reipublicæ, te, si postulatus fueris, civile bellum non excitaturum: etiam de tuo, priusquam de Manilii capite, in consilium iudices mittam.*

XXV. Laudanda tamen est in his Pompeji moderatio, qui etiam infimorum hominum convicia civiliter tulit: in quibus & Helvium Manciam Formianum, libertini filium, importunissimum senem, & a juventute magnorum virorum inimicitias rabiosa dicacitate provocare solitum. Talis Pompejus tum erat, cum legibus constitueret civitatem: ex quibus, quæ de parricidiis fuit, hodie quoque vim aliquam obtinet; ceteræ exoleverunt. Nam & de ambitu tulerat, aucta largitionum pœna, quas nemo fecerat impudentius. Sumtuaria cum esset promulgata, celeriter concidit; Hortensio speciosis nominibus tuente luxum, consulesque ipsos laudante, *quod, cultu sumtuque magnifici & lauti, vitam convenientem majestati principis populi, suæque ipsorum dignitati ac opibus, degerent.*

XXVI. Et pervaserat ea tempestate in omnes ferme intolerabilis luxus, multique civitatis principes mira sumtum infania notabantur. Philippi, Hortensii, Luculli, decora & ornamenta senatus, luxu diffuebant: quos ob infanum in has ineptias studium *piscinarios* vocare Cicero solebat; *negligi præ his rempublicam* arguens, *dum illi principes digito cælum putent attingere, si multi nulli barbati in piscinis sint, qui ad manum accedant.* Eratque inveteratum

hoc malum, & lege Cornelia sumtibus magis, quam luxui, detractum, permissis ciborum deliciis, & minore tantum rebus venalibus imposito pretio.

XXVII. Æmiliam deinde legem Lepidi consulis, primo pravitas auctoris, postea calamitas enervavit: Antiam, a Restione perlatam, cum esset optima, solus servavit, qui tulerat; in ceteris rationem & metum vincente consuetudine. Igitur post hæc experimenta morbum remedio validiorem esse prudentes judicabant: & cum severam aliquis in senatu orationem habuisset, reprehensus ab alio est, *quod divitiis Crasso, luxuria Lucullo similis, tanquam Cato loqueretur*. Etiam consules, ne invidere aliis dicerentur, quod ipsi usurparant, omiſsa lege, plane diversis negotiis dederunt operam. Jam ille temperantiæ & frugalitatis magister theatrum suum absolverat, idque post hominum memoriam apparatus magnificentiſſimisque ludis volebat dedicari.

XXVIII. Antiquitus stans populus spectare erat solitus: deinde scena gradusque subitarii, finito spectaculo tollendi, struebantur: primus Pompejus mansuram theatri sedem posuit, admirabili opere; nisi quod admirabilius est, sumtum a Demetrio subministratum fuisse, liberto Pompeji, sed qui nimio illius favore factus fuerat patrono ditior. Theatro circumjecta haud minoris impensæ alia ædificia erant: inter quæ templum Veneris Victricis eminebat. Id adstruxisse creditur, ne severior aliquando censura opus suum tolleret, sicuti patrum memoria factum auctore Nafica noverat. Igitur & ad dedicationem edicto populum vocans, non theatrum, sed *Veneris templum* nuncupavit, *cui subjecimus, inquit, gradus spectaculorum*.

XXIX. Ceterum id templum tertio demum ejus consulatu perfectum atque dedicatum est. maximum enim opus erat, & ad hoc toto, qua patebat, imperio, ornamenta conquesta: inter quæ memorantur effigies varia-

§ XXVI. Macrobi. Saturnal. 3, 17. Plut. in Lucull. c. 83. Diodor. § XXVII. Cic. & Afron. in Pison. § XXVIII. Tacit. 14, 20. Calliodor. 4, 51. Plut. in Pomp. c. 80.

rum gentium, itemque certorum hominum, qui mirabili aliqua fortuna ad famam pervenerunt, ob id magnorum artificum ingeniis diligentius elaboratæ. Sed hoc tempore spectacula musica, ludique gymnici scenique sunt editi, & circenses, cum ejusmodi venationibus, ut spatium quinque dierum leones quingenti occiderentur.

XXX. Elephantorum extremus dies fuit, plus miserationis, quam delectationis, habens. Quippe pugnare in Circo duodeviginti, commissis more prælii noxiis hominibus, & præterea jaculatoribus Gætulis. Cum aliquot essent vulnerati, tentaverunt eruptionem universi, non sine metu populi: sed clathros ferreos, qui erant circumdati, non potuerunt perfringere. Tum vero porrecta in cælum proboscide, tam miserabili habitu sonoque veluti complorationem ediderunt, ut dolore ardens populus confurgeret, Pompejoque dira omnia imprecaretur. Pervaserat opinio, *proximum humanis sensibus animal, poscere vindictam Deos ob violatum jusjurandum, quo decepti in Africa, naves conscendissent, non aliter facturi. Esse profecto belluæ illi cum humano genere societatem: eamque sermonem horum intelligere.*

XXXI. Sane ab his, quæ veteres tradiderunt, non abhorrent testimonia plurimorum, qui, postquam India Africaque iterum penitus sunt cognitæ, maxima belluarum istarum armenta viderunt. Ceterum amœnissimi vir ingenii Justus Lipsius in Epistolis, elephantorum admiranda diligenter suaviterque descripsit. At populus Romanus, non tam Pompeji munificentia delinitus, quam offensus delectu, quem consules instituerant agere, Catonem, & qui cum eo senserant, efferre laudibus; ceteros incusare modis pessimis, cœpit.

XXXII. Unde resumta fiducia tribuni duo judicium minari amicis consulum, criminibus in ipsos consules expetituris. Tum consules ad invidiam tribunorum vestem

§ XXIX. Sueton. in Neron. c. 46. Plin. 7, 3. § XXX. Diodor. Plut. Senec. de brev. vit. § XXXI. Tertullian. de spect. c. 10. Plin.

mutarunt: idemque a parte fenatus, quæ consulum sectam sequebatur, factitatum. Cito tamen resumta est, tam sine causa, quam posita modo fuerat. Sed dispar consuli- bus sicut apparatus & consilium, sic etiam animus erat. Pompejus, qui ad urbem manere malebat, vel uxoris gratia, vel ut res Hispanas per legatos, urbanas præfens in potestate haberet, levius ferebat tribunorum voces, *consules urbe egredi passuros* negantium: atque ultro struebat morandi causas, imposita rei frumentariæ curatione obtentui sumta.

XXXIII. Crassus dies noctesque nil nisi Parthicum bellum, Bactrosque & Indos, & ultimi Orientis opes effreni cupiditate cogitabat. Nihil horum lege, quæ de imperio consulum erat lata, diserte jussum fuerat: sed in omnem sententiam interpretari verba legum non erat his arduum, quibus facile fuerat curare, ut, qua ipsi conceptione verborum voluissent, leges rogarentur. Crassi amentiam Cæsar, incertum quo consilio, augebat; propositum ejus dilaudans, & quidlibet pollicitus. Idcirco & ipse arma opposuit tribunorum actionibus, & cum illi adversus vim invalidi, ad invidiam & detestationes se contulissent, oravit collegam, *ut quo die paludatus profecturus erat, adesset, seque prosequeretur.*

XXXIV. Maxima erat in foro collecta turba mortalium, ita præparatis animis, ut exeuntem Crassum convicio & jurgiis retinerent. Sed ubi Pompejum ante illum incedere composito vultu viderunt, ejus honori gratiæque datum, ut cum silentio decederent de via. Unus Atejus, qui & vota in Capitolio nuntianti obnuntiaverat, *manere* jubebat, Deos hominesque testatus, *illam contra fœderatos populos expeditionem lugubrem & ignominiosam populo Romano fore.* Cum nihilo secius videret pergere Crassum, viatore misso, *ducere eum in vincula* jussit. ubi id quoque, tribunis aliis intercedentibus, irritum fuit; præcurrit ad portam, foculoque ibi posito, vetustas & arcanas devotiones peregit: quarum

§ XXXII. Diodor. Cic. Plut. in Crass. c. 29. § XXXIII. Ap-  
pian. Plut. Diodor. Flor. 3, 11.

nunquam vanas fuisse imprecationes, superstitiosa antiquitas credidit, sed devotis pariter deoventibusque calamitosas.

XXXV. Unde vulgo reprehendebatur Atejus, quod eum, cui propter rempublicam factus erat inimicus, diris in rempublicam casuris consecrasset. Crassus, Brundisium profectus, cum inde non expectato cursu transmitteret, multas naves tempestatibus amisit, deditque diras metuentibus occasionem sermonum, *jam omen atque initium adesse calamitatis, quæ devotum caput certa atque inevitabilis maneret*. Nam & fortuita in præfagium trahebantur, quod, impo-  
nente exercitum Crasso, quidam in portu caricas vendens *Cauneas* proclamaverat: quasi disertis verbis monente Crassum sollicito numine, *caveret ire*.

XXXVI. Causam festinandi haud postremam A. Gabinii præbuerat insolentia, qui legato Crassi tradere exercitum, quantumvis finito imperii tempore, spreverat. In biennium ille Syriam in consulatu, L. Piso collega Macedoniam, lege Clodia acceperant: eratque in ordinandis provinciis decretum, ut successores utrique mitterentur. Et Piso quidem jam decesserat, redieratque in urbem: Gabinius ultra tempus retinebat imperium eadem improbitate, qua ultra præfinitum legibus modum exercuerat. Erat tum latrocinii infesta Syria: sed plus a proconsule patiebatur injuriarum, qui non aliam ob causam infestius videbatur prædones persequi, quam ne qua pars spoliorum ab aliis interciperetur.

XXXVII. Elapsus e custodia, Romaque profugus Aristobulus, qui apud Judæos regnaverat, cum Antigono filio redierat in Palæstinam, &, confluentibus ad eum, quibus præsentia parum placebant, Alexandrium nuper a Romanis dirutum instaurare cœperat. Gabinius, his auditis, partem equitatus Antonio præfecto misit, Sifenna & Servilio

§ XXXIV. Cic. de divin. 2, 40. Plin. 15, 19. § XXXV. Cic. in Pison. Joseph. antiq. 14, 11. § XXXVI. Joseph. de bell. Jud. Plut. in Anton. c. 3.

cum cohortibus subsequi jussis. Horum metu Aristobulus Machæruntem versus instituit cedere; octo millium agmen trahens, quod aliam inermium turbam, plus in ea impedimenti, quam auxilii fore ratus, dimiserat. Sed Romani, priusquam ad castellum pervenire posset, assècuti, manus conferere coactum, verterunt in fugam. Cum ad millia quinque cecidissent, Aristobulus, cum mille admodum viris per objectam hostium aciem eruptione facta, Machæruntem, reliqui in collem quendam perfugerunt. castellum biduo expugnatum: Aristobulus, cum filio captus, ad Gabinium, & ab hoc Romam remissus est. Senatus Aristobulum in vincula dedit: filios dimisit, quia Gabinus, *ita cum matre eorum pepigisse*, scripserat, *cum se, & quæ tenebat, in fidem Romanam dederet.*

XXXVIII. Judæis ad hunc fere modum pacatis, expeditionem Gabinus in Arabas Nabatæos adornabat. Hi enim toto illo biennio, quo L. Marcius Philippus primum, deinde Cn. Lentulus Marcellinus, prætorio imperio rexerant Syriam, vicina incurfantes colorem P. Clodio præbuerant, ut consularem cum Macedonia provinciam Syriam faceret, & illam L. Pisoni, hanc A. Gabinio, præmium proditi Ciceronis, cum exercitu & pecunia daret. Forte per idem tempus Arsacidarum domus, discordiis atque parricidiis vexata, haud longo intervallo duos reges Phraaëem atque Mithridatem amiserat.

XXXIX. Phraates scelere filiorum interfectus erat: nec ipsis inrer se plus pietatis & concordiae. Orodes, qui patri successerat, Mithridatem Media, quam ille tenebat, expulit: Mithridates, cum Orsane nobilissimo Parthorum ad Gabinium profectus, venalem ducem muneribus & pollicitationibus magnis induxit, *ut, omiffis Arabibus, in Parthos arma converteret.* Jam ad Euphratem Gabinus cum exercitu venerat, cum Ptolemaus occurrit, literas a Pompejo afferens. Gabinus & literis movebatur, quod auctore Pom-

§ XXXVII. Appian. Cic. in Pison. Joseph. de bell. Jud. Plut. in Anton. c. 4. § XXXVIII. Porphy. ap. Euseb. Strab. l. 17.



pejo faceret, impune facturum sperans: &, cum Ptolemæus talentorum decem millia promitteret, magnitudine mercedis. sed quia provinciæ finibus egredi, bellumque injussu populi gerere, legibus vetabatur, magnaue asseveratione nuper ex Sihyllinis libris erat decretum, *ne exercitus in Ægyptum duceretur*, trepidabat.

XL. Re in consilio proposita, cum plerique tutiora suaderent, M. Antonius auctor suscipiendæ expeditionis fuit, juvenili audacia, & quod Ptolemæo cupiebat gratificari. Gabinus igitur, negotio ita decreto, majoris prædæ spem secutus, cum & ipsi & militibus multa statim dilargiretur Ægyptius, plura promitteret; rebus Mithridatis insuper habitis, in Ægyptum properavit, dum adhuc idoneo defensore regnum careret. Nam occiso Cybiosacte, cum Alexandrini maritum reginæ suæ Philippum, Grypi & Tryphænæ filium, e Syria evocassent; deinde Archelaum, filium Archelai, sed qui se Mithridate ferebat genitum: Gabinus, quid ageretur suspicatus, Philippum ire prohibuerat, Archelaum, expeditionis Parthicæ comitem, in custodiam dederat.

XLI. Sed ille paulo post elapsus, ignaro Gabinio, an dissimulante conscientiam, incertum: nisi quod hominis mores fidem adstruunt tradentibus, *metu, ne pauciora Ptolemæus daret, si citra negotium esset restitutus, simul acceptis ab Archelao magnis muneribus, Gabinium sponte p. ssam, ut in Ægyptum ille perveniret.* Archelao dimisso, Gabinus, cum Judæis pecunias, armaque & frumentum imperasset, per eorum regionem ad Pelusium & Ægypti claustra procellit. Magno illi tum usui Antipater fuisse traditur, Herodis pater, cum ad cetera pleraque strenuus administer, tum ad aperiendas itineris difficultates unicus.

XLII. Cum enim haud minus viarum impedita, quam belli adversa, timerentur; quippe per altum sabulum & sistentes arenas, sub quibus crebri serpentes occultabantur,

§ XXXIX. Joseph. antiq. & de bell. Jud. Plut. § XL. Strab. Hegeſipp. 1, 21. Plut. Diodor. § XLI. Appian.

Serbonitis circumcunda palus erat, Typhonis formidata nomine, cujus ea esse spiramenta dicebantur. Sed Antipater Judæos, Ægyptiorum milites, auctoritate sua permovit, ut aditus, quos custodiebant, seque ipsos traderent Romanis. Ita nemine arma opponente, M. Antonius, qui præmissus cum equitatu fuerat, non modo occupavit angustias; sed etiam Pelusium, amplam urbem præsidioque munitam, recepit. Ea res saluti fuit Pelusiotis, quibus & Romani pepercerunt: & cum sævire Ptolemæus vellet, non est ab Antonio situs.

XLIII. At postquam Gabinius supervenit, rebus Pelusii constitutis, bipartito exercitu Alexandriam petentibus Ægyptii occurrerunt. Acriter aliquamdiu certatum est: mox, quia M. Antonius nec opinato terga hostium invaserat, victoria penes Romanos fuit. Crebra deinde & magna certamina variis commissis locis, donec duobus magnis præliis, quorum alterum in flumine classibus depugnatum est, Alexandrinorum temeritas comprimeretur. Erat enim id ei populo ingenium, ut projectus ad audendum, feditionibus continuis ad vilicatem corporis, & spernenda pericula exercitus, nihil non promptissime susceperet: idem mutabilis, & laboris moræque impatiens, ubi primus impetus deferbuisset, qualibet conditione redimebat tam contentam antea pacem.

XLIV. Narrant, *eductas ex urbe copias, cum vallo & fossa cingere castra juberentur, succlassasse universas, ut id opus pecunia publica locretur*. Igitur & Alexandriam Gabinius, & totum Ægypti regnum paucis mensibus cepit, cum magnam eorum hominum multitudinem cum Archelao rege occidisset. Corpus tamen Archelai requisitum ab Antonio, propter jus hospitii, & regio sumtu funeratum est. Libet, Alexandrinæ temeritatis, cum sæda superstitione conjunctæ, documentum hoc tempore editum, in re haud satis per se memorabili exponere. Nondum erat certum, quo

§ XLII. Liv. Epit. Strab. Diodor. § XLIII. Joseph. antiq. & de bell. Jud. Val. Max. 8, 1.

animo accepturus ista populus Romanus esset; nec ab senatu amicus adhuc appellatus Ptolemæus erat; cum a Gabiniano milite forte felis occisa immensam populi turbam concivit. Nihil tum erat Ptolemæo, atque ipsis etiam Alexandrinis antiquius, quam ne quis Romanus offenderetur; & animal, non voluntate militis, sed casu, interfectum esse constabat: attamen neque Romanorum terror, neque hospitii necessitudo, ne missi quidem a sollicito rege magistratus, compescere populum potuerunt, quo minus a furentibus miser discerperetur.

XLV. Porro Ptolemæus, recuperato regno, ante omnia filiam Berenicen, deinde splendidissimum quemque supplicio affecit: multos per iram & odium; plerosque divitiarum causa, quibus ad mercedem Gabinio præstandam indigebat. Interea Judæus Alexander, recuperato per vim principatu, Romanis, quotquot adipisci potuerat, occisis, reliquos in monte Garizeno obsidebat. Nec obviam ire Siffenna poterat, cui admodum adolescenti Syriam pater Gabinus commiserat, nec usum rerum, nec auctoritatem rebus tantis parem habenti. Idcirco Gabinus, raptim ex Ægypto reductis copiis, Alexandrum triginta millibus hominum stipatum offendit; quamquam præmissus ad populares Antipater, haud paucos a defectione retraxisset.

XLVI. Ad Itabyrium montem ingenti prælio concursus est: decem millia Judæorum cæsa. Gabinium, rebus Hierosolymitanis ex Antipatri voluntate constitutis, ne victoriam consummaret, Arabicum bellum avertit. Id quoque feliciter ab eo gestum est, fusis prælio Nabatæis; neque confectum, quod jam Crassus aderat, provinciam & exercitum a Gabinio accepturus. Cupiebat & Parthos exfules; sed illos, siue pecunia accepta, siue Crasso invidens, clam dimisit Gabinus, fuga subductos ementitus. Restituto hunc ad modum Ptolemæo, cum Romam rem fama pertulisset, quod Gabinus ad senatum scribere metuebat; indignatio

§ XLIV. Hegefipp. 1, 21. Diodor. Cic. § XLV: Cic. de prov. conf. c. 5. Diodor. Plut. in Cæs. c. 32.

dolorque civitatis in immensum exarsit. Spretæ haud dubie religiones, neglectæ leges, conculcata senatus, conculcata populi Romani auctoritas erat: eaque provinciæ etiam & equitum Romanorum querelis aggravabantur.

XLVII. Syri, *spoliatos se a latronibus, spoliatos a proconsule*; publicani, *jus sibi non dictum, pactiones rescissas, vectigales multos liberatos, iisque rebus rationes suas remque familiarem afflictam everfamque esse*, quiritabantur. Gabinus enim, ut Judæis atque Syris se vendicaret, a quibus multas accipiebat pecunias, ita se durum publicanis præbuerat, ut, quo in oppido ipse esset, aut quo veniret, ibi publicanum, aut publicani servum esse non pateretur. Inter fremitus plurimorum, judicia & pœnas legum poscentium, Ciceronis maxime tonitrua audiebantur. Is in rempublicam studio, adversus inimicum ira, cum nihil eorum, quæ ad irritandos animos pertinebant, intactum omitteret, præcipue institit, *ut Sibyllini libri denuo inspicerentur, & ex iis carmen de regis Alexandrini restitutione rursus ederetur.*

XLVIII. Adjunctum enim ibi sperabat aliquid de pœna spretæ religionis esse. Ceterum Pompejus Crassusque consules, alter auctor reducendi regis, Crassus accepta a Gabinio pecunia, (tum enim adhuc in urbe erat) nihil decerni sinebant. res in annum sequentem extracta. Interea C. Cæsar Usipetes Tenchterosque Rhenum transgressos in Gallia vicit. Causa illis transeundi fuit, quod pluribus annis bello Suevorum exagitati, patrios fines ultra tueri non poterant. Igitur cum per varias Germaniæ partes vagati, postremo ad Rhenum amnem pervenissent, qua Menapiorum gens utramque ripam ædificiis vicisque obtinebat; non sunt admissi a Menapiis, qui, retractis in Gallicam ripam suis omnibus, transitum amnis custodiebant.

XLIX. Germani, simulato discessu, quod tridui spatio iter confecerant, una nocte cum equitibus remensi, quemadmodum speraverant, Menapios ad pristinas sedes rever-

§ XLVI. Liv. Epit. Cæs. de B. G. 4, 1. § XLVII. Diodor. Plut. in Cæs. c. 32. § XLVIII. Oros. 6, 8. Plut.

fos opprefferunt. Navibus deinde captivis tranſvecti, cum colentes in altera ripa inſcii omnium eſſent, tota regione occupata, per reliquam hiemis partem ibi ſubſtiterunt. Mox a quibuſdam Galliæ civitatibus clandestinis nuntiis excitī, in fines Eburonum & Condruforum, qui tum in clientela Trevirorum erant, proceſſerunt. Cæſar, poſtquam de his rebus certior factus eſt, timens, ne Gallos pro mutabilitate animorum hæc occaſio in rebellionem ageret; exercitu coaſto, iter ad ea loca facere cœpit.

L. In eo itinere legati Germanorum occurrerunt, neque deprecantes bellum, & *amicitiam malle profeſſi: modo daret agrum Cæſar, aut tenere, quem occupaveſſent, pateretur.* addiderunt, *ſeſe unis Suevis concedere, quibus ne Dii quidem immortales pares eſſe poſſint: reliquum quidem in terris eſſe neminem, quem non ſuperare poſſint.* Cæſar ad hæc negavit, *pacem ſibi cum his eſſe poſſe, donec ſint in Gallia: ſi velint in fines Ubiorum concedere, acturum ſe cum Ubiis, ut eos recipiant, eorumque opera contra aggreſſores Suevos utantur.* ipſo cum exercitu progreditur.

II. Cum jam haud amplius paſſuum duodecim millia inter utroſque intereſſent, legati reverterunt. Horum oratio eo pertinebat, *ut tridui ſibi ſpatium daretur, intra quod tempus de voluntate Ubiorum cognoſcerent. Ubiis annuentibus, oblata a Cæſare conditione uſuros.* Quæ deinde ſequuntur, ſic habent ambiguam æſtimationem culpæ, ut perfidiam potius Cæſaris, quam Germanorum, fuiſſe, ſit verosimilius. Nam, ſicut ipſe fatetur, reſponſum dedit legatis, *ſe non amplius millia quatuor eo die proceſſurum. petere, ut poſtridiæ adſint quam frequentiffimi, quo de poſtulis eorum cognoſceret: miſſurum ad præfeſtos, qui cum equitatu omni proceſſerant, ne interea prælium inciperent.* Miſeritne, & dicto audientes præfeſti fuerint, aut utrorum culpa commiſſum ſit prælium, eum minime liqueat; vix eſt credibile, Germanos, qui omnem equitatum ſuum, præter octingentos, ſuperioribus

§ XLIX. Appian. Plut. Cæſ. § L. Sueton. in Cæſ. c. 9. Plut. in Cæſ. & Craſſ. c. 73.

diebus trans Mosam prædatum miserant, pugnam equestrem facturos fuisse contra quinque millia, nisi coacti atque laceffiti fuissent.

LII. Eventus is fuit, ut a tanto paucioribus Romani fœda fuga usque ad conspectum castrorum suorum repellerentur. Postridie Germanorum principes majoresque natu omnes, uti convenerat, ad Cæsarem uno agmine venerunt. Ille, his comprehendi hostiliter jussis, statim educit suos, Germanosque, nihil tale cogitantes, improvisus aggressor ad internecionem cædit. *Quantus armatorum numerus perierit, non traditur. capitum quadringenta triginta millia fuisse*, Cæsar scripsit, multitudinem puerorum mulierumque computata. Cæsar perquam fragili defensione factum hoc tuebatur. *Germanorum principes per simulationem ad sua castra venisse, nihil aliud acturos, quam ut tempus obtinerent, intra quod equitatus suus reverti posset: se neque audiendos putasse, qui, per dolum petita pace, bellum ultro intulissent; & summx dementiæ judicasse, exspectare, donec hostium auferentur copix.*

LIII. Sane causam suam ne Romanorum quidem optimis probavit: adeoque Tanusius Geminus historiarum scriptor a M. Catone dictam tradit sententiam, quo tempore ex literis Cæsaris supplicationes decernebantur, *dedendum illud hostibus esse, ob legationis violatæ nefas.* Suetonius addit, aliquando a senatu decretum fuisse, *ut ad explorandum statum Galliarum legati mitterentur; quod infestas ac feras gentes a Cæsare laceffi, parum e republica videretur.* Interim equites Tenchtherorum & Ulpetum, audita suorum clade, per alias vias ad Rhenum venerunt, eoque transmissio, sunt a Sigambri recepti. eodem pauci eorum, qui prælio interfuerant, ex fuga penetrarunt.

LIV. Eos cum Cæsar dedi postularet, Sigambri, *populi Romani imperium Rheno finire*, responderunt: *si ipse nollet in Galliam venire Germanos, vicissim & sibi juris aut potestatis.*

§ LI. Sueton. in Cæs. c. 24. Plut. Diodor. Cæs. Flor. 3, 10.  
§ LII. Liv. Epit. Diodor. Cæs. § LIII. Strab. l. 4. Diodor. Flor. 3, 10.

*is nihil arrogare debere in Germania.* Inde causas sibi struens Cæsar, per quas Rhenum transmitteret (cupiebat enim nemini Romanorum tentatæ rei gloriam adipisci) lubens audivit Ubiorum oratores, qui *adversus Suevos* implorabant *opes Cæsaris*, Rhenumque trajecturo magnam navium copiam pollicebantur. Cæsar ponte transgredi maluit: quo intra dies decem effecto, traduxit exercitum, & proximam Germaniæ partem vastare cœpit. Sed ubi se Sigambri in loca impedita receperunt, Suevique, missis quaquaversum nuntiis, cogere exercitum nuntiabantur, Cæsar satis & ad laudem, & ad utilitatem profectum arbitratus, reduxit in Galliam copias, pontemque rescidit, dies omnino duodeviginti trans Rhenum commoratus.

LV. Inde, cum exigua pars æstatis superesset, etiam in Britanniam navigandi cepit impetum, ut insulam, ne vicinis quidem cognitam, adiret: quod nemo adhuc Romanorum fecerat. Tempus ad exigui maris transitum, cognoscendosque Britannorum animos, sufficiebat. idem obtentum præstabat bello omisso redeundi, si difficilius spe sua negotium reperisset. Nam ad id tempus adeo Græcis Romanisque ignota fuerat Britannia, ut alii magnitudinis argumento *continentem esse* dicerent, opinione hac usque ad imperium Vespasiani obtinente; vetustiores nomen atque fabulam sine re, quidquid de illa diceretur, existimarent.

LVI. Dum naves apparantur, Morinorum legati dedendæ gentis ergo venerunt. Gratum id Cæsari fuit, quod in alium velut orbem transiture, nullus a tergo hostis relinquebatur. Igitur præmissis ad speculandum cum una nave C. Voluseno, cum navibus duas omnino legiones imposuisset, paucis horis Britanniam attigit, peditatu tantum stipatus; quod equites alio loco conscendere jussi tardaverant. Britanni quamquam, Cæsaris expeditione cognita; legatos in Galliam miserant, obsequium & obsides polliciti; tamen frequentes armati, ad prohibendum exscensu militem, opperiebantur. & loci situs ille erat, ut angusta

inter montes aditu tela utrinque adjici in egredientem possent. Igitur ad octo millia passuum inde litus planum apertumque petiit.

LVII. Eo quoque loco Britannorum equitatus & essedarii se opposuerunt. Essedariorum pugnandi ratio ferme similis fuit ei, quæ temporibus Heroicis apud poetas adscribitur. Cum esset diu certatum, Romanos, quamquam iniquitate loci & novo genere pugnae turbabantur, longæ naves, & emissa inde tormentis tela, victores effecerunt. Britanni, magis terrore, quam damno compulsi, quod equitatu destitutus Cæsar, insequi fugientes nequiverat, legatos miserunt. Cum his & Comius Atrebas venit, quem a Cæsare præmissum, ut Britannos ad amicitiam populi Romani cohortaretur, & ab se comprehensum, post infelix prælium liberaverant.

LVIII. Cæsar leni oratione castigatis, *quod pacem ultro petitam bello non necessario mutavissent*, obsides imperavit. hisque adductis, in faciem amicitiae quietæ res esse cœperunt, haudquaquam solida aut diuturna fide. Nam ubi tempestate disjectæ naves, quibus equites erant impositi, Britanniam tenere nequiverunt; navesque Cæsaris, ignotis locis ad ancoras stantes, eadem tempestas confregit, aut ad navigandum reddidit inutiles; coire Britannis, miscere consilia, postremo resumere arma placuit, quod exercitum sine commeatu, sine navibus in hostili solo iniquo anni tempore deprehensum, facile superaturos se putabant: victoriaque præmium non intra præsentia tantum commoda staturum rebantur, sed, his deletis copiis, nemini postea veniendi ad Britannos audaciam fore.

LIX. Igitur legionem septimam, quæ missa frumentatum fuerat, subito maximus numerus aggressi totam concidissent, nisi pulvis, solito major ex iis locis conspectus, Cæsarem advertisset. Hoc celeriter subveniente, servata legio est. hostes, alio deinde prælio victi, cum iterum mississent legatos; Cæsar, infirmis navibus non esse diutius

§ LVI. Strab. l. 4. Diodor. Plut. § LVII. Cæs. Cic. de prov. cons. c. 9. § LVIII. Cic. de harusp. resp. c. 9. Diodor.



differendam navigationem putans, (nam dies æquinoctii suberat) promte veniam præteritorum dedit. Obsidum tantummodo numerum duplicavit, præcepto, *ut in continentes sibi mitterentur*. Ita cum discedere Cæsar, Britanni dimittere advenas cuperent, illi multum imperare, horum in potestate relinqui, quatenus obedirent, videretur; haud operosum componendæ pacis negotium fuit.

LX. Cæsar, in Galliam regressus, cum obiter Morinos, a quibus trecenti milites, qui in eo litore expositi castra sua repetebant, oppugnati fuerant, per T. Labienum domuisset, per Q. Titurium, L. Cottam legatos Menapiorum vastasset culta, in Belgis hiberna legionum constituit. Eodæ omnino Britannorum civitates miserunt obsides; reliquæ id facere neglexerunt. Cæsar, his gestis, quamquam operæ pretium aliud factum non erat, quam quod ad ignotas prius regiones, ipsisque domitoribus orbis, ut ferebantur, Herculi Bacchoque, & ceteris heroibus intactas, arma Romana pervaserant; de rebus suis magnifice, verbis extollens, ad senatum scripsit.

LXI. Cum adversæ, ut ante retulimus, sententiæ aliquot fuissent; studiis & adulatione plurium, supplicatio dierum viginti a senatu decreta est. Dum hæc a Cæsare geruntur, Q. Metellus Nepos in Hispania populos aliquot fudit, qui, Vaccæis ducibus, rebellionem cœptaverant: necdum erant satis ad bellum parati. Ea res Nepoti patefecit viam, ut multas obeundo nationes, aliquem numerum ignobilium oppidorum in deditionem acciperet. Sed ubi Cluniam obsidere aggressus est, validam urbem, Hispanis, cum maximo exercitu supervenientibus, prælio impar cessit. Et quamquam meliore denuo fortuna depugnasset; ob nimiam multitudinem hostium (quod iis temporibus Hispania gentium omnium longe populosissima erat) satis deinceps habuit, si se & exercitum præstare salvum posset.

LXII. Hæc in urbe audita fuerant, cum nondum ornate provinciæ essent; moveruntque senatum, ut Hispanias

alteri consulum provinciam lubentius decerneret, Pompejoque sortem illam obvenisse lætaretur. His ferme rebus domi forisque circumactus annus est, quo Cn. Pompejus, M. Crassus consules iterum fuerunt. Sequens deinde L. Domitio Cn. F. Ahenobarbo, Ap. Claudio Ap. F. Pulchro consulibus, magnas dissensiones in republica, magnas exercituum strages in provinciis tulit. In urbe propter Gabinium, a quo contra religiones reductus in regnum Ptolemæus fuerat, acerbis animis inter principes certabatur.

LXIII. Et Gabinii causam Cn. Magnus hætenus utcumque sustinuerat: tum autem, duorum consulum inimicis accedente auctoritate, cœpit labascere. Domitius semper adversus Pompejanæ factioni fuerat: Appium, antea non alienum, studia plebis mutabant, & spes lucri, accumulaturum mercedem patrocinii Gabinio, si prius in magnam adductus trepidationem fuisset. At Cæsar, *obsides a Britannis missos non esse* causatus, ceterum insulæ, si posset, domandæ cupidus, & quolibet prætextu morem gesturus cupiditati, per hiemem magnam navium multitudinem opera legatorum, quos hibernis præposuerat, effici jussit, forma præscripta, quam judicabat esse ad illius maris naturam consueta commodiorem.

LXIV. Ipse, Pirustarum compressa natione, Illyricum incurfantium, & deinde in Galliis concitore Trevirorum Indutiomaro, cum legionibus ad portum Itium pervenit; inde, simul patiens navium Oceanus foret, iterum in Britanniam trajecturus. Itium plerique fuisse putant, ubi nunc Caletum est maritimum oppidum: sed hæc auctoritate Ptolemæi refellitur opinio. propius fidem est, juxta Bononiam quærendum huic nomini locum esse. Dum ibi ventum exspectat Cæsar, Dumnorix Æduorum princeps, qui cum equitibus suis ad Cæsarem venerat, cum impetrare nequivisset, ut in Gallia relinqueretur, invito Cæsare domum cœpit discedere.

LXV. Cæsar, motum Galliarum veritus, postpositis re-

bus omnibus, mittit, qui Dumnorigem retrahant. ab his repugnans interficitur: Ædui equites ad Cæsarem omnes revertuntur. ceteris hoc ad parendi necessitatem exemplum est. Igitur legionibus quinque, duobus equitum Gallorum millibus assumtis, eodem loco, ubi nuper appulerat, per summum otium exponit suos; quod multitudine navium Britanni perterriti, (nam ad mille navigia habebat) prohibere exscensionem non audebant. Cæsar, cognito per captivos, quo se recepisset hostis, quamquam munitis locis se tenentem, profigavit; fugientem propter locorum ignorantiam insequi superfedit.

LXVI. Postridie tripartito agmine profectus in expeditionem, naves suas ea nocte tempestatibus vehementer afflictas esse cognoscit. Hoc nuntio revocatus ad classē, in reficiendis subducendisque navibus, castrisque sic communiendis, ut eadem munitione naves quoque defenderentur, decem ferme dies consumsit. Interea temporis Britanni, sociis passim evocatis, majores contraxerunt copias, summæque rerum Cassivellaunum præfecerunt; cujus inter regulos præcipua virtus ac potentia erat. Cum his crebra proelia facta, nullo ad summam belli profectu: Britannorum tamen exercitus, revocantibus auxilia sua civitatibus, disparuit; quærendumque Cæsari bellum fuit.

LXVII. Idcirco ad flumen Tamesin, ubi Cassivellauni fines erant, exercitus ductus est. Trans amnem hostium magnæ copię confederant, munita præacutis sudibus ripa, & aliis in ipso alveo ita defixis, ut aqua tegerentur. Sed, perruptis obstantibus omnibus, virtus Romana patefecit viam: tanto ardore militum, ut licet solis capitibus extarent, tamen nec flumine, nec sudibus, nec telis hostium terreri aut retardari possent. Fertur & alia, nec absurda fabula, percussos aspectu elephantis Britannos equosque eorum fugisse; quod belluam unam secum transportaverit Cæsar, eamque in flumine constituerit, armatis

et turri, quam dorso elephāntus portabat, tela spargentibus:

LXVIII. Cassivellaunus adverso prælio, deinde Trinobantium defectione territus, quos statim Cenimagni, Segontiaci, aliæque nonnullæ nationes imitati sunt, copia pugnandi minime facta, in oppida sua se recepit. Oppida Britanni tum vocabant, cum silvas impeditas vallo atque fossa munivissent. Ibi, dejectis arboribus, tuguria sibi, & pecori stabula ponebant ad usum exigui temporis. Interea quatuor ex Cantio reguli, Cassivellauni nuntiis excitati, castra Cæsaris navalia de improvviso adoriuntur. His strenue occursum a Romanis, qui ibi præerant; subitaque eruptione magna cum clade rejectus hostis: dux quoque nobilis Lugotorix captus est. Hæc tot adversa (nam & munitissimum interea oppidum amiserat) perpulerunt Cassivellaunum, ut per Comium Atrebatem legatos ad Cæsarem de pace mitteret. Cæsar, qui propter repentinos Galliæ motus in continenti hiemare constituerat, magna hostium multitudine interfecta, parte aliqua insulæ, qua litus attingit, accepta in deditionem, satis pensatum expeditionis laborem ratus, haud gravatim pacem dedit; obsidibus imperatis, adjectoque, *ne quid Cassivellaunus Trinobantibus noceret*. Præsidium imponi feris gentibus, & Oceano divulsis, metus amittendorum militum prohibuit: tributa, si non essent, per quos exigerentur, jubere vanum erat: igitur his abstinere Cæsar maluit, modico vectigali contentus, cum & merces minime pretiosæ essent, quæ inter Gallos & Britannos permutabantur.

§ LXVII. Diodor. Polyæn. Strat. l. 8. § LXVIII. Diodor. Cæs. Strab. l. 4, & ibi Casaub. Flor. 3, 10. Tacit. Agric. c. 13.

# JOANNIS FREINSHEMII SUPPLEMENTORUM LIVIANORUM

LIBER LXXI.

IN LOCUM LIB. CVI LIVIANI.

---

## E P I T O M E

LIBRI CENTESIMI SEXTI.

*Julia, Cæsaris filia, Pompeji uxor, decessit: honosque ei a populo habitus est, ut in campo Martio sepeliretur. Gallorum aliquot populi, Ambiorige duce Eburonum, defecerunt: a quibus Cotta & Titurius, legati Cæsaris, circumventi insidiis, cum exercitu, cui præerant, cæsi sunt. & cum aliarum quoque legionum castra oppugnata magno labore defensa essent, interque eos, qui in Nervii præerat, Q. Cicero; ab ipso Cæsare hostes prælio fusi sunt. M. Crassus, bellum Parthis illaturus, Euphratem fluvium transiit, victusque prælio, in quo & filius ejus cecidit, cum reliquias exercitus in collem recepisset, evocatus in colloquium ab hostibus, velut de pace acturis, quorum dux erat Surenas, comprehensus, & ne quid vivus pateretur, repugnans interfectus est.*

I. **R**ERUM ita gestarum gloria, & perpetua indulgentia fortunæ (namque tot navigationibus, nullam omnino

navem, quæ milites portaret, amiserat) exultantem Cæsaris animum luctu repleverunt urbanæ literæ, nuntiato Juliæ obitu, quam Pompejo Magno collocaverat. Obierat ex partu. moxque duplicatus est dolor, decedente puella, quam enisa fuerat. Corpus matronæ cum in foro propositum esset, post funebrem laudationem rapuit populus, & in campo Martio sepelivit, tribunis incitantibus, qui ad hoc ab amicis Cæsaris atque Pompeji conducti fuerant, aut sponte captabant hac adulatione præpotentium virorum gratiam.

II. L. Domitius reclamabat, *in locum sacrum inferri mortuum, nefas esse* diclitans: neque tamen ratio valuit apud occupatos affectibus; & consulis auctoritatem pro nihilo haberi translaticium erat. Sed prudentiores, & quibus aliqua publicæ, aut etiam suæ rei cura erat, gravis incessit metus, fore, ut, hoc inter duos sublato concordia pignore, ambitio æmulorum civilibus armis collidatur. Nec fraudandus virtutis & gravitatis suæ laude Cæsar, qui intra tertium diem, quam hæc nuntiata erant, ad imperatoria munia rediit.

III. Inter hæc A. Gabinii causa, vario & pudendo judiciorum eventu agitabatur. Ille periculi sui non ignarus, cum magnam vim auri ad conciliandos sibi homines præmisset, exeunte Septembri noctu introivit in urbem; paucosque post dies a C. Memmio tribuno plebis ad populum acriter est accusatus. Cum damnaretur reus, Siseenna, Gabinii filius, ad pedes Memmii procubuit, pro patre deprecabundus. Eum Memmius truci vultu averfatus, aliquamdiu humi jacere sivit. Hæc species, & quod excussus e manu adolescentis annulus visebatur, ita mutavit animos, ut, approbantibus cunctis, a tribuno plebis Lælio Gabinius dimitteretur. Postea quoque tanta in iudicibus rogandis contentio Cn. Pompeji fuit, Cæsaris eam amicis enise opitulantibus, ut a L. Lentulo, flaminis filio,

§ I. Cæf. Plut. Cic. ad Q. fratr. § II. Liv. Epit. Appian. civil. l. 2. Vellej. 2, 47.

apud C. Alrium prætorem majestatis postulatus Gabinus, summo dedecore judicium absolveretur.

IV. Permolesce rem eam populus tulit, adeo pridem concitatus, ut parum abfuerit, quin ipso in judicio discerperet reum, & inter diribendas tabellas judicibus ipsis mortem minaretur. Igitur frustra obnitente Pompejo, Sibyllinæ carmen denuo invulgari pervicerunt: & sub idem tempus fortuita res, sed velut ex compacto in illum temporum articulum veniens, tam valide commovit homines, ut, licet nulla statuta in libris pœna fuerat, atrocissimo supplicio Gabinus voluntate singulorum & senatus destinaretur. Forte sub eisdem dies Romæ, & maxime Appia ad Martis, mira proluvies, exundante Tiberi fluvio, & usque ad piscinam publicam magna vis aquæ fuit: oppletisque partibus inferioribus omnibus, ne editiora quidem intentata fluctibus manserunt.

V. Magna ædificiorum strages secuta, quæ lateritia cuni essent, vi aquarum solvebantur: ingens jumentorum numerus, homines quoque multi, suffocati aquis, aut oppressi ruina, perierunt. Hæc omnia infensi ad iram Deorum referebant, spretas religiones vindicantium. Igitur ad M. Catonis tribunal, qui de repetundis judicabat, adduxerunt reum, minus jam timentem, quia maximam adversariorum tempestatem incolumis pertulerat. Sed a judicibus, qui & populum timebant, & a reo acceperant nihil, condemnatus, solum vertit. Erant enim tanta ejus tamque manifesta crimina, populique indignationem ita vehementem commoverant, ut nullis præfidiis, cum habere videretur longe firmissima, servari posset.

VI. Pompejus, qui rei frumentariæ causa in Italia erat, cum ad primum judicium Gabinii occurrere studuisset, sub eisdem dies, quibus repetundarum postulatus fuerat, ad urbem venit: nihilque ad summam diligentiam fecit reliquum, quo nocentem eriperet. Ideoque & Cicero-

§ III. Diodor. l. 39. Val. Max. 4, 6. § IV. Senec. consol. ad Marc. Val. Max. 6, 1. § V. Cic. ad Q. frat. 3, 3 & 4. Diodor.

nem, non sine probro utriusque, permovit, ut in quem priore judicio testimonium acriter dixerat, eum nunc defenderet. ipse, quia proconsulare imperium habenti urbem ingredi non licebat, evocato populo verba pro Gabinio accurate fecit, Cæsaris etiam recitatis epistolis, quibus salutem Gabinii enise commendaverat.

VII. Eodem ferme tempore pro M. Scauro feliciter inter alios patronos Cicero dixit. Postulatus & iste repetundarum fuerat ex Sardinia, C. Triario C. F. accusante. Causa hominis tam erat perditæ, ut accusator diceret, *lege sibi centum atque viginti hominibus denuntiare testimonium licere. se vero non recusare, quo minus absolvatur reus, si totidem nominasset, quibus in provincia nihil abstulisset.* Tam bonæ conditione cum reus uti non posset, tamen propter favorem splendidæ ædilitatis, & patris Scauri memoriam, frequentibus suffragiis est absolutus. Hæc judicia, cum calido adhuc anni tempore agerentur, M. Cato sine calceis & tunica exercuit, campestri sub toga prætexta cinctus.

VIII. Id alii tanquam fordium & indignum maiestate jus dicentis accusabant: aliis repetitum ex vetustate exemplum placebat, quod eodem habitu in Capitolio & rostris antiquorum statuæ viscebantur. Sed Cato, talibus & reprehensionibus & laudibus superior, tantum de republica dies noctesque cogitabat. Ambitus, & nundinationes magistratuum ad extremum impudentiæ processerant, cum, positus in medio mensis, palam largitiones fierent, & a mercenaria plebecula honores emerentur. Igitur, auctore Catone, senatusconsultum factum, *ut designati magistratus, quibus accusator nullus esset, ultro se offerrent juratis iudicibus. rationemque adepti honoris redderent.*

IX. Magnus inde timor candidatorum, dolor incredibilis forensis turbæ: quæ, vitiis reipublicæ pasci solita, si res ad bonos mores redisset, sibi jejunium indici cerne-

§ VI. Cic. ad Q. frat. 3, 7. Diodor. § VII. Pedian. in Scaur. Diodor. Marcellin. Cic. ad Attic. 4, 16. § VIII. Plut. in Cat. c. 63. Val. Max. 3, 6.



bat. Idcirco postridie prodeuntem ad tribunal Catonem promiscua multitudo conviciis, mox etiam lapidibus, appetivit, ut diffugientibus, qui eum deducebant, vehementer contusus atque jactatus vix in rostra penetraret. Inde conversus ad turbam, constantia vultus illico seditionem clamoremque compressit: mox apta temporis oratione sic disseruit de præsentibus, ut tumultus omnis semel conquiesceret. Legi tamen, cum a consulibus ex senatusconsulto ferretur, ne ipsis quidem nolentibus, intercessum est.

X. Nec ideo minus tribunitii candidati, depositis apud M. Catonem quingenis festeriis, compromiserunt *petere magistratum legitime: qui contra fecisset, arbitrato Catonis condemnaretur, depositamque pecuniam perderet*. Unum ex eo numero cum Cato damnasset, competitoribusque pecuniam jussisset solvere, illi judicio Catonis contenti, pecuniam damnato remiserunt. Ea res ut illustrem Catoni gloriam, ita acerbissimam invidiam attulit, quod unus plus omnibus & legibus & judiciis valuisse videretur. Exclamassetum Ciceronem ferunt, *o te felicem, M. Porci, a quo rem improbam petere nemo aude!*

XI. Ceterum Cato adversus tantam vim perditorum hominum plerumque frustra luctabatur, multique ejus conatus in irritum cadebant: quemadmodum & in C. Pontinio, quem, *se vivo, triumphaturum* Cato negaverat. Nam ille supra triennium, post devictos Allobrogas, ad urbem hærebat triumphum postulans: donec Ser. Sulpicius Galba prætor, qui legatus in Gallia Pontinio fuerat, de imperio ejus ad populum sub ipsam auroram tulit, cum ante horam primam agi cum populo solet. Igitur Cato & P. Servilius prætores, cum tribuno plebis Q. Mucio Scævola, prohibere triumphum conabantur, quem ante diem III Non. Novembr. erat ducturus. fuitque non levis ea die contentio, ut etiam ad cædes perveniretur.

XII. Sed plerosque prætorum atque tribunorum secum

§ IX. Cic. ad Attic. 4, 14, & ad Q. fratr. 2, 14. § X. Plut. in Cat. Cic. ad Attic. 4, 15. § XI. Cic. ad Q. fratr. 2, 14. Plut.

Pontinius habebat, & consulem Appium : a quo insigniter adjutus, nequidquam tumultuantibus adversariis, urbem triumphans iniit. Majores in eadem Gallia res iisdem temporibus C. Cæsar gerebat, Eburonum rebellione excitus, qui, nuntiis Indutiomari Treviri impellentibus, duce Ambiorige L. Aurunculejum Cottam, Q. Titurium Sabînum legatos Cæsaris cum cohortibus occiderunt. Id infortunium culpa atque temeritate Q. Titurii accidit : quo impellente, castra feliciter defensa reliquerunt milites, ad proxima suorum hiberna transituri.

XIII. Nam fraudulentò hostis consilio crediderunt, *amicum se ferentis, neque sponte ad oppugnanda castra profectum, sed quia Gallorum omnium ea esset conspiratio, cui ipse non posset resistere.* inveniebatque fidem ex eo, quod contempta & ignobilis Eburonum civitas, nihil per se attentatura videbatur, nisi plurium & opulentiorum fiducia armaretur. Ambiorix, hac victoria multoque auro ex direptione castrorum potitus, statim cum equitatu in Atuaticos, deinde in Nervios pervenit, ubi legionis unius hiberna erant. Ad hæc expugnanda omnes hi populi, aliis quoque vicinis adjectis, magna cum multitudine armatorum accesserunt.

XIV. Hibernis Q. Cicero præerat, neque dum auditò Titurii casu, vacuus curis. Itaque milites nonnulli, quod lignationis munitionisque causa in silvas dimiserat, subito hostium adventu sunt excepti. Hinc castrorum per complures dies continuata oppugnatio; sed summa virtute Ciceronis & militum hostes repulsi: donec Verticonis Nervii fideli opera (nam is servo suo magnis præmiis persuaserat, ut literas perferret) Cæsar, præsentibus rebus cognititis, succurrere periclitantibus potuit. Is igitur solita celeritate cum legionibus duabus, quia Labienum Treviri, cum omnibus copiis ad ejus hiberna profecti, retinebant, in Nervios contendit, adventumque suum Ciceroni Græca epistola, ne intercepta intelligeretur ab hostibus, nuntiat. eam

Gallus quidam eques, per popularium castra sine suspitione transgressus, alligatam tragulæ intra vallum misit.

XV. Galli, Cæsaris adventu per exploratores cognito, relicta obsidione, cum omnibus copiis, hominum millibus ferme sexaginta, obviam procedunt. Romanus viribus impar, consilio potior, ut hostem in contentum sui adduceret, castra per se propter paucitatem armatorum exigua, etiam de industria contrahit. Ea simulatio timoris decepit Gallos, ut tanquam ad facilem prædam, in locum iniquum succederent castra oppugnaturi; mox, erumpente portis omnibus Romano exercitu, tanquam subito casu attoniti, majore consternatione percellerentur, quam paulo ante fiducia exultaverant. Magnus primo impetu interfectus est numerus; ceteri, armis abjectis, fugerunt.

XVI. Victoriæ rumor, incredibili celeritate perlatus in Rhemos, Indutiomarum, qui postero die castra Labieni oppugnare constituerat, ita perterrefecit, ut eadem nocte profugeret. At longe diversa in simili proposito fortuna M. Crasso fuit. Is quoque Cæsaris æmulatione, magni ducis nomen potentiamque bellis ferendis aucupari certus, postquam pacatam Syriam videt, arma Parthis, licet neque causa esset belli, neque senatus auctor exstitisset, inferre cœpit. Sed neque alia ei suppetebant ad Cæsarianæ indolis modum, & homo major annis sexaginta, nihil satis ad tanta negotia vegetum, præter cupiditatem, afferebat: idque nuper ducenti per Gallogræciam urbane exprobratum a rege Dejotaro fuerat.

XVII. Hunc Crassus, exacta jam ætate, condentem oppidum cum offendisset, *duodecima*, inquit, *hora ædificas, Dejotare*. Tum ille, *ne tu quidem, imperator, satis matutinus surrexisti in Parthos*. Sed ille sitiens auri, quo Parthos abundare intelligebat, & novum regem, nec sine turbis in solum Arsacidarum enisum, superatu facilem figurans, ponte junxit Euphraten, transgressusque læta belli initia

§ XIV. Cic. ad Q. frat. & familiar. 3, 10. Diodor. § XV. Cæs. de B. G. 5, 26. § XVI. Liv. Epit. Oros. 6, 10. Plut. in Cæs. c. 15.

T. Livii Vol. X,

P

habuit, quia Parthi adversus improvissam irruptionem parum providerant. Occurrit tamen ad Ichnas (id castello nomen est) cum paucis equitibus unus ex purpuratis Silaces; victusque prorsus contendit ad regem, praesentia nuntiaturus.

XVIII. Interim Crassus impune diripiebat Mesopotamiam, civitatesque & castella in deditionem accipiebat, lubenter deficientibus Græcis, quorum ibi frequentes colonias magnus Alexander, & postea successores ejus constituerant. Illi, Parthorum imperium gravati, quorum dominos fuisse majores suos audierant, auspicia Romanorum, apud quos in pretio Græcos esse norant, haud gravatim sequebantur. Zenodotium tamen, cujus tyrannus erat Apollonius (Osrhoenæ ea civitas fuit; Osrhoena porro praefectura Mesopotamiæ) cum accivisset praesidium Romanorum, centum milites occidit, & ob eam noxam direptum est; oppidani sub hasta venditi: Crassus imperator appellatus. Is ob res tam exiguas cupide acceptus honor, valde existimationem ejus imminuit, quasi desperatione majorum ex levium gestorum successu summos adipisci honores properaret.

XIX. Nec enim quidquam præterea cruentum aut hostile tota ea expeditio habuit, sponte ad eum deficientibus multis. Neque dubitabatur, quin magnum operæ pretium fecisset, si eodem impetu inter terrorem barbarorum ad Babylonem & Seleuciam, urbes nunquam diuturna fide pacatas Parthis, signa Romana promovisset. Sed ille, contentus sponte oblatis, ne illa quidem tueri, pro magnitudine periculi, curæ habuit. Septem millibus peditum, equitibus mille per praesidia distributis, recessit in Syriam, spatiumque dedit hosti comparandi sese, & recuperandi amissa.

XX. Ne armis quidem parandis aut exercendo milite consumsit hibernorum tempus; sed pecuniæ cogendæ intentus, imperabat auxilia, quæ mox pretio remitteret;

§ XVII. Flor. 3, 10. Plut. Caf. Diodor. § XVIII. Diodor. Caf. Plut. § XIX. Front. Strat. 3, 17. Oros.

civitatumque reditus, & donaria templorum computabat. Hierosolymis etiam auream trabem ex templo fustulit, Eleazaro dante, ne quid præterea de sacro thesauro tolleretur. At Crasso potior pecunia fide jurisque jurandi religione fuit. Igitur & duo millia talentorum, quæ Pompejus reliquerat, & quidquid præterea auri inventum in fano est, detraxit. In cava Syria urbs fuit multis nominibus, nam & Bambycen & Edessam appellant; & ab Syris Magog, a Græcis propter celebritatem delubri Hierapolis vocabatur. Deam Syriam ibi colebant prodigiosa forma. superne mulier, inferiore parte corporis in piscem definebat. *Derceto* aut *Atergatis* vocabatur.

XXI. *Semiramidis matrem fuisse* quidam fabulantur. Græci *Venerem eo nomine*, aut *Junonem*, pars *Naturam coli* putabant. In antiquissimis Hebræorum libris *Dagon* est, piscem significante vocabulo. In hujus æde Crasso factum omen ferunt appropinquantis interitus. Erat cum eo Publius filius, qui nuper a Cæsare lectos equites mille adduxerat, donis militaribus propter virtutem ab eo multis honoratus. Cum exirent fano, primum ad fores impegit adolescens, mox pater super corpus jacentis provolutus est. Nec omen tantum mortis ea ædes Crasso, sed etiam causam dedisse videtur: quod hac maxime injuria credibile est commotum Edessæ principem Abgarum, exitiali Romanis legionibus proditione, consilia cum Parthis sociasse.

XXII. Idem annus crebras illustrium virorum accusationes habuit, & præter memoratos antea, M. Coelius apud Cn. Domitium, C. Messius apud P. Servilium prætores, itemque Drusus & Vatinius a Cicerone defensi sunt. Præterea C. Cato, Sex. Sufenas, qui in tribunatu, sublati comitiis, magnas turbas dederat, a. d. Non. Quinctiles, favore triumvirorum absoluti sunt. L. Procilium, qui patrem familias domi suæ occiderat, cum multi absolverent, paucis suffragiis major pars judicum condemnavit. Sed hic

§ XX. Plut. in Crass. c. 31. § XXI. Diodor. Plut. Appian. Oros. 6, 13.

ludus & jocus erat præ judiciis, quæ ad summum impudentiæ provectus ambitus pepererat. Candidati consulatus quatuor fuerunt: totidem ambitus sunt postulati.

XXIII. C. Memmius Cn. Domitium, C. Memmium Q. Curtius reos fecerant, a Q. Pompejo M. Messalla, a C. Triario vetere inimico M. Scaurus accusabantur. Consules quoque flagrabant invidia, quod turpissimam cum Memmio ac Domitio pactiōnem fecerant, *ut ambo sesteria quadringena consulibus darent, si essent ipsi consules facti*. Dederant operam consules, ut quam primum comitia haberi senatus decerneret. Sed comitiorum singuli dies quotidianis obnuntiationibus tollebantur. Sub finem hujus anni. cum peregrinas religiones invalescere senatus comperisset, *uti sana Serapidis Isidisque a privatis in urbe facta diruerentur*, decrevit.

XXIV. Inter hæc exacto consulum magistratu, neque designatis dum aliis, res ad interregnum rediit. Sex & triginta interreges fuerunt, continuatis ad septenum usque mensem interregnis. Per tantum igitur spatium neque consules Romæ, neque prætores ulli fuerunt. Auspiciorum enim & ostentorum intervenerant moræ: bubones lupique in urbe visi, canum ululatus flebiles auditi erant; simulacrum Martis sudaverat; fulmen tota urbe pervagatum signa Deorum tetigerat, homines permultos exanimarat. Sed hæc quidem portenta, quibus aut terris, aut hominibus minarentur, ambiguum multiplex terror faciebat.

XXV. Nam & in urbe turbatum erat, & Gallia rebellabat, & cum Parthis, ignorante populo Romano, bellum exstiterat: sed quæ objecta Crasso Euphratem transeunti mox memorabimus, ipsi exercituique haud dubium interitum portenderunt. Hæc ergo cum impedimenta comitiis objicerentur, longe majus atque difficilius tribunorum plebis contumacia afferebat. Illi enim præcipue tur-

§ XXII. Joseph. antiq. 14, 12. Plin. 5, 23. Hegefipp. Strab. 1. 15. § XXIII. Diodor. Plut. Appian. § XXIV. Cic. ad Q. frat. 2, 11, & ad Attic. 4, 15. Idem familiar. 1, 9.

bis his delectabantur, per quas multis se rebus, ad suum officium non pertinentibus, ingerebant, cum alii magistratus nulli essent; adeo ut ludos quoque facerent prætorum loco, quorum comitia, priusquam consules essent creati, haberi non poterant.

XXVI. Sed offensus hac audacia senatus Q. Pompejum Rufum, tribunum plebis, quamquam dictatoris Sullæ nepotem, in carcerem duci iussit; eadem pœna & aliis turbatoribus præstituta, Pompejoque Magno tradita ejus rei potestate. Sed Rufus, uti socium ejus ignominia haberet, paulo post M. Favonium ædilem plebis in carcerem conjecit, M. Catonis unicum admiratorem & ejus contentissimo studio ædilitatem adeptum. Inter hæc moventem ex hibernis Crassum legati regis Orodis adierant, cum his mandatis: *siquidem jussu senatus populique Romani arma intulisset, nullum finem bello, nisi internecione partis alterutrius, fore: sin vero privato consilio Crassus ea fecisset, misereri senectutis ejus magnum regem, & percussorum cum Sulla, Lucullo, Pompejoque fœderum memorem, milites Romanos, qui potius in captivitate sint apud Mesopotamiam, quam in præsidio, remisurum.*

XXVII. Crassus ad hæc Seleucia se responsurum esse, cum diceret, arridens Vagises, (is legatorum erat ætate maximus) volamque sinistrae manus percutiens dextra, *prius hic*, inquit, *pili nascentur, Crasse, quam tu Seleuciam videas.* Hæc ubi renunciata Partho sunt, Surenæ præfectum ad recipiendas Mesopotamiæ civitates misit; ipse in Armeniam signa illaturus, ne Tigranis filius Artabazes ad opem Romanis ferendam vacuus esset. Is enim ad Crassum cum sex equitum millibus venerat, *alia decem millia cataphractorum equitum, & triginta peditum millia, stipendiumque in has copias pollicitus.* Hæc res mirifice excitavit Crassum, sponte festinantem, & diversa suadentibus iniquum.

§ XXV. Cic. ad Q. frat. & ad Attic. § XXVI. Cic. ad Q. frat. 3, 3. Diodor. l. 40. § XXVII. Cic. familiar. 7, 11. Jul. Obsequ. c. 122.

XXVIII. Quod enim quidam ex Mesopotamia milites, per magna pericula reversi, vim Parthorum experti nuntiabant, *Cataphractorum omnia perrumpentem molem, levis equitatus inevitabilia tela, inopinatos superventus, & nocentiores prælio fugam, nulla humana ope sustineri*; quidam tribunorum præfectorumque, & cum his C. Cassius Longinus quæstor, is, qui paucos post annos, occiso Cæsare, magnam, sed antiquam famam nactus est, *de integro consultandum de præsentibus* censebant. Nam exercitum his sermonibus percelli animadverterant: & haruspices semper tristitia exta nuntiabant. Sed festinabat ad interitum Crassus; repudiatoque Artabazis consilio, qui per Armeniæ colles ducere jusserat, necessaria ex regno suo affatim præbiturus, in Mesopotamiam duxit.

XXIX. Ad Euphratem Zeugma est oppidum, ex eo appellatum, quod ibi bello Persico pontem magnus Alexander struxerat. nam quod alii de patre Libero narrant, fabulam puto. Ibi transducente exercitum Crasso, *aquilam, quæ prima sublata ab aquilifero erat, sponte fuisse conversam in contrariam, ac ferebatur, partem* ajunt: *aliam vix convelli potuisse, tanquam adnata terræ foret.* Aureum aquilæ simulacrum legionis Romanæ signum erat. id inter proficiscendum exiguo velut facello inclusum hastæ imponebatur in acutam cuspidem desinenti, ut in solum desigi posset. Talis tum mucro tam contumaciter hæsit humi, ut vix multorum simul nisu evelleretur.

XXX. Præterea signum militare, quod inscriptam puniceis literis exercitus imperatorisque notitiam habebat, signifero ereptum in Euphratem projecit ventus. Quo viso, Crassus cetera ejus magnitudinis, vela enim fere æquabant, præcidi jussit, ut minus obnoxia turbinibus essent. Proficiscentibus per pontem, crebra & atrocia fulgura, cum ingenti fragore cœli, inter densam nimborum caliginem in adversa militum ora micuerunt, ut inter se trudentes ruentesque vix in hostilem terram eniterentur. &



unus equorum imperatoris insigniter ornatus cum equisone gurgite haustus disparuit. locus, ubi castra metaturi erant, bis de cœlo tactus est.

XXXI. Et priusquam omnes transirent, pontis partem magnam repens procella perfregit. Nihil ceterorum tam terruit milites: reditum enim sibi apertissime præcisum interpretabantur. Igitur Crassus, ut consolaretur, trepidantes, advocata concione, *Desinite*, inquit, *turbari, milites. Nihil hic casus triste præfagit: nec enim hac, sed per Armeniam, juratus dico, reducere copias decreveram.* Cum sub hæc erecti paulisper animi essent, validius statim, quam unquam antea, perculsi sunt voce, quam adjecit imperator: *hac*, ait, *nostrum nemo revertetur.* Neque curavit Crassus, re animadvertsa, corrigere dictum, aut interpretatione lenire: unde nec cetera ejus verba pondus ullum habuerunt, cum elevaret barbarorum potentiam, præmiaque alia promitteret, alia repræsentaret.

XXXII. Tum quoque, ne quidquam occurreret terrore vacuum, qui exercitui cibaria dividebant, lentes & salerni prima præbuerunt; quæ feralia sunt apud Romanos, & vita functis apponuntur. Interea sacrificio apparato, cum exta porrigerentur, elapsa sunt imperatoris manibus: atque ille consternari cernens, qui aderant, *sunt hæc*, inquit, *senectutis incommoda: ceterum arma haud quaquam excident manibus.* Postquam ita superatus est Euphrates, proxima, qua iretur, deliberatio fuit. Cassio & prudentissimo cuique videbatur, *non esse, nisi explorato, proficiscendum; interim in aliqua urbium, quas præfidiis teneret, refici exercitum posse: aut certe juxta ripam Euphratis pergendum Seleuciam. A flumine & comneatuum copiam, & ne circumiri ab hostibus possent, munimentum tergo fore. Seleuciam ob Græcos incolas haud difficulter accessuram ad partes: inde penetrari ad Ctesiphontem (ea tum Parthorum regia erat) posse.*

XXXIII. Salutare consilium, cum imperatori non displi-

§ XXX. Plut. in Crass. c. 33. § XXXI. Flor. 3, 11. Oros. 6, 13. Diodor. § XXXII. Plut. Appian.

ceret, dolus ac perfidia Osrhoeni hominis irritum fecit. Sicut inter arma potentiorum, qui sunt intercepti, sollicitam semper vitam degunt, &, quo se continuis periculis evolvant, eundem perpetuo cursum consiliorum retinere non possunt, sed velut in maritima tempestate fluctibus ventisque obsequuntur: parvorum quorundam populorum principes, inter quos præcipui Abgarus Osrhoenus, & Alchaudonius Arabs, Pompejana expeditione in amicitiam recepti, digressis Romanis, ad Parthos redierant. Sed Arabis, quia professus hostem erat, levior injuria fuit.

XXXIV. Abgarus, amicitia simulata pestilentior, cum Parthis studeret, Crasso adduxit auxilia, & pecuniam, quo ille visco facillime capiebatur, liberaliter dedit. quibus rebus cum ita se insinuasset, ut consilia de summa rerum cum eo communicarentur; homo astutus, nec infacundus, *Miror, inquit, imperator, quod, hoc tam & numerofo & firmo exercitu instructus, apparere adhuc victoriam, quam rapere mavis. Hostes fugæ, quam prælio paratiores, nisi maturas, jam in Hyrcanos aut Scythas pretiosissima rerum suarum & corporum transfulerint, tibi solitudinem relicturi. Quod si cessando speciem timentis præbueris, resument animos; & mox cum tota mole virium rex aderit, qui nunc anxius metu, non quasi pares vobis Surenam & Sillacem objecit, sed ut ab inseguendo vos remorentur, donec ille res suas in tutiorem reposuerit statum.*

XXXV. Credidit homini Crassus, quod amicum & fidum putaret; confirmatusque est in errore, postquam longe lateque neminem hominem usquam, sed tantum equorum averfa vestigia apparere exploratores nuntiarunt: eaque res militi restituit animum, fidentioremq;, tanquam fugientibus Parthis, fecit. Primum iter, relicto amne, per campos virentes pergentibus, satis amœnum atque facile fuit: mox excepit arida & nuda planities; militenque, cum siti & arena luctantem, ipse quoque locorum aspectus horrore perfudit, cum in vasta solitudine, quam terminare

§ XXXIII. Appian. Plin. 34, 15. Diodor. Pausan. 1. 10. § XXXIV. Sæx. Ruf. c. 16. Plut. Appian. Val. Max. 4, 6.

visu nequibant, nihil terra gignentium, non herba, non stirps ulla virens, nusquam aut rivus aquæ, aut montis supercilium appareret.

- XXXVI. Id cum per se suspectum plerisque fieret, supervenerunt ab Armenio rege nuntii, excusante *non missa auxilia, quod in suum regnum Parthus Orodes irrupisset*. Suae debat autem, *ut ad se veniret Crassus, conjunctisque secum copiis propelleret hostem: aut si aliter videretur, saltem edicta seclaretur loca, neque in patentibus campis equitatu Parthico statarium militem exponeret*. Crassus ad hæc cum stomacho respondit, *in præsentia non vacare, ut cogitet de Armenia; postea tamen venturum, ut prodicionis ab Artabaze expetat pœnas*. Hæc tam sinistre cogitata consultaque moverunt iterum Cassio bilem. Sed quia libertate sua Crassum offenderat, ultra monere non ausus, Abgarum increpavit. *quis te, ait, pessime mortalium, malus ad nos perduxit genius, ut Crassium fascinares, ipsumque & exercitum perderes?*

- XXXVII. At ille, blande castigata juvenis vehementia, *durare paulisper jubebat, in salute communi mox agniturum innocentiam ejus, quem nunc tanti sceleris suspectum haberet*. Milites etiam, itineris molestia gravatos, sublevabat, simul quasi per jocum deridens, *tanquam homines assueti molli-bus Campaniæ diverforiis, easdem delicias in finibus Assyriorum Arabumque desiderarent*. Sed postquam ad exitium Crassus omnia mature sunt disposita, (nam Abgarus per speciem explorandi sæpe cum Surena congregiebatur) Crasso, *Parthos in propinquo esse cum modicis copiis, persuasit, seque ire, ut aliquid ipsis noxæ & perturbationis inferret*.

XXXVIII. *Eo die pullum paludamentum datum esse Crasso tradunt, cum album aut purpureum in prælium exeuntibus dari solet*. Sed id mutavit Crassus; irridensque eos, qui *signa convelli vix posse nuntiabant*, cum magna festinatione processit. Occurrerunt ibi pauci speculatores, *occisosque sodales suos, hostium immensam multitudinem adesse, retulerunt*.

§ XXXV. Diodor. Jul. Obseq. Flor. Plut. & XXXVI. Plut. Diodor. Appian. Flor. 3, 11. § XXXVII. Diodor. Plut. Appian.

Ibi Crassus instruxit aciem, primum ex Cassii consilio productis, ne circumvenirentur, ordinibus : deinde mutavit contraxitque in quadratum, duodenis ad unumquodque latus collocatis cohortibus. Legiones enim Romanas septem, neque pauciores sociorum cohortes habebat: equitum & levis armaturæ ad quaterna millia. quæ & ipsa distribuit, ut singulis cohortibus gravis armaturæ alam equitum adderet.

XXXIX. Cum, ita ordinata acie, Cassius alterum cornu, alterum P. Crassus imperatoris filius, imperator ipse medium agmen duceret; ad modicum flumen, Balisso nomen erat, perventum. Ibi raptim ex siti recreatus exercitus, festinante Crasso, in conspectum hostium magno gradu adductus est. Illi, maxima copiarum parte post primam aciem abscondita, (& erat locus inæqualis, tegendis infidiis arborum objectu aptus) neque numero formidabilem, neque specie magnum objecerunt : nam ex præcepto Surenæ rutilantia arma pellibus & tunicis obtexerant. Sed dissimulata primum, deinde subito ostensa, exercitus armorumque moles majorem ex improvviso terrorem iniecit Romanis.

XL. Jam primum horribili strepitu sunt exterriti. nec enim tubis aut cornibus pugnam accendunt Parthi, sed tympana simul multis locis pulsantes, velut ululatu belluarum & tonitru mixtum mugitum cient. dein rejectis integumentis, galeæ loricaque ex Margiano ferro fulserunt. ipsi etiam equi, ferreis æneisve squamis muniti, formidabilem obtulerunt speciem visentibus. Inter eos Surenas præceritate cultuque conspicuus exultabat, acer idem bellator, & propius Medicum luxum facatus comatusque. nam ceteri Parthi tum etiam Scythico more Germanoque, crinibus ad verticem reflexis, in altitudinem comabantur.

XLI. Parthi, primum ordines infestis contis perturbare nisi, postquam eorum viderunt firmitudinem, momento

§ XXXVIII. Plut. Appian. Sex. Ruf. c. 17. § XL. Plut. Appian.

dilapsi, priusquam Romani animadverterent, illorum aciem circumdederunt; emissamque a Crasso levem armaturam, grandine telorum obrutam, repulerunt ad suorum agmen: idque initium pavoris legionibus fuit, cum aculei sagittarum pari violentia per armatas corporum partes, ac per nudas, adacti cernerentur. At Parthi, diductis ordinibus, amplexi Romanam aciem, sagittas eminus mittebant in confertos atque ita densatos, ut vix ullum cadere sine noxa telum posset, etiamsi de industria aberrare voluissent. Affligebat Romanos anceps malum, quod & stantes impune vulnerabantur, & si qui procurrerent, neque attingere poterant velocissimum hostem, & a Parthis, inter fugiendum nihilominus tela spargentibus, ut mos erat genti, nihilo mitius petebantur.

XLII. Hunc tam gravem casum una hac spe solabantur, fore, ut exhaustis Parthorum pharetris, ea sagittarum tempestas cesset. at ubi multos illis camelos praesto esse telis onustos cognitum est, Crassus, majore metu perculsus, filio per nuntios mandat, *ut, priusquam circumiretur, manum conferere properet.* Adolescens, praeter equites mille, quos adduxerat e Gallia, trecentis aliis assumtis, cum octo cohortibus, & sagittariis quingentis, cum evectus esset; Parthi, sive quod in uliginosa loca inciderant, sive, ut alii prodiderunt, astu, ut quam longissime a suis abriperent Crassum, versis habenis abierunt. Nec caruit successu dolus. incitat equum adolescens, hostem fugere clamitans; sequuntur aequales Cenforinus senator ex disertis, & robore corporis animique praecellens Megabocchus. ne pedites quidem morantur, quin spe & gaudio victoriae cursum equitum prope adaequant.

XLIII. Sed postquam repente & qui fugerant substituerunt, & praeterea recentes accurrerunt alii, sperabat tamen pugnam Publius; ad manus venturum, ut contra parcos, hostem ratus. At Parthi, cataphractis in prima acie

§ XLI. Plut. Appian. Diodor. § XLII. Val. Max. 1, 16. Appian. Plut.

oppositis, cetero equitatu disperſo circumvecti, magnam vim pulveris de induſtria concitarunt, quo conſpectum & ſpiritum Romanis adimerent. Atque illi ferales inter umbras, & triſte ſilentium, (nam & vocem intercluſerat pulveris nubes) jaculis temere incidentibus figebantur. Miſerabili morte conſumtis plerisque, quia vellere hamata ſpicula conantes, per venas, per nervos penitus adaſta, ſua ipſi corpora fœde laniabant: ne ſuperſtites quidem ad pugnam erant apti; Publioque, ut impetum facerunt in cataphractos, hortante, manus ſcutis, pedes ſolo affixos oſtentabant.

XLIV. Igitur Publius cum equitibus curſu invecſus eſt, haudquaquam pari certamine, cum nuda corpora Gallorum, nam id roboris erat, firmiſſimis contis percuterentur; Parthos, crudo corio, aut ferrea lorica teſtos, breves & imbecilles lanceæ parum offenderent. Ergo Galli, abjectis lanceis, contos prehendebant manibus, & ad corpora hoſtium evadebant; correptosque deturbabant ex equis, armorum pondere ad reſurgendum inhabiles. Alii, relictis ſuis, hoſtium ſubibant equos, ventresque eorum fodiebant, ut rabie mortis correpti excuterent ſeſſores, ſuiſque & hoſtibus, ut quiſque occurrerat, promiſcue obtrititis commorerentur. Tandem ſiti atque æſtu, quod utrumque genti eſt infeſtiſſimum, coacti Galli, ad ſuos ſe pedites receperunt, in medium accepto Publio, qui fortiſſime dimicando graviter erat vulneratus.

XLV. Cum in collem quendam evaſiſſent, religatis in medio equis, clypeos oppoſuerunt barbarorum telis, auxilium ex loco habituros rati: quod contra fuit. nam in plano a prioribus ordinibus ſequentes utcunque teguntur: acclivis tumulus, quia poſteriores ſemper altiore veſtigio tolluntur, omnes ex æquo nudat. In ea neceſſitate Græci duo Carrhas incolentium adoleſcentem hortabantur, ut *cum ipſis ſe ſubduceret Ichnas, quod in propinquo Romana-*

§ XLIII. Appian. Plut. Diodor. § XLIV. Plut. Juſtin. 41, 2. Tacit. Germ.

*rum partium oppidum esset. At juvenis eos, qui propter ipsum huc malorum pervenissent, deserturum negans, dimisit comiter Græcos. ipse, quia manus trajecta officium negabat, armigero præbuit latus. Exemplum hoc Censorinus imitatus est: ceteri nobiles, quos inter & Megabocchus, sua sibi manu consciverunt necem. ceteros adorta Parthorum multitudo, confodit contis: neque amplius quingentis vivi capti sunt.*

XLVI. Filio imperatoris hunc ad modum pæne sub oculis patris interfecto, Parthi in ipsum signa converterunt, jam accepto nuntio periculi, ad opem filio ferendam profectum. Ubi in conspectum agmina venerunt, quidam Parthorum, hasta suffixum caput ostentantes, obequitabant Romanis, quæritabantque, *quibus natalibus iste juvenis ortus esset? non enim se credere, tantam indolem, ab ignavissimo hominum Crasso procreari potuisse.* Id spectaculum vehementissime permovit milites, non ut accenderentur in ultionem, sed ut plane torpore & desperatione demitterent animos. At Crassus, nunquam clarius ostensa animi magnitudine, *suum hunc dolorem, suam cladem esse vociferabatur; populo quidem Romano, salvis legionibus, nihil dum accidisse calamitosum, unius militis jactura.*

XLVII. *Resumerent modo pristinam alacritatem, &, quod sæpe duris temporibus copiæ Romanæ fecissent, dubitantem Fortunam ad suas partes virtute cogerent.* Sed jacebat omnis militum vigor, mœstique & taciti adstabant: mox edere clamorem jussi, tenuem & inæqualem sustulerunt, cum a Parthis ingens & animorum plenus redderetur. Nec alia fortuna pugnae utrique, quam animis præceperant, fuit. Romanos ambigua fors leti terrebat, quod servantibus ordines molesti arcus Parthorum erant; eruptionem tentantes contis fgebantur adeo validis, ut interdum duos simul viros idem impetus transverberaret. Laborantibus undique Romanis, novus repente hostis exortus, cum haud parum detrimenti daret, plus etiam doloris intulit.

§ XLV. Appian. Plut. Diodor. § XLVI. Appian. Plut. § XLVII. Appian. Plut.

XLVIII. Nam cum Ofrhoenis Abgarus, quem sibi amicū arbitrati fuerant, terga adversus Parthos pugnantium cædebat. Unde plena omnia consternationis & tumultus: & quia sæpe convertebantur ordines, ut aliqua ex parte clamor acciderat, multi se induebant in commilitonum gladios; præsertim, quia vi hostium, & vitandi sagittas studio, coacti in arctum erant. Sustinuerunt tamen ad noctem usque: qua appropinquante, Parthi cædendo fessi se receperunt, *id dare se Crasso tempus ad lugendam filii mortem*, dictitantes; *nisi postridie seque & exercitum in fidem Arfacis dederet*. Patrium id Parthis fuit, ut noctes procul ab hostibus agerent; quia neque castra munire consueverant, & inter tenebras equitum & sagittariorum nullus prope-modum usus est.

XLIX. Digressis Parthis, miserabilior apud Romanos, quam inter ipsam pugnam, luctus fuit, quod & acceptam calamitatem noscere vacabat, & imponentem desistere. Crassus, in tenebris abditus, vix a legatis tribunisque in principia adductus est. Neque dubitabatur, quin evadi Carrhas oporteret. Idcirco silentio eductus exercitus, quamquam sequebatur nemo, sæpius tamen acie facta constitit, quia faucii & ægri, cum se relinqui sentirent, mixto ejulatu ac clamore magnum tumultum excitaverant. Et quidam, ut poterant, suorum iter consequebantur: hisque vicissim aut sustollendis, aut deponendis, lente præcedebat agmen; nisi quod cum Egnatio equites trecenti, abrupti a ceteris, nocte concubia venerunt Carrhas. Coponius ibi præsidio Romano præerat: cui Egnatius nuntiari cum jussisset, *ingenti prælio cum Parthis pugnatum esse*, nihil ultra moratus, ad Zeugma cum suis pervenit incolumis.

L. Coponius nihil ex his, quæ allata erant, latè suspicatus, armat extemplo milites, & præmissis exploratoribus, cum venire Crassum audisset, occurrit ei, deducitque in urbem, nihil per tenebras moventibus Parthis, quamquam hostium fugam sensissent. At ubi diluxit, relictos in ca-



stris, haud pauciores millibus quatuor, quotquot sua manu non invenerant mortem, qui numerus amplius fuit, trucidarunt: palantes per campos exceperunt: quatuor cohortes cum legato Varguntejo in colle quodam conciderunt, præter milites viginti, quibus per medios hostes stricis gladiis ruentibus, admiratione virtutis dederunt viam, Carrhasque pervenire passi sunt.

LI. Interim Surenas, ut certior fieret, ubi Crassus atque Cassius essent, Carrhas mittit certos homines Osrhoenos, qui in castris Romanis utrumque sæpe viderant, una cum quodam Latinæ linguæ perito, qui *Surenas colloqui velle cum Crasso, fœderis ferendi causa*, diceret. Ita cognito, Carrhis eum esse, postero die admovit exercitum muris, *internecionem* denuntians *omnibus, nisi Crassum atque Cassium vivos tradidissent*. At illi videntes, se deceptos, nec in oppido tutos, & longe Armeniorum auxilia fore, decreverunt fugere. Id consilium, cum enuntiari Carrhenorum nemini oportuisset, pessimo omnium & perfidiosissimo Crassus exponit Andromacho, qui flagrantem imperatoris gratiam, non alia magis arte, quam fœdissima adulatione, meruerat.

LII. Neque is prode omnia Parthis differebat, tyrannidem patriæ pactus, quam & mox obtinuit; sed in pœnam, a civibus suis cum universa familia concrematus. Sed Crassus adeo confidebat homini, ut illo maxime duce itineris uteretur. Expectata nocte illuni, Crassus cum exercitu processit, & a proditore varie circumductus, postremo in loca paludosa, & fossis concisa detrusus, non multum confecit viæ. Cassius, animadverso dolo, repetiit Carrhas: monentibusque ducibus itineris *expectare, donec luna scorpionem transisset, plus se timere sagittarium* dicens, cum equitibus quingentis evasit in Syriam.

LIII. Legatus Octavius, vir fortis, fidos nactus duces, quinque circiter millia militum habens, montosis locis,

§ L. Val. Max. Plut. Diodor. l. 4. § LI. Appian. Diodor. § LII. Appian.

Sinnaca vocabant, in tutum se receperat; sed in subiecto colle Craffum urgeri ab hostibus videns, decurrit ad opem ferendam, paucis primo, deinde omnibus sequentibus. Disjectis horum impetu Parthis, in medium acceptus imperator est, non scuta magis, quam corpora sua strenue pro eo opponentibus cunctis. Igitur Surenas, ne, iterum producto ad noctem prælio, Romanis in montes deinde evadendi copia fieret, ad dolum se convertit, quem jam dudum struxerat, ut simulatione pacis deceptos circumveniret. Hunc in usum ex composito in Parthicis castris sermones iis locis, ubi excipi a captivis possent, feri jussit, *beneficio magis illigare Romanos, quam internecivo bello delere, constituisse regem.*

LIV. Id captivi, de industria negligentius asservati, descerebant ad suos. simul pugnam remittebant barbari, & cum nobilissimo quoque sensim ad collem advectus Surenas, nervo arcus remisso, *invito rege virtutem se Parthicam ostendisse Romanis*, agebat; *nunc illo volente daturum & humanitatis specimen, itioque fœdere salutem præstiturum abeuntibus.* Hæc non secus ab Romanis accipiebantur, quam si ab ipso rege dicerentur. Surenas enim non viri, sed dignitatis nomen, eoque inferioris etiam ævi Persis usurpatum, magistrum vexilli, sive militiæ, significante vocabulo, proximus auctoritate & potentia regi erat; & qui tum eo honoreungebatur, opibus & genere præcellebat.

LV. Gentilitia ei prærogativa erat, ut regi Parthorum diadema primus imponeret. Ad hæc uti statura & pulchritudine corporis, ita virtute & consilio, facile erat omnium princeps, licet tricesimum ætatis annum nondum implevillet. Ipsum, qui tum regnabat, Oroden, pulsum a Parthis reduxerat; & magnam Seleuciam redegerat in potestatem, primus omnium consensu muro, & repulsis detentoribus. Quoties iter faceret, mille cameli cum sarcinis, & rhedæ ducentæ pellicum sequebantur: equites cataphracti mille stipabant, leviter armatorum multo major numerus.

Clientium etiam & fervorum (nam & servos armabant Parthi) habebat haud intra decem millia.

LVI. Sed Crassus, toties deceptus, cunctabatur habere verbis Surenæ fidem: donec clamore & conviciis militum armis concrepantium omnium coactus, *Vos, inquit, Octavi, Petronique, & quotquot adestis legati tribunique Romani, testor, indigne & violenter me in ordinem cogi. Vos autem circumventum ab hostibus, non a civibus deditum, perisse, quocunque perveneritis, dicetis.* Pactus deinde cum Partho, uti certo loco, qui aequaliter ab utroque exercitu distaret, pari numero comitum congrederebantur, in planitiem descendit. Ibi Crasso, cum Romano more pedes processisset, Surenas equum adduci iussit, tanquam a rege muneri missum. stratoresque, signo dato, corripuerunt Crassum, imposueruntque: tum admovent equo virgas, ut in cursum concitarent.

LVII. At Octavius, viso, quid ageretur, manum injecit freno, alique mox Romani circumsteterunt. Hinc orto certamine, percussit equisonem Octavius, & vicissim a tergo percussus ab alio cecidit: tum accurrentibus ex composito barbaris, Romani, quibus tam celeriter succurri a suis, peditibus plerisque, non poterat, superati sunt. Crassus quoque, ne quid vivus pateretur, repugnans interfectus est; incertum, hostiline, an Romana manu. Tum vero Romanarum copiarum reliquæ partim de colle digressæ permiserunt se victori; partim noctu tentarunt fugam, sed evaserunt omnino pauci. Hæc est nobilis illa Romanorum in Mesopotamia clades, qua M. Crassus cum filio, clarissimo & præstantissimo juvene, pulcherrimisque legionibus interijt.

LVIII. Plurimi etiam senatores cum aliquot consularibus & prætoriis desiderati sunt. In universum cecidisse viginti millia, decem capta referuntur: quod de Romanis tantummodo copiis intelligendum arbitror, cum Appianus *de centum millibus hominum, non tota decem millia redisse in*

§ LV. Plut. Appian. § LVI. Appian. Plut. § LVII. Nic. Damascen. ap. Athen. l. 6. Appian. Plut.

*T. Liv. Vol. X.*

Q

*Syriam* narret; Florus, *sparsas in Armeniam, Ciliciam, Syriamque reliquias, vix nuntium cladis retulisse*. Magnum inter hos Lucanorum fuisse numerum annotatum est, propter prodigium, quod anno superiore in Lucanis *pluisse ferro* nuntiatum erat, & *cavenda superna vulnera*, haruspices responderant; quasi de Parthorum sagittis monuissent, quas illi solebant imbris instar spargere, non directis ictibus, sed in altum emissis, unde temere inciderunt subjectis hostium agminibus.

LIX. Cadaver imperatoris inter cetera corpora feris & alitibus relictum: caput cum dextera manu relatum ad regem, tum maxime epulas cum Artabaze Armenio celebrantem. Pacem enim interea pepigerant, Pacoro filio Parthi desponsa Artabazis sorore. Forte tum Jason tragœdiarum actor, Agaven recitans, corripuit Crassi caput, quasque carmina, quæ de Pentheo fecerat Euripides, recitavit. Post hoc deinde ludibrium, in rictum oris aurum liquefactum infuderunt Parthi, cum exprobratione avaritiæ, *ut jatiaret se tandem eo, quod infinitis modis sitisset*. Erat enim appetentissimus pecuniæ, quamquam tantas haberet opes, ut cum pro paupere miseraretur, *qui ex suis facultatibus exercitum alere non posset*. Hic fuit opum & potentiæ, tam laboriose & nequiter comparatæ, Crasso terminus: cujus etiam interitus, tanquam remoto, quem ambo respicerent, socios tyrannidis inter se commisit, ut & hos velox pœna comprehenderet, & tres terrarum partes, Crassus in Asia, Pompejus in Africa, Cæsar in Europa interfecti, pro imperio, quod contra fas partiti fuerant, cadaveribus, & vix sepulcris, obtinerent. Sed neque Parthis impunita perfidia & crudelitas fuit. Surenam paulo post invidia gloriæ ejus Orodes interemit: Orodes procedente tempore a Phraate filio est sublatus.

§ LVIII. Appian. Plut. § LIX. Marcellin. 24, 5. Plut. Appian. Justin. 41. 2. Diodor. Flor. 4, 2.

---

JOANNIS FREINSHEMII  
SUPPLEMENTORUM  
LIVIANORUM  
LIBER LXXII.

IN LOCUM LIB. CVII LIVIANI.

---

E P I T O M E

LIBRI CENTESIMI SEPTIMI.

*C. Cæsar, Treviris in Gallia victis, iterum in Germaniam transit: nulloque ibi hoste invento, reversus in Galliam, Eburones & alias civitates, quæ conspiraverant, vicit, & Ambiorigem in fuga persecutus est. P. Clodii, a T. Annio Milone, candidato consulatus, Appia via ad Bovillas occisi, corpus plebs in curia cremavit. Cum seditiones inter candidatos consulatus Hypsæum, Scipionem, & Milonem essent, qui armis ac vi contendebant; ad comprimendas eas Cn. Pompejus legatus a senatu consul tertium factus est, absens & solus, quod nulli alii unquam contigit. Quæstione decreta de morte P. Clodii, Milo judicio damnatus in exsilium actus est. Lex lata est, ut ratio absentis Cæsaris in petitione consulatus haberetur, invito & contradicente M. Catone. Præterea res gestas a C. Cæsare adversus Gallos, qui prope universi, Vercingetorige Arverno duce, defecerunt, & laboriosas obsidiones urbium continet: inter quas Avarici Biturigum, & Gergoviæ Arvernorum.*

I. **D**UM ad Orientem hoc vulnus accipit respublica, non minore in metu legiones erant, quæ per Gallias sub imperatore C. Cæsare merebant. Quamquam enim defensa nuper Ciceronis castra, defensa T. Labieni erant; non ideo terror omnis exoleverat: quin ad Cæsarem quotidie veniebant nuntii, *diversis Galliæ partibus parari arma, cogi juventutem, conjurare inter se principes, & magnos ubique motus esse*. Tasgetium a Cæsare sibi regem impositum Carnutes nuper interfecerant: id exemplum secuti Senones, valida civitas, Cavarinum ejecerunt; & vocatus ad imperatorem senatus eorum, dicto audiens non fuit. Nervii, Atuatique, sed ante omnes in Treviris Indutiomarus omni conatu instruebat bellum. & quamquam permovere Germanos nequiverat, ut denuo Rhenum transirent, Gallorum undique venientibus ad se nuntiis excitabatur.

II. Initium belli facere ab oppugnatione castrorum Labieni, quæ erant in Rhemis, constituerat: sed idem etiam finis ei tumultuandi simul & vivendi fuit. Quippe Labienus, utili consilio, quamquam munitione castrorum tutus, metum eo usque simulavit, donec nihil metuentibus Treviris, & post convicia, conjectaque suo more intra vallum tela, secure sparsimque abeuntes, immisso repente equitatu turbavit. Sed quia præceperat suis, *ut nemo prius peteretur, quam interfectus Indutiomarus esset*, in hunc tota vis omnisque contentio persequentium versa, in ipso fluminis vado intercepit transiturum. caput in castra relatum. Ea res cognita non modo repressit Treviros; sed Nerviorum etiam & Eburonum disjecit jam contractas copias, pauloque quietiorem ad tempus Galliam præstitit.

III. Hoc Cæsar intervallo ad farcienda detrimenta usus, per M. Silanum, C. Antistium, & Sextium legatos delectum habebat: simul ad Cn. Pompejum mittit, *ut, quos ex Cisalpina Gallia consul is sacramento rogasset, ad Cæsarem*

§ I. Cæs. de B. G. 6, 53. Diodor. l. 41. § II. Oros. 6, 2. Cæs. Flor. 3, 10.

*juberet proficisci.* ita ante exactam hiemem tres ad eum legiones venerunt: una recens conscripta; reliquas Pompejus commodabat. His copiis auctus, ut inferret potius bellum, quam expectaret, per hiemem adhuc contendit in Nervios, imparatosque venire in deditionem, & obsides dare cogit. Primo deinde vere Senones, deinde Carnutes, illos Æduis, hos Rhemis deprecatoribus, quæ solæ Cæsari per ea tempora fidæ civitates fuisset videbantur, in gratiam recepti, obsides dederunt.

IV. Cæsar hac parte curarum exoneratus, omnes deinde cogitationes ad opprimendum Ambiorigem vertit. Is post Indutiomari mortem cum propinquis ejus, ad quos delatum a Trevis erat imperium, fœdere factò, Menapios, qui soli Gallorum ad Cæsarem de pace nunquam miserant legatos, in societatem asciverat: Germanosque cis & ultra amnem sollicitare non desinebat. Igitur Cæsar Menapios primum tripartito exercitu intrat, magnisque detrimentis affectos ad pacem petendam cogit, obsides imperat: *Ambiorigem & legatos ejus suis finibus recipere vetat.*

V. Inter hanc expeditionem Treviri Labienum cum una legione, quæ iis locis hibernaverat, petierant: sed edocti, duas missu Cæsaris supervenire legiones alias, donec Germanorum auxilia accessissent, castra intra spatium quindecimi millium a Romanis castris posuerant. Horum consilio cognito, Labienus, occasionem dimicandi se inventurum sperans, cum quinque & viginti cohortibus, magnoque numero equitum, obviam egressus, non amplius mille passuum relicto spatio, confedit. Inter utraque castra flumen præruptis ripis intererat. Mosellam fuisse consentaneum est, id flumen, tam propinquo hoste, neque ipse erat transiturus, nec Gallos transitu-  
ros rebatur.

VI. Idcirco ut eliceret hostem, convocato consilio, palam in hunc sensum disseruit: *cum propediem affuturi Germani nuntientur, se rem in tantum discrimen commissurum non*

§ III. Cæs. de B. G. 6, 1. Oros. Plut. in Cæs. c. 36. § IV. Diodor. Cæs. Oros. § V. Diodor. Cæs. Oros.

*esse. parati intentique ad signum omnes essent, ut postridie prima luce proficiscantur. Quod magna Gallorum equitum multitudo in castris Labieni erat, res cito defertur ad hostes. Sed Labienus noctu tribunis militum primique pili centurionibus consilium suum exponit: sibi in animo esse, simulatione timoris fallere hostem, ut, non expectatis Germanis, transeat flumen, alieno loco congressurus. Igitur majore, quam opus aut consuetudo esset, strepitu motis castris, cum id quoque subito nuntiatum hostibus esset, ad inse-quendum eos illiciunt.*

VII. Spe victoriæ prædæque, & ne fugienti scilicet Romano spatium evadendi darent, flumen transgrediuntur. Id ubi ex voto atque expectatione Labieni factum: *habetis, inquit, milites, quam postulastis pugnandi copiam, & ut locus pro nobis esset, feliciter curatum est. vos modo, quam soletis, operam præstare memineritis.* Sic converso agmine, cum impetus in Treviros fieret; illi, novitate rei attoniti, ne primam quidem impressionem tulerunt. Equitatus, immissus ad silvas, fugientium ingentem cædem edidit. Ita motus Trevirorum repressus, civitas a Labieno recepta. Germani, qui auxilio veniebant, audita re, ut erat gesta, domum regressi sunt. cum iis propinqui Indutiomari trans Rhenum abiverunt. Civitatis imperium Cingetorigi, quem ob studium erga Romanos focer Indutiomarus nuper expulerat, est traditum.

VIII. Victis ad hunc modum Treviris, Cæsar de Rheno iterum transeundo deliberabat, duplici stimulatus utilitate: altera, ut puniret, qui contra se auxilia Treviris miserant; altera, ne receptus apud eos Ambiorigi esset. Idcirco in finibus Trevirorum haud multo supra, quam prius erat transgressus, pontem paucis diebus effecit, nota tum militibus ratione, sed ad hodiernam segnitiam nunc prorsus incredibili. Quippe non in præliis modo, sed magis in opere Romani militis invicta durities erat. Inter cetera pontibus struendis ita erat exercitus, ut quemlibet latum



& profundum annem facillimo negotio transmittere posset. Cujus rei per illa & sequentia tempora, in Danubio, in Rheno, in Euphrate frequentia documenta dederunt.

IX. Ratio autem jungendorum pontium hæc fuit usitata. Lato alveo naves, superiore, quam ubi pons destinaretur, loco constituebantur. Signo dato, primum una earum, secundo flumine demissa, quantum poterat applicabatur citimæ ripæ. deinde storea saxi repleta mergebatur fundo, ancoræ vicem firmatura deligatam valido rudente navem. Continuo materia, cujus ipsa navis copiam præbebat, tota consternebatur. eadem ceterarum deinde navium adjungendarum erat ratio, quas & demissæ in annem moles, & vicinis utrinque navibus innexa vincula retinebant. Cum ad alteram ripam deductus pons erat, in extrema nave turres cum machinis & catapultis, & ad egrediendum porta struebatur.

X. Ceterum nihil ultra gloriam bis transcensu fluminis hac expeditione quæsitum est. Paucos dies moratus in Germania Cæsar, cum Suevi se in silvas recepisse dicerentur, *inopiam*, ut ipse ait, *frumenti veritus*; ut Dio, *Suevos timens*; (nam & frumentum ex Gallia subvehi nullo negotio potuisset) pontem in longitudinem pedum ducentorum rescindit, atque in extremo turrum tabulatorum quatuor constituit: præsidiumque tuendo ponti reliquit in Treviris, ut Germanis sæpius transituri speciem faceret.

XI. Sed ipse, capiendi Ambiorigis causa, per silvam Arduennam, quæ per quingenta millia passuum, a ripis Rheni finibusque Trevirorum ad Nervios usque pertingebat, Minucium Basilum cum equitatu misit. Nihilque propius factum, quam ut comprehenderetur. effugit tamen, misitque nuntios, qui populares monerent, *ut sibi quisque confuleret*. Multi tamen hostili ferro, aut incommodis fugæ perierunt: Cativulcus, rex dimidiæ partis Eburonum, gravis ætate, cum fugere non posset, devoto diris Ambiori-

§ VIII. Diodor. Cæs. Oros. § IX. Flor. 4, 12. Liv. Epit. Oros.  
§ X. Cæs. Diodor.

ge, venenum, quod ex arboribus taxis in Hispania & Gallia exprimi solebat, sumsit. Cæsar, Ambiorigem frustra & cum vexatione suorum persecutus, ut nomen Eburonum tolleret, neque tamen milites adduceret in discrimen, quorum per ignotas silvas subinde quidam desiderabantur; consilium iniit, suam injuriam Gallico sanguine vindicandi. Missis igitur circum civitates nuntiis, *Eburones, si vellent, d.ripiendi potestatem* omnibus facit. Ea res mirifici cujusdam causa fuit, & inopinati eventus.

XII. Quippe Sicambri, transrhenana natio, quæ nuper Tenchteros fugientes receperat, prædam ex infortunio Eburonum facturi, duo equitum millia, Rhenum navibus ratibusque transiverunt. Hi, cum a captivo didicissent, *profectum longius Cæsarem, totius exercitus impedimenta cum modico præsidio reliquisse Atuaticæ*, quo loco ante annum hiberna Titurii & Aurunculeji fuerant; protinus eodem captivo duce, ad castra Romanorum contenderunt.

XIII. Forte Q. Cicero cohortes aliquot frumentatum miserat: eodem tempore veniunt Germani, portaque decumana conantur irrumpere. In re subita, (nihil enim tum hostile metuebatur) cum interfecti aut sparsi hostes, & cum novem victricibus legionibus in propinquo Cæsar esset, vix defendi castra potuerunt. Inter hæc reversæ cohortes, cum & ipsæ improvise incidissent in hostem, multis amissis, ægre perruperunt ad suos. Germani, spe castrorum expugnandorum amissa, cum præda, quam ceperant, impune trans Rhenum redierunt, quod illos persequi tempore anni, & cura rerum urbanarum, & cupiditate capiendi Ambiorigis, Cæsar prohibebatur. Sed ille, quamquam Cæsariani tanta diligentia sequebantur, ut sæpe in conspectu fugientem aliquando pæne in manibus haberent; effugit tamen, quatuor equitibus comitatus, quibus solis vitam suam audebat credere. Interea Cæsar, Durocortori Rhemorum concilio Galliæ habito, de Accone Senonum

§ XI. Cæf. Diodor. Oros. § XII. Cæf. Diodor. Plut. in Pomp. c. 89.

principe, qui defectionis auctor civitati fuerat, supplicium fumit; deinde distributis per hiberna legionibus, per causam conventuum agendorum in Italiam profectus est, de rebus urbanis sollicitus, quæ continuis certaminibus seditionibusque supra solitum ingravescebant.

XIV. Tribuni plebis, exemplo superiorum, comitiis, quorum iterum tempus aderat, moram injiciebant; *tribunos militum, sicut olim, fieri oportere dictitantes, quod respublica pluribus magistratibus indigeret.* Sed ejus rei mentione, quia vix auribus admittebant homines, deposita, C. Luccejus Hirrus tribunus plebis, consentiente collega M. Cœlio Liciniano, rogationem promulgarat, *uti Cn. Pompejus reipublicæ constituendæ dictator diceretur.* Sed invisum hoc & detestabile Romanis nomen Sullæ crudelitas effecerat. Igitur sic invehctus est in Hirrum M. Cato, ut parum abfuerit, ne abdicare cogeretur. Erat tamen anxius ob potentiam Pompeji senatus, nec audebat satis quidquam ei, quod appeteret, denegare. Amici quidem ejus (ipse enim tum aberat) negabant, *Cn. Pompejo placere nimios honores: & per Ciceronem, petente Pompejo, Crassum Junianum, ne auctor fieret, dudum deterruerunt.* Sed nihilominus ingenium ejus tectum, & alia cupiens, alia simulans, metuebatur.

XV. Tandem ipse adventu suo composuit omnia; cum a Catone laudatus, aliud facere, quam quod honestum esse intelligebat, erubesceret. Ita consularibus comitiis auxilio ejus habitis, Cn. Domitius, M. F. Calvinus, M. Valerius Messalla creati, mense demum Quintili. Itaque simul inierunt, de comitiis habendis actum, non faciliore, quam proximis annis fuerat, negotio. namque per candidatorum ambitum & factiones turbabantur: adeo ut, velut in magno & atroce luctu, consules lato clavo posito, senatum in equestri habitu convocarent. Salubre tum decretum factum est, *ne magistratus ante quintum annum, quam consules prætoresque fuissent, provincias sortirentur.* sic aliquantum repri-

§ XIII. Cic. familiar. 3, 4, & ad Q. frat. 3, 8. Diodor. Plut.

§ XIV. Cic. ad Q. frat. 3, 8. Plut.

mi posse ambitionem putabant, si sperata potentia longum in tempus, & varios admissurum casus, differretur.

XVI. Nam eo turpitudinis audaciæque res venerat, ut candidati tam largitionibus, quam ferro certarent, & aliquando consul Cn. Domitius vulneraretur. Unde sic turbata sunt in urbe omnia, ut initio sequentis anni, neque consules, nec urbani alii magistratus essent; & Kalendis Januariis, nundinæ agerentur: quæ res infaustum luctuosumque casibus annum præfagire putabatur: idemque Lepidi tumultu acciderat. Sed hoc tempore & alia evenerant, quæ stolidos, & tam divinorum, quam naturalium operum nescios, territabant. Bubo visus erat: simulacrum quoddam triduo continuo sudaverat: fax in cœlo a meridie ad orientem transcurrerat: glebæ, lapides, testæ inter pluvias frequenter ceciderant.

XVII. Crebræ interea per factiones candidatorum in urbe cædes edebantur: cum tamen comitia non haberentur, licet multis consulatum petentibus. Erant inter competitores T. Annius Milo, per quem P. Clodii audaciam Pompejus represserat, Ciceronemque patriæ restituerat. Idcirco Clodius, qui eundem in annum petebat præturam, ne ab inimico consule premeretur, P. Plautio Hypsæo, & Q. Metello Scipioni contra Milonem summe studebat. Unde tribus quotidie exercitiis forum obsidentibus, crebræ inter hos pugnæ committebantur, audacia omnium pari, causa meliore Milonis.

XVIII. Atque is quamprimum comitia haberi cupiebat, & bonorum confusus studiis, pro quorum partibus steterat, & populari favore, quem profusis largitionibus ludorumque magnificentia venatus fuerat, ita quidem animose, ut tria his consumeret patrimonia, præter relictas a naturali patre Papio, & adoptivo C. Annio hereditates, etiam uxoris Faustæ facultatibus abusus. Sed competitores ejus trahi rem volebant: non invito Pompejo, & hoc dis-

§ XV. Diodor. Ascon. in Milon. Macrob. Saturnal. 1, 13. § XVI. Diodor. § XVII. Liv. Epit. Appian. civil. l. 2. Ascon.

simulanter agente, ut, perturbato rerum statu, dictatore opus haberet respublica, quem se utique futurum esse nihil dubitabat.

XIX. Præterea gratificari cupiebat Metello, qui filiam ei desponderat Corneliam, P. Crassi viduam, ejus quem Parthi nuper interfecerant. Idcirco cum a. d. III Kal. Februarias interregem creari moris esset, auctore Pompejo, T. Munatius Plancus intercessit, ne ad senatum referretur de patriciis convocandis, qui interregem proderent. Inter eas moras Milo, moleste ferens, a Pompejo se perfidiose ludi, simul quia Lanuvii, ex quo municipio erat, flaminem a dictatore prodi ante certum diem oportebat, eo profectus est. Erat enim tum dictator Lanuvii Milo.

XX. Forte per idem tempus P. Clodius Ariciæ fuerat. Igitur postridie factum, ut in Appia via paulo ultra Bovillas inimicissimi homines sibi occurrerent: exitusque hic rei fuit, ut, pugna oborta, percussus a gladiatore Milonis Clodius in tabernam proximam deportaretur. Hoc ubi rescivit Milo, subeundum æque vulnerati hominis atque occisi judicium cogitans, ad hoc in omnem casum ex inimici morte solatium habiturus, accurrit, eruique Clodium atque jugulari jussit. Hac re patrata, statim manumisit servos, ne præbere quæstioni cogeretur: ipse præmium bene meritis, vita domini defensa, inimico sublato, datum asseverabat. Sed cadaver interfecti, relictum in via, Sex. Tedijs senator forte rure rediens, lecticæ suæ imposuit, Romanique deportandum curavit.

XXI. Ante primam noctis horam perlatum in atrio domus, quam paucis ante mensibus de M. Scauro sitam in Palatio emerat, uxor Fulvia constitui jussit; statimque infinita multitudo, servorum præcipue & infimæ plebis, cui generi propter amorem seditionum carissimus ille fuerat, mœrens lugensque circumstetit. Sed & integri a factionibus, quamquam odissent Clodium, humanitatis intuitu, & ef-

§ XVIII. Plut. in Cat. c. 39. Cic. familiar. 2, 6. § XIX. Appian. § XX. Plut. Appian. Afcon.

fusa lamentatione Fulviæ, vulnera invidiose ostentantis, movebantur. & erant, qui per hanc causam, Milonem quoque, haud minus turbulentum civem, exturbari posse sperarent.

XXII. Postridie cum vix dum luceret, major eodem concursus fuit, ut noti homines, & inter hos C. Vibienus senator, in turba eliderentur. Sic affectam rem tribuni plebis Q. Pompejus, T. Plancus nacti, cum & ipsi Milonem odissent, in Clodii domum accurrerunt. horum conspectu magis incitatur temeritas vulgi, corripitur mortuus, & uti nudus in lecto jacebat, ut conspici vulnera possent, defertur in forum, & in Rostris proponitur. Plancus & Pompejus in Milonem concionantur. nihil, quod ad concitandam invidiam commiserationemque fieri potest, prætermittitur. His cum ultra solitum imperitæ multitudinis indignatio exarsisset, Sex. Clodio scriba duce, qui præcipue Clodiani furoris signifer semper fuerat, corpus inferitur in curiam Hostiliam; neglectisque funerum ritibus, sine imaginibus, sine cantu, sine exsequiis, rogo ex subfelliis, & tribunalibus, & mentis, & codicibus librariorum congesto concrematur. Hoc igne & curia hausta est, & vicina aliquot ædificia privatorum. comprehendit etiam Porciam basilicam, quam censor Cato sub curia in foro struxerat.

XXIII. Hoc tumultu excitati Patres, sub vesperam ejusdem diei in Palatio convenerunt, creatoque interrege M. Lepido, illi, tribunisque & Pompejo, qui proconsul ad urbem erat, curam reipublicæ mandaverunt. Sed Clodiana multitudo ad oppugnandam absentis Milonis domum cucurrit cum facibus: sed sagittis repulsa, fascēs ex lecto Libitinæ raptos ad domum Scipionis & Hypsæi, tanquam, Milone jam amoto, certorum consulum, attulit. mox cum iisdem in hortos profecta Pompeji, modo *consulem* illum, modo *dictatorem* inclamavit.

XXIV. Eadem nocte Milo, qui profectus in voluntarium exilium putabatur, fidenti animo rediit Romam,

§ XXI. Cic. pro Milon. c. 10. § XXII. Liv. Ebit. Appian. Afcon. Cic. pro Milon. c. 23. § XXIII. Diocer. Afcon.

quod, auditis, quæ acciderant, majorem inimicorum, quam suam, injuriam fore sperabat. Itaque non segnius, quam antea, consulatum petens, propitiandæ multitudinis causa tributim singula millia assium populo dedit. Igitur Scipionis & Hypsæi factio, ut recenti adhuc Milonis invidia uterentur, a M. Æmilio Lepido, qui erat interrex proditus, haberi comitia postulabat. Id cum facturum se Lepidus negaret (nec enim moris erat, per primum interregem haberi comitia;) domus ejus per omnes interregni dies (fuerunt autem ex more quinque) a multitudine obfessa & oppugnata est: janua vi expugnata, dejectæ majorum imagines, & uxoris Cornelie, cujus castitas pro exemplo habitata est, lectulus fractus.

XXV. Actum erat de Lepido, si tantum ab unis partibus oppugnaretur. supervenit Milonis manus, & ipsa haberi comitia postulans: ita licet eandem rem omnes flagitarent, tamen omiſſa est, converſis ab interregis oppugnatione ad consueta certamina inimicis factionibus. Ceterum simul atque rediſſe Milonem innotuit, concionem ei M. Cælius tribunus plebis dedit: sed iram simulans, *nolle se concedere dilationem reo præferbat, quin apud populum statim diceret causam.* Porro ipse favens Miloni, sic egerat cum populo, ut *insidias ei factas a Clodio* diceret. Cum silentio auditus esset, incepit Milo dicere, *forte, aut dolo Clodii commissam esse pugnam, se nescio: ejusque rei evidens argumentum esse, quod impedimenta & uxorem in comitatu habuisset, res minime commodas pugnaturo.* Deflexit deinde ad vituperationem Clodii, *facinorosum & perditum hominem, sui que similium signiferum, caput & facem fuisse.*

XXVI. Cum adhuc loqueretur, contrariæ factionis tribuni cum sua multitudine irruerunt in forum. Jam gladii micabant, cædesque fiebant; cum Milo & Cælius ser-vili habitu evaserunt: aliorum magna strages edita, multique ignoti pro Milonianis, libidine magis, quam ira, oc-

cisi. nam infima plebs & fervorum magna multitudo arma corripuerant: & per causam quærendorum Milonis amicorum, effractis domuum & insularum foribus, prædas agebant. Per multos inde dies continuato tumultu, cum ignibus, faxis, ferro dimicaretur; senatus vestem mutavit, *omnes Italiæ juniores conjurare, Pompejumque delectus ex iis habere* jussit: iterato decreto, *videret, ne quid respublica detrimenti pateretur.*

XXVII. Atque is cum, summa celeritate comparato præsidio, ad urbem venisset, extra pomœrium ad theatrum Pompeji senatus est habitus in porticu, ut interesse Pompejus posset; factumque senatusconsultum, *ut ossa P. Clodii legerentur: curiam Faustus Sulla instauraret, eaque deinceps Cornelia de nomine Sullæ vocaretur*, quia prius etiam pater Fausti eandem refecerat. Inter has turbas, cum alii ex aliis interreges fierent, neque tamen comitia haberentur; misit ad Pompejum Milo, *desistere se petitione, si ita ei videretur.* Nam ob affinitatem Q. Metello summe studebat Pompejus: neque minus Hypsæo, quod quæstor suus fuisset.

XXVIII. Responsum a Pompejo dicunt, *nemini se neque petendi, neque desistendi, auctorem esse: neque populi Romani potestatem, aut consilium, aut sententiam interpellaturum.* Idem deinde Cn. Lucullum familiarem Ciceronis, atque ideo Milonis amicum, rogasse dicebatur, *ne se hac de re consulendo invidia oneraret.* Crebrescebat interea rumor, *dictatorem creandum Pompejum esse, nec aliter sedari mala civitatis posse:* aliis Cæsarem fieri consulem placebat, cujus sub idem tempus maxima erat fama, propter amplissimas res gestas, sæpius & plurium dierum, quam cuique unquam, supplicationibus decretis.

XXIX. Neutrum eorum senatui gratum erat. igitur, ne aut Pompejus dictator, aut Cæsar iterum consul haben-

§ XXVI. Cic. Philip. 6, 4. Appian. Liv. 29, 44. § XXVII. Plut. in Cat. c. 36. Diodor. § XXVIII. Acon. Cic. pro Mil. c.



dus esset, M. Bibulus, qui primo loco rogatus erat sententiam, *Cn. Pompejum, licet absentem, consulem faciendum esse* censuit, *sine collega*. Sic enim aut evasuram ex his malis rempublicam; aut si dominus tolerandus sit, optimo servituros. Ea sententia cum & re, & ob auctorem, nova videretur, quod Pompeji dignitati adversatus antea semper Bibulus fuerat; Cato exsurrexit, omnium opinione repugnaturus, quod & antea Pompejum comitiis præficiendum jubentibus, *non legibus in Pompejo, sed Pompejo in legibus præsidium esse oportere*, responderat. Sed ille, *hanc*, inquit, *sententiam non eram dicturus prior: sed dictam ab alio sequor, & approbo: quemlibet in urbe magistratum, quam nullum, esse præstat; & Pompejum quolibet alio rectius usurum hac potestate confido*. His auctoribus reliqui Patres haud gravatim annuerunt: salubriter temperasse visi, ut præsentibus coercendis turbis Pompejus imperium solus haberet, tanquam dictator; rationi tamen reddendæ, tanquam consul, esset obnoxius.

XXX. Simul futurum rebantur, ut a Cæsare & populo Pompejum abstraherent, senatui se daturum, a quo tot ornatus novis honoribus esset. Neque tribuni plebis repugnabant, ipso sic volente Cæsare. nam eum tribuni collegam Pompejo destinarant: Cæsar ad populum ferri malebat, *ut in secundo petendo consulatu, ratio absentis haberetur*. Igitur senatusconsulto in sententiam Bibuli facto, per interregem Ser. Sulpicium Cn. Pompejus tertium consul creatus est solus, a. d. V Kal. Martias mense intercalari, hac adjecta conditione, *siquidem collegam desideraret, ut suo arbitratu*, dum ne intra bimestre, *allegeret*.

XXXI. Pompejus, statim inito magistratu, Catoni egit gratias, consiliumque ejus expetivit. Ille, *non defuturum se petenti privatim*, respondit, *consilio suo; publice etiam non petenti*. Sed erat ad componendum reipublicæ statum novis legibus opus. Igitur in his omnis consulatus ejus vis con-

§ XXIX. Appian. Diædor. Ascon. § XXX. Cic. pro Mil. c. 5. Ascon.

sumta est. Post diem tertium magistratus initi, cum de legibus ad senatum consul retulisset, *duas esse promulgandas*, senatus censuit: *alteram de vi, qua nominatim cædes Clodii, & incendium curiæ, & M. Lepidi interregis oppugnata domus continebatur; alteram de ambitu.*

XXXII. De utroque non semel & antea latum erat: sed his legibus pœna gravior constituebatur, cum severiore judicii forma. Nam & judices accuratius legebantur, & finiebatur patronorum numerus, ne judices horum multitudine perturbarentur: & prius testes audiri per triduum domi, deinde uno eodemque die & ab accusatore, & ab reo perorari oportebat, ita ut duæ horæ accusatori, tres reo darentur. Laudationes etiam & preces aliorum pro reo, quibus rebus multi erepti nocentes fuerant, tollebantur. Quæstores utiaque lege, ex iis, qui consules fuissent, suffragio populi creari oportebat. Et quo pluribus atque acrioribus vinculis ambitus constringeretur, dabatur accusatio iis etiam, *qui damnati eodem crimine fuissent; præmio veniæ propolito, si quis horum duos similis inferiorisve culpæ, aut majoris, unum reum peregisset.*

XXXIII. Voluerat & præteritis delictis graviore pœnas constituere Pompejus; sed *id neque juri publico, neque commodo, satis congruere*, Cato putabat. Nam & *puniri quem ea lege, contra quam non deliquisset, absurdum; & definire tempus, unde incipere debeat hæc animadversio, difficile, nec exemptum a sermonibus fore.* Pompejus tamen, ut nec ipse refugere, quod in alios pararet, videretur, *qui a primo suo consulari honoris adpijendi causa largitiones fecisset, comprehendendi volebat: ulteriora non audiri.* Sed eo temporis complexu Cæsaris etiam consulatus continebatur.

XXXIV. Igitur amicis ejus querentibus, moleste tulit allegari Cæsarem, *cujus sicut extra suspicionem esse rationes, ita extra periculum, dicebat.* Contraxit tamen tempus, & secundum consulatum suum finem impunitatis & questionum con-

§ XXXI. Appian. Aseon. § XXXII. Cic. pro Mil. c. 33. Appian, § XXXIII. Cic. Appian. Diodor. Cæs. de B. C. 7, 1.

stituit, *non aliter se mederi reipublicæ posse præfatus*. His intercedere studiosissimus Milonis M. Cælius parabat, *privilegia, non leges*, appellando. Sed & *præcipitari judicia malo exemplo* dictitabat: donec Pompejus iratior, *si vastus esset, armis se rempublicam defensurum* dixit.

XXXV. Erat enim implacabili in Milonem odio, quod ab eo sibi parari insidias existimabat. Idcirco plerumque non domi suæ, sed in hortis superioribus manebat, magna circum excubante militum manu. Multa enim ad eum deferrebantur, & in Capitolio P. Cornificius frequentissimo senatu exclamavit, *ferrum Milonem habere sub tunica ad femur alligatum*. Sed ea quidem falsa criminatio fuit: refellitque statim nudato femore Milo, succlamante Cicerone, *italia esse & reliqua crimina, quæ in Milonem jacerentur*.

XXXVI. Defendebat enim Milonem summa fide & constantia M. Cicero, neque Pompeji offensionem reformidans, neque tribunorum plebis convicia & minas: quamquam Q. Pompejus, T. Munatius Plancus invidiam ei concionibus facerent, & infensum Miloni populum in patroni ejus odium facile concitarent; præsertim cum etiam C. Sallustius Crispus collegarum furori accessisset, inimicus Miloni, a quo deprehensus in adulterio Faustæ, lorisque cæsus, neque dimissus, nisi data pecunia, fuerat. Sed ex his Plancus, ceteris, ut suspicio erat, in gratiam cum Milone ac Cicerone reversis, infestissime perstitit, *diem Cicero ni dicturum* præ se ferens. Perlata interim lege sua, statim quæstorum creandorum causa comitia Pompejus habuit. creati sunt Cn. Domitius Ahenobarbus, A. Manlius Torquatus, ut legibus Pompejis, de vi Domitius, Torquatus de ambitu cognoscerent.

XXXVII. Judices deinde sunt propositi, tanta Pompeji cura, ut constaret, nunquam neque sanctiores viros, ne-

§ XXXIV. Appian. Afcon. Diodor. Cic. pro Mil. c. 36. § XXXV. Diodor. Afcon. Cic. ad Attic. 15, 1. § XXXVI. Diodor. Suetonius in Cæs. c. 24. Plut. in Pomp. c. 10.

que clariores propositos esse. Tum a duobus Appiis adolescentibus Caji filiis, qui Clodii fuerat frater, de vi postulatus est Milo, & a Domitio *a. d. Non. Apriles adesse* jussus. Sed eadem ei dies a T. Manlio prædicta erat, apud quem de ambitu postulabatur. Igitur ipse venit ad tribunal Domitii; a Torquato per M. Marcellum obtinuit, ne prius causam de ambitu diceret, quam esset de vi judicatum. Judicio constituto, cum prima die productum testem C. Cassinium Scholam, qui *se cum Clodio fuisse, cum is occisus esset*, dicebat, M. Marcellus interrogaret; tantum Clodiana multitudo excitavit tumultum, ut ultima timens Marcellus, in tribunal a Domitio reciperetur.

XXXVIII. Igitur M. Cœlius tribunus, & ipse Milo præsidium abs Domitio, Domitius a Pompejo postularunt. Ille cum ad ærarium sedens eodem clamore fuisset perturbatus, promisit Domitio, *se postridie cum præsidio affuturum*. Ita proximo biduo quietius auditi testes. Ultimæ testimonium dixerunt Sempronia Tuditani, amentis illius filia, focrus P. Clodii, & uxor Fulvia: coronamque fletu muliebri magnopere commoverunt. Igitur dimisso circa horam decimam judicio, T. Munatius populum adhortatus est, *ut frequens adesset, & elabi Milonem non pateretur, judiciumque & dolorem suum ostenderet*. Postero die, fortitione facta judicum unius & septuaginta, iisque protinus sessum euntibus, Appius major, & M. Antonius, qui mox viduam duxit, & P. Valerius Nepos accusationem horis duabus, ad dicendum datis e lege, peregerunt.

XXXIX. His unus erat responsurus Cicero, tribus omnino horis ad dicendum datis. Igitur ille, & brevitate temporis circumscriptus, & aspectu territus armatorum, quos circa forum Pompejus disposuerat, non eadem, qua solitus erat, constantia & facundia, causam oravit. Nam quæ inscripta pro Milone legitur Ciceronis oratio, postea scripta est: puto, ostendere cupiente oratore, non sua culpa, sed ob

§ XXXVII. Liv. Epit. Plut. Alcon. § XXXVIII. Alcon. Plut. Cic. Philip. 1, 7. Vellej.

novam judiciorum faciem, varioſque terrores, deterius deſenſum reum fuiſſe.

XL. Nam clauſis tota urbe tabernis, immenſa viſ populi accurrerat: & dicere incipientem horribili clamore Clodiani terruerunt, ne militum quidem circumſtantium metu cohibiti. Ergo Pompeji juſſu gladiis eduſtis, quosdam, nec ut ſauciarent, ſed lato ferro percuſſerunt: deinde, cum eo facto magis etiam incenſa vulgi petulantia, velut in re ludicra, convicia pro verberibus regeret; vulnerati complures a militibus, quidam etiam interfecti ſunt. Hic metus tranquillum de cetero iudicium præſtitit. cauſa utrinque dicta, cum accuſator & reus ex numero iudicum quinos ſenatores, totidem equites & tribunos ærarios rejeciſſent, unus & quinquaginta ſententiam tulerunt: abſolverunt tredecim; ceterorum omnium ſuffragiis damnatus eſt.

XLI. Quidquid de vulnerato Clodio fuiſſet, occiſum juſſu Milonis conſtabat: ejuſque nota audacia reprimenda videbatur; præſertim cum in ipſo etiam iudicio non remitteret ſpiritus, tonſus nitiduſque, ſicco vultu, conſtanti voce ſuſque deque periculum ſuum habere viſus. Ferunt tamen, *Catonis palam lata ſententia eum eſſe abſolutum: idque ſi fuiſſet aliquanto maturius factum, non fuiſſe deſuturos putant, qui exemplum ſequerentur.* Damnatum autem opera maxime Ap. Claudii pronuntiatum eſt, a quo & lege ambitus apud Torquatum poſtero die poſtulat, damnatus eſt abſens. ceteris etiam iudiciis (pluribus enim factus reus fuerat) triſtem abſtulit ſententiam, reperio: de ſodalitiis apud M. Favonium; de vi apud L. Fabium.

XLII. Igitur intra pauciſſimos dies Maſſiliam, exſilii cauſa, proſectus eſt. Ubi cum orationem Ciceronis, quæ poſtea conſcripta eſt, miſſam ad ſe legeret, dixiſſe dicitur: *Bene, quod ita non ſum deſenſus in iudicio: nunc enim tantos nullos Maſſiliæ non ederem.* Bona damnati, propter æris alieni magnitudinem, ſemiuncia venierunt. ſextertiū

§ XXXIX. Sueton. in Cæſ. c. 26. Appian. § XL. Vellej. Dio-  
dor. Sueton. Aſcon. § XLI. Plut.

enim debuiffe dicitur feptingenties, quod ad summam accedit noſtratis pecuniæ vices centena thalerorum imperialium millia: adeo novum non eſt, ut plures summæ fortunæ ſpeciem alienis, quam ſuis, facultatibus ſuſtineant.

XLIII. Poſt Milonem M. Saufejus M. F. poſtulatꝱ eſt, qui dux expugnandæ apud Bovillas tabernæ, occidendique Clodii fuerat. Ille tamen, licet pejor ejus cauſa, quam Milonis, eſſet, bis adductꝱ in judicium, ſemel lege Pompeja, iterum Plautia de vi, quam tum quæſtionem M. Confidius exercebat, abſolutus eſt. Damnatione Milonis ſatiſfactum erat publicæ indignationi; locusque iterum apertus inveterato hominum in Clodianam improbitatem animo. Igitur & Sex. Clodius, qui auctꝱ inferendi in curiam cadaveris fuerat, magno conſenſu damnatus eſt. Alii præterea multi cauſis diverſis eandem fortem ſubierunt: ex quibus maxima pars Clodianorum fuit propter incendium curiæ. quo crimine Plancus etiam Rufuſque, ſimul poteſtate abierunt, condemnati ſunt.

XLIV. Rufum alius Rufus damnavit, M. Cælius orator: Plancum nobilior adhuc orator, M. Cicero, iratus, ab eo ſe oppugnari, quem defenderat. Sed id quidem judicium omnino ſingularis exempli fuit. Quippe Pompejus legum, quas ipſe tulerat, ſubverſor, ut eriperet reum, incredibili contentione incubuerat. Sed accuſatoris diligentia, & conſtantia judicum, ſuperior potentiſſimi viri ſtudiis fuit. Jam primum M. Cato, cum miſſa a Cn. Pompejo laudatio legeretur, obturatis auribus, recitari prohibuit: indignans, legem tam recentem, & ab ipſo auctꝱ violari. Et quamquam rejectus a reo, præjudicio lædebat; quod virum juſtiſſimum nemo rejecturus, niſi nocens videbatur. præterea, quia jam damnata in C. Ruſo eadem cauſa fuerat, judices, ne ſervi eſſe Pompeji dicerentur, contra tantas opes ejus, a quo ipſi lecti erant, reum condemnarunt.

§ XLII. Aſcon. Plut. Cic. Phil. 1, 7. Vellej. § XLIII. Cic. pro Mil. c. 5. Aſcon. § XLIV. Diodor. Auctꝱ de cauſ. cor. oloq. c. 58. Cic. in Brut. c. 94, & de ſin. 4, 10.

XLV. In ambitus quoque judiciis notata Pompeji iniquitas & inconstantia fuit. Duo competitores Milonis quæ fuerant, Q. Metellus Scipio, P. Hypsæus postulabantur. Hypsæus egressum balneo Pompejum, prostratus ad pedes, cum rogasset; reliquit jacentem, hoc tantum responso, *Nihil eum aliud agere, quam ut convivium suum moraretur.* Sic ille quidem damnatus est. At pro focero suo Scipione venire in forum, & coram rogare iudices non erubuit, veste quoque mutata: quod & nonnulli iudicum imitati sunt. Id ubi C. Memmius vidit, (is spe secundum legem Pompejam recuperandi, quæ damnatus ipse nuper amiserat, Scipionem accusabat) reipublicæ statum invidiose miseratus, accusatione destitit.

XLVI. Erat ea res cum per se parum probabilis; tum etiam inter tot illustrium virorum ruinas, magis eminebat impunitas unius. Multi enim & alii per idem tempus damnationem passi erant; & inter hos M. Scurus. Pro Scauro cum populus deprecaretur, per præconem Pompejus edixit, *iudicum sententiam expectari oportere*: deinde, cum sic quoque accusatoribus molesta multitudo esset, Pompejani milites immissi, audacissimo quoque interfecto, ut damnari tuto reus posset, effecerunt. Cum inter hæc anni pars magna præterlapsa esset, Pompejus focerum suum Scipionem, mensæ Sextili, collegam in reliquum tempus consulatus assumpsit.

XLVII. Is Scipio Cornelie gentis erat, P. Nasicæ filius: sed adoptione Q. Pii transierat in Metellorum domum. eoque interdum quolibet istorum nominum, & quoties plura exprimerentur, Q. Cæcilius Q. F. Metellus Pius Scipio vocabatur. Cum hæc ita essent a Pompejo gesta, ut, exceptis, quæ retulimus, virtute illius res urbanas vel inimicorum testimonio commodiorem in statum pervenisse constaret: prorogatae sunt ei in aliud quinquennium provinciae, & stipendii ducenties quadragies in singulos annos

§ XLV. Diodor. Plut. Acon. Vellej. § XLVI. Plut. in Cat. c. 70. Appian. civil. l. 2.

attributum. Nec puduit eum accipere: cum sub idem tempus ex senatusconsulto *de provinciis* legem ferret, *non ante quintum a gesto magistratu annum cuiquam decernendis.*

XLVIII. Scripserat & de comitiis legem, *ne cuius absentis ratio in petendo magistratu haberetur*: sed cum ea res amicos Cæsaris mirifice offenderet, addidit, *præterquam si quis nominatim exceptus esset.* Igitur, ut sit corrupta republi- ca, legibus invalidi tantum coercebantur; potentium cupiditates nullis adstrictæ vinculis erant. & Pompejus, quæ optabat, fumebat; & neque Cæsar deerat sibi, quo minus opum suarum securitati prospiceret. Qui nuper erant Pompeji legibus damnati, cum exfulare cogentur, ad Cæsarem confugerant; ipsumque peti iisdem illis cassibus inculcabant.

XLIX. Cæsar, uti solebat, illorum voluntate magnis congiariis auctorata, de Pompejo quidem honorifice loquebatur: ceterum per amicos cum tribunis plebis agebat, *ut absenti sibi petere consulatum liceret.* In ea tota causa talem se Pompejus gerebat, ut simulare magis amicitiam cum Cæsare, quam præstare videretur. Nam in senatu, cum M. Cato, perpetuus legum defensor, venire Cæsarem ad comitia juberet; restitit aliquando Pompejus, amicisque Cæsaris, eximia viri merita respici orantibus, assensit. Sed acius instante Catone, tanquam argumentis victus, conticuit. Obtinuit tamen Cæsar, quod petierat; inter ceteros Cicerone adjuvante, qui M. Cælium ei adjunxit, tribunum plebis, etiam a Pompejo rogatus.

L. Igitur ea de re ad populum a decem tribunis plebis concorditer latum est. Cum ita crebritate judiciorum & novis legibus omnia streperent; Q. Scipio consul censoriam potestatem, abrogata Clodia lege, restituit: haud magna utilitate civitatis. Quia enim proximis annis, sublata animadversione censoria, multi & in senatorio, & in equestri ordine maculosi homines manserant, quos simul

§ XLVII. Ascon. Cic. pro Mil. c. 24. § XLIX. Ascon. & Porphy. in Horat. Sat. 1, 2. Varro ap. Agell. 17, 18.



aggredi periculosum, relinquere turpe erat futurum; quanto quisque prudentior vir erat, tanto magis a petitione honoris ejus abhorrebat. Sed & auctor restituendæ censuræ talis erat, ut vix exsistere posset alius nota dignior. Sub idem enim tempus ad Gemellum tribunicium viatorem in convivium venit, a quo & tribuni quidam (haud dubie illi, quos Scipioni fuisse supra ostendimus) invitati fuerant.

LI. In eo convivio Gemellus Scipioni & tribunis duas illustres matronas, a patribus & viris abductas, itemque nobilem puerum Cn. Saturninum nefarie prostituit. Interea Cæsar, cum & motus urbanos satis ex sententia sua compositos accepisset, & crebris suorum nuntiis excitaretur, in Transalpinam Galliam ex Italia profectus est. Galli, Cæsarem civilibus discordiis distineri putantes, propemodum universi rebellaverant, Carnutibus Arvernisque auctoribus. Genabi, (nunc Aurelianum appellant) Romani negotiatores a Carnutibus interfecti sunt. Arvernos, deinde horum ope Senones, Parisios, Pictones, aliosque complures populos Vercingetorix commovit.

LII. His deinde continuo Bituriges adjunxit, cum parte exercitus in fines illorum profectus. Nam a Romanis defendi nequiverant: & ab Æduis, qui cum exercitu eo venerant, metu an perfidia incertum, ommissa res, reductæque domum copię fuerant. Etiam Lucterius Cadurcus, a Vercingetorige missus in Ruthenos, eam civitatem, prætereaque Nitiobriges & Gabalos conciliaverat; & erumpere in provinciam Romanam cogitabat. Idcirco Cæsar nihil antiquius habuit, quam ut Narbonem, Tolosamque & reliquas circa urbes confirmaret, præsidiisque opportune dispositis hostem submoveret.

LIII. Id ubi feliciter & cito effectum est, Cebenna monte transito, in fines Arvernorum pervenit: majore terrore hostium, quanto improvisior adventus fuerat. Quippe du-

§ L. Afcon. Diodor. Val. Max. 7, 8. § LI. Cic. Phil. 3, 6, & Acad. quæst. 4, 28. Plut. in Cic. c. 50. § LII. Cic. pro Mil. Afcon. Diodor.

issimum erat anni tempus, quo tantis tegi nivibus Cebenna solet, ut vix expeditis & singulis eo tempore anni sit superabilis. Quod tamen nondum satis ad bellum virium habebat, biduo moratus, quo Vercingetorigem ex Biturigibus attraheret, summa celeritate Viennam, deinde per fines Æduorum in Lingones contendit. Inde ad reliquas legiones misit, atque ita ex distantibus hibernis contracto exercitu, Vellaunodunum movit; iter aperturus in Bojorum fines, quorum oppidum Vercingetorix oppugnabat.

LIV. Vellaunoduno Senonum intra triduum recepto, Genabum exercitus ducitur. Genabenses, quod diutius ad Vellaunodunum pugnatum iri putaverant, imparati ad resistendum, noctu trans Ligerim tentarunt fugam: sed Cæsar duas legiones, quas paratas in hunc usum tenuerat, incensis portis, intromisit; oppidoque occupato, paucis elapsis, ceteros omnes redegit in potestatem, quod angustiae pontis & itinerum fugam morabantur. Oppido propter crimen occisorum civium Romanorum incenso, præda militibus concessa, Ligerim Cæsar transduxit exercitum, in Biturigum fines. Noviodunum in ea via situm erat, quod oppidum cum dederetur, jamque pars obsidum esset tradita, Vercingetorix affuit, qui, Cæsaris audito adventu, Bojos oppugnare omiserat.

LV. Hujus procul viso equitatu, Bituriges Novioduni incolæ denuo clausurunt portas. Interea Cæsar, equestri prælio commissio, postquam suos urgeri videt, Germanos equites circiter quadringentos, quos habere semper circum se consueverat, impetum facere jubet. ab his Galli funduntur fuganturque. Oppidani, eventu pugnae conspecto, auctores recipiendorum armorum victos adduxerunt ad Cæsarem, seque ei dediderunt. Inde Cæsar Avaricum movit, tum quoque Biturigum caput, quorum de nomine postea *Bourges* appellatum est. At Vercingetorix, convocato suorum consilio, *non esse aliam spem victoriae docet, nisi ut in-*

§ LIII. Diodor. Siccon. Plut. § LIV. Cic. pro Mil. c. 34. Ascon. Vellej. 2, 47. Diodor.

*opia pabuli frumentique Cæsar maceretur. id autem obtineri nullo pacto posse, donec stent tot oppida, quæ nec defendi omnino queant, & sint quasi rotidem Romanorum horrea, unde, ut quodlibet eorum ceperint, in multos dies alimenta sumant.*

LVI. Ita persuasum est Gallis, ut non modo vicos & agrestia ædificia, sed etiam oppida sua ultro incenderent: quorum uno die tantummodo in Biturigum civitate amplius viginti deleta sunt. Avaricum tamen ne cremaretur, Biturigum precibus datum est, dissentiente primo, deinde concedente Vercingetorige: majore tamen præsidio deletorum muniri placuit. Interim Gallicus equitatus, incensis ædificiis, Romanos inopia rerum necessariarum premere satagebat; & frumentatum pabulatumve euntibus insidiabatur. Sed Cæsar, tametsi his incommodis non leviter fatigabatur, strenue oppugnationem urgebat.

LVII. Ceterum à magno hominum numero, situ atque opere munitum oppidum haud ægre defendebatur: donec immenso labore militum, diebus quinque & viginti agger factus est, pedes trecentos triginta in latitudinem patens, erectus in altitudinem pedum octoginta. Sed & hunc suffossum cuniculo succenderunt Galli; & eruptione facta, cum Romanis a tertia vigilia, usque ad redditam lucem conferuerunt manus. Neque prætermiserim, quod a se visum Cæsar memoriæ tradendum putavit.

LVIII. Ut maximam Romanorum turrim incenderent Galli, per manus sevi ac picis tradebant glebas, quas acceptas qui proxime ardentem jam ignem stabat, ad augendum incendium injiceret. Sed hic scorpione a turri ictus concidit. ergo jacentem transcendit alius, ut idem munus perficeret. hunc etiam telo dejectum excepit tertius, & tertium quartus: neque vacuus ille relictus est locus, priusquam omni ex parte finis pugnandi fieret. Cum a Romanis defensa opera essent, propugnatores consilio Vercingeto-

§ LV. Plin. 36, 15. Ascon. Diodor. l. 42. Val. Max. 4, 2.

§ LVI. Cic. familiar. 7, 2. Plut. in Cic. c. 34. § LVII. Plut. in Cat. c. 71, & Pomp. c. 93.

rigis relinquere locum voluerunt: sed feminarum conclamatione atque etiam vocibus proclia Romanis fuga est; ut qui misericordia fuorum non potuerant, saltem suo periculo absterrentur. At ea res omnibus exitio fuit. Sequenti enim die, cum exorta pluvia Romanos ab oppugnatione in castra reverti coegisset; Gallicæ, velut defuncti periculo, domos abirent: Cæsar dispositas legiones subito vim facere ad muros iussit.

LIX. Ita cum vineæ, quas in occulto habuerat expeditas, celeriter admoverentur, & hostilium machinarum amenta nervique pluvia resoluti languerent, oppidum vi captum est: homines, citra discrimen sexus ætatisque, cæsi. De quadraginta millibus, vix octingenti, ad castra, quæ in proximo, sed locis tutis, Vercingetorix habebat, evaserunt. Inde Gergoviam itum est, in altissimo monte positum Arvernorum oppidum. Sed amnis Elaver prius erat transeundus, cujus pontes omnes Vercingetorix abruerat, &, ne transeundi spatium Cæsari concederet, ab altera semper ripa e regione Romanorum castra metabatur.

LX. Tandem Cæsar, silvestri loco positis castris, postridie cum viginti cohortibus occultus eodem loco substitit: ceteras copias cum impedimentis, quemadmodum prioribus diebus omnibus facere consueverat, dimisit. Hostes, movisse cum toto exercitu Cæsarem arbitrati, suo more insequuntur. Ut enim falleret, non totas legiones, sed quartas quasque cohortes retinuerat: ita constabat legionum numerus, &, diductis ordinibus, species prioris multitudinis non ægre efficiebatur. Ita Cæsar, digressis hostibus, subitario opere pontem refecit, militesque transduxit; eademque nocte progressas reliquas copias revocavit.

LXI. Quintis deinde castris ad Gergoviam ventum. eodemque statim cum omnibus copiis Vercingetorix accessit. Cum hic locorum situs esset, ut in plano castra me-

§ LVIII. Diodor. Appian. civil. l. 2. Val. Max. § LIX. Fraga. Capitol. Appian. Diodor. § LX. Cic. familiar. 8. 6. Appian. Cæsar. de B. C. 7, 6.

tatum Cæsarem, ex superioribus locis Galli plurimum infestare, Cæsar vicissim nocere iis nihil posset; collem e regione urbis situm, noctu dejecto præsidio Arvernorum, occupavit: unde ad cetera quoque castella, urbemque ipsam aditum pararet. Sed eum ab hoc conatu, sollicitati a Vercingetorige Ædui abstraxerunt. Auxilium ab his postulaverat Cæsar decem millia. His ut præficeretur ipse, fratresque ejus cum aliis principibus ad Cæsarem præmitterentur, Litavicus curaverat, Arvernorum partes animo propositoque amplexus. Hujus astu iter facienti exercitui, quidam, velut evitatis Romanorum insidiis, occurrerunt; principes suos interfectos Cæsaris jussu nuntiant: ipse convenientem fraudi orationem habet.

LXII. Ita concitati milites, continuo cives quosdam Romanos, qui una faciebant iter, interficiunt: rem eam, dimissis tota civitate Æduorum nuntiis, Litavicus vulgat; mendacium de principibus occisis repetit: hortatur, *ut vindictam quisque hoc exemplo sumat, quod exercitus jam edidisset.* Hæc ubi media vere nocte Eporedorix, quem interfectum Litavicus finxerat, ad Cæsarem detulisset; permotus magnitudine rei statim legiones quatuor omnemque equitatum eduxit, ut Æduis in itinere occurreret. Ubi in conspectum venerunt, equitatu objecto, qui progredi eos vetaret, Eporedorigem & Viridomarum, quos illi putabant interemtos, appellare suos jubent.

LXIII. Ergo Ædui, fraude Litavici cognita, projectis armis, fidei Cæsaris se permiserunt. Litavicus cum clientibus Gergoviam profugit. Ad civitatem Æduorum nuntii de his rebus ab Cæsare mittuntur. Interea castra Cæsariana totis viribus oppugnaverant Galli, multosque Romanorum vulneraverant: putabanturque postridie redituri fuisse, nisi celeri reditu imperatoris essent ab hac spe dejecti. Sed Æduorum vulgus, & qui Gallicarum partium inter principes erant, partim temeritate, alii, ne esset sibi dicenda

§ LXI. Diodor. Appian. Sueton. in Cæs. c. 27. Liv. Epit. § LXII. Sueton. Appian. Cic. ad Attic. 7, 1.

proditionis causa, ad primum a Litavico nuntium cives Romanos occidere, bona diripere, alios, qui se defendebant, oppugnare atque obsidere cœperant.

LXIV. Mox ubi suos milites teneri a Cæsare didicerunt, ut hos recuperarent, decretum fecerunt, *uti de bonis direptis quaestio haberetur; Litavici & fratrum bona publicarentur; legati satisfactum Cæsari mitterentur.* Cæsar legatis benigne respondit, ne alieno tempore potentissimam civitatem irritaret. Nam desperata Gergoviæ expugnatione, quemadmodum citra dispendium exercitus aut famæ discederet, cogitabat. Attamen inter eas cogitationes aliquando hostium castra propemodum vacua conspicatus, quod ii ad certum communiendum locum milites eduxerant; parum a capiendo oppido abfuit.

LXV. Nam celeri impressione tria hostium castra cepit: prosequentibus victoriam spe prædæ Romanis, nonnulli muros oppidi conscenderunt. Sed propter summam iniquitatem loci, quemadmodum Cæsar præviderat, facile reiecti detrimentum acceperunt: centurionibus sex & quadraginta, manipulariumque promptissimis amissis circiter septingentis. Cæsar, hoc accepto incommodo, castigatisque simul atque in posterum confirmatis militibus, id tantum moratus, donec timoris opinionem repelleret, instructa acie, copiam pugnandi hostibus per triduum fecit. Deinde cum a Vercingetorige tantum equitatus emissus, isque levi prælio iterum repulsus esset; quemadmodum constituerat, obsidione relicta, profectionem in Æduos instituit.

LXVI. Cum ad flumen Elaver venisset, Eporedorix & Viridomarus commeatum petunt: *intelligere se, ad commovendam civitatem Litavicum cum omni equitatu in Æduos profectum: opus esse sua præsentia, ut in fide contineant cives.* Ita dimissi, postquam Noviodunum venerunt, ad Ligerim positum Ædui nominis oppidum, aperte desciverunt, nun-

§ LXIII. Cic. familiar. 2, 22. Diodor. § LXIV. Val. Max. 9, 2. § LXV. Cæsar. in Cic. familiar. 8, 14. Cæsar. de B. G. 7, 6. Liv. Epit.

tiis suorum & præfente præda incitati. Quippe Noviodu-  
num Cæfar obfides e tota Gallia, frumentum, pecuniam,  
impedimentorum partem, & coemptos in Italia ac Hispania  
equos contulerat. Igitur comperto, Litavicum Bibracte,  
præcipuæ potentia oppido, receptum, & principes civita-  
tis ad illum veniffe, publico nomine legatos ad Vercin-  
getorigem mitti; occififque, qui Novioduni erant, Roma-  
nis: equos & pecuniam inter fe dividunt, obfides dedu-  
cendos Bibracte curant, oppidum incendunt, commeatus  
quod afportare non poterant, in flumen projiciunt. Cum  
ita omne nomen Æduum defeciffet, prorfus redintegra-  
tum bellum videbatur, quod victorias Cæfaris & detri-  
menta Gallorum, his adjuncta opulentiffima civitas haud  
difficulter adæquabat.

§ LXVI. Plut. in Cæf. c. 37. Diodor. Cæf.

---

# JOANNIS FREINSHEMII SUPPLEMENTORUM LIVIANORUM

LIBER LXXIII.

IN LOCUM LIB. CVIII LIVIANI.

## EPI T O M E

LIBRI CENTESIMI OCTAVI.

*C. Cæsar Gallos ad Aleſiam vicit, omneſque Galliæ civitates, quæ in armis fuerant, in deditionem accepit. C. Caſſius, quæſtor M. Craſſi, Parthos, qui in Syriam tranſcenderant, cecidit. In petitione conſulatus M. Cato repulſam tulit, creatis conſulibus Ser. Sulpicio, M. Marcello. C. Cæſar Bellovacos cum aliis Gallorum populis domuit. Præterea contentiones inter conſules de ſucceſſore C. Cæſari mittendo, agente in ſenatu M. Marcello conſule, ut Cæſar ad petitionem conſulatus veniret, cum is lege lata in tempus conſulatus provincias obtinere deberet, reſque a M. Bibulo in Syria geſtas continet.*

I. **C**UM inter hæc Labienus, relicto Agendici præſidio, cum legionibus quatuor Lutetiam Pariſiorum occupare ſtauiſſet; diſperſa celeriter omiſſæ ad Gergoviam obſidionis fama, defectioniſque Æduorum, magnum ei periculum præter exſpectationem creavit. Nam præter finitimas civi-



tates, quæ Camulogeno Aulenco duce magnas copias paraverant, ab alio latere Bellovaci, quorum præcipua erat inter Gallos virtutis opinio, repente desciverunt. Idcirco Labienus, omisso longius progrediendi consilio, quemadmodum copias incolumes Agendicum reduceret, agitabat. Sed huic proposito duo maxime obstabant, Sequana magnum flumen, &, qui cum Camulogeno erat, hostium exercitus. Audendum erat tamen, quod esset spes omnis in celeritate posita: & si cunctaretur, plures difficultates, majoraque pericula affutura apparebat.

II. Transductis nocte copiis, cum hostes prohibitori ferius advenissent, signis collatis dimicatum est. Romani magna cæde hostium, duce etiam oppresso Camulogeno, ferro aperuerunt iter. profectusque Agendicum Labienus, inde cum omnibus copiis ad Cæsarem pervenit. Interea vocatus ab Ædais Vercingetorix ad communicanda consilia venerat, & quia de summa imperii controversia erat ab Ædais mota, totius Galliæ concilium Bibracte indictum est. Ibi consensu omnium Vercingetorix imperator constitutus, equitum milia quindecim contrahit, ut frumentationibus pabulationibusque Romanos arceret.

III. In Allobroges, itemque altera ex parte in Helvios, aliosque Cæsaris socios, copias mittit, quæ his bellum inferant. Cæsar, interclusis omnibus in Provinciam & Italiam itineribus, adversus Gallicum equitatum, auxilia Germanorum trans Rhenum colentium evocat, ab iis civitatibus, quas superiore anno pacaverat. Hi ubi cum delectis peditibus una præliari solitis affuerunt, quod equos parum idoneos habebant: Cæsar iis sumtos a tribunis militum equitibusque Romanis distribuit. & quo provinciæ facilius opem ferre posset, in Sequanos per extremos Lingonum fines proficiscitur. Hæc agenti supervenit cum ingentibus copiis Vercingetorix; & cum tribus locis equestri prælio dimicatum diu fuisset, tandem virtute Germa-

§ I. Diodor. l. 40. Oros. 6, 11. Cæs. § II. Oros. Diodor. Cæs. Plut. in Cæs. c. 9.

norum vincit Cæsar; multisque hostium interfectis, principibus aliquot captis, Vercingetorigem ad Mandubiorum oppidum Alesiam cedentem insequitur.

IV. Sed principium ejus pugnae durum Romanis fuerat: suspenderuntque Arverni in sanctissimo templo *gladium*, quem *de Cæsare tum captum* dicebant. Feruntque, *postea Cæsarem, conspecto eo, amisisse, amicisque detracti jubentibus, non paruisse, quod sacrum illum esse duceret.* Quin & in ephemeride sua prædicasse Cæsarem accepimus *felicitatem suam, quod captum in prælio Gallus, cum in equo portaret, dimiserit, propter occurrentis alterius Galli vocem, insultantis Cæsari, eaque verba Latine, credo, proferentis, quæ Gallo- rum lingua dimitti Cæsarem juberent.*

V. Ad Alesiam deinde iterum equestri prælio certatum est, ubi par Germanorum virtus Cæsari victoriam denuo dedit. Ergo Vercingetorix, postquam equitatum suum Germanis imparem videt, simul frumenti paucis diebus inopiam veritus, priusquam a Cæsare circumvallaretur, equites omnes a se dimittit; mandato, *ut suam quisque civitatem excitaret, & omnes, qui ferre arma possent, præsto esse cogeret.* Ipse cum delectis octoginta millibus ad urbem defendendam substitit. & quo tantæ multitudini diutius alimenta suppeterent, Mandubios, qui oppido suo eos receperant, cum liberis & uxoribus exire coegit.

VI. Sed illos Cæsar, cum ultimis precibus in servitutem recipi orarent, non admisit: ita inter urbem ac castra conclusi derelictique, miserabili morte consumti sunt. Interea Galli, audito, quo apud Alesiam loco res esset, non uti Vercingetorix censuerat, omnes puberes, sed certum e civitatibus numerum contrahunt, equitum circiter octo millia, peditum ducenta quadraginta. Postquam hic ad Alesiam exercitus venit, rursus equestri prælio certatum est. neque tum etiam Germanis resistere Galli potuerunt. Igitur prope desperationem adducti hostes eruptionem ten-

§ III. Liv. Epit. Cæs. Plut. § IV. Servius ad Æn. 11. Cæs.  
§ V. Diodor. Orof. Flor. 3, 10.

tare statuerunt: dum eodem tempore munitiones Romanorum a ceteris oppugnantur.

VII. Sed ea fuit Cæsaris ad omnia consilii celeritas, ea-que peritia, ut quoslibet hostium conatus efficeret irritos. Cum, interfecto maximo Gallorum numero, reliquos e conspectu abstulisset fuga; convocato suorum concilio, Vercingetorix, *omnia se bona fide fecisse*, demonstrabat, *quo publica libertas facta testa foret: sed quoniam vi vincantur, offerre se corpus suum ad utramlibet conditionem, sive morte sua satisfacere Romanis, sive dedere vivum malint.* Cum deductio placuisset, sumtis speciosissimis armis eximioque equo, venit in castra Cæsaris, sedentemque circumvectus, dimisit equum; phalerisque & armis ante victoris genua projectis, eodem & ipse accidit, nulla voce edita, sed gestu supplex. Cæsar commemorato, *quantis suis beneficiis quam malam ille gratiam retulisset, in vincula conjici* iussit, *triumphoque servari.*

VIII. Omnibus deinde civitatibus, exceptis Bellovacis, de pace mittentibus legatos, res ex suo usu composuit: Arvernisque & Æduis, ut potentissimas civitates præcipuo beneficio adstringeret, viginti millia captivorum reddidit, cum ex aliis populis, singula capita, toto exercitu, prædæ nomine divisisset. Propter has res a Cæsare gestas, Romæ supplicatio dierum viginti decreta est. Sub idem tempus irrumpentes in Syriam Parthos C. Cassius, qui M. Crassi quæstor fuerat, feliciter repulit.

IX. Hic, adhuc vivo Crasso, delatum sibi in Mesopotamia imperium, nec receptum, post mortem imperatoris necessario receperat, Antiocho quodam concitante Syriam, & Parthis, quasi nudatam duce & exercitu provinciam incumbentibus. Sed ea ipsa fiducia salutis Romanis & Syriæ fuit. Quippe velut ad facile bellum modica cum manu Parthi venerant: unde major militibus animus accessit; Cassique diligentia & virtute rejectus cum clade hostis est:

§ VI. Oros. Diodor. Cæs. § VII. Cæs. Plut. in Cæs. c. 39. Polyæn. § VIII. Cæs. Oros. Flor.

T. Livii Vol. X.

S

Antiochus interfectus. Sub idem tempus, e Græcia nuntiatum est, *inter ipsa solemnia ludorum, Olympii Jovis statuum, admirandi operis, fulmine petitam percussamque esse.*

X. Hic etiam annus consulatus tres candidatos habuit: sed quanto meliores viri erant, tanto civilius magistratum petebant. Ser. Sulpicius Rufus, M. Claudius Marcellus erant: quibus tertius accefferat M. Cato, non honoris cupidine, sed reipublicæ cura adductus ad petendum. Eo enim procedi videbat, ut Pompeji Cæsarisque supra modum auctæ opes, sive concordēs opprimerent rempublicam, sive diffidentes bellis civilibus involverent. Ut igitur nimiam horum potentiam destrueret, quia privatus frustra contendebat, consulatu sibi opus esse rebatur. Nec tamen irascebatur competitoribus; & cum *taxari Sulpicium* audisset, *quod Catonis amicitia proventus, ei tamen cedere recusaret; Non est mirandum, ait, si, quod summum quisque bonum esse existimat, id alteri nolit concedere.*

XI. Senatui tamen persuasit, *ut tolleret morem, quo propinqui & amici petitoris pro eo ambibant prensabantque; jubereque quemlibet candidatum per se tantum petere.* Sed eam rem populus indignanter tulit, *omne suum jus a Catone eripi questus, qui lucrum ex petitionibus nuper ademisset; nunc etiam, accisa rogandi populum consuetudine, honorem & gratiam.* Idcirco cum & amici Cæsaris ac Pompeji populum ei inconciliarent, (semper enim mali viri diffidunt bonis) & Cato, minime factus ad ambitum, gravitate magis & integritate in petendo, quam precibus & blanditiis, uteretur; repulsam tulit: Sulpicius Marcellusque designati sunt; ille peritia juris, hic eloquentia, uterque comitate, favorem hominum meritis. Postquam hi consulatum iniverunt, C. Cæsar, domitis subita impressione Biturgibus, deinde Carnutum gente, in Bellovacos venit.

XII. Cum his Ambiani, Aulerci, Calletes, Velocasses, Atrebates conjunxerant copias, Correo Bellovaco, & Co-

§ IX. Flor. Plut. Diodor. § X. Cæs. Liv. Epit. Diodor. Oros. 6, 13. § XI. Euseb. Chron.

mio Atrebate præcipuis ducibus; & locum paludibus silvisque munitum, & ad omnia opportunum, castris ceperunt. Hos ut ad pugnandum eliceret Cæsar, cum quatuor tantum, sed spectatæ virtutis legionibus in conspectum venit. Deinde cum illi nihilominus loco se suo tenerent, & præter levia certamina fieret nihil; quia neque castra hostium oppugnari sine maximo periculo, neque circumveniri a tam paucis poterant, C. Trebonium cum tribus legionibus arcessit, magnumque sociorum equitatum evocat, quem pabulatoribus præsidio mitteret.

XIII. Ex eo numero Rhemi, Bellovacorum insidiis circumventi, Vertisconem principem civitatis, eundemque præfectum equitum, cum magna multitudine suorum amiserunt. Vicissim tamen Bellovaci a Germanis equitibus fusi fugatique, cum etiam accedere cum novis copiis C. Trebonium legatum cognovissent, trepidare cœperunt: & ne uno loco inclusa innumerabilis multitudo fame interiret, quidquid ætate, aut viribus, fessum, aut armis parum instructum aderat, cum parte impedimentorum statuerunt dimittere. Sed Cæsar, animadverso hostium consilio, ad insequendum se parabat. huic rei ut moram afferrent Galli, tutioremque suis discessum præberent, instructas & ipsi copias pro castris ostenderunt.

XIV. Idcirco Cæsar, per difficilia loca suis in jugum montis transductis, unde tela tormentorum pertingere ad hostium cuneos possent, castra ibidem posuit. At Bellovaci, cum neque discedere auderent, vicini hostis metu, neque diutius permanere sine cibariis possent, plenum caliditatis consilium capiunt. Mos erat Gallorum, ut in acie non starent instructi, sed federent; quo minus ante prælium vires consumerentur. Tum etiam fascès stramentorum atque virgultorum, quorum summa erat iis copia, effecerant, quibus insiderent. hos per manus inter se traditos ante primam aciem coacervarunt, & sub vesperam diei,

§ XII. Plut. in Cat. c. 63. Diodor. § XIII. Diodor. Liv. Epit. Cic. in Brut. c. 71.

quo tempore se recepturi erant, simul ab omni loco incenderunt.

XV. Cum sublatuſ maximuſ igniſ eſſet, iſque conſpectum Gallorum Cæſari adimeret; ille tamen, quid ageretur, ſollerti conjectura aſſequabatur. Sed perſequi fugienteſ, tanto objecto incendio, non poterat; &, ne forte alicubi in inſidiis lateret hoſtiſ, timebat. Bellovaci, hoc vaſtamento impune digreſſi, non longiuſ inde millibuſ decem munitiſſimo loco caſtra poſuerunt. Cum ſubſecutuſ Cæſar eſſet, Galli, locorum adjuti peritia, crebra pabulatoribuſ damna inferebant: eo ſucceſſu animoſior Correuſ, delectiſ ex omni copia ſex peditum millibuſ, cum equitibuſ mille, quo loco futurum putabat, ut Romani frumentandi cauſa accederent, quod omnia circa jam deſecta erant, in inſidiis conſedit.

XVI. Campus erat haud ampliuſ mille patenſ paſſuſ, quem impeditiſſimæ ſilvæ a ceteriſ partibuſ, ab una flumen altiſſimuſ cingebat. Sed e captivo quodam Cæſar cognita fraude, inſidiatoreſ ſuo aſtu petituruſ, equitatuſ, interpoſita levi armatura, præmittit; ipſe cum legionibuſ citato gradu ſubſequitur. Ubi primum in campo conſpecti ſunt equiteſ, Correuſ cum paucis occurrenſ, conſerit manuſ: deinde pluſ, poſtremo pedites ex ſilviſ erumpunt. Repugnant fortiſſime Cæſariſ equiteſ, leviſ armaturæ præſidio adjuti: donec crebriſ nuntiis ipſi hoſteſque certioſe facti ſunt, Cæſarem cum inſtructiſ legionibuſ adeſſe.

XVII. Eadem reſ & Romanorum auxit, & hoſtium fregit animoſ: & majore parte ſuorum amiſſa, Bellovaci in fugam ſe conjecerunt. ſed irretiti eiſdem locorum fraudibuſ, quaſ in exitium Romanorum delegerant, paucis exceptiſ, ceciderunt. Dux eorum Correuſ, æque fugam atque deditionem turpem ratuſ, fortiſſime præliari non omiſit, donec Romanoſ, qui vivuſ capere maluiſſent, vulnerando, tela in ſe conſpicere cogit. Hoc prælio debellatuſ:

§ XIV. Oroſ. 6, 11. Hirtiuſ de B. G. § XV. Oroſ. Hirt. § XVI. Oroſ. Hirt. Cic. familiar.

missique ad Cæsarem oratores civitatum, obsides, quos ille imperaverat, adduxerunt. Pacatis omnibus aliis, solus Atrebas Comius arma retinebat, nulla resistendi spe, sed desperatione salutis, quia nemini se Romanorum audebat committere.

XVIII. Nam superiore anno sub specie colloquii petitus infidiis, auctore Labieno, vulnere accepto vix evaserat. Cæsar, eo bello confecto, in fines Eburonum proficiscitur, eosque crudelissime devastat; eo consilio, ut Ambiorigem, quem capi posse desperarat, in summum odium suorum adduceret, qui propter istius perfidiam tam atrociam paterentur. Sed Comium, in Britanniam fugientem, infecutus deprehendere non potuerat, egregio hominis astu delusus. Nam is cum ad Oceanum veniens, ventum quidem secundum, sed æstum recedentem, invenisset, & in siccis æstuariis naves hærent, pandi nihilominus vela iussit.

XIX. Ergo Cæsar, cum eminus tumentia vento videret, jam in cursu esse putans, ne frustra periret sibi tempus, recessit. Interea in Pictonibus, Duracii atque Dumnaci discordia novum bellum ortum. Duracius, qui semper Romanarum partium fuerat, in oppido Limono obsidebatur. Igitur C. Carinius Rebilus, duabus, quas habebat, legionibus adductis, cum ad dimicandum laud fatis firmas copias haberet, munito loco confedit. Sed Dumnacus, castris per aliquot dies frustra oppugnatis, cum redisset ad obsidionem Limoni, certior factus de adventu C. Fabii legati, ne hinc ab exercitibus Romanis, inde ab obsessis invaderetur, Ligerim statuit copias transducere.

XX. Sed jam pontem C. Fabius occupaverat: isque, equitatu in nescios & ex itinere festos immisso, magnam stragem edidit. Cedentem deinde Dumnacum infecutus ita profligavit, ut plus quam duodecim hominum millia conciderentur; Dumnacus, expulsus finibus, nudatus exercitu, errans, latitanisque, in extremas Galliarum partes profugere

§ XVII. Hirtius. § XVIII. Oros. 6, 11. Hirt. § XIX. Oros. Hirt. Diodor.

cogeretur. Ad quinque ferme hominum millia ad Drapetem Senonem ex fuga convenerunt, cum quibus ille Provinciam erat petiturus, assumpto etiam Luterio Cadurco, summae audaciae viro. Igitur Romani duces, divisis partibus, C. Caninius in Provinciam contendit, ut his occurreret; C. Fabius in Carnutes reliquasque civitates, quæ auxilia Dumnaco miserant, impetum fecit.

XXI. Atque illæ, viribus accisis, terrore aucto, datis obfidibus celeriter in deditionem venerunt. At Drapes & Luterius Uxellodunum, in Cadurcis munitissimum oppidum, occuparant. Eodem & Caninius cum duabus legionibus procedit, visoque loci situ, tribus circa castris positis, paulatim munitionibus claudere oppidum instituit. Erat in animis omnium recens Alesia calamitas: ideoque, ut rei frumentariae ratio haberetur, Drapes & Luterius, modico in urbe relicto præsidio, ceteras copias frumenti comportandi causa educunt. Id cum, castris intra decimum milliare positis, per angustas silvestresque fennitas in oppidum importare cœpissent, strepitu prodente, a Caninio sub ipsam lucem sunt circumventi. Luterius, qui cum frumentatoribus erat, cum paucis ita effugit, ut eorum nemo in castra reverteretur.

XXII. Igitur Drapes, ignarus omnium, subito Germanis irruentibus, turbatur: multi occiduntur hostium, ceteri, atque inprimis ipse dux, capiuntur. Caninius ad obfidionem Uxelloduni redit: eodem & Fabius accedit postmodum. ita pluribus ex partibus opera administrantur. Interea Cæsar, relicto in Bellovacis quæstore M. Antonio, Carnutes adiit, concitoremque belli Guturvatum supplicio affecit. Cognita deinde crebris nuntiis Uxellodunensium pervicacia, faciundum sibi statuit, ut ipse eo proficisceretur, ne, si unum oppidum diutius restitisset, universam Galliam ad vires iterum tentandas sollicitaret.

XXIII. Postquam Uxellodunum Cæsar venit, inspectis-

§ XX. Orof. Hirt. Front. Strat. 2, 19. § XXI. Orof. Hirt.  
§ XXII. Orof. Hirt.



que omnibus, situm loci inexpugnabilem, frumenti copiam in longum tempus oppidanis suppetere, nec omittere posse, clauso operibus oppido, cognovit; unam spem victoriæ in eo verti credidit, si aqua prohibere oppidanos posset. Et flumine quidem, quod imis radicibus montis ita ferebatur, ut nullam in partem derivari posset, per sagittarios funditoresque prohibere non erat difficile: ceterum sub ipsius oppidi mœnibus fons magnus prorumpens, quem adimi obsessis posse, cum reliqui tantum optarent, Cæsar unus vidit, remque effectam dedit.

XXIV. Namque ex adverso fontis vineas agi & aggerem strui iussit: & quamquam ex superiore loco multi milites vulnerabantur, tanta tamen constantia fuit, ut agger sexaginta pedum altitudine efficeretur. In eo turrim erexit Cæsar tabulatorum decem. ita non quidem altitudo mœnium adæquabatur, quod nullis obtineri operibus poterat; sed tamen fontis fastigium vincebatur, telaque tormentis ad ejus aditum mitti poterant, ne sine periculo aquarentur. Eodem tempore cuniculi ad fontis caput aguntur: cujus rei oppidani nescii, tantum, quod ob oculos erat, malum formidabant.

XXV. Igitur ut hoc averterent, cupas sevo, pice, ac scandulis repletas, & igne immisso, in opera Romanorum devolvunt. Ibi cum ad prohibendum incendium concursus esset, acre prælium exstitit, cum Romanos virtus, oppidanos locus adjuvaret. Sed ubi multos suorum vulnerari Cæsar vidit; ex omni parte scandi montem cum clamore jubet. Ita ad speciem oppugnandorum mœnium Uxelodunenses, omisso prælio, revocant in oppidum armatos, & in circuitu muri disponunt: Romanus iniqua prælii conditione liberatur. In hoc statu cum oppidani, licet multis sibi pereuntibus, tamen resisterent, repente fons, quo solo utebantur, cuniculis interceptus exaruit. Ea res, quod non humani consilii, sed Deorum ira accidisse, putaretur.

§ XXIII. Orof. Hirt. § XXIV. Orof. Hirt.

velut miraculo exanimavit hostes; deditionemque omni ope destitutis necessitas extorsit.

XXVI. Cæsar omnibus, qui arma tulerant, amputari manus iussit, vitam relinquere; ne pœnam eorum ex conspectu reliquorum amoveret. Nec enim crudelitate, a qua plurimum abhorrebat, supplicium hoc irrogaverat; sed in exemplum, quo ceteri a rebellando retinerentur. Cum enim unam tantum haberet imperii æstatem reliquam, eamque ipsam inimici cuperent eripere; nulla alia ratione rebatur obtineri, quam tantis laboribus quæsierat, pacatæ Galliæ famam posse. Consilium Cæsaris solita ejus felicitas adjuvit. Sub idem tempus Luterius, qui novas concitare turbas potuisset, ab Epasnaeto Arverno vinc-tus ad Cæsarem missus est. Drapes aliquot dierum inedia se confecit.

XXVII. Surus, virtutis & generis fama nobilis, qui solus Æduorum arma retinuerat, in Treviris a Labieno captus est equestri prælio, quo & Treviri & Germani Trevirorum focii superati sunt. Tota Gallia pacata, cum nondum Aquitaniam adisset Cæsar, sed per P. Crassum nonnullas civitates subegisset, eo profectus est; omnibusque legatos & obsides mittentibus, Aquitania universa in fidem accepta, Narbonem rediit, conventuque ibi habito, in Belgas abiit, ut Nemetocennæ hibernaret.

XXVIII. Ibi lubenter cognovit, ne quid deinde turbarum in Gallia metueret, etiam Comium Atrebatem in fidem venisse. Is enim post factas sibi insidias, ad ultionem semper intentus, occasione tandem reperta, arma posuerat. Nam C. Volusenus Quadratus equitum præfectus ad id colloquium, per cujus simulationem Comii mors petebatur, missus a Labieno fuerat. Igitur cum hinc magnum inter eos odium intercederet; Volusenus, Comii sæpe interceptis equitibus, postremo capiendi ipsius cupiditate, cum cum paucis vehementissime est insecutus.

XXIX. Ibi Comius, longe a suis abreptum videns, re-

§ XXV. Front. Strat. 3, 7. Orof. Hirt. § XXVI. Orof. Hirt.  
§ XXVII. Orof. Hirt. § XXVIII. Orof. Hirt.

pente comitum invocat fidem, converſoque equo Voluſenum petit: ceteri ſtrenue ſequuntur ducem; Romani, re improvifa territi, terga vertunt. Comius Quadrati medium femur lancea trajicit: præfecti vulnus Romanos pudore fiſtit. Ab his denuo vertuntur in fugam Galli. Hac re perpetrata, Comius, ſive quod multos ſuorum amiſerat, ſive dolori ſuo ſatisfactum rebatur, legatos ad M. Antonium miſit, *imperata facturum pollicitus, dum ne Romani cujuſquam in conſpectum veniret.* Antonius, ab juſto metu proficiſci poſtulata Comii ratus, obſidibus acceptis, veniam actorum omnibus, qui cum eo fuerant, & ipſi, quam petierat, vitandi Romanos facultatem conceſſit.

XXX. Atque hic bellorum eorum finis fuit, omni Gallia cis Rhenum, atque inter mare mediterraneum, & Oceanum, niſi qua paludibus invia fuit, perdomita. Dum his rebus Cæſar occupatur, M. Marcellus conſul edictum propoſuit, *de ſumma ſe republica acturum*: proximoque ſenatu de multis rebus contra Cæſaris rationes retulit; maxime *de provincia, quam a. d. Kalend. Martius jubebat terminari, Cæſaremque ad petitionem conſulatus venire. Nam & bello conſeſſo, dimitti victorem exercitum debere: & abſentis rationem comitiis non habendam; quia lege Pompeja, quo capite abſentes honorum petitione ſubmovebantur, ne Cæſar quidem exceptus eſſet.*

XXXI. Namque Pompejus, cum Cæſarem excipere nominatim debuiffet, ſive per oblivionem, ſeu conſulto, Cæſaris mentionem nullam fecerat: & demum, lege jam in æs incifa, & in ærarium condita, correxerat errorem. Item Marcellus de civitate Novocomenſibus adimenda retulit, quam coloniam rogatione Vatinia Cæſar deduxerat; *per ambitionem & ultra præſcriptum datam cauſatus.* Donata autem jure Latii Novum Comum colonia fuerat: quo jure quæ erant coloniæ, in iis, qui magiſtratum annuum geſſiſſet, eo ipſo civitatem adeptus Romanam intelligebatur. Talem aliquem Marcellus naſtus virgis cecidit, qua pœna

Romæ civis Romanus nullus afficiebatur : jussitque *Cæsari vindices ostendere.*

XXXII. Hæc agenti Marcello, summa ope Cæsar per addictos sibi tribunos plebis & Ser. Sulpicium collegam Marcelli resistebat. neque plerisque ceterorum probabatur, alicui, priusquam tempus lege datum exisset, provinciam auferri. Sed & ipse Pompejus, qui, simulato ad Hispanienfes exercitus itinere, tamen in Italia substiterat, in eadem sententia fuit. Clam tamen intendit animum, ut exarmaret Cæsarem, & statim, atque elapsum imperii tempus foret, privatum in urbem redire cogeret. Hoc ut facilius assequeretur, C. Marcellum fratrem patruelem Marci, qui simultatem gerebat cum Cæsare, consulem fecit : Cajum Curionem, in locum Servii, qui damnatus post designationem fuerat, petentem, ut tribunus plebis crearetur, adjuvit.

XXXIII. Plurimum enim præsidii in eo ponebat, si adolescens nobilis, disertus, audax, inimicissimus Cæsari, tribunitia potestate armaretur. Inter hæc crebro relatum de Galliis, & graviter actum fuerat. A. d. Kal. Sextiles, cum senatus ad Apollinis haberetur, essetque mentio facta de legione, quam Cæsari Pompejus expensam ferebat; itemque de successione C. Cæsaris : Pompejus respondit, *abdukturum sese legionem eam* : de provinciis placuit, *ut quam primum ad urbem Pompejus reverteretur*, (Ariminum profecturus ad exercitum erat) *eoque præsentē de successione provinciarum ageretur.* Intervenit deinde iudicium C. Marcelli consulis designati, quem M. Calidius postulaverat, competitor ejus, sed repulsam passus, & insuper accusatus a duobus Gallis.

XXXIV. Tandem assentiente Pompejo, a. d. prid. Kal. Octobres senatusconsulta sunt in hæc verba perscripta : *Quod M. Marcellus consul verba fecit de provinciis consula-*

§ XXXI. Appian. civil. l. 2. Strab. l. 4. Plut. Dio. Hirt. § XXXII. Sueton. Diodor. Cic. familiar. 8, 4. Vellej. 2, 48. Appian. § XXXIII. Cic. familiar. 8, 4 & 8. Dio.

ribus, de ea re ita consueverunt, uti L. Paullus, C. Marcellus consules, cum magistratum inissent, de consularibus provinciis ad senatum referrent: neve quid prius ex Kalendis Martiis, neve quid conjunctim de ea re referretur a consulibus: utique ejus rei causa per dies comitiales senatum haberent, senatusque consultum facerent: & cum ea de re ad senatum referreitur a consulibus, equitum Romanorum, qui in trecentis iudiciis essent, sex adducere liceret. Si quid de ea re ad populum plebemve lato opus esset, ut Sex. Sulpicius, M. Marcellus consules, prætore, tribuni plebis, quibus eorum videretur, ad populum plebemve ferrent: quod ii non tulissent, uti, quicumque deinceps essent, ferrent.

XXXV. Adscriptum erat: senatum existimare, neminem eorum, qui potestatem habeat intercedendi, impediendi, moram afferre oportere, quo minus de republica quam primum ad senatum referri, senatusque consultum fieri possit. qui impedierit, eum senatum existimare, contra rempublicam fecisse: si quis huic senatusconsulto intercesserit, senatui placere, auctoritatem perscribi, & de ea re ad senatum populumque referri. Huic senatusconsulto intercesserunt C. Coelius, L. Vinicius, P. Cornelius, C. Vibius Pansa, tribuni plebis. Item: Senatui placere, de militibus, qui in exercitu C. Caesaris sunt: qui eorum stipendia emerita, aut causas, quibus de causis missi fieri debeant, habeant, ad hunc ordinem referri, ut eorum ratio habeatur, causaeque cognoscantur.

XXXVI. Itemque: senatui placere in Ciliciam provinciam & in octo reliquas provincias, quas prætore pro prætore obtinerent, eos, qui prætore fuerunt, neque in provincia cum imperio fuerunt, quos eorum ex senatusconsulto cum imperio in provincias pro prætore mitti oporteret, eos sortito in provincias mitti placere. si ex eo numero, quos ex senatusconsulto in provincias ire oporteret, ad numerum non essent, qui in eas provincias proficiscerentur: tum uti quodque collegium prætorum esset, tum deinceps proximi cujusque collegii, qui prætore fuisset,

§ XXXIV. Plut. in Pomp. c. 94. Cic. familiar. 8, 8. § XXXV. Diodor.

*sent, neque in provincias profecti essent, in sortem conjicerentur, quoad is numerus effectus esset, quem ad numerum in provincias mitti oporteret.*

XXXVII. His etiam senatusconsultis cum intercessum a C. Cœlio, C. Panfa tribunis esset, auctoritates perscriptæ sunt. Attamen hoc postremum senatusconsultum lege Pompeja nitebatur, qua etiam eodem anno duo consulares M. Cicero in Ciliciam, M. Bibulus in Syriam cum imperio missi fuerant. Sed ante Bibulum in provinciam Parthi venerunt. Submoti superiore anno a C. Cassio cum iusto exercitu reverterant, Pacoro deducente, regis Orodis filio, ut nomen ducis hic haberet; ceterum Ofaces, adolescentulo custos additus, administraret bellum. Hi cum, omnibus itinere redactis in potestatem, Antiochiam venissent; oppugnare urbem cœperunt, magna cum spe, ultro suas ad partes accessuram Syriam, pertæsam Romani imperii, & quemadmodum locis, ita moribus, Partho propiorem.

XXXVIII. Sed adversus homines, oppugnandis urbibus ineptissimos, facile defensa Antiochia est. Et animos Cassio, timorem Parthis M. Cicero addiderat, qui in Amano, quo monte Cilices a Syris discriminantur, re bene gesta, imperator appellatus, transiturus in Syriam credebatur: præsertim quod magnus equitum Parthorum numerus, cum in Ciliciam irrupisset, ab equitibus Ciceronis, & cohorte prætoria, quam Epiphanæ præsidii causa collocaverat, erat concisus. Ducebat autem Cicero exercitum non pœnitendum, peditum duodecim millia, duo millia sexcentos equites. Præterea firma habebat & prompta sociorum auxilia, quos lenitate imperii amiciores, quam fuissent, populo Romano effecerat.

XXXIX. Etiam Ariobarzanem Cappadociæ regem præsentibus insidiis liberaverat: Dejotarum autem ita habebat amicum, ut, relicto regno, cum omnibus copiis ad eum

§ XXXVI. Hirt. Sallust. hist. 1, 1. Sueton. in Cæs. c. 71.  
 § XXXVII. Cic. ad Attic. 8, 3. Liv. Epit. Sueton. § XXXVIII. Appian. civil. 1. 2. Strab. 1. 4. Plut. in Cæs. c. 43.

proficisceretur. Habebat autem is peditum millia duodecim, Romano armatu, equitum millia duo. Rejēcti ab Antiochia Parthi, Antigoniam petierunt, quam haud procul inde Philippi filius Antigonus condiderat. Suburbium erat ibi frequentibus arboribus confitum. Id Parthi metuz insidiarum ingredi non auzi, fuccidendis arboribus aperire locum instituerunt. Sed ubi homines huic labori non affuetos, etiam assidue Cassius carpebat, relicta & hac obfisione, discesserunt.

XL. Cassius, itinere hostium mature cognito, cum per confragosa loca transeundum Parthis esset, omni peditatu in insidiis locato, cum equitibus, quorum habebat haud magnas copias, se ostendit. Celeriter contemtu paucitatis ad pugnam, deinde ad insequendum refugientem, moti hostes, priusquam animadvertere, quo progredierentur. spes & cupiditas sineret, locis iniquis a peditatu circumventi sunt. Illa clades (nam & magna pars exercitus ceciderat, & ipse dux Ofaces paucis post diebus interierat ex vulnere) expulit Pacorum Syria: diuque post a Parthorum armis quietam provinciam praestitit.

XLI. Interim M. Bibulus, quem aliquamdiu in obsidione Parthi habuerant, Antiochiam venit. Atque is quidem, quamdiu cis Euphratem fuit hostis, pedem porta non extulit. neque tamen, legatis & amicis ac quaestore suo Ciceronem ad subsidium vocantibus, ea de re literas scribere voluit; omnia perpeti malle, quam videri auxilio Ciceronis eguisse, praese ferens. Atque hoc ut malevoli animi, sic quod sequitur, constantissimi moderatissimique specimen fuit. Duos simul egregiae indolis filios amiserat, occisos a quibusdam eorum equitum, qui cum A. Gabinio Ptolemæum in regnum reduxerant, deinde confederant Alexandria.

XLII. Id ille infortunium ingenti animo tulit. Quippe

§ XXXIX. Hirtius. § XL. Diodor. Sueton. Cic. familiar. 8, 4;  
§ XLI. Vellej. 2, 48. Appian. Cic. familiar. 8, 2. Plut. in Pomp.  
c. 94.

nuntiata morte filiorum, postridie processit ad solita munia: posteaque remissos ad se interfectores a Cleopatra, quæ parenti recens defuncto successerat, *intactos reduci iussit ad reginam*; addito, *potestatem hujus vindictæ, non suam, sed senatus, esse debere*. Is igitur Bibulus cum Antiochiam venisset, accepto exercitu, in Amano monte, qui plenus erat hostium sempiternorum, materiem triumphi cœpit quærere. Sed contra, quam speraverat, res cecidit, amissa cohorte prætoria, & Asinio Dentone, qui primi pili centurio fuerat.

XLIII. Felicius in eodem monte Ciceronis expeditio fuit: nam communem ille cum Bibulo Amanum habebat, aquarum divitiis dividendis provincias. Magna ille multitudo hostium occisa, Eranam, quod erat Amani caput, præterea Sepyram, & Commorin, cum aliis aliquot castellis cepit. Hinc ad oppidum Eleutherocilicum Pindenissum admoto exercitu, locum munitissimum, aggeribus, vineis, turribus oppugnavit, vallo & fossa cinxit, magnoque labore, post septimum atque quinquagesimum diem, in potestatem redegit. Inde Tibarenos petiit, qui finitimi Pindenissensibus, similiter receperant fugitivos, Parthorumque adventum expectabant.

XLIV. Sed hi obsides dare, quam bellum pati, maluerunt. His rebus gestis, per loca dubia aut recens pacata M. Cicero exercitum distribuit, Quintumque fratrem præfecit hibernis: ipse ad conventus agendos in provinciam profectus est. Jam erant ad urbem imperatores duo, qui ex eadem Cilicia triumphare cuperent, Appius Claudius, cui Cicero successerat, & P. Lentulus, qui provinciam ante Claudium obtinuerat. A multis enim annis inquietæ ibi res fuerant, vicinitate Parthorum, & ferocibus Cilicum accolarumque ingeniis. Et Lentulus, rebus bene gestis, cum ante biennium decessisset, his consulibus triumphavit. Sed Appius majestatis reus a P. Dolabella factus, abjecta postulatione triumphi, urbem ingressus est. Causam pro eo

§ XLII. Strab. l. 16. Front. Strat. 2, 5. Oros. 6, 13. § XLIII. Euseb. Senec. cons. ad Marc.



dixerunt M. Brutus Appii gener, & Q. Hortensius, ille adolescens, hic quarto & sexagesimo ætatis anno, paucis ante mortem diebus. Nec illo solum judicio, sed etiam ambitus postea absolutus, censuram petiit, cenforque designatus est.

§ XLIV. Cic. familiar. 2, 10, & ad Attic. 3, 21. Idem in Brut. c. 94.

---

# JOANNIS FREINSHEMII SUPPLEMENTORUM LIVIANORUM

LIBER LXXIV.

IN LOCUM LIB. CIX LIVIANI.

E P I T O M E

LIBRI CENTESIMI NONI.

*Causæ civilium armorum & initia referuntur, contentionesque de successore C. Cæsari mittendo, cum se dimissurum exercitus negaret, nisi & a Pompejo dimitterentur. Et C. Curionis tribuni plebis primum adversus Cæsarem, dein pro Cæsare actiones continet. Cum senatusconsultum factum esset, ut successor Cæsari mitteretur, M. Antonio & Q. Cassio tribunis plebis, quoniam intercessionibus id senatusconsultum impediabant, urbe pulsus, mandatum est a senatu consulibus & Cn. Pompejo, ut viderent, ne quid respublica detrimenti caperet. C. Cæsar, bello inimicos persecuturus, cum exercitu in Italiam venit: Corfinium cum L. Domitio & L. Lentulo cepit, eosque dimisit. Cn. Pompejum ceterosque partium ejus Italia expulit.*

I. **C**UM inter hæc novi tribuni plebis inissent, C. Curio statim in principio acceptæ potestatis ferventissime concionari instituit; quasi reipublicæ cura & amore tangere-

tur. Sed ille C. Cæsarem non aliam ob causam oderat, quam quia contemptus erat ab homine, qui servulos etiam liberosque potentium paulo gratiosiores, qualibet impensa sibi solebat adjungere. Id acrius urebat adolescentem; & quod voluptatibus atque libidinibus, & comparandis quorumlibet studiis effuso patrimonio, magnum æs alienum contraxerat. Nam festertium sexcenties aliquando debuisse legitur.

II. Idcirco Cæsar, necessitate ac ingenio hominis cognito, venalem linguam, ne sibi noceret, omnino redimendam ratus, æs alienum ejus omne dissolvit; eoque transfudit ingenium nequam, ut simulatione pro republica, contra Pompejum & Cæsarem, sed revera pro Cæsare staret. Hac re perfecta, consulibus L. Æmilio M. F. Paullo, C. Claudio C. F. Marcello, easdem machinas admovit. Sed Marcello quidem firma adversus pecuniam constitit integritas: Paullus hactenus flexus, ut adversari desineret, acceptam mercedem, septuagies quinquies festertium, basilicæ suæ impendit, quam post anni sequentis incendium juxta forum exstruxit, quo loco prius Fulvia steterat; quasi perituram timeret pessimi facinoris memoriam, nisi admirandi operis dedicatione consecraretur.

III. His consulibus lana pluit circa castellum Cossanum, ubi loci non multo post occisus est Milo: mula pariens, bonorum interitum, mutationem legum, turpes matronarum partus significasse credita est. sed non erat prodigiis opus, cum pericula & libertatis interitus jam oculis hominum obverfarentur. Quotidianæ enim de successionē Cæsaris contentiones erant: cum adversus Pompeji potentissimam factionem, ille haud minore robore resisteret; neque plus illi prodesse, qui amicitiam profitebantur, quam qui simulabant odium. Cujus rei summus artifex Curio minabatur in speciem Cæsari, consilia communicabat cum Pompejanis: & ut illorum perdisceret in-

§ I. Diodor. Liv. Epit. Cic. familiar. 8, 4. § II. Sueton. in Cæs. c. 29. Diodor. Val. Max. 9, 1.

timos sensus, & donec animum nudare opportunum videretur, plus ex occulto noceret.

IV. Maximum hominis vaframentum in eo erat, ut multis, sed inanibus, effusis in Cæsarem dictis, sensim ad ea, quæ Pompejum & optimates offensura erant, progredieretur; tanquam neutrarum partium, & libertatis custodiam cuius gratiæ anteponebat. Nec eo animo ista proponebat, ut decretum iri speraret, aut omnino cuperet decerni: sed his negatis, ansa dabatur ei, & quæ contra Cæsarem parabantur, citra suspicionem impediendi. Igitur his contentionibus cum temporis permultum esset consumtum, indigne se id ferre simulans, ut intercalaretur postulare cœpit, tanquam spatio indigens ad perferenda, quæ vellet.

V. Erat autem intercalandi apud Romanos, ex magno veterum errore in anno constituendo orta necessitas: deinde ex ambitione aut ignorantia sacerdotum, quibus ea commissa cura fuerat, mirabilis confusio. Cum enim ad lunæ cursum institutus a Numa Pompilio annus esset; cito apparuit, legibus universi hunc ordinem non congruere: futurumque, ut, quibus mensibus bruma fuisset, iisdem post annos haud plurimos messis esset futura. Igitur dies, qui ad solarem annum deerant, inferi constituto jam anno oportuit.

VI. Hæc insertio *intercalatio* appellabatur, ex eo, quod nova luna pontifex, calata, hoc est, vocata, in Capitolium plebe, quot numero dies ad nonas superessent, indicabat. unde etiam dies, qui primus calabatur, *Kalendarum* nomen retinuit. & quoniam aliorum mensium quintanæ sunt nonæ, aliorum septimanæ; calabatur cum hoc discrimine, ut pro ratione mensis, aut, *dies te quinque calo Juno novella*, aut, *septem dies te calo Juno novella*, pronuntiaretur. Ceterum non singulis annis, sed per octennia moris erat intercalari. eaque ipsa res quandoque propter

§ III. Sucton. in Cæs. c. 29. Appian. civil. l. 2. § IV. Plut. in Cæs. c. 43. Plin. 36, 15. Jul. Obscq. § V. Liv. Epit.

superstitionem omiffa erat: nonnunquam vero intempestive ufurpata, cum publicanorum cupiditati quidam pontifices gratificati, productiorem aut breviorē annum ex illorum commodo facerent.

VII. Non alio autem mēse, quam Februario, intercalari fas erat, Terminalibus jam peractis. Id eo quoque anno fieri Curio cum postularet, non ignorans alienum esse, nam & ipse erat eo sacerdotio præditus; ceteri pontifices reclamabant. Igitur cum obtineri non posset de intercalatione, neque etiam hoc volebat; quasi per iram, ne ceterarum quidem rerum quidquam agi passus est. Mox apertius pro Cæsare loqui cœpit, & quo agitarēt optimates, multas jactare leges: non quod perferri posse speraret, sed obtentui habiturus ad intercessionēs, quas parabat. *Alimentariam* inprimis, qua *numerus* definiebatur *vehiculorum & comitum iter facientibus*, prætextu, opinor, Clodianæ necis, aliaque *de muniendis sternendisque viis* continebantur; utque *ea curatio soli in quinquennium daretur*, ferebat.

VIII. Atquē hoc caput contra Liciniam Æbutianque leges pugnare non ignorabat, ideoque Rullum, Agrariæ legis auctorem, cum similia peteret, vehementer exagitatum fuisse: sed consulto promulgabat, quod a Pompejanis reprehensum, justam sibi causam istis partibus irascendi dedisse videretur. Cum inter hæc Kalendæ Martiæ venissent, quibus ex senatusconsulto referri de successione Cæsaris oportebat, Cajusque Marcellus ea de re verba fecisset; plerisque assentientibus collega Marcelli Paullus siluit: Curio, laudato Marcelli animo, *addendum* monebat, *ut pariter Pompejus provincias & exercitus suos dimitteret*.

IX. Sciebat hoc minime facturum Pompejum Curio: sed prætextum quærebat, per quem Cæsar, quæ habebat, excusatus retineret. Igitur *iniquam rem postulare Curionem* Patres dicebant, Scipio præsertim, qui & nuper senten-

§ VI. Cic. familiar. 8, 8. Macrob. Saturnal. 1, 13. Varro de L. L. 1. 5. § VII. Cic. familiar. 8, 6. Diodor. § VIII. Cic. de leg. Agr.

tiam dixerat, *ne quid conjunctim referretur* ; quod tempus imperii Pompejo nondum exierat. Contra Curio, *summam rem publicam agi*, vociferabatur; *neque aut pacem aut libertatem in tuto fore*, nisi aut ambo deponerent imperium, aut ambo retinerent. Nam & ab inermibus nihil periculi, & si uterque haberet exercitum, contra alterius cupiditates, in altero præsidium fore.

X. Hæc in speciem tam honesta populo mire probabantur, cui alioquin ob legem ambitus, qua largitiones accisæ fuerant, cœperat Pompejus esse vilior. Sed apud ceteros mortales auctoritas ejus & fama longe erat maxima; idque hoc tempore apparuit, cum Campaniam obiens, Neapoli graviter ægrotare cœpisset. Tum enim, auctore Praxagora, Neapolitani pro salute ejus publice vota suscepunt, qui ante eum honor nemini Romano contigerat: & hoc exemplum, aliis amore, multis per simulationem paria facientibus, universa imitata Italia est. Deinde, postquam convaluit, inaudita passim læticia & gratulatio orta, coronati Neapolitani, coronati Puteolani, feriæ ubi vis per multos dies fuerunt.

XI. Quocunque adisset, infinita multitudo procedebat obviam: vici portusque sacrificantium epulantiumque agminibus complebantur: excipiebatur cum facibus, in deducendo floribus spargebatur. Atque ea res mirifice inflavit Pompejum, ut jam valde inciperet contemnere Cæsarem, minusque se pararet ad tam grave certamen. Præmisit tamen ad senatum literas, & Cæsaris honorifica facta mentione, ad suarum rerum enumerationem transiit, quas ab initio ad ea usque tempora gessisset.

XII. *Neque se affectasse nimios honores: sed tertium consulatum, exercitumque & provincias ultro delatas, quo præsidium constituenda reipublicæ haberet, accepisse. Nunc autem, quæ ingesta recusanti essent, volentem se reddere repetentibus, licet nondum exactum imperii tempus haberet.* Hoc eo pertinebat, ut & suam modestiam commendaret, & invidiam

& IX. Appian. civil. l. 2. Cic. familiar. 8, 8. § X. Diodor. Plut. in Pomp. c. 56. § XI. Vellej. 2, 48. Cic. Tusc. quæst. 1, 35.

faceret Cæsari, qui ne finito quidem imperio decederet. Mox ad urbem cum venisset, in eandem sententiam locutus, *idem etiam placere Cæsari affirmabat, post tot exantlato pro republica labores, victoriarum suarum præmiis in urbano otio, honoribusque & sacerdotiis frui desideranti.*

XIII. Sed astutiam ejus Curio coarguit, *siquidem eo esset animo, statim deponere potestatem jubens, neque hoc agere, ut, ipso retinente imperium, Cæsari successor mittatur: postremo aperte invectus in Pompeji cupiditatem, nisi nunc metu Cæsaris cogatur in ordinem, nunquam deinde abiturum imperio, dictitabat. Idcirco sibi placere decerni, uti ambo simul accipiant successores; utique, nisi voluntati senatus paruerint, hostes judicentur; legionesque scribantur ad bellum.* Hac sententia maxime texit fraudem, ut æqualiter animatus in utrumque, neque emtus a Cæsare crederetur. At Pompejus supra modum irritatus, cum multis in Curionem minis, ad suburbana prædia se recepit.

XIV. Senatus jam utrumque suspectum habere cœperat: modestiorem tamen Pompejum judicabat, &, quam esset contemtim a Cæsare consule habitus, recordabatur. Igitur multi ea in sententia erant, *non ante dimittendos a Pompejo exercitus, quam Cæsar provincia decessisset*, cujus absentiam & spiritus minus civiles vehementius perhorrescebant. Adversus hos cum pugnando nihil efficere Curio posset, ne quid forte contra Cæsarem decerneretur, pro tribunicia potestate senatum dimisit. Tum primum serio doluisse Pompejum ferunt, quod eam potestatem, a Sulla propemodum abolitam, restituendi auctor fuisset.

XV. Nihil igitur decretum, nisi *singulas legiones a Cæsare & Pompejo in Syriam ad Bibulum mitti, propter Parthicum bellum amplioribus copiis egentem.* Non fallebat Cæsarem, hoc ab inimicis agi, ut duabus ipse legionibus spoliaretur. quippe Pompejus, quam post Titurii cladem ad Cæsarem miserat, tanquam ex suo numero dabat. Tamen & hanc remisit in-

§ XII. Cic. ad Attic. 8, 15. Plut. § XIII. Diodor. Appian. § XIV. Hirt. de B. G. 8, 54. Diodor. l. 40.

cunctanter, & ex suis quintam decimam, quam in Gallia citeriore habuerat. militibus ducenos quinquagenos denarios dono dedit. Hos qui adduxerant, dolo an stultitia incertum, mire deprimebant Cæsarem, *nihil eo apud exercitum odiosius esse, cunctis finem laborum, conspectum patriæ, & ab diuturna dominatione libertatem & otium respicientibus: neque dubitare, transituros ad Pompejum universos, simul atque redi in Italiam forent.*

XVI. Id quoque negligentiores effecit Pompejum, cuncta sibi, simul annuisset, proclivia fore existimantem. Legiones, quia Parthi recessisse nuntiabantur, retentæ nihilominus in Italia, Capuæ hiemarunt. Namque Bibulus provinciae suæ pacem, conflatō inter Parthos civili bello, procuraverat. Ornodapantes satrapa, infestus regi Orodi, ut receptum apud Romanos haberet, cum Bibulo amicitiam instituerat. Hunc igitur crebris nuntiis impulit, ut, Pacoro rege constituto, bellum Orodi faceret. At Cæsar neque lubenter positurus imperium, cui tamdiu assueverat, &, si deponeret, in potestate futurus inimicorum; omnes rationes suas ita parabat, ut si volentibus obtinere, quod cupiebat, nequiret, vel invitis omnibus assequeretur.

XVII. Igitur jam a multo tempore nihil, quod aut ad gratiam hominum parandam, aut ad opes suas stabilendas pertineret, prætermiserat. Forum inchoaverat de manubiis, solo tantum festertium millies emto: munus populo epulumque pronuntiarat in filiae memoriam, cum in mortibus matronarum id adhuc nemo fecisset: legionibus stipendium in perpetuum duplicaverat: frumentum sæpe sine modo ac mensura præbuerat: mancipia, prædia viritim distribuerat: regibus captivorum millia dono dederat: & citra senatus populivæ jussu auxilia, quoties & quo perissent, miserat: Italiae, Galliae, Hispaniarum, Asiae quoque & Græciæ urbes munitissimas præcipuis operibus exornarat.

§ XV. Hirt. Plut. in Cat. c. 44. Appian. § XVI. Cic. familiar. 2, 17. Diodor. Sueton. in Cæs. c. 30. § XVII. Diodor. Sueton. in Cæs. c. 26. Plin. 36, 7.



XVIII. Tum vero & milites conscripsit, & pecuniis coercendis studuit, omnique modo exercitum sibi quam benevolentissimum efficere. Inter hæc & provinciam ordinavit summa humanitate; nisi quod, imposito tributo, victam se fateri Galliam coegit. Id quoque, pro magnitudine & opibus provinciarum, modicum, *quadringenties in singulos annos stipendii nomine conferri* iussit. Deinde per speciem commendandi M. Antonii, qui auguratum petebat, in Galliam Togatam transgressus, municipia & colonias appellavit; haud minoribus exceptus honoribus, quam antea Pompejo fuisse exhibitos scripsimus.

XIX. Hæc omnia Cæsar eo fecerat studiosius, quod adversarii ejus valde exultabant consulibus designatis L. Lentulo, C. Marcello, & Ser. Galba repulso, qui legatus Cæsaris fuerat; quamquam is gratia suffragiisque plus valuisset. Quippe plurimum in urbe Pompejus poterat, plerisque suffragantibus, & inter hos Ap. Claudio censore. Nam & postremam liberæ reipublicæ censuram Appius hic, collega L. Pisone, exercuit. Et Piso quidem studebat genero Cæsari: Appius inimicus dum nocere conatur, plus etiam invitus insciusque proderat. Nam Piso ob affinitatem Cæsaris, & alioquin negotiorum minime appetens (quippe opinionibus Epicureorum deditus, ne censuram quidem suscipere voluerat) notabat neminem: Appius multos equites senatoresque notando, ut postmodo Cæsaris partibus cupidius se applicarent, efficiebat.

XX. Jam primum libertini generis quotquot erant, movebat senatu: deinde multis etiam nobilibus eandem impingebat ignominiam. Hos inter & Sallustius Crispus curia exactus est; cum censoribus in senatu, *se non matronarum, sed libertinarum, sectatorem esse*, respondisset. Notavit & C. Atejum, virum bonum & civem egregium, qui M. Crasso ad bellum Parthicum proficiscenti tribunus plebis obnuntiaverat. *Ob eam causam*, subscripsit censor, *populum*

§. XVIII. Diodor. Appian. §. XIX. Hirt. de B. C. 8, 42. Sen. Ruf. c. 6. Vellej. 2, 39.

*Romanum calamitatem maximam accepisse. Similis ejusdem, sed justior, severitas in eos, qui signa tabulasque ad ornamenta munerum a fociis mutuati, postea pro suo retinuerant.*

XXI. Sed maxima cum Curione dimicatio fuit. Notaturus enim & hunc Appius, quamquam Pisone collega & cognato Curionis Paulo deprecantibus, sententiam suam in senatu palam ostenderat: quæ res acerrimos excitavit motus. Quippe Paullus præ dolore vestem scidit: at consul Marcellus, sperans, hac occasione contra Cæsarem aliquid decretum iri, ea de re statim referre cœpit. Curio primum repugnare, *nec jure nec more facturum dicere, si de se sententias roget*: mox animadverso, magnam præsentium partem Cæsaris totam esse, ceteros plerosque, ne quid adversus illum audeant, metu prohiberi; *ego vero, inquit, vitam actionesque meas ita institui, ut illius non pudeat; hæc ad patriæ pertineant utilitatem.*

XXII. *Neque recuso vobis rationem omnium reddere, Patres conscripti. Vos, uti videbitur e republica & fide vestra, de me statueritis.* Ibi C. Marcellus consul ita Curionem accusavit, ut damnatum iri plane confideret. Sed postquam plurimum sententiis absolvi reum, atque adeo defendi ornarique vidit, ira correptus, senatu se proripuit. Plane is erat animorum habitus, ut proniores in Pompeji causam Patres essent; sed tamen sæpe Cæsarianorum violentia superati, his utiliora decernerent. Et consules quidem designati Pompejanarum partium erant. Igitur Cæsar literas ad senatum misit, *ne sibi beneficium populi adimeretur; aut saltem reliqui etiam imperatores ab exercitiis discederent.*

XXIII. Erant hæc astutissime excogitata: quidquid enim esset factum, pro Cæsare futurum erat. Nam si tam æqua conditio repudiaretur, favorem hominum erat habiturus, tanquam ab inimicis contra fas & æquitatem premeretur: relicta potestate, magis confirmabatur; sin & Pompejus

§ XX. Sueton. in Cæs. c. 25. Eutrop. § XXI. Hirtius. § XXII. Plut. in Pomp. Diodor. Cic. in Pison. c. 25.

dimitteret exercitum, celerius se convocaturum veteranos suos, quam Pompejum novos milites, sperabat. Has literas cum pro concione recitasset Curio, *seque diceret enise laboraturum, ut rempublicam omni metu liberaret*; maximo favore plausuque populi exceptus est, floresque & ferta in eum iacta.

XXIV. At ubi est his de rebus in senatu relatum, Cæsari plerique omnes abrogarunt imperium; relinquebant Pompejo: nam astutia consulis seorsim de utroque relatum erat. Igitur Curio denuo conjunctim referre coepit, *placeretne discedere utrumque ab armis, exercitusque dimittere?* Ibi duobus tantum & viginti renuentibus, trecenti septuaginta in sententiam Curionis discesserunt. Hoc ubi factum est, C. Marcellus, senatum dimittens, *Vincite*, exclamat, *ut dominum habeatis Cæsarem*. Intercessione tamen amicorum Pompeji, adjuvante consule, res effectû caruit.

XXV. Sed & falso rumore venientis cum exercitu Cæsaris urbs exterrita trepidabat: quo usus C. Marcellus, senatu coactô, retulit *de legionibus*, quas retentas fuisse Capuæ diximus, *uti contra Cæsarem mitterentur*. Sed obstitabat C. Curio, *frustra*que hæc dici credique testabatur. Ergo consul, *Quandoquidem*, inquit, *de comuni senatus sententia reipublicæ consulere prohibeor; at ego saltem pro potestate mea consulam*. Simul exsiliens curia, in suburbium, ubi Pompejus agebat, procurrit; porrectoque ei gladio, *Iubemus te*, inquit, *contra Cæsarem bellare pro patria, copiasque tibi tradimus, & quæ nunc Capuæ, aut per ceteram Italiam sunt; & quas ex novis parare delectibus voles*.

XXVI. Nam una secum consules designatos adduxerat, ne res, a se solo suscepta, parum haberet momenti. Jam enim in exitu consulatus ejus erat: sub quod tempus designatorum jam multum valebat auctoritas; quibus & literæ tradebantur ad senatum scriptæ, & alia quædam ge-

§ XXIII. Cic. in Sallust. Ascon. in Hor. Sat. 1, 2. § XXIV. Cic. de divin. & ad Attic. § XXV. Cœl. in Cic. ad familiar. 8, 14. Diodor.

rere pro consulibus licebat. At Pompejus, cum semper fuisset in ejusmodi rebus accuratus & diligens, cupidius quam prudentius oblatum accepit imperium, neque a quibus sibi, neque quomodo mandaretur, considerans: in speciem tamen modestiæ, hic quoque illud suum, *Nisi quid melius*, subjecit. Hoc pacto palam susceptis cum Cæsare inimicitiis, cum segnius cetera, quam pro magnitudine rei, administraret, nihil profecit ultra, quam ut Cæsari retinendarum legionum honestiorem prætextum conciliaret; simulque laxaret vincula spei & pudoris, quibus hætenus retenta cupiditas ejus, ambiguis inter pacem & arma consiliis fluctuaverat.

XXVII. Sed Curio, cognitis, quæ essent acta, cum aliud pro Cæsare nihil posset, continuis concionibus apud populum *tempora reipublicæ* deflebat, Pompejum & consules accusans: jubebatque hos *edicere, ne quis nomen daret conscribenti milites Pompejo*. Quod ubi frustra tentatum est, atque interea tribunatus tempus exivit; sibi quoque timens, ad Cæsarem excurrit, qui tum recens cum peditum milibus quinque & equitibus trecentis (tertia decima legio erat) Ravennam pervenerat; quæ extrema provinciæ ejus urbs, eademque Italiæ proxima erat. Ne tamen inimicos Pompejus in urbe desideraret, M. Antonius, inito tribunatu plebis, rogationem promulgavit, *ut legiones duæ, Parthici belli causa in Italiam deductæ, ad M. Bibulum mitterentur; Pompejo scribendi militis jus ne esset; neve quis delectum habendi respondere ad nomen cogeretur*.

XXVIII. Quin & in concione populi a. d. X Kal. Jan. habita in Pompejum invecus, omnia ejus acta jam usque a toga pura petulantissime traduxit. Interea Cæsar comiter exceptum Curionem in consilium adhibuit de præsentibus. Neque dubitabat ille, *quin arcessendus propere exercitus, & experiundum armis esset*. At Cæsar, speciem præferens æquitatis & clementiæ, cum interim nihilo segnius pararet

§ XXVI. Sueton. in Cæs. c. 29. Plut. in Cæs. c. 45. § XXVII. Appian. civil. l. 2. Plut. in Pomp. c. 98. Hirt. de B. G. Sueton.

bellum, ad amicos in urbem scribit, *uti cum adversariis paciscantur, quo, dimissis octo legionibus, Transalpinaque Gallia, Cisalpinam & Illyricum cum duabus legionibus retineret, donec consul iterum factus esset.*

XXIX. Simul Curioni dedit ad senatum literas, quibus, post commemorationem eorum, *quæ per tot annos pro republica strenue fortiterque gessisset, purgabat objecta sibi crimina: paratum ostendens ab exercitu discedere, si Pompejus idem faciat. sin vero, neque se commissurum, ut inermis obiciatur inimicorum crudelitati; sed assuturum impigre, quo reipublicæ suamque injuriam defendat.* Has literas a. d. Kal. Jan. quo die C. Claudius M. F. M. N. Marcellus, L. Cornelius P. F. Lentulus inierunt, C. Curio consulibus tradidit, tri-duano cursu ad centum sexaginta millia passuum emensus. Sed neque pacta cum adversariis, neque literæ quidquam ad concordiam valuerunt.

XXX. Sane M. Cicero, qui, recens reversus e provincia triumphi petendi causa, ad urbem erat, magnopere conabatur his malis mederi: jamque eo profecerat, ut Pompejus flecteretur, neque Cæsaris amici recusarent, quo minus *una legione cum Illyrico provincia contentus Cæsar esset.* Sed mirus invaserat furor hominum mentes, ut potius civili bello collidi cuperent: Lentulo præsertim implacabili, qui, salva republica, salvus esse non poterat; & M. Cato, negante, *facturum ullas de republica pactiones.* Quin neque literas Cæsaris in senatu recitare consules volebant; quamquam Curio, ne supprimerentur, in ipsa curia exhibuerat: donec Q. Cassius Longinus, M. Antonius tribuni plebis, recitari publice jusserunt.

XXXI. Erant illæ cetera quidem lenissime scriptæ; sed postrema verba effecerant, ut minaces & acerbæ viderentur. Sane cum recitarentur, *bellum haud obscure denuntiari* conclamatum est. Secessionem deinde facere consules cœperunt, veriti, ne forte, si voce sententiæ dicerentur, multi

§ XXVIII. Hirt. Oros. 6, 15. § XXIX. Diodor. l. 40. § XXX. Dio. Appian. Plut. Vellej. 2, 49.

verecundia, plures metu Cæsaris, mitius censerent. Ibi cum de Cæsare referretur, *ipsumne ponere imperium vellent?* in eam partem omnes discesserunt; Pompejum nemo sustinuit offendere: armatus enim hic, & ad urbem erat. Marcus tamen Marcellus *non ante referendum de republica* censuit, *quam præsidium senatus haberet, tuto & libere, quæ vellet, decernendi.*

XXXII. M. Calidius Pompejum jubebat in suas provincias proficisci, ne qua esset armorum causa: eandemque sententiam M. Cœlius Rufus, modo ædilitate perfunctus, sequebatur. Præterea C. Curio haud dissimulanter pro Cæsare pugnabat. Sed horum sine magistratu studium levioris operæ fuit. M. Antonius, tribunitia potestate subnissus, quemadmodum Curio nuper, *de utroque conjunctim referendum esse* clamitabat cum assensu Patrum: & erant, qui discessionem flagitarent. Sed ea quidem res a consulibus impedita est: senatusconsulto, quod fiebat in sententiam Metelli Scipionis, *uti ante certam diem exercitum dimitteret Cæsar, aut pro hoste esset*, tribuni plebis intercesserunt.

XXXIII. Postridie, cum iterum senatus haberetur, L. Piso censor, itemque prætor L. Roscius, quorum alter focer erat Cæsaris, alter legatus in Gallia fuerat, *ad Cæsarem ituros* obtulerunt, *ut eum docerent de rebus omnibus: fuerunt & ab aliis sententiæ dictæ, legatos mitti ad Cæsarem oportere, qui ei voluntatem exponant senatus.* Sed his omnibus Pompejana factio, Cæsarisque inimici, consul præcipue Lentulus, Scipioque & Cato restiterunt. Cum iterum hic dies sic abivisset, ut decerni nihil posset, senatus *vestem mutantiam* censuit: tribunis tamen intercessionem non remittentibus, fieri senatusconsultum nequivit; auctoritas perscripta est.

XXXIV. At Pompejani Patres, veste lugubri sumpta, redierunt in curiam: confestimque *referri de intercessione tribunorum* postularunt, *Pompejanum exercitum præsidium suum,*

§ XXXI. Plut. in Anton. § XXXII. Cæs. Civ. familiar. 11, 7. Appian. Dio. § XXXIII. Plut. Cæs. Dio.

*Cæsarem hostem reipublicæ, appellantes. Cum acerbissimæ sententiæ dicerentur, & consul Lentulus, priusquam perrogatum esset, exire tribunos, sibi que consulere juberet, ne longe ab his sacrosancta potestas esset; exurgens Antonius, magno clamore vim incusans, ipsisque & Cæsari, & juri tribunitio illatam, ad postremum quasi furibundus imprecari diras, vaticinari, bella, cædes, exsilia, proscriptiones denuntiare ausus, ex curia profugit.*

XXXV. Exeuntem collega Cassius, Marcusque Cælius, & C. Curio secuti, ultimum discrimen haud multo anteverterunt. Jam enim armati e Pompejanis ventitabant, cincturi curiam. At illi proxima nocte, servili habitu sumto, meritoria rheda ad Cæsarem perfugerunt. Exactis ex curia tribunis, sententiæ dicuntur, *ne illi atque eorum satellites pro senatoribus habeantur*: ad illud extremum atque ultimum senatusconsultum, quo nisi in summo omnium periculo descensum non fuerat, decurritur, *dent operam consules, prætores, tribuni plebis, qui pro consulibus sint ad urbem, ne quid respublica detrimenti capiat.*

XXXVI. Post paucos dies senatu extra urbem habito, uti Pompejus interesset, tumultum esse decreverunt. Pompejum delectus habere tota Italia jusserunt, veteranorum præcipue, donec ex eo genere centum triginta militum millia conficerentur: sed & ex vicinis nationibus, uti quæque virtute præstaret, mercede conducere: in eos usus pecunias ex ærario summere. Magnæ tamen summæ a privatis offerebantur: & per oppida milli, qui festinanter & acerbe conquirerent. Provinciæ quoque privatis datæ: duæ consulares, reliquæ prætoriar. L. Scipioni Syria obvenit: L. Domitio Gallia ulterior. nam citerior prætoria Confidio Noniano obtigerat. in reliquas prætorii mittuntur, cum neque ad populum ex more latum de imperio illorum esset, neque paludati votis nuncupatis exirent.

XXXVII. Sed Pompejus ad omnia fatis se spatii habi-

§ XXXIV. Cæs. de B. G. 5, 53. Appian. civil. l. 2. § XXXVI. Ores. Dio. Appian. Plut. in Anton.

turum rebatur, donec exercitum Cæsar e provinciis arces-  
feret. Et ille quidem miserat adducturos; sed interim plus  
in celeritate, quam viribus, esse reputans ad primos belli  
terrores, apud milites, quos habebat Ravennæ, concionatur:  
*omniumque temporum injurias inimicorum in se commemorat,*  
( placet enim, quæ a se tum dicta tradit, ipsius verbis ex-  
ponere ) *a quibus deductum & depravatum Pompejum queritur*  
*invidia & obtreffatione laudis suæ, cujus ipse honori & di-*  
*gnitati semper faverit, adjutorque fuerit. novum in republica in-*  
*troductum exemplum, ut tribunitia intercessio armis notaretur,*  
*atque opprimeretur, quæ superioribus annis armis esset restituta.*

XXXVIII. Sullam, nudata omnibus rebus tribunitia pote-  
state, tamen intercessionem liberam reliquisse. Pompejum, qui  
amissa restituisse videatur bona, etiam quæ ante habuerit, ade-  
misse. Quotiescunque sit decretum, darent magistratus operam,  
ne quid respublica detrimenti caperet (qua voce & quo senatus-  
consulto populus Romanus ad arma sit vocatus) factum in per-  
niciosus legibus, in vi tribunitia, in secessione populi, templis lo-  
cisque editoribus occupatis: atque hæc superioris ætatis exempla  
expiata Saturnini atque Gracchorum casibus docet, quarum re-  
rum illo tempore nihil factum, ne cogitatum quidem, nulla lex  
promulgata, non cum populo agi cœptum, nulla secessio facta.  
hortatur, cujus imperatoris ductu novem annis rempublicam feli-  
cissime gesserint, plurimaque prælia secunda fecerint, omnem Gal-  
liam Germaniamque pacaverint, ut ejus exultationem dignita-  
temque ab inimicis defendant.

XXXIX. Auctore Lælio primipili centurione, concla-  
mant milites, sese paratos esse imperatoris sui tribunorumque  
plebis injurias defendere. Igitur Cæsar tribunis centurioni-  
busque imperat, uti, relictis armis aliis, gladio tantum ac-  
cincti cum delictis pergant Ariminum, eamque coloniam, quan-  
to possint silentio, occupent. Ita clam præmissis Q. Horten-  
sio, oratoris filio, cum cohortibus decem, qua tantula  
manu terrarum orbem (ut ait Livius) adortus est; ipse, ne

§ XXXVII. Appian. Cæs. Cic. familiar. 16, 7. Dio. § XXXVIII.  
Appian. Cæs. Cic. familiar. 16, 12. Plut. Alcibi.



qua suspicio oriretur, gladiatores perspectavit, & formam, qua ludum erat ædificaturus, inspexit, & ex consuetudine convivium frequens ingressus est; sed incipiente nocte discedens, tanquam leviter affecto corpore, & redditurus, comiter compellatis convivis, paucos amicorum secreto monuit, *ut cum equitibus alius alia via sequerentur*: mulisque e proximo pistrino ad meritorium vehiculum junctis, cum, aliud iter ingressus, paulo post ad Ariminensem viam extinctis luminibus deflecteret, per impedita loca diu oberravit.

XL. Sub lucem deinde duce reperto, per angustissimos tramites pedes evasit; præmissasque cohortes circa Rubiconem allecutus est. Fluvius is modicus est inter Ravennam & Ariminum, hodie vocatur *Pisaiello*. Sed majoribus hoc termino Galliam ab Italia discriminare placuerat. Viso Rubicone, primum substitit Cæsar, quantam bellorum molem transitus hic exciturus esset, reputans: conversusque ad proximos, quos inter & Asinius Pollio aderat, *etiam nunc*, inquit, *regredi possumus: quod si ponticulum transferimus, omnia armis agenda erunt. Sed quid agam, si transitus meus humano generi calamitosus est futurus, reditus mihi?*

XLI. Dum ita cunctatur Cæsar, repente quidam apparuit in proximo canens arundine. quem ad audiendum videndumque (nam erat magnitudine & forma non vulgari) cum multi ex stationibus milites accurrissent, interque eos & æneatores; rapta ille tuba procurrit in flumen, & ingenti spiritu classicum exorsus, in alteram ripam evasit. Tum Cæsar, *eatur*, inquit, *quo Deorum ostentat, & inimicorum iniquitas vocat. Jasta alea est*. Statimque trajectis militibus, nihil moratus tenebras, Ariminum pergit; idque oppidum sub lucem ingressus occupat.

XLII. Ibi concione militum advocata, tribunos plebis, qui urbe pulsi supervenerant, adhibuit, ut erant fervili habitu tecti. Hæc tam fœda species mirifice inflammavit mi-

§ XXXIX. Appian. civil. l. 1. Cæf. Plut. Oros. 6, 15. Sueton.  
§ XL. Plut. Appian. Sueton. § XLI. Appian. Plut.

litum animos, cum præsertim neque Cæsar ipse, neque tribuni deessent, rem per se satis tristem exaggerare verbis. Curio etiam, ut erat promptæ eloquentiæ, jussu Cæsaris acta docuit milites, vehementer accendens ad vindictam animos. *nihil enim ultra rite ac ordine Romæ geri: non fas respici, non jus: sacrosanctam potestatem conculcari: penes malos omnem potentiam, melioribus aut tacitam servitutem, aut, si loqui ausint, fugam, eadem, pericula esse proposita.* Et quo vehementiores adhiberet mentibus faces, flens Cæsar, & a pectore discissa veste, fidem militum invocabat. Assensere milites ingenti fremitu, cum ad omnia promptos imperatori liberalitas ejus & fortuna faceret; errore quoque concionis extremæ adjuvante, quæ promissum omnibus jus aureorum annulorum cum equestri censu inde credidit, quia Cæsar, ad satisfaciendum militibus annulum quoque æquo animo sibi detracturum dicens, sæpius digitum lævæ manus ostenderat. Sic incitatis cohortibus, ad vicina quæque porrigens manus, quantum pro copia præsentē poterat, opportuna loca recipere instituit.

XLIII. Sed hæc non qualia erant, sed multis modis majora, terror subitus, & agrestium fuga per Italiam, ac in urbe vulgaverat: venire Cæsarem cum omni exercitu, Gallorumque & Germanorum ingentibus auxiliis. Ergo sæpius, quam ullo Gallico Cimbricove tumultu, perculsi omnium animi, sine consilio, sine spe, trepidabant. Neque vulgi tantum hæc vecordia, sed magis etiam Patrum erat: cum pavore & querelis Pompejus quoque, ne pro sua virtute & peritia rebus præsentibus consulere posset, turbabatur.

XLIV. Alii præterita objiciebant, quæ jam emendari non poterant: nunc dare ipsum pœnas spreti optimorum virorum consilii, qui Cæsaris amicitiam ipsi patriæque fœnestam fore prædixissent. Hæc exprobranti Catoni Pompejus respondit, illum melius divinasse, se egisse simplicius

§ XLIII. Sueton. Appian. Plut. § XLIII. Sueton. Plut. in Cat. c. 76, & Pomp. c. 161.

& amicius. Plures erant, quos conditiones Cæsaris non admisisse pœniteret. plerique cum Pompejo exposulabant, quid ita, cum esset tam flagitiose imparatus, acerrimum ducem exercitumque provocasset. Nam quærenti L. Volcatio Tullo viro consulari, ecquid paratas haberet copias? hæsitanter responderat, duas legiones, quæ essent missæ a Cæsare, paratas esse: arbitrari & de novis delectibus legiones quinque cogi posse.

XLV. Ibi exclamavit Tullus, decepisti nos, Pompei! nuper enim in senatu legiones habere sese paratas decem confirmaverat. M. Favonius adjecit, nunc esse tempus pede percutiendi terram; quod aliquando jactabundus dixerat, ubi pede terram pulsasset, affatim exsilituras equitum peditumque copias. Et vincebat ille quidem adhuc Cæsarem militum numero, adjunctis Hispaniensibus; sed a suis consiliis, trepidatione Patrum, velut fluctu auferebatur. Tullus, mittendos de pace legatos, censere: abnuere Cato, & Pompejo summam imperii decernere; eorundem esse, magna mala & facere, & comprimere, dicitans.

XLVI. In hanc sententiam itum: & Pompejus, non esse in parietibus rempublicam ferens, sequi jussis magistratibus omnique senatu, &, si quis remansisset, pro hoste habiturum denuntians, urbem reliquit. Consules statim, ne sacris quidem solemnibus factis, (quod ante id tempus acciderat nunquam) secuti sunt. Reliqui Patrum inopes consilii stupentesque in curia pernoctarunt. diluculo demum, paucis, qui Cæsaris aut neutrarum partium erant, manentibus (quamquam & ex illo numero quidam dicuntur profecti) excefferunt.

XLVII. Ergo tanquam ex hostili terra fit fugæ similis profectio: complentur agminibus exeuntium viæ, completur clamoribus tumultuque cœlum: fit deferentium emittentiumque suos comploratio: moram caritas, festinatio-

§ XLIV. Cæs. Plut. § XLV. Plut. in Cat. Cic. ad Attic. 7, 11, Diodor. l. 41. § XLVI. Dio.

*T. Liv. Vol. X.*

V

nem metus imperat: nemini non res misera, acerba, atrox videtur. Nam & qui cum tota familia egrediebantur, desperato reditu, vix poterant ab extremo patriæ conspectu avelli: & qui suos relinquebant, plus angebantur; carissima pignora, mox in potestate ejus futura reputantes, contra quem ipsi ferrum stringerent. Plebs autem Romana consiliis armisque orbam, & expositam lubrici victoris urbem reputans, superiorum civilium bellorum mala, direptiones, cædes, incendia loquebatur; majori timore, quod a Cæsare magna barbarorum adduci multitudo diceretur.

XLVIII. Aggravabant augebantque horrorem nuntiata nuper prodigia, numero & fœditate terribilia. Nam in ipsa urbe lupi noctuæque frequentes apparuerant: sanguineæ pluvie, terræ motus crebri cum mugitibus, etiam Romæ, simulacrorum sudores, multis ex locis nuntiabantur. sed & fax ab Occidente in Orientem ferri conspecta erat: multa fana fulmine tacta; ipsum Capitolium, ubi & sceptrum Jovis & galea Martis percussa sunt, itemque æra legum: ædificia multa, quæ inter & Quirini fanum, incendio hausta: sol totus obscuratus est. Monstruosi animalium partus editi: minacia carmina pro Sibyllinis vulgata; passimque furore correpti dira multa cecinerunt. In Cumano arbor subsedit, paucis ramis eminentibus.

XLIX. Quæ eam rem aditi libri, repertumque, internecionem hominum fore, tantoque majorem, quanto propius ab urbe ostentum factum esset. Sed & ominibus accensa est moris antiqui prætermissio, quod nullus feriarum Latinarum causa præfectus urbi creatus fuit: idque anno sequente pariter omissum, vices præfecti prætoribus interim obeuntibus. Eodem anno M. Perperna mortuus est, novissimus omnium, quos consul in senatu sententiam rogaverat: neque plus septem in vita reliquit ex iis, quos ante septimum

& tricesimum annum cum L. Philippo censor in senatum legerat.

L. Ea quoque res, quemadmodum & cetera, quæ acciderant, finem senatus mutationemque reipublicæ visa portendere. In hoc metu cum plerique mittendos ad Cæsarem legatos dicerent, non abnuente Pompejo, quin & mandata privati officii addente, L. Cæsar, cujus pater legatus erat Cæsaris, & L. Roscius prætor, Ariminum profecti Cæsarem orare instituerunt, discederet ab armis, suasque injurias reipublicæ donaret. Cæsar paulo diversa ab his, quæ per epistolam postulaverat, respondit. Pompejus eat in Hispaniam: delectus & præsidia contra se comparata dimittantur. se ulteriorem Galliam Domitio, citeriorem M. Confidio Noniano traditurum: ad consulatus petitionem venturum: neque jam velle rationem haberi absentis; trinundinum petiturum. & quo facilius conveniret, petiit, ut colloquendi causa propius accedat Pompejus, aut se accedere patiatur.

LI. Cum his mandatis reversi, Pompejum & consules Theani reppererunt, ante diem VIII Kal. Febr. quo die ad eos T. Labienus, damnata Cæsaris causa, venerat. Is diu ab inimicis Cæsaris sollicitatus, a quo maximis auctus honoribus, omnibusque nuper trans Alpes copiis præfectus fuerat; fortunam imbecillo animo ferens, Cæsarem, jam & ipsum propter insolentiam hominis in amore frigidiorē, reliquerat, speciem magis, quam vires, ut exitus docuit, prælatis partibus afferens.

LII. Huic tamen Cæsar, pro solita animi magnitudine, pecuniam, cujus ille prædives erat, & sarcinas omnes remisit. Conditiones Cæsaris nec rejectæ omnes, nec probatæ sunt. de colloquio dissimulatum. scripta mandata per eisdem remissa ad Cæsarem, ut ille de his oppidis, quæ

§ XLIX. Dio. Val. Max. 8, 5. Plin. 1, 5. § L. Pigh. Annal; Dio. Cæs. Cic. familiar. 16, 12, & ad Attic. 8, 13. Hirt. § LI, Plut. in Cæs. c. 51. Val. Max. 8, 14. Cic. Cæs.

extra suam provinciam occupavisset, præsidia deduceret. Id si fecisset, ad urbem redituros Patres, ut de iis ipsis conditionibus, quas obtulerat, senatus haberi Romæ posset. In Hispanias iturum Pompejum esse. Neutri ducum satis pax placebat. Pompejus, si populo Romano potestas omnis restitueretur, haud dubie inferiorem se gratia Cæsaris rebatur: Cæsar, ab ineunte ætate cupidissimus imperandi, prætermittere occasionem nolebat, gnarus, non aliud sibi ad principatum iter, quam per conculcatum Pompejum, esse.

LIII. Itaque mala fide secum agi cavillatus, quod, antequam diem iturus in Hispaniam Pompejus esset, expressum non fuerat, toto animo in bellum versus, per omnem Italiam literas mittebat, sive jure secum, sive armis ageretur, paratum ad disceptationem ostendens; simul hortatus omnes, bono essent animo, neque se conjungerent res turbare cupientibus: non minus se his consulturum pro suis, qui in neutra, quam qui in sua castra venissent; quamquam Pompejus, auctore solo principum Domitio, pro hostibus se habiturum, qui reipublicæ defuissent, edixerat.

LIV. Interim non expectato legatorum reditu, acerrime delectum habere Arimini, opportuna loca occupare, præsidia imponere. M. Antonius cum quinque cohortibus Aretium mittitur; ibique præsidium imponit: fugit in Campaniam Scribonius Libo, qui tutari debuerat Hetruriam: Pisaurum, Fanum, Anconam, ab Arimino Cæsar singulis cohortibus occupat. Curionem cum tribus cohortibus ad Iguvium recipiendum ire jubet, validum Umbriæ oppidum, quod a Quinto Minucio Therino quinque cohortibus tenebatur. sed ille, voluntati diffusus Iguvinorum, quos addictiores Cæsari esse sciebat, profugit. milites ejus in itinere discedunt, domumque se conferunt.

§ LII. Sueton. in Cæs. c. 30, & Neron. c. 11. Plut. in Anton. c. 9. Thuan. l. 11. Cic. ad Attic. 7, 17. § LIII. Flor. 4, 2. Cic. familiar. Plin. 3, 14. § LIV. Plin. 3, 13. Cic. ad Attic. 7, 13. Cæs.

LV. His rebus & municipiorum voluntate cognita, Cæsar aucta fiducia cum legione tertia decima Auximum proficiscitur, Piceni urbem, quam P. Accius Varus præsidio tenebat, agendis in Piceno delectibus intentus. Auximates Varum terrent, & decedere oppido cogunt. Fugientem per impedita loca, quidam Cæsaris milites affecuti consistere cogunt. post brevem pugnam deseritur a suis Varus: alii domum, plerique ad Cæsarem pergunt. Hæc Romam perlata, cum jamjam adesse Cæsar, conspicique equites ejus falso dicerentur, sic exterruerunt Lentulum consulem, qui ex mandato Pompeji, quod a. d. VII Id. Febr. per C. Cæsium tribunum plebis Capuanus erat allatum, ad pecuniam promendam Pompejo venerat, ut, aperto sanctiore arario, protinus ex urbe profugeret.

LVI. Delectus intra urbem omittitur; neque ullo inter Romam ac Capuam fiditur loco: Capuæ demum se confirmant; ibique delectum instituunt agere, parum prolixè respondentibus Campanis, quod beneficio & lege Cæsaria deducti eam in coloniam fuerant. Gladiatores, quos ibi Cæsar alebat, (ad duo millia fuisse putantur) Lentulus attributis equis sequi se jusserat: sed posteaquam id reprehendebatur sermonibus, singulis patribus familiarum binos Pompejus distribuit custodiæ causa.

LVII. Sed Cæsar, Auximo progressus, totum Picenum, volentibus præfecturis omnibus, recepit. Etiam Cingulo, quamquam id oppidum Labienus sua pecunia exædificaverat, legati ad Cæsarem venerunt. Cum interim legio duodecima accessisset, Cæsar cum duabus legionibus Asculum Picenum contendit, ubi Lentulus Spinther curabat, vir consularis, cum cohortibus decem. Sed neque hic ceteris constantior, profugit ex oppido; desertusque a maiore parte militum, reliquos L. Vibullio Rufo tradit, a Pompejo forte veniente, ad Picentes retinendos in partibus. Vibul-

§ LV. Cic. ad Attic. 7, 20. Cæs. § LVI. Cic. ad Attic. 3, 12 & 18. Appian. civil. l. 2.

lius, acceptis militibus, ex his & delectibus Pompejanis aliquot cohortes conficit: mox venit ad eum C. Lucilius Hirrus cum quinque cohortibus, Camerino fugiens, ubi in præsidio fuerat.

LVIII. Hi magnis itineribus Corfinium proficiscuntur, quo loco L. Domitius Ahenobarbus confederat. Nam ille, successor Cæsari missus, cum quatuor millibus ex novo delectu Galliam versus iter instituerat: deinde, occurso Cæsaris cognito, deflexerat in Pelignos Marfosque. Harum ex nationum delectibus cum copias suas ad numerum cohortium duodecim adauxisset, jamque ad eum Vibullius & Hirrus cum undeviginti cohortibus accessissent; observare Cæsarem instituit, repugnaturus, si propius ad se accessisset: sin vero secundum mare ad Pompejum ire cœpisset, confestim ducturus in Samnium, ut cum Pompejo se conjungeret.

LIX. Sed Cæsar, Asculo recepto, conqueri milites, qui a Lentulo discesserant, instituique delectum jubet: nec amplius uno die moratus, Corfinium pergit. Occurrunt præmissæ a Domitio quinque cohortes, pontemque fluminis ad tertium ab urbe milliare conantur interrumpere: sed levi prælio rejectæ ab antecursoribus Cæsaris, in oppidum se recipiunt. Cæsar, flumine superato, castra juxta murum Corfinii ponit. Domitius, magno proposito præmio, regionum peritos ad Pompejum cum literis mittit, rogans & obtestans, ne se cum tot cohortibus, magnoque senatorum & equitum Romanorum numero, recidere in potestatem Cæsaris sinat.

LX. Ea res summa sollicitudine Pompejum affecit. nihil enim tam contrarium consiliis ejus fieri potuisset. Tironi non audebat confidere: duas legiones, quæ nuper prætextu Parthici belli abductæ a Cæsare fuerant, prouiores illis partibus rebatur. Igitur omnes undique copias ad

§ LVII. Cic. ad Attic. 8, 17. Diodor. l. 41. Cæs. § LVIII. Cic. ad Attic. 8, 17. Cæs. § LIX. Cic. ad Attic. 8, 19. Cæs. Dio.



se convenire maluisset. at quoniam id propter vigilantiam atque celeritatem adversarii nequibat, quatuordecim cohortes ex duabus illis legionibus contraxerat Luceriam, eo consilio, ut, si propius accederet Cæsar, Italiam relinqueret, ut paulo post factum est. Sed accepto, Domitium obsideri, sive dissimulans mentem suam, sive putans, tot & tales viros deferi non oportere, scribit ad Lentulum consulem, magni interesse reipublicæ, omnes copias primo quoque tempore in unum locum convenire. quod ab omnibus ita est acceptum, cum universis viribus Pompejum ad Corfinium venire constituisse.

LXI. Hac opinione paulisper recreati sunt hominum animi, nuntiataque Domitii constantia, qui sane suos cohortatus, tormenta disposuerat in muris, & cetera tanquam ad tolerandam obsidionem administrabat. Etiam, ut promptiore exercitu uteretur, militibus quaterna jugera agri, centurionibusque & evocatis pro rata parte promiserat ex suis possessionibus. nam occasione Sullanorum temporum ad maximas opes pervenerat. Sed accidit ei, quod futurum Pompejus ei scripserat, ut nec expedire posset copias, tribus in oppidis distributas, (partem enim Albæ, partem Sulmone collocaverat) nec cum iis, quas habebat secum, fatis firmus ad resistendum esset.

LXII. Nam Sulmonenses, missu Cæsaris venienti Antonio aperuerunt portas, universique & oppidani & milites (septem ibi cohortes Domitius collocaverat, cum Antonio quinque tantum adduceret) obviam gratulantes exierunt. Q. Lucretius senator & C. Attius Pelignus, qui oppidum præsidio tenuerant, de muro se dejecerunt. Lucretius effugit. Attius ab Antonio deductus ad Cæsarem, & ab eo incolumis dimissus est. Pompejani proditam ab eo fuisse Sulmonem crediderunt. Cæsar, cum & illis cohortibus auctior esset, & ad eum legio octava, cohortesque

§ LX. Appian. civil. l. 2. Cic. Oros. 6, 15. Cæf. § LXI. Cic. ad Attic. 8, 19.

ex novis Galliæ delectibus duæ & viginti venissent, cum trecentis circiter equitibus, quos ei rex Noricus miserat, altera castra ad alteram oppidi partem ponit, Curione præfecto, qui cum præsidiis, quæ in Umbria & Tuscis fuerant, ad eum accesserat.

LXIII. Inde circumdare obsessos operibus instituit. quorum parte maxima perfecta, literæ Domitio redduntur, quibus negabat Pompejus, ire se subsidio posse; jubebatque, si ulla ratione etiam tunc efficere posset, explicaret sese, & Brundisium veniret. Sed hoc jam serum erat, obsesso atque circummunito oppido. Igitur Domitius clam cum paucis familiaribus de fuga colloqui cœperat: sed quamquam voce consilium non prodebatur; ex trepidatione vultuque, & hoc genus indiciiis patuit. Idcirco milites inter se collocuti, Domitium publicè custodiunt; legatosque mittunt ad Cæsarem, paratos esse portas aperire, & L. Domitium vivum tradere.

LXIV. Sed quia serum diei erat, veritus Cæsar, ne per nocturnam licentiam oppidum diriperetur, id quod suis rebus erat futurum alienissimum, quas opinione clementiæ confirmare cupiebat; asservari interea oppidum a Domitianis militibus jubet. ipse suorum vigilias stationesque densas circumponit, non adversus eruptionem modo, sed etiam adversus furtivos egressus singulorum. Circa quartam vigiliam Lentulus Spinther de muro Cæsarianos inclamat, deducique ad Cæsarem petit. deductus orat, ut se pro pristinis suis beneficiis incolumem velit, omnia enumerans, quod per Cæsarem in collegium pontificum venisset, quod ex prætura Hispaniam habuisset provinciam, quod in petitione consulatus fuisset ab eo adjutus.

LXV. Cæsar, plura commemorari non passus, neminis odio, sed ut tribunos plebis in suam dignitatem, & po-

§ LXII. Cæs. Senec. de benef. Plin. 7, 53. § LXIII. Sueton. in Neron. c. 2. Cæs. Dio. Liv. Epit. § LXIV. Cic. ad Attic. 8, 13 & 22.

pulum Romanum, paucorum factione oppressum, in libertatem restitueret, arma cepisse interfatur. Ergo Lentulus, jam securus de salute sua, petit, ut in oppidum reverti liceat, quo ex sua incolumitate ceteri ad spem revocentur. esse enim nonnullos, qui de morte consciscenda deliberent. Sane Domitius, Cæsaris iram metuens, cui semper fuerat adversatus, a medico eodemque servo suo venenum poposcerat. Sed idem, lenitate cognita victoris, deplorare conditionem suam cœpit, quod quam relicturus fuisset inimicus, sibi ipsi vitam homo temerarius stultusque præcidisset.

LXVI. Ibi medicus, qui adolescenti Domitio rem aperuerat, seque jusserrat asservari, donec eventus docuisset, utrumne venenum datum patri foret, tantummodo fopporiferam potionem se dedisse indicavit. Hac re exhilaratus (neque enim Lucano credendum est, in gratiam Neronis, cujus hic Domitius abavus fuit, omnia alia fingenti) manumisit medicum: atque ita, postquam illuxit, cum ceteris ad Cæsarem deductus est. erant senatorii ordinis Domitius & Lentulus, consulatu functi: præterea L. Vibullius Rufus, Sex. Quintilius Varus quæstor, L. Rubrius: præterea multi adolescentes nobiles, equitumque Romanorum, & decurionum, quos Domitius ex municipiis evocaverat, magnum agmen.

LXVII. Hi a Cæsare increpiti, quod neutiquam convenientem meritis suis gratiam retulissent, incolumes omnes dimittuntur, seque ad Pompejum recipiunt. Aurum etiam, quod secum Corfinium deportaverat Domitius, sestertiùm sexagies, quamquam pecunia publica esse diceretur, Domitio redditum; quia Cæsar non minus fugiendam sibi inopiæ, quam crudelitatis famam judicabat. Ita Cæsar, septem omnino dies ad Corfinium commoratus, Domitianas cohortes protinus in Siciliam mittit. Ipse in Apuliam ducere instituit. His rebus auditis, Scipio Luceriam omisit, mi-

§ LXV. Cic. ad Attic. 9, 4. Cæs. § LXVI. Cic. ad Attic. 9, 2. Cæs. Lucan. Plut. in Pomp. c. 3. Diodor. l. 48.

litibus Brundisium transductis, quo Pompejus expeditus legiones antecefferat.

LXVIII. Eo conduci jusserat, quidquid habebat copiarum, nullum auxilii genus aspernatus; nam & ex pastoribus servisque equites circiter quadringentos effecerat. Sed Cæsaris per Apuliam cursus majorem ei delectuum partem, passim relictis prædiis fugientium, abscidit. Alba L. Manlius Torquatus prætor cum sex cohortibus discesserat; Tarracina, cum tribus, prætor Rutilius Lupus. Sed Rutilianæ cohortes, cum equitatum Cæsaris conspexissent, cui Vibius Curius præerat, ad eum signa transfulerunt: idem reliquis itineribus, a nonnullis cohortibus, quæ in Cæsarem aut equites ejus inciderant, factum.

LXIX. Venit & in potestatem Cn. Magius, præfectus fabrum Pompeji: quem Cæsar cum mandatis ad Pompejum remisit, interesse reipublicæ, ut, quoniam iturus Brundisium esset, una colloquerentur. Neque diu cunctatus, cum Legionibus sex a. d. VIII Id. Mart. Brundisium venit; cujus exercitus magna pars ex recentibus delectibus, & iis, quos in itinere exceperat, confecta erat. Sed Pompejus jam Cn. filium, majorem ex duobus, cum focero Scipione in Syriam, auxilia gentium ac regum concituros, consules autem Dyrrhachium præmiserat, cum triginta cohortibus. Ea res abruptit negotium pacis. nam & Lentulus consul a Cornelio Balbo, cujus pater Lentuli erat familiarissimus, mandata Cæsaris habente, conveniri non potuit: & cum Scribonius Libo, qui erat Sex. Pompeji focer, a Caninio Rebilo inductus, cum Pompejo de conditionibus egisset; responsum est, quod consules absint, sine illis de compositione agi non posse.

LXX. Nec deerant, qui existimarent, dimissos a Pompejo consules fuisse, ne quid novi consilii contra suas ra-

§ LXVII. Cic. ad Attic. 8, 9. Vellej. 2, 51. Sueton. in Cæs. c. 56. § LXVIII. Plut. in Cæs. c. 49. Cic. ad Attic. 9, 15 & 16, 9. § LXIX. Cæs. Dio. Appian. civil. l. 2. Plut. in Pomp.

tiones caperent; suspecta praesertim levitate Lentuli. Sed neque Magius remissus ad Caesarem est, si Caesari credimus. Ceterum ille multa, suae causae serviens, de industria perperam edidit; quod & Pollio Asinius affirmare est solitus, qui cum eo transit Rubiconem, rebusque his interfuit. Ex iis hanc de Magio querelam esse puto, cum ipse Caesar iisdem diebus ad Oppium & Cornelium Brundisio scripserit, a Cn. Pompejo missum esse Cn. Magium de pace; se, quae visa fuissent, respondisse.

LXXI. Sic pacis cogitatione quibuscunque de causis penitus abjecta, hoc agere coepit, ut aut Pompejum quamprimum trajicere cogeret, aut exitu prohiberet. Igitur castris ad portas oppidi positis, opus magnum & multorum dierum, propter altitudinem maris, instituit, ab utroque portus cornu moles jaciens. Ejus operis ratio non melius exponi, quam ab eo ingenio potest, a quo excogitatum jussumque fuit. Qua fauces erant angustissimae portus, molem atque aggerem ab utraque parte litoris jaciebat, quod his locis erat mare vadofum. longius progressus, cum agger alidori aqua contineri non posset, rates duplices, quoquoersus pedum XXX, e regione collocabat. has quaternis ancoris ex quatuor angulis destinabat, ne fluctibus moverentur. his perfectis, collocatisque, alias deinceps pari magnitudine rates jungebat. has terra atque aggere contegebat, ne aditus atque incurfus ad defendendum impediretur: a fronte, atque ab utroque latere cratibus ac pluteis protegebat. in quarta quaque earum turres binorum tabulatorum excitabat, quo commodius ab impetu navium incendiisque defenderet.

LXXII. Contra haec Pompejus naves magnas onerarias, quas in portu Brundisino deprehenderat, adornabat. ibi turres cum ternis tabulatis erigebat, easque multis tormentis, & omni genere telorum completas, ad opera Cae-

§ LXX. Frontin. Strat. 1, 5. Caes. Plut. § LXXI. Caes. Appian. Plut. Dio. Liv. Epit. Cic. ad Attic. 8, 7.

faris appellebat, ut rates perrumperet, atque opera disturba-  
ret. sic quotidie eminus utrinque fundis, sagittis, reliquisque  
telis pugnabatur. Cum ad hunc modum dies exacti novem  
essent, naves, quæ consules transportaverant, Brundisium  
redierunt. Harum adventu Pompejus, sive Cæsaris operi-  
bus permotus, quorum ferme dimidia pars effecta erat,  
sive quia jam ab initio consilium Italiæ relinquendæ cepe-  
rat; una de re sollicitus, quemadmodum tuto discederet,  
portas obstruit, partemque viarum altis parietibus inædifi-  
cat, aut fossas transversas præducit, easque stipitibus præ-  
acutis replet, cratibus humoque aggesta insidias tegens.

LXXIII. Aditus autem duos, qui extra muros ad portam  
ducebant, maximis acutissimisque trabibus, in densam or-  
dinem structis, obsepit. Brundisinos, quibus parum confi-  
debat, domi se continere jubet. His paratis, milites silen-  
tio conscendunt naves: tum expediti, quos ex evocatis  
sagittariis atque funditoribus, ad speciem retinendæ urbis  
in muro disposuerat, certo signo revocantur; relictis actua-  
riis navibus, quibus per itinera nota diggressi, suos asse-  
querentur. Dum hæc geruntur, Brundisini ex tectis profe-  
ctionem Pompejanorum nutu significabant. Ergo Cæsariani  
scalis positis muros transgressi, in fossas & fudes incidissent,  
nisi moniti ab oppidanis, & longo itinere circumducti ad  
portum forent.

LXXIV. Ibi duas adhuc naves, cum militibus, qui ine-  
rant, ad molem Cæsaris hærentes lintribus scaphisque cir-  
cumvenerunt; injectisque ferreis manibus retraxerunt ad  
litus, repugnantibus aliquot interfectis. Sic expulsus Ita-  
lia Pompejus, non modo rempublicam, sed omnem glo-  
riam suam, omnem virtutem perdidisse, factusque plane  
alius esse videbatur, pristina ejus facta cum hoc recenti  
comparantibus. Urbem, quam defendi totius imperii peri-  
culo æquius erat, adversario reliquerat, pecunia refertam,

§ LXXII. Plut. Cic. ad Attic. 6, 11. Dio. § LXXIII. Liv.  
Epit. Cic. ad Attic. 8, 7.

præsidio vacuum, Themistoclis usus consilio, cum tempora Periclem magis poscerent.

LXXV. Nunc etiam Italiam, sedem imperii, robur & seminarium Romanæ militiæ, deferebat; ex eodem portu legiones & opes, quas poterat, avehens, contra cives usurus, in quem olim captivum aurum & Orientis spolia locupletandæ patriæ invexerat, dimissis eodem loco militibus, ut timere cives sui desinerent. Et qui antea barbarorum imensas regiones populo Romano subjecerat, is nunc ibat illorum copias excitum, ut Italiam & Romam vastaret atque premeret; jam olim hoc consilio dimissis, qui classen Alexandria, Colchis, Tyro, Sidone, ceterisque omnibus insulis, maritimisque civitatibus aut regnis, quorum ille studia habebat, ad intercludendos commeatus Italiæ, & ad occupandas frumentarias provincias cogerent. Ergo etiam, priusquam excederet Brundisio, magna pars optimatum in urbem redierat, prætoresque & ædiles partibus suis, tanquam in pace, fungebantur. Nec hi tantum dolores Pompejum urebant, sed futuri metus & sollicitudo plus angabant hominem, prodigiis etiam terrificis & minacibus. Ut enim primum Dyrrhachium appulit, priusquam litus tangeretur, milites quidam fulmine percussi; signa telis araneorum sordidata sunt: & cum Pompejus exscendisset, euntis vestigia serpentes advoluti delerunt.

§ LXXIV. Plut. Dio. Cic. ad Attic. 8, 7. § LXXV. Dio. Cic. ad Attic. 9, 11 & 14.

---

# JOANNIS FREINSHEMII SUPPLEMENTORUM LIVIANORUM

LIBER LXXV.

IN LOCUM LIB. CX LIVIANI.

## E P I T O M E

LIBRI CENTESIMI DECIMI.

*C. Cæsar Massiliam, quæ portas ipsi clauserat, obsedit: &, relictis in obsidione urbis ejus legatis, C. Trebonio & D. Bruto, profectus in Hispaniam, L. Afranium & M. Petrejum, legatos Cn. Pompeji, cum septem legionibus ad Ilerdam in deditionem accepit, omnesque incolumes dimisit, Varrone quoque legato Pompeji cum exercitu in potestatem suam redactio. Gaditanis civitatem dedit. Massilienses, duobus navalibus præliis victi, post longam obsidionem potestati Cæsaris se permiserunt. C. Antonius, legatus Cæsaris, male contra Pompejanos in Illyrico rebus gestis, captus est. In quo bello Opi-tergini Transpadani, Cæsaris auxiliares, ræ sua ab hostilibus navibus clausa, potius, quam in potestatem hostium venirent, inter se concurrentes occubuerunt. C. Curio, legatus Cæsaris in Africa, cum prospere adversus Varum, Pompejanarum partium ducem, pugnasset, a Juba rege Mauritanis cum exercitu cæsus est. C. Cæsar in Græciam trajecit.*



I. **C.** CÆSAR, intra sexaginta dies in potestatem Italia re-  
 dacta, cum propter inopiam navium sequi Pompejum, prius-  
 quam ille transmarinis auxiliis confirmaretur, non posset;  
 sed nec Italiam propter duces Pompejanos, qui erant in  
 Hispania, tuto relinqui putaret: Brundisii, Tarenti, Sipo-  
 nique singulas legiones collocavit, ad maritimos exitus ad-  
 ventusque claudendos. ipse quamprimum in urbem de-  
 currere statuit, ubi jam olim, ut quam plurimi senatores  
 essent, enise contenderat, quo nimirum speciem aliquam  
 auctoritatis publicæ suis armis circumdaret; ea re perfecta  
 profecturus in Hispaniam, *ut veterem Pompeji exercitum,*  
*quemadmodum inter suos erat professus, donec esset sine du-*  
*ce, opprimeret; inde reversurus ad ducem sine exercitu.* Sed ut  
 rei frumentariæ provideret, duo Italiæ horrea, Sardiniam a  
 Q. Valerio legato, Siciliam a Curione occupari jubet: quo-  
 rum Valerio legionem unam, Curioni tres attribuerat.

II. Hunc enim proprætore mittebat, cum sex fascibus lau-  
 reatis, & mandato, recepta Sicilia protinus in Africam trans-  
 mittendi. His rebus auditis, priusquam venire Valerius in  
 Sardiniam posset, Caralitani M. Cottam, qui eam provin-  
 ciam obtinebat, oppido suo ejiciunt; atque ille, Sardorum  
 mente cognita, statim in Africam profugit. Siciliæ Cato  
 præerat, atque hæcenus egregie se compararat ad bellum,  
 habendis in insula & vicina Italia delectibus, & classe con-  
 ficienda; ita ut spes magna esset, teneri Siciliam nullo  
 negotio posse. Sed ubi præmissus Asinius Pollio interro-  
 ganti, *utrumne senatus, an vero populi jussu, venisset? man-*  
*datu ejus adesse respondit, qui tum Italiam haberet in pote-*  
*state, simul Pompeji fugam, & Curionis nuntiavit adven-*  
*tum: pro concione ostendit, satis sibi virium esse ad expel-*  
*lendum Sicilia Pollionem; sed quia cum aliis copiis Curio ex-*  
*spectetur, se innoxios exitioso bello implicaturum non esse. ce-*

§ I. Plut. in Cæs. c. 54. Cic. ad Attic. 9, 3 & 5. Cæsar. Dio.  
 Appian. civil. l. 2. Sueton. in Cæs. c. 34. Flor. 4, 2,

*terum mirari consilia Deorum, & perplexas abstrusasque rationes, qui Pompejo multa prava incipienti semper favissent: nunc pro libertate patriæ pugnantem desererent. Pauca deinde questus est de Pompejo, qui rebus omnibus imparatissimus, tantas turbas commosset, senatuique persuasisset, omnia ad bellum egregie provisa & comparata se habere.*

III. Hæc in concione locutus, Corcyram abnavigavit, ut Pompejo se conjungeret. Interea Cæsar, militibus in proxima municipia deductis, ut a labore reficerentur, ad urbem profectus, de republica cum Patribus, qui tum aderant satis frequentes, egit. Quippe senatum M. Antonius, Q. Cassius tribuni plebis, extra pomœrium coegerant. Ibi Cæsar, commemoratis inimicorum injuriis, suæque lenitate, in eos, qui civibus suis præter necessitatem facerent bellum, non sine gravi imprecatione invecus est. *De se vero sperare omnes omnia jussit, qui & alios permultos adversariorum conservasset, & præcipue L. Domitium dimisisset, cum magna pecunia. Fuit & auctor mittendæ senatus nomine legationis ad Pompejum & consules: neque enim se reformidare, quod Pompejus dixisset, ad quos legati mitterentur, iis auctoritatem attribui, timoremque eorum, qui mitterent; significari.*

IV. In eandem sententiam cum populo quoque, qui & ipse ad eum ex urbe confluxerat, locutus, *miserrimæ necessitudine excusata, quod adversariorum armis ad arma cogere-tur, frumentum promisit ex insulis, & trecentos nummos viri-tim.* Ita specie reverfa pacis, senatus ad vestitum rediit. Ceterum neque satis levatus hominum timor est, similia Marium olim, similia Sullam pollicitos esse reputantium, donec cupita allequerentur: præsertim cum urbs plena Cæsaris militibus esset. Irrita quoque fuit de legatis mittendis deliberatio; nec enim reperiri poterant, qui mitterentur: & qui delecti fuerant, id munus ancipiti metu sub-

§ II. Appian. Cic. ad Attic. 10, 4 & 18, & familiar. 8, 15. Cæf. Plut. in Cat. c. 78. Dio. § III. Appian. Cæf. Sueton. in Cæf. c. 34. Plut. in Cæf. c. 54. Dio.

terfugiebant. Nam & Pompejum timebant, ne tanquam relictus faviret; & Cæsarem, ne aliud, quam quod præ se ferret, intime cuperet. Idque postea magis est creditum, ubi *Pisonem, licet socerum, offendisse fama fuit, quod ea de legatione verbis liberius fecisset.*

V. His disputationibus excusationibusque triduum periit. quæ res ubi festinanti Cæsari cœpit esse fastidio, nihil jam nomen Patrum, aut juris antiqui moratus imaginem, cetera ex usu præsentis administravit. Igitur, contempta L. Metelli tribuni plebis intercessione, quam inimici Cæsaris comparaverant, *quas tu leges advocas, ait, non belli, sed pacis, respiciunt tempora: nunc reipublicæ consulendum est. Nec opus est tibi reddi rationem factorum meorum, in quem animadvertere, sicut & in ceteros, quos cepi, adversarios, jure meo potuisssem.* His dictis, ad ærarium profectus, quod erat in æde Saturni, quia claves ablatae a consulibus fuerant, efringi jubet. Eodem & Metellus accurrit, ut vim prohibeat a foribus. Ibi vero tribuno mortem minatus est Cæsar, hac voce addita: *Atqui, adolescens, non te latet, factu hoc mihi, quam dictu, esse facilius.*

VI. Perterritus hac denuntiatione Metellus, non ægre auscultavit monenti Cottæ temporis cedere. Quod nisi esset factum, non dubitatur, quin itum in caedes foret, semel deposita simulatione pacis. nam & iratus ulro Cæsar erat, & a multis incitabatur. Amoto tribuno, cum adhuc obitare religio videretur, quia sanctius ærarium recludi, præterquam tumultus Gallici causa, magnis additis execrationibus atque diris, majores vetuerant; *abivisse jam tempus istius curæ, dixit: sua enim opera provisum esse, ne Gallos ulterius Roma timeret.* Protulisse tum ex ærario Cæsar dicitur auri pondo quatuor millia centum triginta quinque: argenti prope nongenta millia apud Orosium leguntur: majorem longe summam Plinius indicare videtur, laterum aureorum sex & viginti millia commemorans. Etiam

§ IV. Dio. Appian. Vellej. 2, 50. Cæs. Plut. § V. Dio. Cæs. Plut. apoph. Rom. c. 43, & in Pomp. c. 103.

*T. Liv. Vol. X,*

*X*

laſerpitium, pondo centum undecim, inde prolatum a Cæſare idem ſcriptor annotavit. Offendit ea res plebis animos; nec obſcurum id Cæſari fuit.

VII. Idcirco cum ei certiffimum fuiſſet, antequam proficiſceretur, concionem habere, non eſt auſus. Igitur rebus, ut poterat, conſtitutis, Ariſtobulum Judæum cum duabus legionibus in Syriam mittit, Pompejana conſilia turbaturum. Proſcriptorum a Sulla liberis jus honores petendi reddit: M. Æmilium Lepidum urbi præſcit; M. Antonium tribunum Italiæ, &, quas in ea relicturus erat, copiis. Hujus fratri Cajo Illyricum, Licinio Craſſo citerior Gallia traditur. Paratur & gemina claffis, ad ſuperum inferumque mare tutandum. Alteri harum, quæ ad Adriaticum mare excubabat, P. Cornelius Dolabella; alteri Q. Hortenſius filius oratoris præſcitur. At Cæſari primum ad legiones iter Ariminum fuit: inde trans Alpes in ulteriorem Galliam profectus, cognovit, Vibullium Rufum, quem Corfinii dimiſerat, Pompeji mandato in Hiſpaniam iſſe; L. Domitium ad occupandam Maſſiliam profectum.

VIII. Quippe Domitius, cum diu incerti de eo rumores fuiſſent, in Coſanum ſuum ſe contulerat, ibique & in obſecta Coſæ inſula Igilio, naves actuarias ſeptem a privatis coactas, ſervis, libertis, colonis ſuis compleverat. Forte ſub idem tempus Maſſilienſium legati revertebantur, quos ab urbe diſcedens Pompejus erat hortatus. Horum adventu Cæſaris in Hiſpaniam feſtinantis expeditionem Maſſilia moratur: portas claudit: omnibus viribus ad tolerandam, ſi opus foret, obſidionem ſe comparat. Cæſar, evocatis quindecim primis, cum his agit, *ne initium inferendi belli a Maſſilienſibus oriatur*. Illi, cum ad ſuos fuiſſent reverſi, ex auctoritate publica memorabile reſponſum referunt, *eſſe ſe ſocios populi Romani, omnibusque Gallicis Hiſpanisque bellis communia cum illo populo fata habere voluiſſe. Nunc etiam*

§ I. Cic. ad Attic. 10, 4. Appian. Oroſ. 6, 15. Plin. 19, 8.  
§ VII. Cic. Phil. 2, & ad Attic. 10, 6. Dio. Joſeph. Appian. Oroſ. Cæſ.

*eandem sibi mentem, idem propositum manere, si contra externos hostes aquilæ Romanæ moveantur. sed intelligere, populum Romanum in partes discessisse, Pompejo & Cæsare ducibus, patronis civitatis suæ. Utrius causa sit æquior neque se inquirere curiose, neque tantarum rerum arbitria peragere posse.*

IX. Igitur pari utrinque jure, paribus beneficiis, uter venisset inermis, ei se aditum in urbem suam, honoremque & beneficia deferre. Sed neutrum duorum contra alterum juvare, oppidoque aut portubus recipere. Non erat difficile sentire, Cæsaris animum hoc responso mirifice offensum fuisse, neque æquo animo passurum, excludi se Massilia, cui caput terrarum Roma patuisset. Igitur hoc metu, & quia proniores in Pompejum erant, L. Domitium advenientem recipiunt, urbiq; præficiunt: onerarias naves, quas ubique possunt, exceptas in portus suos deducunt, frumentum in publicum conferunt, reliquas merces recondunt. Ergo Cæsar, tribus adductis legionibus, urbem obsidet, turres vineasque agere instituit: naves longas duodecim Arelate fieri imperat. his intra tricesimum diem, quam cæsa materia fuerat, ædificatis armatisque D. Brutum præficit.

X. Erat haud procul muris tumulus, æquali fastigio, & satis ad castrorum spatium patenti, ubi Cæsar confederat. Inter hunc & adversam oppidi partem, quæ pari altitudine erat conspicua, profunda vallis intercedebat. Id spatium explere Cæsar decreverat, infani laboris opus; sed ille jam multa talia, inausa aut inaudita ceteris, perfecerat. Prius tamen visum, urbem, qua terræ committitur, (nam tres fere oppidi partes mari alluuntur) circumvallare, ductis utrinque a loco castrorum ad mare fossis aggeribusque, & per idonea spatia turribus interpositis. Ad hæc opera cum materia deesset, antiquæ religionis lucum exscindi iussit; militibusque superstitione cunctantibus, primus arripuit securim. Ceterum prospiciens, longioris moræ negotium esse, quam ipsius rationes paterentur, C. Tre-

§ VIII. Cic. ad Attic. 8, 22 & 9, 3. Cæs. Vellej. 2, 58. Dig. Flor. 4, 1. § IX. Cæs. Liv. Epit.

bonium obsidioni præfecit, in Hispaniam profecturus, quo jam C. Fabium legatum cum legionibus sex præmiserat.

XI. Massiliensium factum cum & per se luculentum esset, & propè certam spem faceret, in Hispaniis pro Pompejo esse omnia, quia si secus esset, homines & vicini & diligentes minus animi habituri videbantur; M. Cicero, post longam & ancipitem dubitationem, ad Pompejum abnavigavit: ejusque exemplum alii quidam senatores, qui nondum excesserant Italia, secuti sunt. Itaque his ad eos adjunctis, qui ante transgressi fuerant, major in castris Pompeji, quam in urbe, species senatus erat, & quasi de sententia Patrum multa decernebantur. quorum illud plurimum favoris adjunxit partibus, quod, Catonem secuti, *civem Romanum præterquam in acie neminem occidi, neque oppidum ullum, quod populo Romano pacatum esset, diripi debere*, sanxerant. Ciceronem tamen clam corripuisse Cato dicitur, *quod præter necessitatem in castra venisset, plus profuturus patriæ, si medium se gessisset; idoneum conciliatorem habituris partibus, quandocunque redire ad sanitatem cœpissent.*

XII. Inter hæc C. Fabius, adhibita celeritate, præsidium L. Afranii ex Pyrenæo saltu dejecerat, magnisque itineribus ad exercitum Afranii contendebat. Sed Afranius ceterique legati adventu Vibullii Rufi, qui fuerat a Pompejo missus, ita composuerant, *ut Petrejus cum omnibus copiis ad Afranium proficisceretur, Varro cum duabus legionibus Hispaniam ulteriorem omnem obtineret.* Petrejus & Afranius, Asturum Vettonumque & Celtiberorum coactis auxiliis, ceterarumque gentium, quæ ad Oceanum colunt, Ilerdam (quæ hodie, leviter transpositis elementis, Lerida vocatur) belli sedem deligunt, propter opportunitatem loci.

XIII. Quippe in colle modico ad Sicorim amnem posita, pontem lapideum habebat, camposque circa patentes, & fertile solum. Nec longe abinde Cinga fluvius, in

§ X. Cæf. Dio. Oros. 6, 15. Liv. Epit. § XI. Cic. ad Attic. 10, 14. Plut. in Cic. c. 53, & Pomp. c. 106. Idem in Cat. c. 78. Dio. Cæf. § XII. Dio. Cæf.

Iberum evolvens aquas. Juxta tumulus erat paulo editior: eum ceperunt castris locum, omnibus eo contractis copiis. Afranius tres habebat legiones, duas Petrejus: auxilia magna Hispanorum coegerant, cohortes circiter octoginta, equitum utriusque provinciae circiter quinque millia. Duces communi consilio parique jure administrabant omnia, & alternis signum toti exercitui dabant. Fabius, contra hos castra metatus ad Sicorim, duos in flumine pontes effecerat, inter se distantes millia passuum quatuor. his pontibus pabulatum crebro mittebat: quod idem cum & ab hostibus fieret, crebrae velitationes erant; nec sine magno praesidio emitti pabulatores poterant. Accidit igitur, cum legiones Fabianae duae flumen transissent, impedimenta quoque & omnis equitatus sequeretur, ut pons, vi jumentorum & aquae magnitudine interruptus, maximam partem equitum a legionibus divelleret. Hoc ubi ex aggere & cratibus, quae prono flumine deferebantur, hostibus cognitum est; Afranius celeriter equitatum omnem legionesque quatuor suo ponte transduxit.

XIV. Ergo L. Plancus, qui legionibus Fabianis praerat, locum superiorem occupat, cujus auxilio adversus multitudinem hostium se tutaretur. Praelio ab equitibus commisso, procul visa sunt signa duarum legionum, quas C. Fabius, id quod erat suspicatus, subsidio suis ulteriore ponte miserat. Harum adventu praedium dirimitur: copiae utrinque in castra revertuntur, cum aliquammulci Fabianorum essent desiderati. Eo biduo Caesar supervenit cum equitibus nongentis, quos sibi praesidio retinuerat; & pontem noctu refici jussu, cum omnibus copiis, praeter sex cohortes, quae ponti castrisque praesidio relinquebantur, ad Afraniam castra proficiscitur, pugnandique potestatem hostibus facit. Cum hostes pugnare nollent, Caesar ad quadringentos passus ab imis radicibus collis, quo in colle castra hostium erant, castra ponere statuit: sed veritus, ne vallum minus conspiceretur, tantummodo fossam pedum quindecim a-

fronte duci jussit. idque opus cum, prima & secunda acie in loco, ubi erant instructæ, perstantibus, tertia acies faceret, ignaro hoste perfectum est.

XV. Intra hanc munitionem nocte transacta, postridie, quia longius agger petendus erat, tota castra, quemadmodum instituerat, permunit, singulis legionibus singula latera tribuens: ipse cum reliquis tribus Afranium Petrojumque, ad turbandum opus venientes, absterret. Ita castris permunitis, impedimenta & cohortes, quæ superioribus in castris reliquerat, eodem transduci jubet. Erat inter oppidum & Afraniana castra planities passuum circiter trecentorum, & in medio fere spatio tumulus surgebat, quem si occupasset Cæsar, oppido & ponte prohibiturus hostes videbatur. Igitur eductis instructisque tribus legionibus, unius antesignanos cursu contendere ad capiendum locum jubet. Sed Afraniani propiore spatio præcipiunt collem: ortaque pugna, Cæsar's milites repelluntur. Igitur subsidio adducta legio nona, cum invicem pepulisset hostes, fervore certaminis cedentes infecuta iniquum in locum successit.

XVI. Quinque horis ibi dimicatum est, magno Julianorum periculo, in quos ex superioribus locis tela certo jactu adigebantur. Multo tamen plus vulnerum, quam cædis fuit. hostium supra ducentos ceciderunt: Cæsar amisit circiter septuaginta. Victoriâ utraque pars adscribebat tibi: Pompejani propter tumulum retentum, qui pugnandi causa fuerat, & coactos terga vertere hostes; hi, quod numero & loco impari prælium tot horis sustinuerant, & ad extremum virtute connisi ascenderant montem, adversariosque inde in oppidum fugaverant. Majus inter hæc periculum, resolutis montium nivibus, aquarum subita inundatio interminata est; quæ una die utrumque Cæsar's pontem interrupit. Castra erant inter duo flumina Sicorin & Cingam, quod spatium erat passuum circiter millia triginta. Inter hos conclusus tantus exercitus, neque juvari ab



amicis civitatibus, quæ trans flumina erant positæ, nec ab iis comitatibus, qui permagni ex Gallia Italiaque veniebant, adiri poterat: & qui longius erant pabulatum egressi, ne ad castra reverterentur, magnitudine fluminum excluderentur.

XVII. Ex proximis autem locis frumentum olim ab Afranianis comportatum Ilerdam fuerat; reliquum superioribus diebus copię Cæsaris absumferant. At hostibus frumentum ante provisum erat: adhuc quotidie undique comportabatur: eratque pabuli & rerum omnium magna copia, cum ponte faxeo ad Ilerdam secure uterentur, & loca trans flumen integra, quo pervenire Cæsar non poterat, sine periculo haberent in potestate. Idcirco magnis in difficultatibus Cæsar erat, multosque amittebat quotidie, qui pabulandi frumentandive causâ progressi, ab Hispanis facile excipiebantur. Hispani enim, quia sine utribus in bellum ire non consueverant, in hos vestimenta conjiciebant, ipsi cetris suppositis facile superabant flumina. Aliquot dies manserunt aquæ. Per quos comitatum, qui ex Gallia veniebat ad Cæsarem, Afranius subito aggressus, interceptit sagittarios Ruthenorum circiter ducentos, cum equitibus Gallicis paucis, cum reliqui in montes proximos refugissent.

XVIII. Inter hæc ingravescebat in castris Cæsaris fames, tanta jam caritate annonæ, ut denariis quinquaginta in modios frumentum emeretur. Hæc cum etiam inflatiora, quam erant, Romam perferberentur, multi eorum, qui adhuc in Italia hæserant, ad Pompejum profecti sunt: alii, ut principes hoc perferrent nuntium; alii, ne post omnes venisse viderentur. At Cæsar, frustra sæpius tentata pontium reficiendorum spe, cum irritus ejus conatus aquarum & hostium vi redderetur, naves facere instituit, quales Venetis ac Britannis in usu sunt, Pado aut mari stagnantibus, Carinæ fiebant ex levi materia: reliquum corpus viminibus contextum, coriis integebatur. Has idoneo numero profectus Cæsar carris junctis noctu ad millia passuum duo

& viginti a castris deportat: ibique militum aliquo numero trajecto, continentem ripæ collem communit, priusquam adversarii rem cognoscerent.

XIX. Eo postea transducit legionem, & utraque ripa potitus, pontem sine molestia perficit biduo. Sic ad eum perveniunt, qui ex Gallico comitatu evaserant, quique frumentandi causa profecti ex prioribus castris fuerant. Eodem die transmittit equites; & per hos maximam hominum jumentorumque multitudinem, quæ pabulatum egressa fuerat, intercipit; & de cetratis cohortibus, quæ subsidio suis venerant, unam longius procurrentem, secludit a reliquis, atque delet. Ita res frumentaria privatim expeditur. Eodem tempore D. Brutus Massilienses navali prælio vicit. Longas illi habuerant septemdecim, e quibus erant undecim rectæ. His complura minora navigia addiderant, terrorem ipsa specie multitudinis illaturi. Inerat magnus sagittariorum numerus, magnus Albicorum, qui supra Massiliam incolunt, montanum durumque genus, & exercitatum in armis. Suos quoque servos & pastores L. Domitius in naves imposuerat, *si bene & graviter se gererent, libertate promissa.*

XX. Brutus pauciores quidem naves ducebat, sed firmiores, delecto virorum robore repletas. quippe Cæsar fortissimos ex antesignanis legionum, id muneris poscentes, in classem imposuerat. Igitur hi, virtuti confidentes, & quia celeritate navium & arte gubernatorum vincebantur, manicas & uncos præpararunt, quibus hostium naves retinerent. Massiliensium ea ratio fuit, ut, donec liceret, maritimis artibus uterentur; quoties deprehensi essent, armis montanorum fiderent, qui non multum inferiores Romanis erant. Igitur post acrem pugnam, cum singulæ ferme Romanæ naves, binis hostilibus prehenis, in utrumque latus dedicarent; hic pugnae fuit exitus, ut, magno Albicorum & pastorum amisso numero, Massiliensium naves caperentur, aut deprimerentur novem. Nescio, an isto præ-

lio, (bis enim pugnatum est classibus) illo certe bello, memoranda C. Acilii virtus exstitit : qui decimæ legionis miles, abscissa dextra, quam in puppim hostium injecerat, læva retinuit navem; deinde in eam infiliens, umbone propulit hostes, neque prius pugnare destitit, quam captam profundo mergeret.

XXI. His ad Ilerdam nuntiatis, ubi jam pontem Cæsar effecerat, omnia repente mutantur: hostes ex maxima fiducia in maximum metum veniunt, Cæsar's res omnibus modis fiunt superiores. Igitur aliquot Hispanorum populi, qui Pompejanarum partium semper fuerant, ad Cæsarem defecerunt. Oscanenses, & his contributi Calagurritani, Tarraconenses, Jacetani, Ausetani, Illurgavonenses, quinque magnæ civitates. Ab his frumento adjutus Cæsar, difficultates omnes pulchre explicat: quibus rebus permoti alii populi longius colentium, & quia falsum fuisse rumorem apparebat, *Pompejum cum legionibus per Mauritaniam venire*, ad Cæsaris amicitiam se transfulerunt. Perterritis hinc adversariis ut acrius instaret Cæsar, fossas pedum triginta ducere instituit, quibus pars aliqua fluminis averteretur; quo vado transiri posset, neque longo circumitu per pontem transmittendi equites forent.

XXII. Hoc opere prope confecto, Afranius & Petrejus timentes, ne prævalido Cæsaris equitatu penitus frumento pabuloque intercluderentur, bellum ad Iberum fluvium in Celtiberiam transferre statuunt. Igitur ad Octogefam, quod ad Iberum est oppidum, pontem fieri imperant: legionibusque duabus Sicorim transductis, castra muniunt. Hæc ubi sunt Cæsari per exploratores cognita, noctes diesque labore continuato eo rem deducit, ut jam, licet ægre, possent tamen atque auderent equites ejus flumen transire. Igitur hostes, festinandum rati, præsidio Ilerdæ imposito, omnibus copiis Sicorim transeunt, & se cum præmissis legionibus conjungunt. Cæsar legiones inmittere non pote-

§ XX. Dio. Cæs. Sueton. in Cæs. c. 6. Val. Max. 2, 2. Plut. in Cæs. c. 26. § XXI. Cic. Dio. Flor. 4, 1.

rat, amne interposito: & si per pontem duceret, interea hostes evadebant, non amplius viginti passuum millibus distante, quam petebant, Octogesa, quæ confici ab exercitu eodem die poterant.

XXIII. Igitur, quod solum erat reliquum, *equites transire, & morari agmen* jubet. Hi, transmissio flumine, commodum superveniunt, ut noctu moventibus tumultum facerent, iterque prohiberent. Ea res spectari luce reddita ex collibus, qui conjuncti Cæsaris castris erant, poterat. Accensi ergo milites tanta occasione victoriæ, per tribunos & centuriones Cæsarem orant, *ut se trans flumen duceret; qua equitatus transisset, ea se quoque audere transmittere.* Cæsar etsi timebat exercitum tantæ magnitudinis & rapiditatis flumini objicere, tamen alacritate suorum, & spe bene gerendæ rei excitatus, magnum jumentorum numerum infra supraque constituit: *medio spatio transferre milites* jubet. Erat adhuc ea fluminis altitudo, ut tantummodo humeris & summo pectore exstarent: transducti tamen sunt incolumes, cum paucos, qui fluminis vi abrepti fuerant, equitatus excepisset.

XXIV. Strenue deinde pergentes, ut simul corpora frigore aquarum affecta cursu refoverent; ad horam diei nonam assecuti sunt eos, qui de tertia vigilia exiverant. Hostes, viso Cæsaris exercitu, locum superiorem ceperunt, aciemque instruxerunt. Cæsar interim suos requiescere jubet; deinde iterum progredientes hostes insequitur. Illi cum haud amplius quinque millia passuum abessent a montosis & angustis locis, quæ si modico præsidio occupassent, immunes ab equitatu Cæsaris, ad Iberum pervenire, eumque tuto transmittere poterant; tamen totius diei pugna & itinere defatigati, castra posuerunt. Nocte proxima excepti ab equitibus aquatores, Cæsarem certiores fecerunt, *adversarios silentio proficisci.* Idcirco *signum dari, vasa militari more conclamari, & præter adversariorum castra mulos agi cum fremitu, sonumque continuari,* jussit: hoc astu adeptus,

quod quærebat, ut sine fatigatione sui militis hostes detinerentur, nam illi, audito tumultu, nocturnam pugnam, aut Cæsaris equitatum veriti, consilio mutato, copias in castris tenuerunt.

XXV. Postero die cum Petrejus locis exploratis redisset, deliberatum a ducibus est, quando exeundum castris foret. Tandem nocturno itinere damnato, quo neque fallere Cæsaris diligentiam, neque vim repellere possent, prima luce sequentis diei constituerunt proficisci. Quod ubi tempus advenit, Cæsarem cum omnibus copiis retrocedere viderunt, tanquam illudam reverteretur. Id propter inopiam fieri reputantes, quod sine jumentis impedimentisque profectum animadverterant; læti procurrebant ex castris, contumeliosisque vocibus Julianos prosequabantur. Sed alia longe mens Cæsari fuit: qui ad præoccupandos montes festinans, quia castris adversariorum præclusum iter erat, per transversas valles, & aspera saxa enitebatur, ut, his superatis, haud longo circumitu in destinatam partem flecteret. Id ubi est ab Afranianis animadversum, tam segnis nemo fuit, quin effuso cursu eosdem petendos esse montes putaret.

XXVI. Eo res erat deducta, ut, si prævenisset Cæsar, omnia in ejus potestate essent futura; præventus ab hostibus, impedimentis tamen, & cohortibus, quæ in castris eorum erant relictæ, potiretur. In hoc certamine celeritatis Cæsarem difficultates viarum male habebant; Afranius & Petrejus per Cæsaris equites impediabantur. Hæc molestior mora fuit: priorque Cæsar, itinere confecto, aciem in planitie inter magnas rupes sita struxit. Afranius a Julianis se circumventum videns, in colle quodam constitit: emissisque cohortibus cetratis quatuor, montem, qui erat in conspectu excelsissimus, occupari jussit, castra ibi positurus. Sed cetrati ab equitatu Cæsaris ad unum omnes interficiuntur. Hoc facto, pugnandi cupiditate Cæsaris co-

§ XXIV. Cæs. Front. Strat. 1, 6. § XXV. Front. Strat. 2, 5. Cæs.

piæ accenduntur, præliumque postulant: *si hæc prætermittatur occasio, se posse, cum Cæsar vellet, non esse pugnaturus*, minantur.

XXVII. Cæsar tamen neque suos obicere vulneribus & periculo volens, neque cives occidere, quibus clementiam suam omnibus modis approbare studebat, abstinuit prælio, futurum sperans, ut sine pugna bellum conficeret, quod & aqua & re frumentaria hostes intercluserat. Igitur castra quam proxime hostem posuit: & postridie, cum Pompejani frequentes aequatum exivissent, immisso equitatu nihil eis tutum aut tranquillum esse passus est. Ea re cognita, Afranius atque Petrejus id consilii capiunt, ut, a vallo ad aquam brachiis ductis, aquationem expediant. Hujus operis causa cum longius paulo discessissent, liberam colloquendi facultatem nacti milites, de pace agere incipiunt: paulatimque eo progrediuntur, ut incolumitatem ducibus pacti, per primores centurionum Cæsari pollicerentur, *se signa ad eum translaturus esse*.

XXVIII. Cum jam omnium voluntate pro confecta pax haberetur, tanquam una ex duobus castra facta essent, permixti milites, ut quisque suos in tentoria abduxerat, aut secuti fuerant, multa lætitia & gratulatione noctem celebrabant. His rebus auditis, Afranius in castra recurrit, ita comparatus, ut, quidquid accidisset, laturus non iniquo animo videretur. At Petrejus familiam armat, & cum hac & prætoriam cohortem, & paucis barbaris equitibus beneficiariis suis, subito advolat, & quotquot deprehendere Cæsaris militum potest, obtruncat; tanto furore, ut etiam tribunum e suis, qui retinere impetum ejus voluerat, confoderet. Deinde flens circumit manipulos, *ne se, neu Pompejum absentem deserant prodantque*, obsecrat. Miles, subito immutatis animis, in prætorium concurrit. Ibi jusjurandum concipit Petrejus, *se exercitum ducesque non proditurum, neque deserturum, neque sibi separatim a reliquis consi-*

§ XXVI. Dio. Cæs. Appian. civil. l. 2. § XXVII. Appian. Cæs. Dic.

*lium capturum.* in hæc verba jurat ipse prior: adigit & Afranium in eadem; tribuni centurionesque, deinde manipuli sequuntur.

XXIX. Juliani, qui adhuc in castris essent, produci jubentur. qui producti sunt, interficiuntur in prætorio. plerosque tamen ii, qui receperant, celant; noctuque per vallum emittunt. Cæsar tamen admissam in se perfidiam non sustinuit imitari, quamvis multos sane suorum amisserat: sed conquisitos, qui Pompejanorum sua in castra venerant, remisit omnes, exceptis aliquot tribunis & centurionibus, qui sponte apud eum remanserunt. Renovato bello, Afraniani pabuli & aquarum inopia premebantur: frumenti nonnullam copiam habebant, quod ab Ilerda cibaria dierum duodecim extulerant. Sed auxiliares, quod unius diei se inire iter putabant, neque ad portanda onera erant assuefacti, fame infestabantur. Idcirco ex eo genere crebra ad Cæsarem transfugia fiebant. In his angustiis nihil erat Pompejanis ducibus reliquum, quam ut vel Ilerdam reverterentur, vel Tarraconem pergerent. Tarraco longius aberat; & Ilerdæ nonnihil frumenti erat relictum: igitur hoc probato consilio, profectionem instituunt.

XXX. Cæsar cum legionibus sequitur; equitatu carpit novissimos. ad hunc repellendum sæpe se convertunt hostes: ita simul inceditur; simul sine intermissione pugnatur. Cum ægre ad millia quatuor confectæ viæ esset, montem excelsum capiunt, & a fronte muniunt, quasi castra metarentur. Sed onerata jumenta retinuerant; & postquam Cæsarem castra posuisse, & equites pabulatum dimisisse, sensissent, sub meridiem subito discesserunt, ut, priusquam revocare Cæsar equites posset, aliquantum itineris conficeretur. Is quoque vanus eis conatus fuit. Cæsar statim cum legionibus subsecutus, & post paucas horas equitatus superveniens, castra, ubi minime voluissent, metari coegit. Substitit etiam in propinquo Cæsar: sed tabernacula poni

§ XXVIII. Cæf. Appian. Dio, Sueton. in Cæf. c. 78. § XXIX. Cæf. Sueton. Dio.

non est passus; quo paratus esset ad insequendum, quando-  
cunque movissent. Nam proelio abstinere superioribus de  
causis decreverat.

XXXI. Afraniani tota nocte castra proferunt, commo-  
diorem captantes locum: sed quo plus procedebant ope-  
ra, longius ab aqua discedebatur; eoque res deducta erat,  
ut priora mala non nisi aliis malis corrigi possent. Ea nocte  
aquatium nemo profectus est. Postero die, præter castro-  
rum præsidium, universus exercitus ad aquam educitur:  
pabulatum it nemo. Tum Cæsar, ut his incommodis vexa-  
tos ad deditionem sine pugna cogeret, vallum fossamque  
circumducere cœpit, ne qua possent erumpere. At illis  
omnis in hoc uno spes erat reliqua. Idcirco & inopia pa-  
buli, & quo expeditiores essent, omnibus sarcinariis ju-  
mentis interfectis, tertia die, quam circumvallari cœpe-  
rant, circiter horam octavam, aciem pro castris consiti-  
tuerunt. Eduxit & Cæsar suos, sed ita paratus animatus-  
que, ut laceissentibus repugnaret, signa non inferret prior.

XXXII. Præter pristinas rationes alienum dimicationi  
tempus arbitrabatur, quod adversarios ira & necessitas sti-  
mulabant: quæ res etiam ignavis animum viresque facere  
consueverunt. Accedebat ad hæc, quod in tanta vicinitate  
castrorum, vix enim mille passus intererant, nihil ad sum-  
mam erat profecturus; parato hostibus, si pellerentur, re-  
ceptu. Sic neutris pugnam incipientibus, cum ad noctem  
usque persistissent acies, in castra reductæ sunt. Postri-  
die, dum Cæsar operibus suis perficiendis instat, Afraniani  
vadum Sicoris tentare cœperunt. Cæsar, ut hanc quoque  
spem illis amputaret, *Germanos levis armaturæ cum equitum  
parte transire flumen, crebrisque stationibus observari ripas*, ju-  
bet. Cum ita quartum in diem equi hostium pabulo care-  
rent; ipsi aqua, lignatione, frumentatione prohiberentur,  
& in maxima siti terram fodiendo, frustra puteos intra ca-  
stra quævisissent: *colloquium* defelli duces petunt, & *id, si  
fieri posset, remoto a milicibus loco*.

§ XXX. Front. Strat. 2, 13. Cæs. § XXXI. Plut. in Cæs. c. 54.  
Flor. 4, 2. Cæs. Front. Strat. 2, 1. § XXXII. Front. Cæs. Dio.



XXXIII. Colloquium concessum est, de loco negatum. Igitur utroque exercitu coram, Afranius excusare incipit, quod, fidei suo imperatori servandæ causa, contra Cæsarem tetendissent. Id se adeo nullo Cæsaris odio fecisse, sed præoccupatos legatione a Cn. Pompejo, priusquam ulla civilis belli suspicio exstisset. Omnia expertos eo devenisse necessitatis, ut victos se esse fateantur. tandem misericordiam Cæsaris suppliciter appellat.

XXXIV. Cæsar ad hæc, leviter exprobrans ducum pertinaciam, qui neque Cæsaris lenitatem, neque suorum ipsi militum desiderium reveriti, quæsitam confectamque pacem pati nolissent, occidere ipsis ait, quod soleat hominibus nimia arrogantia, ut, quod paulo ante contemserint, flagranter expetant. Se tamen neque illorum culpa, neque opportunitate temporum posse permoveari, uti ab sua pristina mansuetudine discedat. Igitur, quantumlibet sibi in manu sit, retinere victas legiones; idque etiam facere debeat, si easdem illas contra se & paratas, & tot per annos retentas esse reputet; tamen se contentum fore, si effecerit, ne hoc exercitu adversarii contra se amplius uti possint. Unam igitur hanc esse conditionem pacis, ut Afranius & Petrejus Hispaniis excedant, copiasque dimittant. id si fiat, nemini se nociturum. Ea res acceptissima militibus Afranianis fuit, quod ultro commodum haberent missionis, qui a victore pœnam timuissent. idcirco, cum de loco & tempore dimittendi cœptum esset agi, gestu ac voce significarunt, statim mitti velle. nec enim postea fidem promissorum præsturos duces, si præsens necessitas abscessisset. Tandem ita convenit, ut, qui possessiones haberent in Hispania, statim; reliqui ad Varum flumen, qui Galliarum & Liguriæ terminus est, dimitterentur.

XXXV. Proximo biduo milites, si quas inter se controversias haberent, ultro ad Cæsarem in jus adierunt. Interea tertia ferme copiarum dimissa parte, Q. Fusio Caleno legato Cæsar deducendos reliquos dedit. profectio sic instituta

§ XXXIII. Appian. civil. l. 2. § XXXIV. Dio. Cæs. Appian. Liv. Epit. Strab. l. 4.

est; ut duæ legiones Cæsaris antecederent, ceteræ sequerentur, in medio Afraniani essent, & terna castra in vicino ponerentur. Ubi perventum ad Varum, reliquus exercitus dimissus est. Duces cum insignioribus centurionum & militum ad Pompejum profecti sunt; aliorum magnus numerus, feliciora auspicia sequi certus, sacramento apud Cæsarem dixit. Cæsar, his rebus gestis, quamquam multis magnisque causis in Italiam revocabatur, tamen, nisi perpacata Hispania, excedere volebat; veritus, quia in citiore provincia maximas clientelas Pompejus habebat, ne iterum bellum ingens existeret.

XXXVI. Idcirco Q. Cassio Longino tribuno plebis cum duabus legionibus præmissis, ipse sexcentos equites magnis itineribus ducit Cordubam, quo convenire magistratus principesque provinciae jussit. Nulla fuit civitas, quæ detrectaret imperium. Contra Varroni, qui hætenus eam provinciam obtinuerat, & completis duabus legionibus triginta cohortes alarius adjecerat, subito infesta omnia fiunt. Cordubenses præsidium ab eo missum, in sua potestate habent; Carmonenses ejiciunt. Varro Gades ire destinaverat, in ea insula, frumento navibusque comparatis, duci bellum posse ratus; oppidoque C. Gailonium familiarem Domitii præfecerat. Sed is, Gaditanorum minis territus, profugit. Varroni cum Gadium atque Italiae præclusus aditus esset, & una legio ex duabus, ipso inspectante, discessisset e castris, alteram, cum publicis rationibus, & pecunia, quam habebat, Cæsari transdidit.

XXXVII. Cæsar, Gades profectus, *pecunias monumentaque referri in templum Herculis* jubet, quæ erant inde jussu Varronis deprompta. Gaditanis civitatem Romanam dat; idque beneficium postea populus Romanus habuit ratum. Provinciae Q. Cassius præficitur, quod quæstor olim Pompeji gentis mores perdidicisse credebatur; eique legiones quatuor attribuuntur. Nemini ulla sit a Cæsare injuria, præterquam quod pecunia ubique grandis exigebatur. His

rebus ita constitutis, Cæsar Varronianis navibus Tarracoenem revertitur, ibique conventum provinciæ citerioris agit; &, quemadmodum in ulteriore fecerat, publice privatimque præmia bene meritis distribuit. Pedestri deinde itinere Narbonem digressus, cum per Pyrenæum pergeret, tropæum nullum posuit, quod ea res Pompejo quoque crimini erat data; sed aram haud procul Pompejanis monumentis ingenti mole ex polito lapide struxit, Alexandrum imitatus, qui ad imitationem Herculis & Liberi multis locis, ad propagandam victoriarum suarum memoriam, aras erexisse ferebatur.

XXXVIII. Cum Narbonem pervenisset, cognitis, quæ interim erant ad Massiliam gesta, eo proficisci statuit. Quippe Massilienses, nihil damno navalis pugnae deterriti, C. Trebonio, quem obsidioni præfecerat Cæsar, strenue restiterant: & maxima ejus opera tormentorum multitudine, & loci natura ac munitione adjuti, perruperant, ea machinarum violentia, ut asseres pedum duodecim ferreis præfixi cuspidibus, ingentibus ballistis per quatuor ordines cratium transacti, in terram penetrarent. Interim L. Nasidius imprudente Curione per Siculum fretum, cum navibus septemdecim, ad Massiliensium castellum Tauroenta pervenit; auctorque fuit civitati, ut denuo, maritimæ pugnae fortunam tentaret. At Brutus, ad priorem classem additis navibus, quas de Massiliensibus nuper ceperat, iterum eos profligavit, navibus demersis quinque, quatuor captis. una cum Nasidianis navibus discessit, quæ vix cæpto certamine profugerant.

XXXIX. Nec tamen eo secius in defensionis suscepto proposito perseveratum fuit; quamquam, Cæsari jam Hispanias accessisse, fama tulerat. Ingentia deinceps opera Trebonii & incensa ab hostibus, & a Trebonio resecta sunt: quorum annotare rationem nihil attinet, cum Cæsaris commentarii vivant, quibus tota ista obsidio inimitabili nostris temporibus elegantia describitur. Ad ultimum omni-

§ XXXVII. Liv. Epit. Dio. Appian. Cæs. § XXXVIII, Flor. 4, 10. Dio.

bus defatigati malis, nam ad incommoda belli e victu tenui & corrupto (hordeo & panico vetere alebantur) pestilentiae malum accesserat; Cæsaris fidei se permiserunt. Fuerat iis Cæsar, nec sine causa, iratissimus. igitur præter vitam & libertatem nihil ferme reliquit victis. arma, naves, pecuniæ statim, cetera mox ademta sunt. Postea tamen subinde remisit aliquid iræ, nomini parcens & vetustati civitatis.

XL. Sed paucis ante diebus, quam in potestatem Cæsaris Massilia concederet, L. Domitius cum una nave profugerat. His rebus ita gestis, Cæsar, præmissis aliquot legionibus in Italiam, proficisci ad urbem statuit, quod se dictatorem esse dictum Narbone cognoverat. Rem tantam temporum potius licentia, quam jure & more majorum, M. Æmilius Lepidus prætor perfecerat, is, qui postea cum Antonio & Octaviano Cæsare triumviratum invasit. *Falso credi jactabat, nisi a consule dictatorem dici non posse: nam & olim a tribuno militum A. Cornelio Mamercum Æmilium dictum esse de sententia collegii, cum itidem propter intempestivam quorundam dubitationem augures consuli senatus censuisset.* Ita ceteris invitissimis propositum Lepidus tenuit, *senatus* tamen obtendens *auctoritatem populique jussu*; cum in his nominibus nihil tum, præter ipsa nomina, foret.

XLI. Sed arma hostium atque jura civium pari impetu proterentem, pars exercitus, quo adjutore hæc omnia egerat, terrere seditionibus cœpit. Nona legio, præmissa cum aliis in Italiam, postquam Placentiam attigerat, tumultum movit, *missionem* postulans, *quam olim etiam decreto senatus jussam, tot iniquis laboribus vulneribusque abunde meruissent.* Præterea sibi ad Brundisium denarios quingenos promissos, *neque dum representatos esse.* Verior tamen causa erat, militum cupiditas & ira; quod, prædæ suæ cuncta cessura sperantes post victoriam, ab omni injuria temperare cogebantur. simul ea opinione ferociam augebant, quod, arma-

§ XXXIX. Flor. Cæs. Cic. Phil. 8, 6. Oros. 6, 15. Diodor. l. 41. Strab. l. 4. § XL. Cic. ad Attic. 9, 11. Dio. Liv. 4, 31. Plut. in Cæs. c. 54.

to adhuc Pompejo, suæ opis egere Cæsarem arbitrabantur. At ille insolens cogi, semperque in maximis periculis maximum animum habere suetus, minime cessit tumultuantibus: quamquam eo jam esset provecta seditio, ut in perniciem imperatoris eruptura videretur.

XLII. Vocatos igitur in concionem milites (nam, audito hoc motu, celeriter Massilia advolaverat) simul adesse iussis, quos ipse adduxerat præsidii causa, &, ut plures discerent, quam immotum adversus ejusmodi terrores imperatorem haberent, ita circumfusus affatus est: *Quis novus hic incescit animis vestris furor, ut omnibus his bellis tranquillæ & obsequentes, hoc maxime tempore seditionem capiteis, quod ego, sine jam instante laboris, de præmiis vestris attentissime cogitabam? quæ vos omnia vecordissima audacia corrumpitis: priora merita oblitteratis: me, quem semper vestri cupidissimum estis experti, ex imperatore vestro inimicum atque hostem redigistis. An enim stolidas illas minas, & temerarias voces vestras, terrore potius, quam ira, pectus hoc repleturas putavistis? Scilicet, qui barbarorum ferocissimos domui, civium potentissimos coegi in ordinem, non timui Pompejos, non timui Scipiones, militum meorum voces, militum meorum manus timeam?*

XLIII. En adsum C. Cæsar: nudumque pectus & paratum percussuris offero. peragite scelus, &, cujus ante hanc fortunam imperio semper parvistis, nunc omnium late victorem, si audetis, contemnite! Quod si vero, uti res docet, tantum animorum non est, ut vel conspectum meum ferre possitis; quanto intervallo meam vestramque conditionem fata discreverint, discite. Missionem postulatis, tanquam carere vobis hoc tempore nequeam. Ecce autem do, quod petitis, vosque a signis meis discedere jubeo. An enim existimatis, si a vobis deferor, defuturas mihi manus, quibus paucas has bellorum reliquias profligam? Bonus & felix imperator ubivis reperit milites, &, si nulli usquam essent, abducerem vel ex hostium castris. Utrum ego vobis, an vero vos me magis indigeatis, hæc tam recentia, tam certa documenta admonere vos non potuerunt?

§ XLI. Sueton. in Cæs. c. 70. Cic. familiar. 8, 8. Dio. Apian. civil. 1. 2. Front. Strat. 3, 9. § XLIII. Front. Strat. 1, 9.

XLIV. *Nuper tantum bellum cum paucis cohortibus orsus; intra vicesimum diem supra quatuor legiones hostium meas feci. atque illi milites læti lubentesque imperata faciunt; & quod me potius imperatore ferunt arma, fortunæ suæ gratulantur. Vos quoque, si aliis sub ducibus merentes in meam venissetis potestatem, idem faceretis. Nunc secunda tantum, imperatoris vestri virtute, non vestra (ne erretis) experti; neque cui militetis, neque, qui vos ipsi sitis, agnoscitis. Agite, si placet, & vel ad Pompejum transite. ecquis vestrum tam est arrogans, ut non multis modis T. Labieno se fateatur inferiorem? At ille meis auspiciis ubique magnificus, ubique victor, cum imperatore mutavit fortunam, &, quasi repente factus esset alius, ignarus antea timoris & fugæ, nunc nusquam locorum audet consistere. Ite, ite, & hoc exemplum sequimini, quando vos felicitatis vestræ piget.*

XLV. *Stipendia vobis justo tempore dantur; annona nunquam defuit; nihil operæ vobis, nihil periculi injunctum est, cujus vos pœnitere debeat. Majore sudoris, quam sanguinis, impensa res omnium pretiosissimas, securitatem, gloriam, victoriam quæsvistis. neque dona vobis atque præmia defuerunt, quæ semper larga manu distribui, in pœnis parciore, nec temere ultra verborum castigationem progressus. At nunc, ut sentiat, quem provocaveritis, utque vestræ pœnæ exemplum a pari insania Romanos exercitus absterreat, morem majorum, & clarissimorum ducum instituta secutus, legionem decimabo. Sane amari semper a militibus meis, quam timeri malui. Sed quoniam alterum, cum præstare deberetis, omisistis: alterum, quod effecistis necessarium, subite.*

XLVI. *Cum hanc ad vocem orta militum comploratio esset, tribuni centurionesque, exquisitissimis precibus placare Cæsaris iram nisi, vix tandem effecerunt, ut flecti videretur. Igitur resumto sermone, Nihil quidem concedi, ait, oportebat, ita meritis; sed tamen contentus pœna paucorum, dabo multitudini pœnitentiæ locum. Vos autem, quibus hæc venia conceditur, quid actum sit hodie, & qua spe pastoque dimittamini, diligenter mementore. Nam si postea vel minimi motus aut*

*auctores aliis, aut socii fueritis, veteris simul recentisque delicti pœnam non effugietis. Militem non solum indefessum ad labores, impigrum ad prœlia, sed etiam vel maxime morigerum duci esse oportet: hoc si absit, reliqua sæpius in perniciem omnium, quam cujusquam commodo cedunt. Majores nostri, penes quos aliquot sæculis summa belli gloria per homines fuit, nullius rei diligentiores, quam disciplinæ militaris, custodes fuerunt. Iisdem illis. certum immotumque semper fuit, plus in duce, quam in exercitu reponere.*

XLVII. *Atque hoc universa rerum natura docere paulisper attentos debuisset. ubique minoris est, quod regitur, quam quod imperat. Ideoque Jovem, cujus in potestate omnia esse credimus, optimum maximumque vocamus: & in homine membris omnibus totoque corpore, una mens, a qua reguntur, paucior est. Hæc prius intelligere vos voluissim, & erat melius: ut tamen simul & necessaria severitatis, & solita clementiæ meæ ratio habeatur, in paucos edam exemplum, quod in totam legionem oportuisset. Centum & viginti seditionis auctores depono, unde duodecim ad pœnam sorte vocentur; & erit aliquod pœnitentiæ signum, se pessimos homines obedienter tradideritis. Sortes ita de industria sunt temperatæ, ut seditiosissimus quisque duceretur. Sed cum ex hoc numero unum tempore seditionis abfuisse constaret, centurionem, cujus calumnia nomen delatum innocentis fuerat, pro illo Cæsar occidi iussit. His securi percussis, exauctorata legio non ferens ignominiam, cum repudiari suam operam cerneret, non destitit satisfacere imperatori, donec multis & supplicibus precibus exorato, pristinum in sacramentum recipere.*

XLVIII. *Placentina seditione composita, Cæsar legiones maximis itineribus in Apuliam & Bruttium mittit, navium undique contrahendarum causa: ipse Romam in faciem pacis cum inermi comitatu profectus, dictaturam iniit, ut roganti scilicet populo Romano gratificaretur. Ceterum ille consul in annum sequentem creari voluerat, ut tyrannicam potestatem, quam usurpabat, legitimi magistratus vocabulo obtegeret. Simul servari speciem reipublicæ*

volebat; & quia consules ambo secuti Pompejum fuerant; nec prætoribus creandi consules jus esse dicebatur, necessario faciendum putavit, ut comitiorum habendorum causa dictaturam assumeret.

XLIX. In hoc magistratu exsulibus, præter T. Annium Milonem, redditum decrevit; & proscriptorum a Sulla liberis jus petendorum honorum contra legem Corneliam dedit. Aristobulum quondam Judææ regem, deinde triumphatum Pompejo, remisit daturum in Syria turbas. Sed *ille quidem a Pompejanis veneno esse interceptus* traditur: filium Alexandrum, acceptis ea de re Pompeji literis, L. Scipio securi percussit Antiochiæ, latrocinia objiciens. Habuit deinde comitia, seque & P. Servilium designavit consules. is enim erat annus, quo consulatum ei gerere per leges licebat; quarum vim cum vi majore solveret, speciem ubivis magna veneratione sectabatur. L. Pisonem collegam assumpturus videbatur. Sed quia *legatos ad Pompejum mittendos* Piso censuerat, eratque eam ob causam increpitus ab Isaurico; illi honorem libertas abstulit, huic adulatio dedit. Comiticia ceterorum quoque magistratuum sunt habita; pontificum etiam, in loca demortuorum: feriæque Latinæ celebratæ.

L. Oppressis deinde ære alieno consulendum putavit; sed ita, ne subruere fidem, &, dum aliorum necessitati cupidius consulit, aliorum juri vim facere intolerandam videretur. Constituit igitur, *ut arbitri darentur* (nam ipsius verba lubentissime pono) *per quos fierent æstimationes possessionum & rerum, quanti quæque earum ante bellum fuisset, atque ea creditoribus transferentur.* Hi arbitratores, ne quis alteri parti addictiores electos quereretur, sorte creabantur. Hac conditione quarta fere pars crediti deperibat: sed facile patiebantur homines, quia timor novarum tabularum, quæ vulgo postulari cœperant, tollebatur. Quia deinde rumor

§ XLVIII. Front. Strat. 4, 5. Sueton. in Cæs. c. 70. Plut. in Cæs. c. 54. Cic. ad Attic. 9, 11. § XLIX. Dionys. Halic. 8, 92. Sueton. in Cæs. c. 41. Joseph. Dio. Cæs. Plut.



percrebuerat, multos aurum argentumque, ne creditoribus solverent, supprimere; horum nequitia adductus, legem tulit, *ne quis supra sestertia sexaginta in numerato haberet.* sic providebatur, ne quis magnarum opum fiducia adicere ad res novandas animum posset. Plebs ad hæc addi postulabat, *ut præmia servis, qui dominos in hanc legem peccantes detulissent, decernerentur:* sed abnuvit Cæsar, juratusque negavit, *servis adversus dominos crediturum.*

LI. Inter hæc tam prospera, non modicam accepit per duces suos in Illyrico cladem. P. Cornelium Dolabellam, cum a Cæsare naves haberet, M. Octavius & L. Scribonius Libo, quos Liburnicæ atque Achaicæ classi Pompejus præfecerat, victum, exutumque copiis Dalmatia expulerunt. Sed ille quidem, amissa classe, perfugit ad C. Antonium, qui ad Curictam (Japodum litoribus adlita est insula, ad maris Adriatici fauces) castra habebat. Sed ipsum quoque Antonium, cum ulcisci Dolabellam cuperet, cum Q. Hortensio, qui ab infero mari classem adduxerat, Pompejani duces superarunt: quamquam ei L. Minucius Basilius, C. Sallustius Crispus, ex singulis legionibus, quibus præerant, cohortes aliquot subsidio misissent.

LII. Antonius Curictam refugit, asperitate situs, & incolarum virtute confusus. Sed ubi Octavius & Libo cunctis ingentibus copiis classicorum affuerunt; desertosque a fociis urgere fames cœpit, & ad Pompejanas partes palam transgressus vir fortissimus T. Pusio sollicitare; Antonius se cum quindecim cohortibus dedit: omnesque ad Pompejum a Libone deducti sunt. Evadere tamen prius pauci ad Basilum, qui copias instructas ex adverso litore ostenderat. Ea spes audaciam parti militum fecit, ut nova ratione tentarent per mare fugam. Namque refluxu expectato, rates conscenderunt ita contextas, ut geminatis cupparum ordinibus incumberent, quo inter utrumque ordinem occulto remigio proveherentur. Series cupparum ad firmitu-

§ L. Sueton. in Cæs. c. 42. Appian. Dio. § LI. Oros. 6, 15. Sueton. in Cæs. c. 36. Flor. 4, 2. Strab. l. 7. Ptolem. Dio.

dinem catenis ferreis colligabantur. In medio ratis erecta turris erat; unde, sicubi vim faceret hostis, defendi posset.

LIII. Ex tribus ejusmodi ratibus prima & sequens, æstus beneficio, litus optatum tenuerunt: tertia, quæ vehementer Opiterginos, in occultos quasi casses incidit, quos Pompejani Cilices, usitata sibi, cum adhuc piraticam facerent, arte, funibus sub mari circumductis paraverant. His deprehensa ratis, & ad scopulos, unde religata vincula fuerant, attracta, cum ab hostibus terra marique oppugnaretur, defensa tamen est, quia supervenientes tenebræ prælium diremerant. Præerat Opiterginis tribunus, Vultejus nomine. Hic, cum neque vincula rumpere tentantibus res succederet, neque aliud sperari effugium posset, *parvum*, inquit, *deliberandi spatium noctis hujus mora præstat, milites, neque etiam multa deliberandi aut anceps materia est. Si possemus & mortem & ignominiam effugere, hoc nimirum prorsus esse faciendum nemo ambigeret.*

LIV. Nunc quoniam alterutrum necessario legendum est, utrum sit optabilius, aliqua esse dubitatio timidis & ignavis, & Casarem proditoris posset. Nobis quidem neque ingratis esse adversus eum, cujus maximis beneficiis sæpe usi sumus, libeat; neque virtutis nostræ gloriam turpi commaculare infamia. Quid igitur afferri potest, quo minus libertate, donec adest, utamur; & in præstantissimam conditionem nos vindicemus, ut neque adversariis quidquam in nos liceat, & facinus nostrum æterna fama sequatur? præsertim quia fortes ab ignominia mors absolvit; post ignominiam nihilominus subeunda mors est. Promittent haud dubie vitam: sed quid nobis opus est vita agenda precario? quid si vero fallant fidem? & qui mori per virtutem potuimus, turpes irrisque alieno arbitrio cervicem demus? quid si ad longius neque simplex supplicium servati, ad Pompejum adducamur, tam inimicum nobis semper, quam propitius Caesar fuit? ad Marcellum, cujus animum supplicio Novocomensis illius experti sumus?

§ LII. Dio. Cæs. Orof. Flor. § LIII. Dio. Flor. Jo. Sarisb. Po-  
lic. 2, 7. § LIV. Quintil. 3, 8.

LV. *Hos videre, his supplicare, Transpadanus quisquam poterit? Hoc ne conjuges quidem liberique nostri velint; ob quæ nomina quandoque consilium mutarunt, qui de se decreverant. Pro Cæsare perire omnes optent, quam vel regnare cum hujus inimicis. Sed neque in eo res est; quin omnia sunt in potestate Cæsaris, & si hunc offendimus, illi perierunt. Sic eadem via, quæ nobis ad gloriam & libertatem patet, a civitate nostra famam proditionis, iram victoris, metum, periculum, cladem avertimus, Cæsaremque magis etiam ei conciliamus. cujus equidem quia notissima nobis est liberalitas, quis futurum ambigat, quin & nos ille laudet, & ob nostrum factum universæ genti pretium tribuat. Nec fefellit eum animus. quippe Cæsar, ubi propter ipsum mille circiter Opiterginos, ut fidem ei servarent, in eadem rate mutuis vulneribus concidisse didicit; priusquam ab urbe proficisceretur, non illi solum oppido, sed omnibus omnino Transpadanis civitatem Romanam dedit.*

LVI. Caji deinde Curionis referenda clades est, sub idem tempus in Africa occisi. Sed illi quidem principia nimis læta fuerunt. Recepta sine certamine Sicilia, sicut jussus erat a Cæsare, in Africam transjecit legiones. Provinciam eam obtinere L. Tubero debuerat, ex senatusconsulto sortitus: sed illo cunctante, P. Attius Varus, qui Auximo profugiens Uticam pervenerat, clamore multitudinis ad se delatum imperium arripuit; Tuberonemque venientem, quamquam earundem partium esset, exclusit provincia, ne filium quidem valetudine affectum exponere, sed nec aquam haurire passus. Atque iste quidem Varus provinciam eam prius ex prætura obtinuerat: quo facilius ei fuit, propter hominum locorumque notitiam, delectus agere, & alia tuendæ provinciæ parare. Igitur duas jam legiones habebat sub signis: nec minus reponebat spei in Mauri regis amicitia, cui transditum a patre Hiempsale erat hospitium cum Pompejo, & maxima cum Curione simultas, qui in tribunatu legem de publicando Jubbæ regno publicaverat.

§ LV. Liv. Epit. Dio. § LVI. Dio. Sueton. in Cæs. c. 26. Appian. Cæs. Cic. pro Ligar. c. 7. Oros. 6, 15. Liv. Epit.

LVII. Adversus hos duas legiones Curio transportavit; & quingentos equites, navibus longis duodecim, & multis onerariis. Ad hujus classis conspectum L. Cæsar adolescens, qui ad Clupeam adventum Julianorum cum decem rostratis opperiebatur, multitudine velorum territus, Adrumetum perfugit. Curio præter Uticam ad flumen Bagrada progressus, exscensione facta, castra locat. Inde ad exploranda castra Cornelia (nobilitatem nomenque loco prioris Africani expeditio fecerat) cum equitatu pergit; levique prælio victis Numidis, qui, ut tutum agrestibus receptum facerent, ex castris Vari oppido conjunctis excurrerant, & adventu longarum navium audacior, pronuntiat navibus onerariis, quæ numero circiter ducentæ stabant ad Uticam, *pro hostibus se habiturum, qui non ex templo cursum ad castra Cornelia direxissent.*

LVIII. Obsecuti sunt universi, exercitumque Curionis omnium rerum copia repleverunt. Mox iterum in castra ad Bagradam se recepit Curio, quia adversarii, castra Cornelia occupaturum divinati, aquas veneno infecerant; & acclamatione totius exercitus appellatus *Imperator*, postero die movet Uticam, & castra prope oppidum ponit. nondum perfectis operibus, sit certior, adesse magna Jubæ regis auxilia, Uticamque sine timore pergere: igitur equitibus inniis hos disturbat, & magnum interficit peditum numerum, qui tam celeriter in oppidum se recipere nequiverant. Sed proxima nocte cum centuriones Marci duo cum manipularibus aliquot ad Varum perfugissent, in spem ille venit, totum corrumpi Curionis exercitum posse. Igitur eductis legionibus, ut inter se & Curionem una tantum vallis interesset, tentare milites per Sex. Quintilium Varum coepit, qui L. Domitii quæstor ad Corfinium fuerat. Igitur notos sibi centuriones militesque compellans, *ut ad prius sacramentum redirent*, obsecrabat, *relinquerentque illos, a quibus capti perfugarum in numero haberentur, & per summam contumeliam hoc vocabulo notarentur.* Postremo largitus

*nem a se & P. Attio ostentat, si prioribus partibus concilientur.*

LIX. Ad hæc neutram in partem significatione voluntatis facta, exercitus in castra reducti sunt. Sed tentati militum animi castra Curionis timore & suspicione compleverant. Nam paucis mutatis centurionibus, iidem ordines manipulique manebant, quales eo tempore fuerant, cum ad Corfinium a Cæsare caperentur; præterea genus erat hominum, ex municipiis Pompejo addictissimis, Peligni Marisque. Hæc omnia non parum magnas timendi causas afferebant, & quod superiore nocte inter transfugium paucorum excepti graviores quidam militum sermones, nonnulli & conficti erant. Igitur in principiis de summa rerum sententiæ dicebantur. alii *regrediendum in castra Cornelia* censebant; quidam *oppugnanda hostium castra*. neutrum consilium Curioni placuit, alterum abjecti nimis animi, alterum temerarii videbatur.

LX. Igitur dimisso concilio, milites ad concionem vocat: *quantum eorum fidei Cæsar credat, exponit. non debere hunc deferi, a quo maxima sint expectanda præmia; præsertim dijudicata jam fortuna belli, duabusque Hispaniis receptis. Frustra jactare prius sacramentum adversarios: non legiones illud, sed ducem Domitium, abrupisse. proditos ab eo milites, a Cæsare conservatos, non beneficii modo gratia, sed in verba Cæsaris sponte adaptos, nova religione teneri. Quod si causam a Cæsare desciscendi nullam habeant; in se quoque nihil esse sperare, quod offendant. Præclaram sibi erga milites voluntatem constare: diligentiam duce dignam præstitisse hætenus: etiam fortunam affuisse conatibus. Atque hæc omnia nuper adeo consensu universorum esse approbata, cum sit imperator ab iis appellatus. Cujus honoris gratiam se ipsis facere, si pœniteat.*

LXI. Adhuc dicentem interrupit militum clamor, indigne ferentium, *quod suspecti prodicionis essent, & ad omnia pericula fidem suam operamque offerentium.* Unde Curio jam animosior, postridie eodem loco, quo antea, in acie adstitit. Eduxit & Varus suos, uterque legionum Da-

mitianarum fiducia, quas Curio manfuras in recenti sacramento, Varus redituras ad vetus, putabant. Sed ubi vallem transire Vari equitatus omnis cum parte levis armaturæ cœpit; equites Curionis, cum duabus Marrucinatorum cohortibus impetu facto, relictos a suis velites ceciderunt. Qua re Varianos perturbatos cernens Rebilus, legatus Cæsaris, quem ob peritiam rei militaris ex Sicilia Curio secum adduxerat, *instare, atque tempore uti jubet.*

LXII. Nec moratus Curio, ut erat acer & audax, primus procurrit in vallem, impeditam adeo, ut ab altera parte, nisi adjuti a suis, ascensum difficulter molirentur. Sed hostes animis perculsis, neque ullius nisi fugæ memores, priusquam ad jactum teli perventum esset, in castra omnes refugerunt, tanta consternatione, ut in portis & angustiis viarum, plures obtriti oppressique a suis sine vulnere morerentur, quam interfecti in prælio fuerant. Et nisi Curionis milites tantum ad pugnam profecti sola secum arma extulissent; eodem impetu expugnari castra potuerunt. Memorabile tum facinus Pelignus quidam nomine Fabius edidit. Namque fugientibus immixtus, magna voce *Varum* identidem invocans requirebat. Ubi ille, credens unum e suis, restitit, *quis esset, & quid vellet*, interrogans; Fabius stricto gladio eum petiit: & interfecisset, nisi scuto sublato vitasset ictum Varus. Fabium, qui proximi forte erant, milites occiderunt. isque solus Curionis militum ea pugna cecidit: adversariorum desiderati circiter sexcenti, & mille præterea vulnerati sunt.

LXIII. Varus, cum suos mirifice perterrefactos animadverteret, exercitum de tertia vigilia ex castris in oppidum reduxit. Curio circummunire oppidum instituit, magna spe, quod Hispaniensem Cæsaris victoriam, quæ multorum literis ac nuntiis in Africam perferebatur, omnium animos inclinaturam in has partes rebatur. Idcirco cum *regem Iubam venire cum ingenti exercitu* audisset, vix credere potuit; donec minus quinque & viginti millibus abesse didicit re-

gis copias: tum in castra Cornelia se recepit, ubi tuto bellum duceret, donec ex Sicilia duæ aliæ legiones, & reliquus equitatus adveheretur. Sed in optimo consilio permanere licitum ei non fuit per Uticensium quosdam, qui in castra ejus perfugerant. Ii, *revocatum Leptitanorum bello regem discessisse cum maxima copiarum parte*, nuntiabant: *Sabura duce modicam manum pergere Uticam, jamque haud procul oppido distare.*

LXIV. Sed ea fraus Maurorum erat: præmissusque Sabura rumorem eum sparserat. ceterum rex cum omnibus copiis sequebatur. At Curio, præmissis prima nocte equitibus, quarta vigilia cum legionibus ad castra Saburæ contendit. Huic equites occurrunt, *rem a se bene gestam* nuntiant. cupiditas hominis magis inflammatur. quærit ex captivis, *quis castris ad Bagradam præsit?* respondent, *Saburam.* Ille studio conficiendi itineris quærit ultra nihil, conversusque ad suos, *videtis*, inquit, *eadem omnia & hos, & perfugas Uticenses dicere.* Summa deinde festinatione procedit ad hostem. At ille simulatione timoris paulatim cedit, juvenilemque animum magis magisque vanæ alacritatis implet. Sic in patentes campos protractus, equitatu Numidico circumvenitur. Fessi erant Romani equites peditesque itineris longinquitate, fedecim millibus passuum confectis; equites etiam superioris noctis prælio. igitur cum neque timidis ad fugam, neque fortibus ad pugnandum vires superessent, occidione totus exercitus cæditur. Ipse Curio, cum Cn. Domitius præfectus equitum hortaretur, *ut fuga salutem peteret: nunquam se venturum dixit in conspectum Cæsaris, amisso, quem suæ fidei credidisset, exercitu.* atque ita, ut res temeritate sua perditas morte sequeretur, prælians interfectus est.

LXV. His rebus auditis, naves, quæ ad castra Cornelia stabant, cum paucis militibus, qui ad primam rei famam eo decurrerant, in Siciliam celeriter se receperunt. Reliqui (nam quinque cohortes præsidio relictæ castris fuerant.)

Varo se dediderunt. Ceterum Juba, *suæ victoriæ præmia alieno arbitrio minui non posse* dictitans, magnam eorum partem interfecit, ceteros misit in regnum; frustra conquirente Varo, *suam fidem ab eo lædi*. Sed eum adeo rex contemnebat, ut in oppidum inVectus, multis populi Romani senatoribus prosequentibus, quæ fieri vellet Uticæ atque in provincia, pro imperio constitueret. quibus effectis rebus, paulo post cum omnibus copiis in regnum rediit. Hæc postquam in urbem, & in Macedoniam nuntiata sunt, diversam pro dissensione animorum, a Romanis mercedem Juba tulit.

LXVI. Pompejus, & qui cum eo erant, honorem ei habuerunt, regemque appellarunt: at Cæsar & urbani judicarunt *hostem*, *Bocchumque & Bogudem*, quod ejus essent adversarii, *reges appellandos esse* censuerunt. Interim in Dalmatia M. Octavius, post discessum liburnicarum navium, quibus Antonianos milites ad Pompejum Libo deducebat, *Illyam*, insularum eo tractu nobilissimam, ab amicitia Cæsaris avertit; Salonas, cum frustra tentasset, oppugnare statuit. At illi, cum ob paucitatem resistere non possent, servos puberes manumiserunt, & mulierum præfectis crinibus ad tormenta sunt usi. Octavius, horum pertinacia cognita, quinque castris oppidum clausit.

LXVII. At cum obsessi negligentius agi excubias apud hostem cernerent; pueris atque mulieribus in muro collocatis, ut species propugnatorum servaretur, eruptionem in proxima castra faciunt: hisque perruptis, (nam propter æstum multi milites ex stationibus discesserant) eodem impetu cetera omnia expugnant, Octaviumque, majore copiarum amissa parte, cum reliquis in naves compellunt. Octavius, tantam cladem passus, cum de Salonis expugnandis desperasset, jamque instaret hiems, Dyrrhachium ad Pompejum reversus est. Dum hæc in Illyrico & Africa geruntur, Cæsar, deposita in speciem civilis ani-

§ LXV. Liv. Epit. Oros. 6, 15. Cæs. Flor. 4, 2. Euseb. § LXVI. Dio. Cæs. Oros. 6, 15. Strab. l. 7.



mi dictatura, sub alio nomine eadem omnia habiturus; Brundisium pergere statuit, quo etiam legiones præmiserat, Pompejum petiturus: quem in usum tum aliis e fanis, tum ex ipso Capitolio donaria pleraque omnia sustulerat.

LXVIII. Neque mediocriter spem ejus erexerunt objecta tum & paulo post omina. Quippe dum adornat iter, in comitatum ejus lauream supervolans milvus injecit: & postea, sacra eo faciente Fortunæ, taurus adhuc intactus effugit, paludemque nactus, eam tranavit. Responderunt haruspices, *Cæsaris fata sic adumbrasse Deos; manentique exitum, mare transeunti vitam victoriamque portendi.* Quamvis igitur hiems esset, & ob tempestates difficilis trajectus speraretur; ordinatis a tergo omnibus, Brundisium intendit iter. Exeuntem profecuta ingens hominum multitudo pacem orabat, & cum Pompejo reditum in gratiam: satis enim apparebat, si vi victus alteruter esset, eundem libertati, quem bello, finem fore. Profecto jam Cæsare, pueri ludicra pugna concurrerunt Romæ; superioresque exstiterunt, qui *Julianorum* sibi nomen indiderant.

LXIX. Postquam Brundisium Cæsar venit, quo legiones duodecim, & omnem equitatum convenire jusserrat, vix tantum reperit navium, ut quinque legiones transportari cum sexcentis equitibus possent. Igitur pro concione hortatus est milites, ut æquo animo relinquerent impedimenta sua, quo plures imponi pugnatorum possent: atque ipsis alacriter acclamantibus, sine mora compleri naves jussit. Ceterum ventis resstantibus, per aliquot dies hæserunt ad ancoras: quo temporis intervallo & consulatum Cæsar iniit Brundisii, & aliæ duæ legiones supervenerunt. Septem igitur legiones, sed infrequentibus signis, quia bellis Gallicis & longo ab Hispania itinere, ad hoc autumnii gravitate in Calabria, valde erant deminutæ, in naves onerarias imposuit; rostratis, quarum habebat haud magnum numerum, ad præsidium

§ LXVII. Cæs. Jo. Sarisb. Polic. 3, 10. Dio. § LXVIII. Flor. 4, 2. Appian. civil. 1. 2.

Siciliæ Sardiniaque relictis. Hæc classis, cum pridie nonas Januarias solvisset, tota nocte propter malaciam propinquis locis hæsit; postero die Græciam attigit, tempestatibus ad Ceraunios delata montes; ibique, navibus omnibus incolumibus, milites exposuit.

§ LXIX. Plut. in Cæf. c. 55. Appian. Cæf. Liv. Epit.

---

# JOANNIS FREINSHEMII SUPPLEMENTORUM LIVIANORUM

LIBER LXXVI.

IN LOCUM LIB. CXI LIVIANI.

## E P I T O M E

LIBRI CENTESIMI UNDECIMI.

*M. Caelius Rufus prætor, cum seditiones in urbe concitaret, novarum tabularum spe plebe sollicitata, abrogato magistratu pulsus urbe, Miloni exsuli, qui fugitivorum exercitum contraxerat, se conjunxit. uterque, cum bellum molirentur, interfecti sunt. Cleopatra, Ægypti regina, a Ptolemæo fratre regno pulsa est. Propter Q. Cassii prætoris avaritiam crudelitatemque Cordubenses in Hispania cum duabus Varianis legionibus a partibus Cæsaris desciverunt. Cn. Pompejus, ad Dyrrhachium obsessus a Cæsare, & præsidii ejus cum magna clade diversæ partis expugnatis, obsidione liberatus, translato in Thessaliam bello, apud Pharsaliam acie victus est. Cicero in castris remansit, vir nihil minus, quam ad bella natus; omnibusque adversarum partium, qui se potestati victoris permiserunt, Cæsar ignovit.*

I. **I**NTEREA temporis, occupato per varia negotia Cæsare, Cn. Pompejus, cum annum ad apparanda, quæ vel:  
T. Liv. Vol. X. Z

let, liberum habuisset, ingentes terra marique vires contraxerat. Quinque legiones cum adjunctis equitibus trajecerat ab initio: unam deinde effecerat ex Sicilia, quæ facta ex duabus, *Gemellæ* vocabatur; & unam ex veteranis, qui in Creta & Macedonia sedes fixerant, duas in Asia conscribendas curaverat Lentulus. Præterea cum duabus Syriacis legionibus, exercitus Crassiani reliquiis, Scipio Metellus expectabatur. Sagittarios tria millia habebat: funditorum cohortes sex: equitum septem millia; maximam partem ex regum auxiliis.

II. Naves insuper rostratas instructas habebat sexcentas: quarum præstantissimæ centum Romani generis milites vehebant: onerariarum præterea maximus numerus aderat. Eam classem per omnem maritimam oram distribuerat, quæ transitu Cæsarem prohiberet. Navibus Ægyptiis Cn. Pompejus adolescens præerat; Asiaticis D. Lælius, C. Triarius, Syriacis C. Callius; Rhodiis C. Marcellus cum C. Coponio; Liburnicæ atque Achaicæ classi Scribonius Libo, M. Octavius. Sed universæ rei maritimæ præfecturam M. Bibulus gerebat, cui omnes reliqui dicto audientes esse debebant. Civitates præterea Dyrrhachium, Apolloniam, ceterasque ad eam oram hibernis occupare decreverat.

III. At Lentulus Marcellusque consules, cum eorum in exitu annus esset, senatum convocarunt. Civilis enim discordia senatum quoque geminaverat, ut & qui Romæ, & qui Apolloniæ erant, hoc ad se vocabulum traherent. Nam apud Pompejum haud minus ducenti senatores erant: tantum ei paraverat auctoritatis suscepta, ut putabatur, libertatis defensio. Igitur & quidam atatis extremæ, præterea claudus altero pede ad eum se contulerat; & M. Brutus, quamquam ad id tempus Pompejum, cujus jussu pater Bruti fuerat interfectus, neque salutare, neque respicere solitus. Ut autem omnia, quam fieri posset, proxime morem majorum agerentur, Thessalonicæ per augu-

res templum constituendum curaverant, ubi senatus cogi posset, quod alio loco facta senatusconsulta pro justis non habebantur.

IV. Eo postquam convenit exsul senatus, verba de republica facere Lentulus instituit: *ante omnia decernendum huic cœtui, hunc esse verum justumque populi Romani senatum; qui Romæ sint, desertores causæ publicæ, amicos tyranni, purgamenta potius amplissimi ordinis, quam membra, nequidquam usurpare vocabulum curiæ, cujus jura prodiderint. Proximunt esse, ut provideant, quomodo & per quos in posterum gerenda sit respublica. nec enim consulum haberi comitia attinere, quod de eorum imperio ferri lege curiata nequeat. Idcirco reliquos quidem proconsulibus & proprætoribus, suo quemque loco re publicæ navaturos operam: sed tamen unum summum constitui ducem oportere; neque dubitandum, quin Pompejus is esse debeat. Erat fane jam anno superiore datum Pompejo summum imperium, sed consulibus adjunctis. Tum vero, summam belli rerumque omnium uni permitti, placuit.*

V. Atque is, ut animos ad meliorem spem erigeret, hujusmodi orationem habuit: *Ego vero nullum pro vobis & republica laborem, nullum discrimen deprecor, Patres conscripti: potestatem impositam recusarem, nisi vobis omnibus adiutoribus usuro neque consilium, neque collegæ defuturi essent. Idcirco magna mihi spes optimi eventus sollicitum animum contolatur: modo vos quoque bono animo sitis, neque magis urberum rerum & vocabulis, quam rebus ipsis, moveamini. Scio, a multis consilium meum urbem relinquendi reprehensum esse: cujus tunc quoque adeo non pœnitet, ut hoc uno modo conservari potuisse rem Romanam existimem; perdendamque nobis in perpetuum urbem fuisse, nisi relictæ ad tempus foret. Segregavimus a nobis improbos cives, segregavimus timidos: & qui manendo ab illis imperiti, ab his deserti, hostem instantem, copias amittentes, consilia impedita habuissimus, egregie explicavimus omnia. vires terrestres maritimasque maximas coegimus: pecunia, commeatu,*

§ III. Plut. in Pomp. c. 106, Dio. Varro ap. Agell. 14, 7. § IV. Cæs. Appian.

*regum atque populorum auxiliis abundamus. neque corpora sua tantummodo nobis præstabunt hæ copia; sed animis etiam nobiscum votoque stabunt.*

VI. Teneat sane vacuam ille urbem, & desertas a dominis domos: dum hic sit senatus, hic Romana civitas, quæ profecto non in ædificiis consistit, sed in civibus; quemadmodum & olim clarissimorum populorum exemplis præjudicatum est. *Athenienses bello Medico urbem perituram secum, si mansissent, reliquerunt, ut salvi atque incolumes gloriosius reciperent haberentque. Quid majores nostri? Cum urbem Galli occupassent, nonne ab Ardea & Vejis Romanum exercitum eduxit Camillus, alter urbis imperiique nostri conditor? Quid igitur vetat, quo minus eadem secuti consilia, parem sperare eventum debeamus? Cum eo homine nobis res est, qui summam & incredibilem cupiditatem imperandi ne nunc quidem tegere potest, manente bello, & incerto rerum exitu. Quid illum facturum censetis (quod omen Dii prohibeant!) victorem, qui nunc arbitrato suo creat magistratus, distribuit exercitus, dilargitur provincias, omnia legum populique, omnia senatus jura sibi uni vindicat?*

VII. Cum hoc tam superbo, tam impotente tyranno sic est decertandum, ut omnino victoriam vindictamque speremus; sed tamen, etiamsi contra daret Fortuna, perire potius optemus, quam omnium modo terrarum gentiumque dominos, insolentissimum dominum pati. Mihi certe fixum decretumque est, non modo, quam semper in imperiis præstiti, adhibere virtutem, fidem, diligentiam; sed etiam, si fieri posset, augere omnia, majoraque & intentiora præstare. Neque me sic antiquus ille deferet Deorum favor, ut fortunarum in omnibus, demum in optima causa jacerere patiamur. Nam de apparatu nostro, quem juxta mecum sistis, quid opus est dicere? Tot civium Romanorum legiones, tot sociorum regum atque civitatum auxilia, tantæ toto mari classes, excitare vel ignavos possent. Vos modo, quod felix faustumque sit, eam adhibete curam atque industriam, quam tempora nostra & reipublicæ desiderant.

VIII. Similem deinde ad milites, qui aderant, concio-

nem habuit, læta omnium acclamatione. Eodem tempore laudati ab hoc senatu sunt sociorum promptissimi; *donaque & honores decreti Rhodiis, Spartanis, Atheniensibus. Utque Massiliensium fidei, quod posset, præmium redderetur, Phocæam, cui suam originem debebat Massilia, liberam esse* iusserunt. Cotyi quoque, qui Sadalem filium e Thracia cum equitibus quingentis miserat, actæ gratiæ, reguloque munera missa. Iisdem honoribus rex Dejotarus affectus est, qui sexcentos adduxerat equites; & Rhuscipolis, quem secuti erant ex Macedonia ducenti. Sed effusa maxime in Jubam studia fuerunt, cujus victoria magnam civilis belli profugam partem credebant. Ptolemæus quoque Auletæ filius, cui tutor ab senatu datus Pompejus fuerat, *rex appellatus est; sororque Cleopatra abstinere regno iussa*, quod a propinquis & amicis pueri ereptum, in Syria colligendo copias, repetitum ibat.

IX. His ita ordinatis, Pompejus, cum ob tempus anni transmissurum mare Cæsarem non arbitraretur, Thessalonicæ hiemare constituerat. Eadem opinio præfectis classium fraudi fuit, quo negligentius litora custodirent. M. Bibulus naves centum decem Corcyræ habebat: sed quia neque naves ornatas, neque remiges paratos tenuerat, prius ad continentem Cæsar appulit, quam occurri posset. Neque Lucretius Vespillo & Minucius Rufus, qui cum octodecim Lælianis navibus erant Orici, opponere se ausi erant; quamquam Cæsar haud plures duodecim rostratas præsidio duxerat. Igitur Bibulus, comperto Cæsaris adventu, cum adhuc aliquas excipi naves posse speraret, vacuis occurrit, quas cum Fusio Caleno legato Brundisium Cæsar, ad transportandas reliquas copias remiserat.

X. Ex eo numero nactus triginta, cum ipsis nautis dominisque navium combussit, ut supplicii fœditate ceteros absterret. Summa deinde diligentia usus, a Salonis Oricum usque totum mare classibus prætexuit; ipse per aspera

§ VIII. Diodor. l. 41. Cæs. § IX. Eutrop. Cæs. Liv. Epit. Flor. 4. 2. Strab. l. 17. Appian. Dio.

rimam hiemem excubans in navibus, neque laborem ullum aut munus despiciens. At Cæsar, missio ad Pompejum L. Vibullio Rufo, quem semel apud Corfinium, iterum in Hispania captum, præstiterat incolumem, ideoque ad perferenda de pace mandata judicabat idoneum; statim atque milites exposuerat, per asperos angustosque calles, sed, ignorantibus adventum ejus hostibus, incustoditos, Oricum proficiscitur, ubi L. Torquatus præerat: qui, cum frustra Græcos *arma capere* jussisset, quod *contra consulem Romanum ea capturos* negabant, aperuit portas, & a Cæsare conservatus est.

XI. Inde protinus Apolloniam itum: &, profugiente L. Staberio, postquam itidem Apolloniatas ad Cæsarem inclinare senserat, id quoque oppidum, voluntate incolentium, receptum est. Nec mora fuit, quin Bullide & Amantia ceterisque finitimis civitatibus, & ex tota denique Epiro legati venirent ad Cæsarem, omnibus imperata facere paratis. Haud procul inde Dyrrhachium aberat, horreum Pompeji, quo omnis generis apparatus magnam vim conrulerat. Hoc Cæsar ostendit militibus, &, *quia fortuna tam favente essent usi, ut per infestum tempestatibus & hostibus mare incolumes transirent, totque civitates parvo tempore rede-gissent in potestatem, ne discessent favori Deorum*, hortatus est, *parumque adhuc laboris adderent, quo, priusquam advenire Pompejus posset, Dyrrhachio potirentur. Eam rem & abundantia hiberna præstituram in præsens, & ad summam belli magnæ utilitati fore.*

XII. Sed Pompejus, celeriter accepto nuntio, (quippe Vibullius, ut ei Cæsaris adventum cito nuntiaret, dies noctesque, mutatis etiam jumentis, iter continuaverat) nihil ad summam diligentiam reliqui fecit, quo conatum hostis præveniret. In eo itinere, cum neque diebus, neque noctibus intermitteretur, & vix ad cibum capiendum satis daretur spatii, Pompeji milites in eum metum venerant, ut adesse hostem ubique putarent, & in Epiro



finitimisque regionibus signa prope omnes relinquerent, complures arma projicerent. Evasis tamen ad Dyrrhachium Pompejus prior, castrisque prope oppidum positis, exercitum ex vehementi consternatione recepit.

XIII. Ibi Labienus princeps jurare coepit, *se eum non deserturum, eosdemque subiturum cum eo casus*. idem deinceps tribuni centurionesque, & postremo milites fecerunt. Igitur, priusquam Antonius cum reliquis copiis se Cæsari conjungeret, huic noceri posse sperans, ad flumen Apsum processit, quod fines Dyrrhachinorum Apolloniaticumque determinat. Simili spe contra movet Cæsar. Sed ubi ventum ad flumen, majoresque Pompeji vires cognovit, in finibus Apolloniaticum posuit castra, ut inter duos exercitus flumen interesset, ceterum videre invicem, & colloqui possent. Eo loco Cæsar expectare Brundisinas copias statuit. Sed illæ cum a Fusio Caleno adducerentur, literæ Cæsaris ad Calenum allatæ sunt, quibus *omnes partus litoraque teneri classibus adversariorum* significabat.

XIV. Igitur Calenus, cum paulum progressus a portu fuisset, Brundisium repetiit. Una navis, quæ milites nullos vehebat, cum, imperio contempto, profecta esset, ad Oricum expugnata est a Bibulo, omnesque puberes, qui in ea erant, supplicio affecti. Cæsaris legiones, quas idem periculum expectabat, literis ejus tempestive perlatis, fortuna ferverit. Per eadem tempora Cæsar, sive revera cupidus pacis, sive, quod magis est credibile, temporis ducendi gratia, donec auctiores habuisset copias, simul adversariorum pertinaciæ gnarus, & ex hac odium illis omnium parans, nullam occasionem tentandarum conditionum prætermisit. Ad Oricum legati Cæsaris M. Acilius, L. Statius Murcus, cum Bibulo & Libone collocuti (nam his mare, illis litus obtinentibus, ejus rei facultas inciderat) in spem eam venerant, aliquid ad concordiam profici posse, quia Pompejani duces, *cupere cum Cæsare loqui*, dixerant.

XV. Idcirco Cæsar, cum forte cum una legione Buthrotum profectus, literas legatorum accepisset, statim recurrit Oricum. Sed cum neque Bibulus ad colloquium processisset, & Libo legatorum, quos Cæsar ad Pompejum mittere cupiebat, præstare periculum nollet; ne inducias quidem concedere voluit, nihil aliud ab hostibus quarri sentiens, quam ut aqua, rebusque aliis, quibus indigebant, induciarum obtentu, classem reficerent. Nam sicut illi mare, ita terram in potestate Cæsar habebat; stationibusque per litora dispositis, non aquandi, non lignandi, ne religandi quidem naves facultatem dabat. Unde & M. Bibulus, cum in summo frigore & inopia per multos dies, quamquam corpore æger, discedere ex navibus nollet, neque ibi curari posset; aucto morbo, diem suum obiit. In ejus locum suffectus est nemo: sed singulis classibus præpositi, suo eas arbitrio regabant.

XVI. Interea L. Vibullius, qui mandata Cæsaris exponendi otium nondum fuerat nactus, cum Pompejo agere instituit. At ille interfatus, *Quid mihi, inquit, aut vita, aut civitate opus est, quam beneficio Cæsaris habere videbor? cujus rei opinio tolli non poterit, cum in Italiam, ex qua profectus sum, reductus existimabor.* Bello perfecto, Cæsar hæc dicta cognovit ab iis, qui interfuerant: interfuerunt autem Scribonius Libo, L. Luccejus, & scriptor historiarum Theophanes, quibuscum res maximas communicare Pompejus consueverat. Sed tum etiam alio facinore Pompejani declaraverunt averfam a pace voluntatem. Crebra inter milites utrinque colloquia fiebant, modico interfluente amne. eo P. Vatinius mittit Cæsar, qui magna voce sæpius proclamaret, *liceretne civibus ad cives legatos de pace mittere, quod prædonibus & fugitivis licuisset?* Responsum est ab altera parte, *A. Varronem postero die ad colloquium venturum.* agitur una etiam utrinque, quemadmodum tuto legati venire, & quæ vellent, exponere possent.

XVII. Sed cum in constitutum locum P. Vatinius venis-

set, & cum eo loqui T. Labienus cœpisset, ex improvise tela sunt in Vatinius coniecta: quæ ille militum armis protectus vitavit. centuriones aliquot militesque Cæsaris vulnerati sunt, exclamante Labieno, *desinite ergo de compositione loqui. nam nobis, nisi relato Cæsaris capite, pax esse nulla potest.* Iisdem temporibus Romæ L. Cœlius Rufus prætor, novarum rerum materiam quærebat, non amore reipublicæ, aut quod æquum esse, quod agebat, crederet, sed dolore atque indignatione motus, sicut ipse confitebatur. Homo erat eloquio animoque Curioni similissimus, cuius etiam pellectus amicitia, & odio Appii, quem sciebat in diversis partibus fore, ad Cæsarem simul ex urbe profugerat; idque ob meritum præturam nuper erat consecutus. Sed quia C. Trebonium prætorem urbanum non fors, sed Cæsar effecerat, omnibus in rebus illi se opponere instituit. Nisi forte homo ingeniosissime nequam, quasi honestiorem hanc causam prætexuit, potius æris alieni magnitudine, ut alii multi, ad res novandas impulsus; quod servari se posse in otio desperabat.

XVIII. Idcirco tribunali juxta fellam C. Trebonii collocato, *si quis appellasset, auxilio fore* pollicebatur *debitoribus.* Sed quia Trebonius juxta Cæsaris constituta iudicabat, summamque in omnibus æquitatem atque moderationem adhibebat, nemo repertus est, qui appellare vellet. Iis enim temporibus nondum tanta quisquam erat impudentia, ut, cum se debere fateretur, integras tenere possessiones suas postularet.

XIX. Idcirco Cœlius, ne nihil effecisse videretur, legem promulgavit, *sexenni die, sine usuris, creditæ pecuniæ solverentur.* Id quoque vanum inceptum fuit, consule Servilio, magistratibusque reliquis repugnantibus. Tum Cœlius, ea lege sublata, duas promulgavit novas: unam, qua *mercedes habitationum annuus conductoribus* donabat; alteram *tabularum novarum.* Hæc & grata tenuioribus erat, & ab

§ XVII. Liv. Epit. Cic. famil. 8, 17. Vellej. § XVIII. Dio. Vellej. Cæs.

homine diferto jamdudum feditionis concionibus alienatam plebem inveniebat. Facile igitur inducitur, ut in C. Trebonium faceret impetum, eumque, vulneratis nonnullis, de tribunali deturbaret. Sed is quidem mutata veste fugit. At Servilius consul, advocatis ex itinere militibus, qui in Galliam destinabantur, praesidioque hoc curiam muniens, de his rebus ad senatum retulit. Patres, *removendum a republica Calium*, censuerunt. Tamen propter intercessionem tribunitiam senatusconsultum non potuit fieri: auctoritas perscripta est.

XX. Sed consulem tabulas legum promulgatarum tollere aggressum, Coelius per vim & seditionem repulit. Iterum ergo coactus, adhibito praesidio, senatus *videre consulem* iussit, *ne quid respublica detrimenti pateretur*. Hac accepta potestate, fellam Coelii curulem fregit. at ille posuit alteram loris intentam: tacite illudens consulem, qui *aliquando flagris cesus ab Isaurico patre* dicebatur. Ad extremum tamen superior & jure & potentia consul, Coelii partes alii cuidam praetori demandavit: ipsum & foro & curia exclusit, volentemque concionari de rostris detraxit. Coelius, ignominia simul iraque permotus, ad Pompejanos scripsit, *in urbem eos advocans, nudatam praesidiis futuram, & studio populi praeiore in illas partes, vacuumque Italiam* ostentans: quod etiam saluberrimum illis partibus fuerat.

XXI. Misit etiam ad T. Annium Milonem clandestinos nuntios, quem inimicissimum Caesari noverat, propterea, quod restitutis exsulibus, solus ille reditum non impetraverat. Magnorum haec esse motuum initia poterant, viris claris & audacibus talia molientibus, occupato alibi Caesare, & incertissimis plane temporibus. Ceterum ex tanto metu celeriter & citra detrimentum hi conatus in nihilum evaserunt. quippe Milonem, contracto fugitivorum exercitu profectum in Campaniam, & quali mandato Pompeji homines sollicitantem, quotquot ob aes alienum, aut facino-

§ XIX. Dio. Vellej. Cic. Caes. § XX. Liv. Epit. Dio. Quin-til. 6, 3. Caes. Cic. Vellej. 2, 52.

ra credebat idoneos, pauci sunt secuti: Capuaque frustra tentata, confugiendum ei Tifata fuit. Ignarus horum, & meliora sperans Cœlius, conjungere se cum illo cupiebat. Sed quia occulta fuga nec satis tuta videbatur, & majus ad omnia momentum erat, si quasi prætor proficisceretur, commeatum a consule petiit, tanquam *purgandi sui causa Cæsarem adiutus*. Consul simulari hæc suspicatus, tribunum plebis adjunxit, qui res novas molientem coerceret.

XXII. At Cœlius, haud longe dum profectus, audito Milonis incommodo, in itinere substitit: unde, cognito ejus consilio, tribunus hominem in urbem reducebat. Sed interea senatus *Milonem hostem* judicaverat; *Cœlio manere ad urbem* jussu. Id cum esset factum, isque se negligentius custodiri sensisset, in Campaniam profugit, vires & consilia cum Milone juncturus. Nam ex magnis in ædilitate datis muneribus, aliquem reliquum habebat gladiatorum numerum. *Hos igitur Neapolim clam* jussit ingredi, prodicionem oppidi sperans. ipse Casilinum venit, & sub idem tempus signa ejus militaria Capuæ comprehensa sunt. Ita consilio patefacto, cum nihil procederet, Campanique eum pro hoste haberent, agrum Thurinum petiit, ubi pulsam Campaniam Milonem agere compererat.

XXIII. Et sane, si reperisset superstitem, moliri aliquid conjuncti poterant. Sed Milo jam occiderat, in oppugnatione castelli Cosani lapide ex muro ictus. Paulo post etiam Cœlius haud mitiore fato defunctus est, cum Thurios pervenisset. Nam ab equitibus Gallis & Hispanis, quos præfidii causa Cæsar miserat, cum iis contra Cæsarem nummos polliceretur, interfectus est. Iisdem temporibus, cum in Epiro præter equestria certamina, his illisque vado facile transeuntibus modicum annem, nihil rerum gereretur, (nam Pompeji conatum transducendi copias pons interruptus destituerat) Cæsar audacissimo facinore morantes Brundisii legiones adducere paravit. Cum enim Pompe-

§ XXI. Cæs. Dio. Vellej. Liv. Epit. Oros. 6, 15. § XXII. Cæs. Dio.

janæ classes maria obsiderent undique, hibernum sibi tempus aptissimum judicabat, dum hostes, tempestatibus deterriti, vacuum & incustoditum trajectum relinquerent.

XXIV. Sed Bibuli primum, deinde Libonis diligentia factum erat, ut Antonius portu exire non auderet. Quippe Libo parvam insulam, portui Brundisino objectam, qua necessarius erat transjecturis egressus, occupaverat. & quamvis propter inopiam aquæ, & acceptum ab Antonio detrimentum, alio coactus erat se recipere; hiems mare claudebatur. Idcirco Cæsar, impatiens moræ, fortassis etiam suspectans Antonium, ne exspectare eventum vellet, sub alteram vigiliam ignoratus excessit castris, conscensoque vehiculo perrexit ad locum, ubi naviculam & optimum gubernatorem opperiri per servos præmissos jusserat, tanquam nuntium Cæsaris trajici oporteret. Cum his servis (tres omnino erant) ipse quoque servili habitu fortunam dissimulans, navem scalmorum duodecim conscendit, licet horrente tempestatibus mari, & ventis pertinacissime flantibus.

XXV. Magno labore, licet pronò alveo, perventum ad ostium amnis erat; cum ventis & æstu adverso remorum irritum laborem fore apparuit. Ibi desperanti gubernatori vir ingens animi, & fortunæ suæ cuncta cessura putans, *Quid times*, inquit? *Cæsarem vehis*. Ad hanc vocem attonitis omnibus, & summo conatu intendentibus nervos, ostium superatum est nequidquam. ventus enim subinde ad litus rejiciebat lembum, donec vicina jam luce, timenti gubernatori, ne ab hostibus conspicerentur, Cæsar invitissimus redire permisit. Quia tamen omnino faciendum putabat, ut, donec vehementiores venti essent, transitum tentarent sui, hoc maxime auxilio perrupturi, quos in tranquillo mari certum ab instructissimis hostium classibus exitium manebat; Postumium in Italiam misit, cum epistolis severioribus.

§ XXIII. Cæs. Vellej. Dio. Appian. civil. l. 2. Plut. in Cæs. c. 56. Flor. 4, 2. § XXIV. Dio. Cæs. Flor. Plut. apoph. Rom. c. 43. Appian. § XXV. Appian. Plut. Flor.

XXVI. Plures enim dederat, ut, si Gabinus, aut Antonius, aut Calenus cunctarentur, quibus erant priores tradendæ literæ, Postumius haberet, quas exhibere militibus posset, quibus eum sequi, quotquot voluissent, jubebantur. Imperabat autem, *quando portus ab adversariis tenebantur, ut ad Appolloniaticum litora ejicerent naves: earum jactura se nihil commoveri: modo viros habeat, per quos adipisci posset omnia.* Ceterum Gabinus, a navigando abhorrens, longo circumitu per Illyricum copias, quibus præerat, instituit ducere. Antonius & Calenus potius cum periculo tentandum brevius iter existimabant, quam ad imperium & necessitatem Cæsaris ferius occurrere. Et erat summa militum alacritas, & ad Cæsarem proficiscendi ardor; eorum etiam, qui paulo ante, *se laboribus fractos obijci periculis, quanta firmissimi vix sustinere possent,* erant questi. Quare minimo negotio persuaserunt iis duces, ut Austro flante conscenderent naves, seque fluctibus traderent.

XXVII. Inter hæc Pompejus, ut, priusquam auctiores copię Cæsaris fierent, pugnaret, iterum instructam aciem transducere conatus, incepto repente destitit, ringentibus omnibus, & *pulcherrimam occasionem dimitti* jactantibus. Sed deterritus adverso omine fuerat, quia duo milites vadum tentantes ab Cæsariano uno erant interemti. Namque felicitas Cæsaris omnia, etiam temere cœpta, in bonum ei vertebat. Itaque & audacissimum ejus cœptum, legiones hiberno mari transjiciendi, non incolumes modo copias illi præstitit, sed ultro cessit adversariis in grave detrimentum. Quippe dum Dyrrhachium prætervehuntur Cæsaris naves, Q. Coponius, qui Rhodiæ classi præerat, conspectas cum rostratis viginti sequebatur; & remissiore jam vento propemodum attigerat, haudquaquam æquo certamine longis navibus onerarias oppugnaturus, cum subito intendi ventus cœpit, Julianosque longe ab hostibus divellere. Atque illi Nymphæum tenuerunt, haud procul

Apollonia, quamquam haud fatis tutum Austro flante, portum: nempe minoris navium, quam legionum, interitum aestimabant.

XXVIII. Ibi mira felicitate subito conversus est ventus, & pro Austro spirare Africus coepit: contra quem illa erat tutissima statio. Repentina igitur commutatione rerum, qui modo in periculo fuerant, spectaculo periclitantium hostium perfruebantur. Quippe naves Rhodias tam sæva tempestas comprehendit, ut in clauso & importuoso mari contritæ illorum, numero sedecim, ad unam omnes eliderentur. remiges atque propugnatores, quibus fluctus percerant, partim interfecti sunt a Julianis; alii capti: quos Cæsar conquestos diligenter conservavit, domumque remisit. Duæ tamen Cæsaris naves captæ sunt ab hostibus, diverso vectorum fato. Contra Lissum ad ancoras ambæ constiterant, ignaræ, quorsum reliqua classis cursum intendisset. Idcirco Octacilius Crassus, qui Lissò præerat, multis minoribus navigiis cinctas ad deditionem hortabatur, incolumitate promissa. Tum vero, quantum sit hominibus in firmitudine animorum & experientia casuum præsidii, apparuit. Nam tirones altera navi vehebantur. ii cum se dedidissent, Octacilii perfidia omnes sunt interemti: veterani, simulatione deditionis extracto tempore, navem impulerunt ad litus; &, exscensione facta, equites ab Octacilio immisos repulerunt, & ad suorum prælidia pervenerunt incolumes.

XXIX. Octacilius etiam Lissum amisit, quia conventus civium Romanorum, Antonii audito adventu, ad Cæsaris partes se applicuerat, cujus beneficio datum sibi oppidum atque munitum meminerat. Legiones omnino tres Antonius transvexit, unam tironum, (hæc erant circiter viginti militum millia) equites octingentos. Horum adventus, eodem ferme tempore Cæsari Pompejoque cognitus, utrumque excivit, ut eodem die castra moverent: hic, ut occurreret venientibus, & ne cum Cæsare conjungi pos-

§ XXVII. Cæs. Appian. § XXVIII. Appian. Cæs. Plur.



sent, impediret; ille, ut conatus Pompeji vanos efficeret. Uno die celerius occurrit Magnus, quia nullum illi transeundum flumen fuerat; Cæsarem vadum quærendum tardaverat. Sed adversus vim hostium Antonius castris se tenuit; superventu deinde Cæsaris Pompejus ad Dyrrhachium posuit castra, loco idoneo, Asparagium vocant.

XXX. Theophanem deinde, quo præfecto fabrûm utebatur, milit, qui Rhodios amissa classe consolaretur, *non ab hostibus accepto detrimento, sed illato tempestatibus; neque navalem illorum deliquisse gloriam, &, quod virium decessisset, id abunde beneficio senatus atque Pompeji recuperaturos ex vi-floria, quam certam exploratamque esse in manibus.* At Cæsar, jam abundans copiis, Cn. Domitio Calvinio tres legiones cum equitibus quingentis, L. Cassio legionem tironum & equites ducentos, C. Calvisio Sabino cohortes quinque cum paucis equitibus attribuit, ut per illum Macedonia, per istum Thessalia, per hunc Ætolia reciperentur: simul res frumentaria horum opera fieret expeditior. ipse Pompejum infecutus, castra castris ejus opposuit: & postridie, copiis instructis, potestatem pugnandi fecit.

XXXI. Sed Pompejo castris se tenente, postero die per circumitum tectasque arbuſtis vias Dyrrhachium properat. Recurrit eodem Pompejus: sed quia Cæsaris consilium aliquanto serius cognoverat, exclusus ab oppido, propinquo colle (*Petram* vocabant Dyrrhachini) castra posuit. Cæsar, frustra expugnatione tentata, propter inexpugnabilem situm loci, mature revocavit suos. Quippe Dyrrhachium in extrema Macedoniæ ora, quam olim Illyrica natio Parthini tenuerunt, præter exiguum collem undique mari cingitur, inaccessis propter fluctuum violentiam rupibus imposita. Igitur Cæsar admirabili, & hodie vix reperturo fidei consilio, Pompeji castra operibus circumdare occipit: his ferme rationibus permotus. Equitatu valebat Pompejus, & commeatum copia: quarum rerum altera vexa-

§ XXIX. Plut. Cæs. § XXX. Plut. in Cic. c. 54, Diodor. l. 41. Cæs. Flor. 4, 2.

re & male habere Cæsaris frumentatores poterat, altera facultatem ei tribuebat ducendi, quoad veller, belli. Neutrum horum Cæsari placebat, cui nihil æque in votis erat, quam ut maturrime ad manus veniretur.

XXXII. Igitur animadversa loci natura, quod circum castra Pompejana permulti erant editi & asperi colles, primum ibi castella posuit: deinde opera e castello in castellum instituit ducere, ut a mari ad mare perpetua munitione, castra Pompeji circumveniret. Sic *equitatus hostilis nullum esse usum videbat, eumque ultro conclusum in angusto loco pabuli inopia afflictum iri; sibi interea liberam frumentandi rationem relinqui; &, quod in bello maximi esset, audito Pompejum obsideri, neque prælio audere contendere, magnam illi deminutionem auctoritatis, cum sua summa existimatione fore.* Pompejus, cui neque pugnandi copiam fieri probabatur, neque discedere a Dyrrhachio, ubi apparatus omnem belli collocaverat, ratio erat, quod unum videbatur esse reliquum, laborem augere Cæsari, quam latissime extensis prædiis, instituit.

XXXIII. Quindecim millia passuum complexus, multa intrinsecus castella extruxit, eaque ipsa conjunxit operibus, ne qua parte Cæsar perrumperet. Neque tamen hic fatigabatur, quamquam cresceret opus, & ad millia passuum centum quinquaginta tenderetur. Continua interim, sed parva prælia in occupandis prædiis committebantur. Inter quæ nopa legio Cæsaris, cum præsidium quoddam occupatum munire conaretur, a sagittariis funditoribusque Pompeji, & magna vi levium armorum, quamquam præfente Cæsare, tam vehementer vexata est, ut, quoniam fisti non poterat, relinqui locum oporteret. Sed receptus ipse, quam pugna, videbatur periculolior; quia per declive regredientibus ex superiore loco hostis imminabat.

XXXIV. Idcirco *Pompejus apud suos dixisse fertur, non se recusare, quin nullius usus imperator existimaretur, si sine*

§ XXXI. Cæs. Dio. Flor. § XXXII. Appian. civil. l. 2. § XXXIII. Cæs. Appian. Dio.

*maximo detrimento Juliani se recepissent. Et Cæsar, ut suis, quod posset, consulere, crates jussit in summo tumulo constitui, quibus tecti milites fossam mediocri latitudine facerent, & quantum possent, locum impeditum redderent. Ipse funditores idoneis locis disponit, quibus secuturi hostes prohiberentur. Sed Pompejani hoc audacius institerunt, quod cedere Cæsarem metu arbitrabantur. Ergo M. Antonius, qui ei legioni præerat, jussu Cæsaris suos cohortatus, a medio fere spatio impetum in hostes fecit. Atque illi, ex inferiore loco in adversum collem cursu incitati, pepulerunt Pompejanos; interfectisque plurimis, suorum amissis admodum quinque, non ulterius persecuti fugientes, neque ultra lacessiti, se receperunt.*

XXXV. Erat nova & mirifica obsidionis forma, quod plures a paucioribus, omni copia rerum abundantes a famelico exercitu, claudebantur. Quippe Pompejanis patebant maria, neque ventus flare ullus poterat, quin aliqua ex parte commeatui subvehendo utilis esset. Contra Cæsaris milites in magna frumenti penuria carnibus maxime (nam pecoris ex Epiro suppetebat copia) victitabant. Sed & radicibus herbisque vellendis quærebant solatium inopia: præsertim uno genere utebantur, quod vocabatur *chara*; id admixto lacte in similitudinem panis subigebant. Ejusmodi panes, cum in colloquiis Pompejani famem illis exprobrarent, vulgo conjiciebant in eos, *donec hoc genus radices tellus ferret, nunquam se dimissuros obsidionem dictitantes, immo prius cortice victuros ex arboribus.* Unde, re ad se delata, Pompejum dixisse ferunt, *cum feris sibi rem esse; & protinus amoveri jussisse panes, neque cuiquam ostendi, neque sermones vulgari, ne, pertinacia hostis cognita, flacceferent.*

XXXVI. Sed hæc incommoda spe propinquæ mellis levabantur, quod jam frumenta incipiebant maturescere. simul, quia optima valetudine, aquarumque, & præter frumentum, commeatus ceteri copia utebantur, sorte sua con-

§ XXXV. Vellej. 2, 51. Cæs. Flor. 4, 2. Appian. Plut. in Pomp. c. 107, & Cæs. c. 57. Sueton. in Cæs. c. 68.

tenti erant: præsertim quia crebris Pompejanorum transiti-  
nibus audiebant, *in illorum castris præ inopia pabuli vix equos  
sustentari; cetera jumenta interiisse; ex cadaverum fetore in  
angusto spatio morbos invulgari*, accedentibus præsertim la-  
boribus quotidianis, & aquæ summa inopia, quod omnes  
rivos & flumina, ne per Pompeji præsidia decurrerent,  
magnis operibus Cæsar averterat. Inter hæc, ut tam pro-  
pinquo hoste, & in nova ratione belli, nihil fatis tutum  
aut quietum erat, & subinde novæ nocendi cavendique  
artes excogitabantur.

XXXVII. Pompejani, animadverso, cohortes Cæsaris no-  
ctu ad munitiones excubare, loco stationis ignium indi-  
cio deprehenso, confertim accedebant silentio, & simul  
universi mittebant sagittas intra vallum, & e vestigio se  
recipiebant ad suos. hoc pacto cum multi fauciarentur,  
id repertum remedium est, ut alio loco excubaretur, alio  
ignes fierent. At sicut in tempestate quidam præ ceteris  
gravi mole fluctus sunt, quos *decumanos* appellant; ita in-  
ter crebra certamina, dum hi tentant eruptionem, illi re-  
pellunt, uno die tribus ad Dyrrhachium præliis, totidem  
ad munitiones concursus est. quippe Pompejus distinendi  
hostis causa pluribus locis tumultum excitaverat, sed ubi-  
vis improspere. Quippe Volcatius Tullus cum tribus omni-  
no cohortibus legionem Pompejanam loco depulit: Ger-  
mani, eruptione in oppugnantes facta, compluribus inter-  
fectis, incolumes redierunt. Sed præcipuæ ferocitæ præ-  
lium una cohors legionis sextæ edidit in castello, quod  
*Minucii* vocabant.

XXXVIII. Eo Pompejanæ legiones quatuor per con-  
fraga & obsita dumetis occulto itinere venerant. Neque  
territi, licet re improvisa, Juliani, tam paucis militibus  
vim tantam per aliquot horas sustinuerunt, centurionis  
unius incredibili virtute animati. M. Cæsius fuit, cui *Sæ-  
ræ* cognomen. is strenua pugna multos, qui propius accef-

ferant, interfecit, custodiamque portæ commissæ fortissime retinuit; quamquam fauciat capite, femurque & humerum transfixus, postremo etiam oculum sinistrum amiserat. Tum vero Pompejanum centurionem notæ virtutis appellans, *mitti petiit, a quo deditus perduceretur*. Accurrerunt viri duo, tanto labore & his vulneribus nullum non robur exhauriri potuisse ad summam imbecillitatem rati. Sed ille, confosso altero, altero vulnerato, suis addidit animum, ut tenerent locum, donec ex castris subveniri potuit.

XXXIX. Quippe Cæsar, ad Dyrrhachium admoturus partem copiarum, P. Sullam castris præfecerat. Is ergo cum duabus legionibus suppetias ferens affuit; cujus ne conspectum quidem ferre Pompejani potuerunt. Sulla tamen instare quamquam percussis noluit; multis incusantibus, qui judicabant, *bellum eo die finiri potuisse*. Sed Cæsar, *alias legati atque imperatoris partes esse*, demonstrans, *nihil a Sulla præter rationem factum esse*, dictitabat. His omnibus præliis non ultra viginti suorum desideravit Cæsar; cum ex Pompejanis ad millia duo cecidissent.

XL. Sed in castello Minucii nemo militum intacto corpore relictus est, quatuorque centuriones ex ea cohorte perdiderunt oculos. millia sagittarum circiter centum triginta, quæ fuerant ab hostibus intra vallum ejus præsidii conjecta, Cæsari renumeraverunt: quarum unus ille Scæva magnum numerum exceperat, scuto illius supra centum viginti foraminibus confosso. quem ob egregiam virtutem & commilitiones in magna veneratione habuerunt; & imperator pecunia donatum ab octavis ordinibus ad primipilum deduxit, cohortique stipendium duplex; frumentum, vestem, cibaria, donaque militaria largiter dedit. Dum hæc ad Dyrrhachium geruntur, in Macedonia & Græcia legati Cæsaris variam fortunam habuerunt. Sub idem enim tempus, quo in provincias illi pervenerant, Scipio Metel-

§ XXXVIII. Sueton. Val. Max. 3, 2. Plut. in Cæs. c. 23.  
§ XXXIX. Appian. Cæs.

lus, generi literis excitus, cum legionibus affuit: nudata in metu Parthici belli Syria, & provinciis, per quas iter habuerat, per varia exactio-num nomina crudeliter exhaustis.

XLI. Quin & ex Ephesino templo pecunias sustulerat; nisi, dum id agit, epistola Pompeji, *postlabitis omnibus, iter maturare* jussisset. Igitur summa celeritate usus, per Macedoniam in Thessalos cucurrit, ubi cum sua legione Cassium Longinum agere cognoverat. Eodem & Sadales regulus cum Thracio equitatu venit. Idcirco Cassius, detrimentis quibusdam acceptis, ad montana descedens Ambraciam petebat. Hunc Scipio sequebatur: quem si esset consecutus, dubium non erat, quin Cassiani omnes se dederent, aut trucidarentur. Sed advocavit Scipionem M. Favonii periculum, qui, relictus ad Haliacmonem amnem cum cohortibus octo & totius exercitus impedimentis, a Cn. Domitio petebatur. Ea res & Cassio salutem attulit, & Favonio; cum, die ac nocte continuato itinere, sub idem ferme tempus, quo Domitius imminebat, Scipio occurrisset.

XLII. Domitio, ne Macedoniam omnem, multis ad eum accedentibus, occuparet, Faustus Sulla restiterat: igitur assumtis Ætolis, & Acarnanum, & Locrorum, quos Amphilochos vocant, auxiliis, quæ gentes recens opera Cassii Longini, aut Calvisii Sabini receptæ erant, in Thessalorum fines processerat. Postquam eodem, uti diximus, Scipio venit; Domitianis pugnam optantibus, hoc refugiente, castra castris collata sunt, & parva ex insidiis prælia facta, quibus superiores Juliani fuerunt. Inter hæc Cæsar, plura quoque tentanda ratus, Fusium Calenum misit, qui, Cassio & Sabino adjunctis, longius progredere-tur. Isque, Phocidis & Bœotix quibusdam urbibus voluntate incolentium receptis, quibusdam expugnatis, in Achajam tamen, Ilthmo a Pompejanis munito, penetrare non potuit. Rutilius Lupus tum obtinebat Achajam, successor a Pompejo missus Ap. Claudio, qui nuper, oraculi dece-

§ XL. Sueton. Cæs. Val. Max. Flor. § XLI. Diodor. l. 12. Cæi.

ptus ambage, cum sibi læta quæque polliceretur, fato concesserat.

XLIII. Quippe homo, psychomantiæ & auguriis deditus, cujus in vanitatis studio multum operæ posuerat, quo scilicet certiore prædictione futura disceret, desitum a multis annis, consuli oraculum Delphis sollicitarat. Ibi responsa antiquitus per virginem reddebantur, quæ, recepto maligno spiritu, magno vitæ periculo jactari inter fata canenda consueverat. Igitur & Phœbas (sic vocabant fatidicam virginem) ad tripodas adire metuens, simulavit responsum; & Appius, rerum istarum minime rudis, agnovit fraudem, imperioque inhibito coegit in specum descendere. Tum vero responsum a furente redditur: *Nihil ad te hoc, Romane, bellum: Eubææ Cæla obtinebis*. Sic tum appellabatur sinus Euboicus, quatenus hinc ad Rhamauntem Atticæ, inde Carystum Eubææ oppidum pertinet.

XLIV. Hanc in regionem cum se condidisset Appius, aliter atque existimaverat, morbo solutus belli discrimen evasit. Dum ista fiunt, resque variis locis armis geritur, Cæsar nequaquam consilia pacis omnino deposuerat, quin saltem ad alios potentes viros mitteret, quatenus de voluntate Pompeji desperaverat. Scipionem quidem per Clodium utriusque familiarem tentavit; Lentulum prioris anni consulem, per Cornelium Balbum, qui summa audacia sæpius castra Pompeji est ingressus, ut sermones cum Lentulo conferret, certissimo, si deprehenderetur, exitio. Sed neutrum succedere conatus. Lentulus dubitando, quanti se venderet, eousque rem extraxit, donec acie decretum est. Scipio, cum ab initio præbuisset aures, a M. Favonio castigatus, Clodium ultra ad colloquium non admisit.

XLV. Interim ad Dyrrhachium ab utroque imperatore quotidie producebantur instructi exercitus: a Cæsare, quia pugnare summopere cupiebat; a Pompejo, quia volebat

§ XLII. Dio. Cæs. § XLIII. Cic. de divin. & de legg. Val. Max. 1, 8. Oros. 9, 15. Liv. 31, 47. § XLIV. Cæs. Vellej. 2, 51. Cic. famil.

eam de se famam spargi, quasi Cæsari laceffenti non auderet resistere. Sed ut necessitatem pugnandi vitaret, pro castris constituit aciem, non longius primis excurrentibus ordinibus, quam quo de vallo telum tormento emissum pertingere posset. Cum hac ratione multi consumti dies essent, Pompejus, pabuli maxime inopia coactus, erumpere totis viribus statuit. Hoc consilium agitati opportune Roscellus & Ægus Allobroges oblatis sunt, qui propter interversa equitum stipendia objurgati a Cæsare transfugiebant. Hos igitur per omnia præsidia circumductos, ut suorum animos augeter, multis ornavit laudibus, civitate quoque promissa: quod irrisisse Cicero dicitur, atque dixisse, *Egregium vero imperatorem, qui Gallis alienam civitatem pollicetur; nobis nostram non potest reddere!*

XLVI. At Pompejus, ab his edoctus omnia, quæ ratio munitionum, quæ excubiarum atque stationum apud hostes esset, quod munus quo tempore, & quibus accurantibus fieret; imperat militibus, *ut sibi quisque tegmen faciat ex vimine, ad galeam contegendam, & ut aggerem comportet.* Hoc ubi factum est, noctu aggere & leviter armatis sagittariisque multis in scaphas & acturias impositis, *munitionum Cæsaris eam partem, quæ ad mare pertinebat, & a maximis ejus castris erat remotissima, perire jubet; eodem a Dyrrhachio naves longas subigere*: eodem ipse cum sex legionibus contendit. Duo diversa castella eo loco Cæsar effecerat, sexcentorum passuum intervallo, quorum alterum in hostem erat conversum, interius diversam partem spectabat. hæc transverso vallo secundum mare duo conjungere Cæsar instituerat.

XLVII. Sed eæ munitiones, spatium octodecim ferme millium complexæ, ob magnitudinem operis absolvi nondum potuerant. Prima luce se ostenderunt Pompejani ad objectum castris suis vallum: simul navibus circumvecti milites alterum aggressi sunt. strenue rem utrique gerebant,

§ XLV. Cæs. Macrob. Saturnal. 2, 3. § XLVI. Cæs. Diodor. l. 41.



fossas complebant aggere, scalis admotis superare vallum conabantur, adversus ictus lapidum, quod unum Julianis telum erat, vimineis galearum tegminibus muniti. Lentulus Marcellinus quæstor, cum legione nona, hac castrorum parte curabat. Ab hoc auxilio missæ cohortes metu fugientium una ablatae consternationem clademque augebant. Fœda ibi cædes & fuga fuit, graviter impulsis Cæsarianis. Aquila quoque legionis tantum non in potestatem hostium venit.

XLVIII. Sed aquilifer, gravi vulnere affectus, eam equitibus forte prætervehentibus restituit: ab his ad Cæsarem relata est. Jam & castra Marcellini victor petebat, haud dubio reliquarum ejus cohortium exitio; cum ex superiore loco conspectus cum cohortibus duodecim M. Antonius deterruit hostem, exercitusque magnam partem iterum servavit. Neque multo post Cæsar, fumo admonitus (quem excitari, si qua parte erumperet hostis, præceperat) cum aliquot cohortibus accurrit. Sed jam disjectæ a Pompejanis munitiones erant: iique contra mare (quæ ratio pabulationem in ipsis liberiores, & navium usum maximum præstabat) castra protulerant. Igitur hac parte nihil tentari posse cernens, ut tamen aliquo detrimento hostem contra afficeret, legionem animadvertit, quæ forte Torquato ducente in castra quædam vacua transferebatur. Nam ante aliquam multos dies eo loco Cæsaris nona legio tetenderat, postea, mutante consilium Cæsare, deducta inde erat, relictis integris munitionibus.

XLIX. Idcirco eas munitiones occupaverat Pompejus, & quia plures ibi locaturus legiones erat, interiori vallo alia castra circumdederat, ut illa priora his omni ex parte includerentur. Huc Cæsar raptim ductis tribus & triginta cohortibus, priusquam sentire Pompejus posset, exterius vallum expugnavit. & deleri legio potuisset, nisi dextrum Cæsaris cornu brachium valli, a castris ad flumen tu-

§ XLVII. Dio. Cæs. Oros. 6, 15. Liv. Epit. Vellej. 2, 51. Plut. in Cæs. c. 55. § XLVIII. Plut. in Ant. c. 11. Cæs.

tioris aquationis causa deductum, fefellisset. Huc enim delati, castrorumque partem putantes, portam quærebant: donec animadverso errore, qua proximum erat, (nec enim defendebat quisquam) transcenderunt aggerem, eadem etiam secutis valli proruta parte equitibus. Hæc mora Pompejo spatium dedit, re cognita, legionem ab opere deductam subsidio mittendi laborantibus. quo illi conspecto, acrius se defendere; contra Cæsariani, præsertim equites, in locis angustis & impeditis receptui timentes, cum magna consternatione retrocedere cœperunt.

L. Horum fuga ceteros omnes pavoris & tumultus implevit, ut nihil prohibere Cæsaris præsentia posset, quin passim solutis ordinibus palarentur. Quidam signiferi, Cæsare signa prehendente manibus, & jubente consistere, dimissis illis, fugere perseverarunt. tum etiam ipse Cæsar in discrimen ingens incidit, cum retinenti aquiliferum quendam, magnarum virium hominem, ille cuspidem intentaret: sed aquiliferum, qui cum Cæsare erant, statim confoderunt. Multos milites hoc gemino prælio desideravit Cæsar, tribunos etiam militum & centuriones triginta: signa insuper militaria duodetriginta amissa sunt. Quod nisi Pompejus receptui cecinisset, totum deleri hostium exercitum potuisset, adeo certum habetur, ut ipsius Cæsaris vox annotata sit, *ea die summam victoriam penes adversas partes fuisse, si ducem vincendi gnarum habuissent.*

LI. Sed ille, sive quo civibus parceret propria pietate, aut Catonis factò permotus, qui, visa Julianorum strage, flens operto capite discesserat; sive Labieni sententiam secutus, fugientibus institit, de cetero non sollicitus. Certe captivos transdidit petenti Labieno; atque ille verbis graviter increpitos, in conspectu omnium interfecit. Nihil unquam satis evenire feliciter ignaris utendi hominibus potest. Apparebat, vinci Cæsarem posse: sed Pompejani, dimissa victoriæ cura, jam de præmio inter se litigabant. Cæsarem,

§ XLIX. Oros. Cæs. Front. Strat. 2, 17. § L. Sueton. in Cæs. c. 6. Dio. Appian. Cæs. Plut. apoph. Rom. c. 44.

super insitum ardorem, ad intendendum præsentibus animi necessitas instigabat. Itaque consilium mutandum videns, suos idonea oratione consolatur: cladem in *paucitatem militum, iniquitatem loci, errorem perturbationemque suorum, denique in fortunæ inconstantiam* conferens, *aliorum, quæ multa fortiter feliciterque recens secissent*, admonet. *virtute, uti alias, & ad Gergoviam esset factum, sarciri incommodum posse, & oportere, quod fortuna intulisset.*

LII. Cum hæc dixisset, ignominia notavit signiferos, quorum eminebat culpa, locoque movit: suæ potius clementiæ, quam voluntati legionum obsecutus. Tantus enim pudor veteranos ejus intraverat, ut ultro se offerrent pœnæ, *decimarique peterent*: deinde leni responso imperatoris vix adducti ad ignoscendum sibi, perseverarunt *ad supplicium postulare signiferos, qui causam initiumque flagitio ei dedissent.* Jamque etiam ab dolore pugnam poscentes, quosdam superioris ordinis movebant, ut *manendum, & acie certandum* putarent. Sed Cæsar neque militibus perterritis committendum ratus, neque, donec illi reciperent animum, inopia frumenti dante spatium, discedere loco statuit, & in Thessaliam proficisci; ubi commodiorem bello sperabat regionem fore, expeditis com meatibus per Longinum & Calvisium, qui nonnulla iis locis oppida receperant, adjuvante ex Thessalis Petrejo, summæ nobilitatis juvene.

LIII. Cum, præmissa trans Genusum amnem majore parte copiarum, Cæsar *conclamari vasa* jussisset, quo simul utilitati, simul famæ consulere tur; apud Pompejum sententiis variabatur. Multi, auctore Afranio, *Italiam peti*, alii, *bellum trahi*, volebant. Pompejo neutrum satis probabatur: *pro Italia bellum se gerere*, dicebat; *nec oppressurum, quæ defensa & servata cupiat*; *neque dandum hosti perterritio spatium.* Ergo recedentem ad priora castra Cæsarem, quæ fuerant contra Asparagium posita, vicissimque inde moventem, strenue infecutus; postquam adipisci posse desperavit, ad Sci-

§ LI. Plut. in Cæs. Appian. Cæs. § LII. Appian. Cæs. Dio. Vellej. 2, 52.

pionem properare cœpit, ei timens, ne a Cæsare opprimeretur. Hæc enim fernie summa consilii utriusque erat, ut Cæsar, si sequeretur Pompejus, æquioribus locis bellum gesturus videretur; sin vero transmitteret in Italiam, eodem per Illyricum contendere; postremo omnibus locis exclusus, exercitum, quem Scipio nuper adduxerat, obli-dendo, retrahere Pompejum posse putaret.

LIIV. Pompejus similiter, sive Scipionem aggredi Cæsar statuisset, ad auxilium festinabat; sive propter copias, quæ ab Italia exspectabantur, discedere ab ora maritima nollet, Domitianum exercitum deleri posse rebatur. Cum Cæsari necessario prius adeunda Apollonia esset, ut faucios deponeret, stipendium militibus daret, animosque focio-rum alloquio & præsiidiis datis firmaret; Pompejus, expedito per Candaviam itinere, prior in Macedoniam venit. Ibi fortuna, viæ quatuor horarum interposito spatio, Domitium & objecit maximo discrimini, & eripuit. Ignarus ille omnium, (quippe missi ab illo ad Cæsarem, aut ad illum a Cæsare, propter infesta itinera penetrare nequibant) cum per aliquot dies castra castris Scipioni opposita habuisset, rei frumentariæ causa disceiserat: & tum ad Heracleam Sinticam, quæ est subjecta Candaviæ, iter habens, in ipsum Pompejum incidisset; nisi, quod neque sua diligentia cognoscere, neque doceri a suis partibus potuerat, hostium beneficio didicisset.

LV. Allobroges, qui cum Roscillo & Ægo nuper transfugerant, repertis per viam exploratoribus Domitii, sive propter veterem consuetudinem, quod in Gallia una militaverant, sive gloria elati, omnia expromserunt. Ita deflexo itinere Domitius, qua Cæsarem venire audiverat, vitavitque Pompejum, & ad Æginium cum imperatore suo conjunctus est. Jam quocunque Cæsar adiret, præliorum Dyrrhachinorum fama præcurrerat. igitur Gomphos venienti, quod primum est contra Epirum Thessaliæ oppidum, prætor gentis Androsthenes portas clausit, dimissis ad Pom-

pejum Scipionemque nuntiis, auxilii accelerandi causa. Sed Cæsar edoctos milites, quantum ad famam necessitatemque præsentem ea res pertineret, sic accendit, ut post horam nonam oppugnatione cœpta, ante noctem loco potirentur. Cum urbs diriperetur, insolitum spectaculum in quadam domo irrumpentium oculos tenuit: senes viginti jacentes in cœnaculo cum calicibus, similes ebriis, sed vita casti, sedensque alius gestu præbentis potionem. Nempe nobilissimus quisque morte asperiora timentes ad medicum convenerant, eundemque habuerant & ministrum mitioris exitus, & comitem.

LVI. Cæsar, obiter relictis militibus, Metropolim oppidum & ipsum Thessaliæ contendit, ea celeritate, ut famam cladis Gomphensum anteiret. Quasi bacchabundo agmine perventum est, quod miles, vino apud Gomphos reperto, se ingurgitaverat, Germani ante omnes, veteri gentis & tenace probro. Sed ea quoque res commodo Cæsari cessit: nam & morborum jam inter eos ingravescentium semina largiore vino discussa sunt, & alacritas militum aucta est. Metropolitæ, cum ad resistendum se pararent, visis Gomphensum captivis, & cognito, quod acciderat, se protinus potestati fideique Cæsaris transdiderunt. Cæsar hos diligenter conservavit: brevique rerum earum disperso rumore, Gomphensum malis rebus & Metropolitæ tolerabilibus omnes permotæ civitates, ad Cæsarem se contulerunt, exceptis Larissensibus, ad quorum urbem Scipio jam accesserat.

LVII. Paucis post diebus, cum adventu Pompeji in Thessaliam duo magni hostium exercitus conjuncti essent, adeo crevit hominum audacia, ut belli tantum non immemores, id modo cogitarent, qua ratione maximum e victoria fructum pro se quisque perciperent. Igitur jam increpari Pompeji moram quotidianum erat, qui exploratam victoriam non alia causa differret, quam quo diutius talibus viris imperaret. Regem regum Domitius vocabat, & Agamemnonem, quod

§ § LV. Flor. 4, 2. Cæs. Appian. civil. l. 2. § LVI. Dio. Plut. Cæs. Appian.

is quoque, belli causa, pari dignitate præditis imperaverat: M. Favonius, *per Pompejum stare*, dictitabat, *quo minus eo anno ficus Tusculanas essent*. L. Afranius, quem Attius Rufus pretio accepto prodidisse exercitum arguerat, *demirari se aiebat, quemadmodum cum licitatore legionum tantus imperator non auderet confligere*. Sed Pompejus atterendum hostem mora & incommodis recte censuerat, omni apparatu superior, & ea Juliani militis conditione, ut assuetum vincere nulla acies sustineret; defessus ætate frangi laboribus & tædio posset.

LVIII. Ceterum reliquorum amentia non sinebat hominem insistere suis consiliis. Amentia enim certe fuit, cum, tanto hoste opposito, Lentulus Spinther, & Scipio, & Domitius, gravissimis inter se contentionibus, *de pontificatu maximo, quod sacerdotium Cæsar gerebat, agitarent: urbanam gratiam Domitio, Lentulo atatem allegante, Pompeji necessitudinem Scipione*, a quo perhonorifice tractabatur, ut alterum ei prætorium tendi Pompejus, & apud illum etiam clasticum cani juberet. Sed & magna fuit in consilio controversia, *haberine rationem comitiis prætoriiis L. Hirri oporteret, quem ad Parthos legatum Pompejus miserat: cum fidem in id Pompejus dedisset; ceteri negarent, in pari labore & periculo unum anteponendum omnibus esse*. Domitius etiam gravem de iis, qui in Italia remanserant, sententiam dixit: *placere sibi, ut de singulis ternæ tabellæ darentur senatoribus, qui in bello secuti Pompejum essent, ut de illorum causa cognoscerent. unam fore tabellam, quæ omni periculo absolveret; alteram, quæ pro hoste habendum censeret; tertiam, quæ multandum pecunia*.

LIX. Nihil horum latere Cæsarem poterat: itaque simul satis ex priorie consternatione suos recepisse visus est, non abistebat, quin copiis quotidie productis pugnandi faceret potestatem. idque adeo inter initia cautius egerat; deinde confirmatus eo, quod Pompejus suos intra munitiones

§ LVII. Flor. 4, 2. Plut. in Pomp. c. 111. Cæs. § LVIII. Cæs. Plut. Appian. Cic. ad Attic. 11, 6.

tenebat, longius a suis castris, in loca hosti æquiora degrediebatur. Ea quoque res accendit Pompejanorum animos, qui ferme omnes, quamquam alius alia de causa, cunctationem oderant. At Pompejus hoc ipso argumento abstinendum prælio differebat, quod appareret, id summopere Cæsarem, tanquam sibi maxime necessarium, expetere.

LX. Postremo, cum neque vincere suorum animos, neque ferre invidiam posset; abjecto salubri consilio, ad pugnam se parare coepit. Multa tum concurrerunt incitamenta, ut magnam omnes victoriæ spem conciperent. fiducia in viribus, in imperatore, in causa: præterea res duæ novæ quantivis utique momenti: una, quod Pompejus confirmaverat, priusquam fere ad manus videretur, exercitum Cæsaris in fuga fore, propterea quod equites, quorum multitudine abundabat, sibi recepissent, se dextrum Cæsaris cornu statim initio pugnae circumdaturus atque turbaturos esse; altera, quod Labienus, demonstrato, præsentis Cæsaris copias magnam partem ex aliis militibus constare, quam qui Galias subegissent, in caput suum execratus fuerat, si in castra, nisi victor, reverteretur; idque jusjurandum secuti deinde omnes erant. At Cæsar, sive per exploratores re cognita, sive præfugio animi, revocatis tribus legionibus, quas frumentatum emiserat, de media nocte sacra Marti & Veneri Genetrici fecit, quam suæ gentis auctorem esse dictitabat; templum quoque eidem vovit ex manubiis.

LXI. Cum utrinque sedisset animis pugnandi voluntas; ut ferme in magnarum rerum expectatione miscere se prodigia solent, multa visa aut ficta sunt. Victimæ in castris Pompeji, cum admoventur aris, fugerunt: examina apum in militum signis, & altaribus federunt: interdiu fuerunt tenebræ: Pompejus nocte, quæ prælium antecessit, per quietem in theatro suo sedere imaginatus est, & maximo populi plausu excipi. Inter hæc castra ejus fulminibus petita sunt: excubias circumeunte Cæsare, fax a castris ejus in Pompejana decurrere visa est, atque ibidem exstingui.

Nocturni quoque terrores in exercitu Pompeji fuere sub ipsam lucem, auxitque consternationem mane apud principia cum pullo conspectus imperator. Spes tamen prævaluit apud pertæfos moræ animos, & ex apparatus magnitudine belli eventum metientes.

LXII. Igitur & *facem in sua castra delatam suæ claritudinis omen* accipiebant, & insomniis Pompeji fidebant. nam is, sopito castrorum tumultu, quieti redditus, altissime indormiverat; excitatusque ab amicis, *modo se per somnum Romæ sanum Veneris Victricis dedicasse* juraverat. At incertus consilii Cæsar, & desperato prælio, ex superiore consuetudine Pompeji, Scotuffam castra moturus erat. Jam descendebantur tabernacula, cum *Pompejanam aciem longius solito ante vallum progressam* relatum est. Igitur expeditum agmen, quod jam in portis erat, cohortatus, proruto vallo, quasi hostium castris mox potituros, eduxit statim, hostique processit obviam. Acies utrinque sic ordinata stetit.

LXIII. Sinistro Pompeji cornu, cum duabus legionibus, quas per causam belli Parthici abductas a Cæsare diximus, ipse cum L. Domitio constitit: Scipioni cum Syriacis legionibus mediam aciem commiserat: cohortes Hispanæ, quas secum Afranius deduxerat, cum Ciliciensi legione, dextrum cornu obtinebant. hoc erat exercitus Pompejani robur. tironum legionēs inter mediam aciem & cornua interjecerat. Quælibet acies denos in altitudinem ordines habebat. Peditum his omnibus Romanorum quadraginta quinque millia continebantur. Equitatus fere omnis, & quod sagittariorum atque funditorum habebat, in sinistro cornu, haud procul Pharsalia locatus est: dextro, quod flumen Enipeus impeditis ripis muniebat, sexcenti sufficere equites visi. At Cæsar, uti consueverat, legionem decimam in dextro cornu, nonam octavamque in sinistro constituit. *Hic Antonium, ibi P. S.ullam curare* iussit; *in medio Cr.*

§ LXI. Flor. Diodor. l. 41. Jul. Obseq. Val. Max. 1, 6. Plut. in Cæs. c. 61. Appian. § LXII. Cæs. Plut. Appian. Front. Strat. 2, 7.



*Domitium* cum quadraginta cohortibus: ipse in dextro suo cornu versabatur, ut Pompejo se opponeret. Legionarios in aciem deduxit universos, millia circiter duo & viginti, mille equites. nec enim expectare militum ardor patiebatur Q. Cornificium, qui duas adducebat legiones; aut Fusium Calenum, qui cum cohortibus quindecim erat in Attica. Hæ civiles utrinque vires fuere: auxiliorum numerus amplior utique, sed varie traditus. *Haud minus trecenta millia pugnasse* quidam, qui plurimum, *quadringenta* ponunt.

LXIV. Sed Cæsar, animadverso Pompeji consilio, ne dextrum suum cornu circumveniretur metuens, ex tertia acie, ubi Domitius curabat, celeriter sex cohortes detraxit, & ex his quartam instruxit aciem ad res subitas. Ibidem & equites suos locavit, quia sinistrum cornu paludibus applicatum hoc præsidio indigebat minus, & delectos pedites, Germanos maxime, qui præliari inter equites consueverant. His rebus utrinque paratis, cohortandi suos materies imperatoribus minime defuit: vix enim unquam tantis rebus gestis, tantaque belli gloria par aliud concurreret nobilius. Pompejus primæ ætatis decora, & triumphalem adolescentiam Africanis Hispanisque bellis præferabat: inde maximos reges, ferocissimas gentes domitas, & Orientem adjectum imperio, Romanique populi vires unius ductu, atque una expeditione duplicatas. Neque minoris erat ex parte Cæsaris, recens Britannæ Galliarumque devictarum gloria: quarum nationum altera prorsus inaccessible atque incognita majoribus, altera maximo perpetuoque terrori fuisset: & eadem adhuc arma, eadem corpora retinebat, quibus tantæ patrata res fuerant.

LXV. Steterunt tamen aliquamdiu quietæ acies, mutuo metu, an quia quantumvis atroces animos pudor & tædium fundendi cognatum sanguinem invaserat. Tandem pugna cœpit a Crastini centurionis impetu, qui concio-

§ LXIII. Cæs. Plut. in Ant. c. 11. Appian. § LXIV. Appian. Flor. 4, 2. Cæs. Front. Dio.

nanti Cæsari *futurum* receperat, *ut se aut vivum laudaret imperator, aut mortuum*. Spatium erat inter duas acies, quod utrinque sufficeret concursuris; sed consilio C. Triarii Pompejus immotos tenuit suos; rem minime probatam Cæsari, qui *vires alacritatemque militum valde incitari cursu* judicabar.

LXVI. At Juliani cœptum cursum, postquam adversarios stare viderunt, parumper intermiserunt: deinde iterum concitati pila miserunt in hostem, gladiosque celeriter strinxerunt. Idem & a Pompejanis factum: eodemque tempore horum equites & levia arma Cæsaris dextrum cornu cœperunt impellere, quia Juliani, tot partibus pauciores, tantam procellam sustinere non poterant. Igitur quartam suam aciem excitat Cæsar; eaque tam vehementem facit in effusos impetum, ut protinus terga verterent Pompejani equites. Nani ex præcepto Cæsaris ora hostium oculosque petens miles, averfa facie cedere coegit. & *hoc ita futurum* Cæsar, *atque hinc initium fore victoriæ*, pro summo, quem habebat, rei militaris usu, prædixerat. Funditores & sagittarii, ab equitatu destituti, extemplo circumventi cæsique sunt. Pompejus, victa parte suorum, in qua plurimum fiduciæ collocaverat, damnare spes suas cœpit, acieque relicta fugere. Tum vero cæsis fugativæ ducibus, nulli rei præterquam turbando invicem idonea copiarum magnitudo, ad satietatem hostis cæsa est; donec misertus Cæsar, *parci civibus* jussit. Hoc imperio per ordines vulgato, milites, uti cui Romano occurrerant, *stare securum* jusserunt: in auxilia tota belli ira incubuit, eorumque ingens concisa multitudo est.

LXVII. Cæsar, quamquam fatigatus prælio miles æstu quoque aggravabatur, (nam ad meridiem extracta pugna erat) tamen monendo, *ni castra hostium expugnentur, imperfecum victoriam relinqui*, perpulit, ut eodem impetu vallo hostium succederent. nam super auctoritatem imperatoris, & elatos successu animos, præda castrorum, quam sciebant amplissimam fore, incendebantur. Castra aliquamdiu a

§ LXV. Appian. Flor. Cæs. Plut. § LXVI. Oros. 6, 15. Flor. Front. Strab. 4, 7. Cæs. Sueton. in Cæs. c. 75.

Thracibus magis, quam a Romanis (cohortes septem castris castellisque praesidio Pompejus reliquerat) defensa, venerunt in potestatem victoris. *Tum vero Pompejum, qui haec in praetorio sederat tacitus, haec verba locutum, Etiamne in castra? mutato habitu fugisse tradunt.*

LXVIII. Interim & castella, deditibus, qui tenuerant, a P. Sulla capta sunt. Caesar adhuc impetravit a suis, ut, relicta praeda, novum insuper laborem susciperent, expugnandis Pompejanis, qui e castris refugerant in proximum montem: & quia locus aquae erat inops, jugis ejus Larissam versus se recipiebant. Id quoque eodem die perfectum est; quamquam & passuum aliquot emetienda millia, & praeterea muniendo secludendus a monte alio, quem hostes ceperant, fluviis fuit. tanta erat & imperatoris illius, & exercitus, tamque invicta armis & laboribus alacritas. At Caesar, sicut praedixerat, in castris hostium exacta nocte, captis deditisque omnibus ignovit: maxime laetus M. Bruto Cæpione servato, a quo postea interfectus est. Is a Larissa, quo se contulerat ex fuga, scripsit ad Caesarem, cupidissimeque susceptus est. Sed & singulis amicorum potestatem fecit unius, quem quisque vellet, adversae partis servandi.

LXIX. Literas ad Pompejum a multis scriptas, atque inter praedam repertas, statim cremavit; ne forte, deprehensis quorundam consiliis, irasci pluribus, quam statuisset, cogeretur. In summa moderationem & clementiam plane singularem atque admirabilem exhibuit in omnibus. Haec est nobilis illa Pharsalica pugna, quae jam aperte libertatem populi Romani subruit, uniusque omnes subiecit potestati. Caesar haud amplius ducentos, aut secundum alios, mille ducentos amisit milites, sed centuriones, viros fortes, circiter trecentos. Ipse, militis simul imperatorisque partibus omnibus strenue obitis, praecipuam victoriae suae laudem retulit: inter legiones decumanorum ma-

§ LXVIII. Caes. Liv. Epit. Dio. Plut. in Brut. c. 9. Vellej. 2, 32. Sueton. in Caes. c. 75.

xima exstitit virtus: sed singulorum ante Crastinum nemo fuit. Idcirco cadaver ejus (nam adaeto in os gladio, post ferocissimam pugnam ceciderat) militaribus donis ornatum Cæsar, proprio sepulcro inferendum curavit; cum ceteri uno communi tumulo humarentur.

LXX. *De Pompejanis circiter millia quindecim cecidisse*, Cæsar affirmat; qui magis augent, *viginti quinque millia*: sed Asinius Pollio, qui rerum istarum historiam Græco sermone contexuit, *sex omnino millia militum occisa* tradidit, *reliquam multitudinem servorum fuisse, interfectorum maxime, dum castra capiuntur*. dedita sunt amplius millia viginti quatuor, quæ ferme apud victorem sacramento dixerunt. Equites Romani quadraginta cæsi sunt, de illustribus: senatores decem. in quibus L. Domitium, ex castris in montana fugientem, Antonius cum equitibus suis occupavit. Signa militaria ad Cæsarem relata sunt centum octoginta, aquilæ novem.

LXXI. Hæc victoria Cæsar's, qua pugnatum est die, in remotissimis terrarum nuntiata est. Nam & strepitus armorum, pugnantiumque tumultus cum alibi locorum auditus est, tum Antiochiæ in Syria bis: idemque accidit Ptolemaide: & Trallibus ad statuam Cæsar's, quæ dedicata in fano Victoriæ fuerat, non ex humo, sed ex duro & strato filicibus solo, palma magnitudine matura enata est: & Pergami, in templo Liberi patris, in interiore parte ædis, quo præter sacerdotes aditus est nemini, tympanorum cymbalorumque sonitus increpuit. Elide in templo Minervæ simulacrum victoriæ, quod Minervæ signo obversum fuerat, se convertit, valvasque templi respexit.

LXXII. Sed nihil expressius, quam quod e municipe & familiari suo C. Cornelio auditum Livius tradidit. Is forte sacerdos Patavii tum operam augurio dabat; cum, visis avibus nonnullis, vaticinantis in modum, *prælium committi* confirmare præsentibus cœpit: idemque post paulo

§ LXIX. Cæs. Appian. Flor. § LXX. Cæs. Appian. Put. Dio. Cic. Phil. 2, 29. § LXXI. Dio. Cæs. Plut. Jul. Obseq.

*videre cedentes alios, alios urgentes, variamque fortunam & instaurationem pugnae, tandem exsiliens exclamavit, vincis, Cæsar. mirantibusque & fidem adhibere cunctatis, demta de capite corona, Hunc, inquit, non ante resumam, quam certis nuntiis comprobata prædictio testimonium præbuerit arti. Et tam exacte responderunt omnia, ut non modo proelii tempus, sed omnem vicissitudinem pugnandi, vaticinantis vocibus & motu expressam fuisse constaret.*

§ LXXII. Plut. Agell. 15, 18. Dio. Jul. Obseq.

---

# JOANNIS FREINSHEMII SUPPLEMENTORUM LIVIANORUM

LIBER LXXVII.

IN LOCUM LIB. CXII LIVIANI.

---

## E P I T O M E

LIBRI CENTESIMI DUODECIMI.

*Trepidatio victarum partium per diversas orbis terrarum partes & fuga referuntur. Cn. Pompejus, cum Ægyptum petisset, jussu Ptolemæi regis pupilli, auctore Theodoto praeceptore, cujus magna apud regem auctoritas erat, & Pothino, occisus est ab Achilla, cui id facinus erat delegatum, in navicula, antequam in terram exiret. Cornelia uxor & Sex. Pompejus filius Cypron refugerunt. Cæsar, post tertium diem inssecutus, cum ei Theodotus caput Pompeji & annulum obtulisset, & insensus est, & illacrimavit. Sine periculo Alexandriam tumultuantem intravit. Cæsar, dictator creatus, Cleopatram in regnum Ægypti reduxit, & inferentem bellum iisdem auctoribus Ptolemæum, quibus Pompejum interfecerat, cum magno suo discrimine vicit. Ptolemaus dum fugit, in Nilo navicula subsedit. Præterea laboriosum M. Catonis in Africa per deserta cum legionibus iter, & bellum a Cn. Domitio contra Pharnacem parum prospere gestum continet.*

I. **C**OGNITAM celeriter Pompeji cladem (nec enim celari res tanta poterat) passim trepidatio & fuga partium excepit. Primi (nam & proxime aberant) rem dicere, qui Dyrrhachii remanserant in prioribus castris. quorum & M. Cicero fuit, vir nihil minus, quam ad bella natus, & jam inde a principio, Cæsaris causam, Pompeji consilia damnando, neutris partibus utilis, & molestior quibus accesserat. Nec enim abstinebat acerbis facietis sensus suos prodere, *habere quem fugiat* dictitans, *quem sequatur non habere*. Sed & cum ad Pompejum accederet, dicentibus *sero eum venisse*, *Nihil*, inquit, *paratum video*. Igitur neque usus eo Pompejus est, & aliquando disisse dicitur, *Cupio ad hostes transeat Cicero, ut nos timeat*.

II. Quo facilius, cum a Dyrrhachio Pompejus moveret, hic & relictus est, & mansit, præsertim cum accessisset corporis infirmitas. Sed postquam ex prælio Pharsalico Labienus Dyrrhachium refugit, consiliumque vocavit Cato; diversæ præsentium sententiæ fuerunt. Multis adhuc bellum placebat, quia Labienus vera falsis miscendo, *Cæsaris gravi vulnere fortunam partium æquatam fuisse*, confirmarat. Et conquirebantur alia inflandis animis. *superesse septem aquilas*, Nonius dicebat; *Pompejo victoriam deberi* Labienus, nescio quorum numinum *oraculis*. His quoque dicta reposuit Cicero: Nonio, *recte eum confidere, si pugnandum sit cum graculis*; Labieno, *hoc stratagemate jam amissa castra esse*.

III. Catoni hæc animo sententia federat, ut, siquidem Pompejus cecidisset, transportatis in Italiam, quos secum habebat, patriæque restitutis, ipse exsulatum proficisceretur quolibet: superanti autem copias ab eo acceptas cum fide fervaret. Hoc animo navigavit Corcyram, ubi classis stabat. Erat omnino fugæ similis profectio. igitur & frumen-

§ I. Liv. Epit. Cic. Phil. 2, 15. Idem ad Attic. Macrobian. Satur-  
nal. 2, 3. Plut. in Cat. c. 54. § II. Macrobian. Cic. ad Attic. 11, 4.  
Idem de divin. Front. Strat. 2, 7. Plut.

tum ex horreis raptum vias angiportusque constraverat: & quia non modo jam hostis, sed suæ quoque copiæ terrori Pompejanis erant, subito metu perterriti conscenderunt naves. Nec injustus ille timor fuit. nam noctu ad oppidum ex cursu respicientibus, magnum incendium reluxit, flagrantibus onerariis, militum audacia, nolentium conscendere.

IV. Tum & Rhodia classis deferuit focios, domumque discessit. Hæc omnia paucis ante diebus Rhodiæ quinque-remis remigem, velut numine afflatum, prædixisse, C. Coponius, qui ei classi præerat, homo cum primis prudens atque doctus, tribus facile doctissimis Romanorum, M. Tullio, M. Catoni, M. Terentio Varroni exposuerat. Hoc ita ab ipso Cicerone narratum, non poetarum modo, sed etiam Græcorum fabulas, qui revixisse hominem & a morte vaticinatum finxerunt, evidenter coarguit. Corcyræ, cum iterum de præsentibus esset deliberatum, Cato nunquam non observans legum, *Ciceroni se cedere professus est, quod ille consulari dignitate antebat.*

V. At Cicero, qui semper pacis auctor fuerat, & omne fugerat belli munus, tantum ab accipiendo imperio abfuit, ut potius *armorum non deponendorum, sed abjiciendorum* suavor esset. Ibi gravis eum excepit Pompejanorum indignatio, fuissetque a Cnæo interfectus, ni Cato seductum paulisper adolescentem lenivisset. ita navigio accepto, Brundisium vectus, eo in oppido Cæsaris tempora expectabat. Interea loci & D. Lælius, qui objectam Brundisio insulam, quam antea Libo tenuerat, consilio pari, pervicacia majore insidebat, & C. Cassius, multis Julianis in Sicilia concrematis navibus, postquam acceperant de prælio, cum classe discesserunt.

VI. Neque piget principum virorum, etiam singulorum consilia referre & fata. Duo ferme genera erant universim:

§ III. Plut. in Cat. c. 81. Cic. § IV. Cæs. Cic. de divin. Plut. in Cic. & Cæs. § V. Cic. pro Dejot. & ad Attic. 11, 4. Plut. in Cic. & Cat. Cæs.



qui Cæsaris clementia fidere poterant, ubivis locorum subsistebant, donec per deprecatores, quid fieri ille vellet, comperirentur: ceteri, quibus nimia odia quidlibet tutius, quam Cæsaris arbitrium, fecerant, ubilibet terrarum rebellionem meditabantur. Q. Cicero filius, cum Corcyra discederetur, Patras venit, ubi pater ejus tum agebat: qui una cum multis aliis fenatoribus ad Fesium Calenum se contulit, quem a Cæsare missum fuisse in Achajam prædiximus. Ex eo numero Ser. Sulpicius, A. Torquatus, M. Marcellus Athenis substituerunt: in Bithyniam se T. Antistius ad hominem familiarem A. Plancium recepit; pluresque alii per diversas Asiæ provincias victoris clementiam expectarunt.

VII. Atque his omnibus ocius serius, ut cuique fors fuit, ignovit Cæsar; quorundam etiam opera deinceps usus est, magistratusque iis & provincias dedit. At quibus renovare bellum placuit, partim in ipso conatu extincti sunt; plerique in Africam se contulerunt. Pompejus, uti diximus, e castris suis equo fugiens, Larissam; inde per Thessalica Tempe, etiam per noctem continuato cursu, cum equitibus triginta ad mare venit. Ibi consensu parvo & fluviatili navigio, paulum proventus, in ostio Penei amnis onerariam conspexit prætervehentem, agnitusque a domino navis, tum maxime somnium suum exponente vectoribus, susceptus est. Quippe per quietem, Pompejum longe dispari, quam esse consueverat, cultu, opem suam expositentem viderat.

VIII. Transcenderunt cum eo L. Lentulus, qui superiore anno consul fuerat, & P. Lentulus consularis, & M. Favonius prætorius. deinde & regem Dejotarum, equo properantem ad litus conspicati, recepere. Inde per Thermaicum sinum, & deinceps præter Macedoniam vecti, ad Amphipolim jecerunt ancoram: quam ad urbem edicto convenire juniores Græcos civesque Romanos jusserat, repa-

§ VI. Cic. ad Attic. 11, 6 & 15. Idem familiar. 6, 1. § VII. Cic. familiar. 6, 5. Flor. 4, 1. Cæs. Plut. in Pomp. c. 20. Appian. civil. l. 2. Gros. 6, 15.

randarum virium ergo, si spatium habuisset; an magis, ut fuga, quam moliebatur, tanto esset occultior. Certe Cæsaris adventu cognito, Lesbum transmisit, ubi initio belli Corneliam conjugem sepofuerat. Invitantibus in urbem suam Mitylenæis, atque offerentibus omnia, non paruit; sed recepta Cornelia rebusque ejus, biduum tantummodo moratus per tempestatem, quatuor additis actuariis, quæ a Rhodiis & Tyro venerant, in Ciliciam avectus est.

IX. Eo in cursu & Sextus filius eum affecutus est, & magnus numerus senatorum: & naves quædam cum militibus ex Cilicia occurrerunt. Exposito igitur Deiotaro, qui ultimum Orientem in auxilium Pompeji commoveret, ipse præter Ephesum & Colophonem, interjacentesque insulas, Rhodum petiit. Rhodii, postquam alius esse jam cœperat Pompejus, adversus illum iidem esse desierant: igitur opido portuque prohibitum, missis ad eum & Lentulos nuntiis, *ex iis locis discedere* jusserunt. Primam urbium, nusquam prius ausi consistere, Attaliam inierunt in Pamphylia; cum jam recollecti ex fuga senatores circiter sexaginta essent.

X. Deinde, quia Pompejus commodos aquationi rebusque necessariis portus, simulque remotiores abstrusioresque sequebatur, Syedra concessit, desertum Isauriæ scopulum, quod navale Selinuntiorum erat. Ibi demum celatum hæcenus consilium nudare cœpit, *se diffusum provinciis omnibus, externas opes querere*. Cum in æstimationem omnia circum regna venissent, ad Parthum inclinabat sententia: sed hic, amicitia Pompeji rejecta nuper, etiam legatos ab eo missos habuerat in vinculis; præterea ad interfectores Crassorum Corneliam adduci, quæ nupta Publio fuerat, & ad projectissimos in libidinem, juvenem formosam, alienum videbatur.

XI. Jubam fidissimum partibus regem peti, vetabat in-

§ VIII. Vellej. 2, 53. Plut. § IX. Diodor. 1. 42. Plut. Cic. familiar. & ad Attic. 12, 14. § X. Flor. Vellej. Dio. Appian. Justin. 41, 3. Plut.

solentia barbari, & in Varo populi Romani despecta majestas, & levitas insita genti. In Ægyptio rege ætas maxime displicebat, & quod tredecim annorum puer a nutriciis & pædagogis regebatur. At Theophanes, quo plurimum Pompejus uti consueverat, *insanum esse rebatur, si de alio ullo potius, quam Ægypti rege cogitaretur. Illum ea ætate esse, ut scire beneficia patri a Pompejo præstita, & intelligere possit: præterea reverentiam ei fore dati ab senatu tutoris. Neque pueritiam ejus metuendam. adultos & usu tritos ex præsentī hominū fortuna favorem & odia temperare; adolescentibus honesta placere, etiam cum periculo.*

XII. Hac probata sententia, Cyprum tendunt. Ibi cognoscunt, Antiochiensium civiumque Romanorum, qui ibi negotiarentur, consensu *arceri finibus Pompejanos, nuntiis etiam dimissis in vicinas civitates, ne quis ex eo genere Antiochiam adiret; qui fecisset, magno capitis periculo facturum.* Hæc adversa demum gravissimos duos errores deplorandi ferum Pompejo sensum attulerunt: unum, quod procul mari, qua parte virium firmissimus fuerat, conflisset; alterum, quod fugam potius intendisset hæc in loca, quam ad classem suam, & exercitum, quem duce Catone jam in Africam pervenisse rumor ferebat.

XIII. Sed inopinato prælii eventu semel perturbatus, neque confirmare animum tam vetus imperator, neque providere, quid in rem esset, ulla ex parte potuit: sæpe querens, *tantum se fuisse falsum opinione, ut, a quo genere hominum victoriam speravisset, inde sibi enatum cladis initium fuerit.* Igitur *contracta, quanta poterat, pecunia, armatisque hominum duobus millibus, cum uxore triremem Seleucidem conscendit. reliqui partim longis navibus, alii onerariis sunt secuti.* Hoc modo Pelusium perventum, ubi tum magnæ copię Ptolemæi regis erant, bellum gerentis cum sorore Cleopatra, cujus castra nec longe ab regiis aberant.

XIV. Pompejus id, quod erat, conjectans, certum homi-

§ XI. Vellej. Appian. Plut. L. Ampel. Cæs. § XII. Plut. Appian. Cæs. § XIII. Cæs. Plut.

nem misit, demisse petens, *ut sibi tutum apud regem per-  
fugium esset*. Ipse, dum tutores pueri coacto consilio de præ-  
sentibus deliberant, in navi sollicitus opperiebatur, quid  
de se Pothinus spado (hi erant capita rerum) & Ægyptius  
Achillas, & præceptor pueri Theodotus Samius decreissent:  
princeps Romani nominis, & qui beneficio Cæsaris serva-  
ri miserum & deforme existimaret. Cum aliis recipiendum,  
aliis contra videretur; Theodotus forte cupiens ostendere  
facundiam, (erat enim professione rhetor) *neutrum consilium  
salubre esse disseruit: altera sententia dominum Ægypto, &  
bellum cum Cæsare recipi; altera offendi Pompejum, nec iniri  
gratiam ab Cæsare. nihil melius, quam morte viri formidinem  
ab ipso tollere, simulque demereri eum, qui rerum potiretur*.  
Adjecisse & proverbio jactatam vocem dicitur, *mortuos non  
mordere*.

XV. Hæc ubi placuere omnibus, Achillæ negotium per-  
mittitur, homini singularis audaciæ, atque is cum parvula  
navicula ad Pompejum accedit, *litus excusans, quod va-  
dosum & infidum majora navigia non pateretur*. Minime pla-  
cebat ea res amicis, qui prius expectassent, ut ipse rex  
cum illustri comitatu procederet obviam; & ipse Pompe-  
jus præsagium animi Sophocleo carmine fatebatur, quod  
*ex liberis servos fieri dicit, quotquot tyrannorum adierint do-  
mos*. Cum hoc dicto descendit in naviculam, cum duo-  
bus tantum centurionibus, libertorumque & servorum sin-  
gulis; ubi conspecto L. Septimio, qui bello prædonum  
apud se ordinem duxerat, deinde cum Gabinio profectus  
Alexandriam, tribunum militum agebat; *Te quidem hercle,*  
inquit, *novi, commilito!* Atque is, nullo responso dato, ca-  
pite tantum annuit.

XVI. Inter hæc appropinquabat litori, & motus in ter-  
ra exercitus, conspectaque in agmine regis purpura, spem  
Corneliæ ceterisque dabat benigne receptum iri: cum as-  
surgentem a L. Septimio primum, deinde ab Achilla per-

§ XIV. Appian. Plut. Flor. Liv. Epit. Vellej. 2, 53. § XV.  
Cæs. Dio. Plut. Appian.

cuti vident. Id spectaculum tam necopinatum & atrox, tantum excitavit in navibus luctum, ut gemitus fletusque in litore exaudirentur. Jamque & triremes complebantur, quæ ceteras quoque Pompeji naves comprehenderent: sed illas, propere vulsis ancoralibus, favens a terra ventus Cyprium retulit; Ægyptii a vano persequendi incepto destiterunt. pars tamen navium capta direptaque: & in his Q. Pompejus A. F. Bithynicus occisus.

XVII. Sic Magnus ille Pompejus, in conspectu conjugis liberorumque cæsus, inter imbecillitatis humanæ illustrissima documenta memoratur. Cum non Romæ modo, sed ubivis ferme terrarum, perpetuo tenore felicitatis principem locum diutissime tenuisset; eo ipso tempore, quo vel maxime florere fortuna & potentia videbatur, præceps subito datus, pridie natalem suum, quo die olim tam dispari sorte, de Mithridate & piratis clarissimum triumphum duxerat, clientis sui supplex, famulorum ejus manibus invenit necem. Cura tamen decore cadendi etiam morienti fuit. toga capiti obducta, ne quis gestus notari, aut vox indigna priore Pompejo excipi posset, gemitu tantum edito excepit enses.

XVIII. Caput ad regem relatum est, siccataque cute conditum Ægyptio more. Truncus contentim abjectus in litore, a Philippo liberto utcumque crematus conscissæ scaphæ lignis, sepultusque est; cum ad idem officium, alius etiam civis Romanus forte adcurrisset. Tumulum postea fluctus marini disjecerunt: & imagines, quas proximorum temporum admiratio posuerat, sequentium negligentia male habitas in Casii Jovis æde retrusit in cellam, ubi vetera truncataque signa reponebantur, (*favissas* Romæ vocabant) donec Hadrianus Cæsar, imperium totum undique perlustrans, cum in Ægyptum venisset, & effigies reperit ornavitque, & tumulum inquisitum refici repurgarique jussit.

§ XVI. Plut. Appian. Liv. Epit. Dio. § XVII. Oros. 6, 13. Flor. 4, 2. Cic. familiar. 3, 11. Dio. Vellej. 2, 53. Plut. § XVIII. Val. Max. 3, 8. Plut. Appian. Agell. 2, 10.

XIX. Vix relatu dignum, tamen ad ineptam hominum cavendam sollicitudinem non inutile tradunt auctores, *ex vaticinio quodam Cassios semper suspectos Pompejo fuisse; cum nemo hominum hoc nomine, sed mens scilicet Casius fatalis ei prædictus esset.* Postridie mortem Pompeji secutus illum e Cypro L. Lentulus advenit, ignarus omnium, quæ accidissent: sed conspecto in litore rogo, nescio qua ocula vi commovente animum, *eccui hic, inquit, iusta tam exiliter sunt?* nec longo interposito spatio, *fortassis tibi, Cn. Pompei!* Divinavit amici casum, unde suam quoque fortunam pendere non nesciebat. Nec diu superfuit: comprehensus enim ab rege, ad Pelusium in custodia necatus est.

XX. At qui in Cyprum refugerant, diversa exinde loca petiverunt. Interim Cæsar post victoriam, biduo tantum honori simul Deorum, & quieti militum dato, omiſſis curis aliis, Pompejum, quocunque terrarum se contulisset, sequi certus, hoc unoangebatur, quod neque nuntiis, neque fama fiebat certior, quam in partem Pompejus intendisset fugam. Postremo cum interrogatus ea de re Brutus, argumenta quædem protulisset, *in Ægyptum fugisse videri, credidit, eoque statuit accedere.* Igitur assumpto equitatu, & una legione minoribus itineribus subsequi iussa, per Thessaliam in Macedoniam profectus est. Thessalis obnavatam in bello operam, præbitaque auxilia, simul terram honorans victoriæ suæ testem, libertatem reddidit.

XXI. Atheniensibus etiam rata tum fors fuit, quam inter initia condendæ urbis imposuisse Deos fabulæ vulgarunt: *Neptunum, uti semper temere consulerent; Minervam, uti nihilominus commoda fortuna uterentur.* Nam tum quoque Cæsar ignovit deprecantibus, severe increpitans, & hac voce adjecta: *quousque vos, vestro merito pereuntes, majorum servabit gloria?* Deinde cum per Macedoniam Am-

§ XIX. Dio. Val. Max. Cæs. Oros. § XX. Appian. Cæs. Plut. in Brut. c. 9.

phipolin pervenisset, Hellespontum petiit, in Asiam transfurissurus. Ibi eum e maximo periculo admirabilis fortuna eripuit, cum inopia triremium vectoria navicula trajiciens, in paratissimam hostium classẽ, & acerrimum ducem incidisset.

XXII. Corcyræ trecentæ Pompeji triremes steterant. inde cum discederetur, cum majore numero reliquos, ut est expositum, transjecit in Africam Cato; triremes septuaginta C. Cassio datæ, quibus Pontum Pharnacemque adiret, illum quoque regem conciturus. Tum autem, audito adesse Cæsarem, quasi deprehensus ipse esset, supplices e navi tendens manus, veniam sibi suisque orabat. Agnovit Cæsar fortunam suam, & non contentus hac victoria, nedum incolumitate, dubitavit, an reciperet: fuitque a Bruto, cujus sororem Cassius duxerat, exorandus.

XXIII. Hæc ita, secutus auctores, qui *C. Cassium in Hellesponto deditum scribunt*, posui: ceterum Suetonius & Dio, scriptores minime spernendi, *L. Cassium tradiderunt rostratas decem habentem supplicem Cæsari factum*. Sane a præfacto contumacique C. Cassii ingenio permultum ea vilitas dissidet: nisi, quod Appianus censet, fortunæ Cæsarem efferenti cedere tum omnia debuerunt. At Cæsar, prætervectus oram Asiæ, Ephesum attigit, ibique senatores omnes ex provincia sub eisdem dies eo convocatos esse cognovit a T. Ampio Balbo, qui ad tollendam ex templo sacram pecuniam testibus his uti cogitasset. Sic iterum servata Ephesiæ Dianæ pecunia, Jonas ceterasque gentes Asiæ, missis legatis deprecantes venia, profecutus, insuper provinciam publicanorum injuriis, & triente soliti tributi levavit: nec tamen omisit locupletiorum publicare fortunas, quos favisse Pompejo constabat: quorum Pythodorus ex Asiarcharum numero, cum duobus talentorum millibus amplius possideret, redemit a Cæsare opes suas; neque minores reliquit liberis: unde mox ad regale fastigium ascenderunt.

§ XXI. Plut. in Cæs. c. 69. Sueton. in Cæs. c. 60. Dio. § XXII. Appian. Plut. § XXIII. Cæs. Appian. Dio. Strab. l. 14.

XXIV. Tum vero & Gnidiiis immunitas data propter Theopompum, qui inter Græcos amicos præcipue gratiofus & potens apud Cæſarem erat. Sed Cæſar paucis diebus in Aſia moratus, jamque minus dubitans in Ægyptum iſſe Pompejum, quod Cypri viſum eſſe cognoverat, Rhodum navigavit, & collectis, quot ſubito poterant, navibus virisque, cum equitibus octingentis, duabusque legionibus, una, quam ſequi ex Theſſalia juſſerat, altera, quam a Fuſio legato evocaverat ex Achaja, navibusque longis Rhodiis decem, Aſiaticis paucis, ſub noctem inde ſolvit; ignaris ceteris, quo tenderet. ſed gubernatores *interdiu vexillum prætoriae navis, noctu Pharum ſequi* juſſerat.

XXV. Sic tertio poſt die Alexandriam pervenit. Sed in his legionibus tria millia ducenti haud amplius milites erant. reliquos vulnera laborque, feſtinantem imperatorem conſequi vetuerant. Sed Cæſar, animi magnitudine & fama rerum geſtarum fretus, omnem ſibi locum, quantumlibet infirmis præſidiis, tutum fore exiſtimabat. Tamen, quia tumultuantes recenti morte Pompeji Alexandrinos repperat, veritus litori ſe credere, ancoras jecit: donec ad eum Theodotus venit, caput & annulum Pompeji (enſifer leo inſculptus erat, ut Plutarchus tradidit; ut Dio, tria tropæa) tanquam fidei pignus offerens.

XXVI. Ibi *Cæſarem, agnito generi capite, fleviſſe* referunt, *averſatumque portantem eſſe; perſona mærentis aſſumta, quamquam intime gaudere morte æmuli putaretur.* Reliqua tamen ejus manſuetudo facile declarat, veras illas, non ſimulatas, lacrimas fuiſſe. Princeps enim omnium eſſe volebat certe; nec excogitari neceſſitudo ulla poſſet, quam iſthoc pretio propoſito violandam eſſe non exiſtimaret: ſed hoc dediſſes, erat hominum omnium miſiſſimus, & qui ampliſſimum quemque cupidiffime ſervaret, tanto majorem gloriam ſuam futuram ratus, quanto potentiores nobilioresque viri ſuo beneficio viverent. Quocunque animo, vul-

§ XXIV. Plut. Cæſ. Strab. Appian. § XXV. Cæſ. Dio. Liv. Epit. Plut. in Pomp. c. 32.



tum certe servans, caput Pompeji pluribus & pretiosissimis odoribus concrematum, honeste funerandum curavit in suburbio, ubi post debellatam Ægyptum ædem condidit Nemeseos, quæ sub Trajano demum diruta est ab Judæis rebellantibus.

XXVII. Inter hæc appulsus Alexandriam Cæsar, cum navi primum egrederetur, magno tumultu exceptus est, concurrente milite, quem præsidio urbis Ptolemæus reliquerat, & fremente vulgo, cui præferendis Cæsari fascibus, imminui majestas regia videbatur. Igitur ipse concessit in regiam: pars militum, quod exarmari commilitonum suorum nonnullos viderant, in altum se receperunt, donec omnes simul naves applicarent.

XXVIII. Non fallebat Cæsarem, quanto suo periculo inter infidos & validos in populosissima urbe commoraretur; videbatque regis & ceterorum erga se non aliam fidem fore, quam in Pompejum fuisset: sed Etesis tenebatur, qui sunt Alexandria navigantibus adversissimi venti. Ergo dissimulando animo, donec vires contraheret, templa ceteraque celebriora urbis ædificia lustrabat, audiebatque sapientiæ professores stans & populo immixtus; aliisque rebus omnibus captum se pulchritudine locorum & Alexandrinæ vitæ æmulatione testabatur: unde illi mira vulgo gloria atque gratia quæsitæ est, præsertim cum etiam comiter excipiendo singulos licentioribus conviviis penitus laxare animum videretur; jam propemodum effecta consuetudine, ut pernoctaret inter epulas, quod ille vitandarum insidiarum causa usurpabat, quas sibi sentiebat a Pothino strui.

XXIX. Nec enim ab hoc prætermittebatur quidquam, quod ad invidiam Cæsaris, & exasperandos in eum quoslibet pertinebat. Pecunia maxime deerat Cæsari. ergo etiam Asiam prætercurrens, cum fuisset in omnibus liberalis &

§ XXVI. Liv. Epit. Dio. Sueton. in Cæs. c. 30. § XXVII. Val. Max. Dio. Appian. Cæs. Liv. Epit. Oros. 6, 15. § XXVIII. Sueton. in Cæs. c. 35. Flor. 4, 2. Vellej. 2, 54. Cæs. Diodor. Front. Strat. 1, 1. Plut.

clemens, stipendium tamen imperaverat: & nunc Alexandria mutuū reposcebat. Nam Auletæ Ptolemæo grandem summam expensam ferebat, supra septingenties festeriū: cujus pecuniæ partem magnam liberis regiis condonaverat olim, reliquum quadringenties cum maxime reposcebat. Nec eo contentus, arbitria quoque cœperat agere dissidentium regum, quod *eorum controversias ad populum Romanum, & se populi Romani consulem, pertinere dicebat, ex testamento patris Ptolemæi.*

XXX. Eo testamento major filius, majorque filia heredes scripti erant: populumque Romanum *per omnia sacra fœdusque in Capitolio sancitum* rex obtestabatur, *ut judicium suum saluum esset.* Hæc vero mirum in modum angebant regios satellites, Pothinum maxime, qui Cleopatæ regno expellendæ auctor, reditum illius, ut mortem suam, horrebat. Igitur primo cum Cæsare agere: *discederet ad majorem rerum componendos tumultus, creditum & cetera per commodum, & maxima cum gratia recepturus.* Sed ille, negans *cujusquam Ægyptii consilio sibi opus esse, ad se venire reges, dimisso exercitu, & disceptare de jure suo jussit.* Tanto plura ad invidiam ejus & contumeliam Pothinus facere: frumentum vetus & corruptum distribuere militibus, & ubi querebantur, *patienter ferendum dicere; jam enim eos de alieno tolerari, cunctis in potestatem Cæsaris concedentibus.*

XXXI. Convivia quoque figlina lignæque suppellectile instruebat, *argentea & aurea vasa Cæsari in solutum dari debuisse* excusans. Quin & sacram pecuniam hac præscriptione tollebat e templis, rem Ægyptiis acerbissimam, qua gente nihil fuit unquam superstitioni addictius. arguebatque clam *iniquitatem Cæsaris, qui tantam sine causa pecuniam peteret, ut qui Ptolemæo, dum socius & rex appellaretur, nihil recusanti, suo Pompejique nomine prope sex millia talentorum abstulisset.* Misit & ad Achillam nuntios de suo aliorumque ex re-

giis amicis consilio, quos ad eandem mentem impulerat, cum exercitu jubens *Alexandriam accedere*.

XXXII. Sed in speciem amica erant omnia, & tumultum Alexandrinæ plebis reversus a Pelusio rex puer placaverat. & Cleopatra quosdam amicorum miserat, qui suam causam agerent. Sed paulo post, Cæsaris intellectis moribus, suæque formæ & venustati confidens, omnino conandum existimavit, ut ab homine mulieroso conspiceretur. Ceterum si palam venisset, vim ab tutoribus inimicis metuebat. Igitur modica conscensa biremi, corruptis pecunia, qui claustra Phari custodiebant, primis tenebris ad regiam venit. & ne conspici a quoquam posset, *culcitam sibi circum adstringi loro, deportarique per Apollodorum Siculum*, cujus fidei credebat, ad Cæsarem iussit.

XXXIII. Id primo commentum admiratione muliebris ingenii percussit Cæsarem. ut deinde ad misericordiam simul amoremque ciendum temperato vultu adstitit, eximia forma & singulari quadam gratia ita dementavit hominem, ut *Alexandri belli hanc solam fuisse causam* plerique existiment. Sed illa plurimum etiam verborum blanditiis veneribusque pollebat: compositoque ad mœstitiam vultu procumbens, *En adsum*, inquit, *Cleopatra tot regum soboles, tuæque complector genua, Cæsar; nihil indignum fastigio meo facere putans, si tibi, quem Diis supra omnium hominum majestatem extulerunt, tanquam communem regum atque gentium arbitrum, debitum honorem exhibeo*.

XXXIV. Per annos prope trecentos, postquam regnare semel domus nostra cœpit, sine intermissione tenuit hanc regiam: & par huic vetustati mos est, eadem cum fratribus potestate sociatas matrimonio regnare feminas. Id non suo magis judicio, quam priorum omnium, pater meus nunc quoque fieri iussit: sed voluntas ejus spernitur, testamenti vilis est religio, unaque populi Romani, sed & tua, Cæsar, despicitur auctoritas. Nec de fratre queror. puer est, & quæ ultimæ sortis est indignitas, famulis suis servit. Non ille me dejecit regno, mei, quantum licuit,

§ XXXI. Oros. in Cæs. c. 54. Dio. § XXXII. Dio. Plut. § XXXIII. Flor. 4, 2. Plut.

T. Liv. Vol. X.

C c

*amans : sed ejusdem id scelus est, cujus & Romani quondam nominis princeps interfectus ; quem si ob veterem gloriam, & in nostram domum merita nolisset, debebat vel quia gener tuus olim, vel æmulus nuper fuit, revereri.*

XXXV. *Princeps terrarum populus, ducibus hinc Cæsare, inde Pompejo, concurrat : quis inter hæc aliquas esse credat eunuchi partes ? At (audaciam hominis ! ) ille sibi vel primas vindicat. Tu fugasti Pompejum ; ille occidit : tu profligasti partes ; ille sustulit ducem. Atque uinam sit unis opimis contentus ! felici scelere vecors latro, de tua jam nece agitat, quando interfector Magni, nullam ampliorem palmam appetere, quam trucidandi Cæsaris potest. Nec simplici stimulo incitatur ad facinus. temeritatem metus acuit : quod caput Pompeji mærens aspexisti, quod vultu, gemitu, voce, lacrimis testatus es dolorem ; vindex timeris perfidiæ, cujus approbator esse noluisti.*

XXXVI. *Neque longinquos aut incertos metus affero. Sollicitatus Pothini nuntiis Achilles, motis a Pelusio castris, cum omnibus copiis paulo post aderit. Hic me impulit terror, ut machinata quod vides, ad te per quodlibet discrimen penetrare statuerem ; conaterque salvum præstare eum, sine quo salva esse ipsa nequibam. Igitur non modo causam meam, sed etiam famam personamque in tuas manus contradidi : & nunc quoque non tam de meo jure, quam de salute tua, sum sollicitior. Ita me Dii Deaque omnes, & quam præcipue veneror, aurea Venus amet ; teque, progeniem suam, optimæ voluntatis compleat, ut orbatam patre, orbatam fratre & viro, possessione regni dejectam, contemptam, pulsam, oppugnatam a famulis, tuendam ornandamque suscipias !*

XXXVII. *Jam dudum Cæsarem forma puellæ, blanditiæque vultus & verborum, decenter interpositis lacrimulis suspiriisque, perculerat. ideoque nihil non promittens, feriis rebus amantium nequitiam miscuit : eademque nocte una fuerunt. Inde plerisque non eximitur, Alexandrinum bellum præter necessitatem susceptum esse a Cæsare, tantummodo, ut mercedem adulteræ regnum Ægypti daret. Orta luce, Cæsar ad se Ptolemæum vocat, & cum eo de*

reconciliatione fororis agit. Ut vero & ipsa prodit in conspectum, ira commotus puer proripuit se foras, abjectoque diademate, *proditum se* vociferans, excitavit populi turbam.

XXXVIII. Sed cito retractus a Cæsaris comitibus plura conari non potuit: & Cæsar, de superiore loco allocutus Alexandrinos, *nihil opus esse tumultu* dixit: *nec enim se existimare aliud illos velle, quam quod ultro facere constituisset.* Recitato deinde testamento patris Ptolemæi, *quod in eo fides populi Romani* invocabatur, *ad se pertinere* dixit, & *patriis tueri iudicium, & liberis prospicere.* Quod igitur *faustum felixque foret*, *Ægypti regnum duorum esse debere, Ptolemæi & Cleopatæ: minori Ptolemæo cum Arsinoe sore* matrimonium, & *suo populi*que Romani dono dotalem *Cyprum* fore.

XXXIX. Sic in præsens seditione composita, convivium Cleopatra regali luxu exhibuit, omnibus nova reconciliatione lætis. Enimvero Pothinus, in haud dubio periculo se constitutum sentiens, si tam infensa, nec immerito, Cleopatra rege & regno potiretur, occidendi inter epulas Cæsaris consilium cepit. Erat inter quotidianæ operæ servos tonsor quidam Cæsari, mortalium omnium timidissimus. hic cum nihil non observaret anxia cura, deprehendit insidias, detexitque. Idcirco Cæsar, jam olim Pothinum suspectum invisumque habens, convivio militibus circumdato, interfecit. De morte Pothini consentitur inter omnes: de tempore mortis & ordine diversa traduntur. Sed nihil magis congruere prudentiæ temporique Cæsaris visum est, quam quod posuimus.

XL. Inter hæc Achillæ nuntiato adventu, Cæsar regiam claudit, suos armat: cum Ptolemæo agit, ut, quos habeat ex suis maximæ auctoritatis, mittat ad Achillam, jubeatque incepto desistere. Serapion & Dioscorides missi, qui ambo legati Romæ fuerant, priusquam edere mandata possent, jussu Achillæ percutiuntur: alter statim occisus est; alterum, accepto vulnere, sui pro mortuo fustulerunt. Achillas, *non regis hæc imperia esse* dictitans, *qui in aliena potestate*

*ipse effecit*, occupata, præter eam partem, quam Cæsar tenebat, Alexandria, regiam irrumpere primo statim impetu conatus est.

XLI. Nunquam in majore periculo Cæsar fuit. Paucos habebat milites: inter infida infestaque omnia, locis parum munitis, a maxima multitudine oppugnabatur. Neque incondita, aut rudis bellorum turba erat. Millia haud minus viginti sequebantur Achillam, pars magna Romanus miles, qui olim adductus a Gabinio, mixtusque connubiis, mores Alexandrinos licentiamque imbiberat. His accesserant Syri Cilicesque prædones, & quidquid in finitimis provinciis audacia turbulentum fuerat. Præterea duo millia equitum erant, inveterata Ægyptiis bellis manus. His copiis Achilles oppidum ingressus, majorem populi partem sibi statim adjunxerat.

XLII. Nam præter nobilitatem ingenii, bellorum incommoda Cæsarem advehere sibi indignabantur, jam ante irati numinibus, quod minimo tum incremento Nilus solitam ubertatem frugum eo anno interpellaverat. Contra vim horum Cæsar regiam & vicina ædificia tumultuario opere, fossa valloque ad mare usque deductis, muniverat: eo facilius defendi potuit, cohortibus per vias dispositis. Sed eodem tempore ad portum pugnabatur, ubi præter solitum Alexandriae præsidium, rostratas duas & viginti, aliæ naves longæ Ægyptiæ quinquaginta stabant, instructæ ornatæque, uti modo post Pompeji fugam, cui erant auxilio missæ, redierant. has si occupare Achilles posset, videbat, interclusum omnibus auxiliis commeatuque Cæsarem, cito futurum in potestate.

XLIII. Sed quæ ad oppugnandum Ægyptios, eadem ad resistendum incitabat Cæsarem causa, tanto acrioribus stimulis, quia non tam de victoria, quam pro salute pugnabat. & juvabatur classe, qua erat advectus. Idcirco obtinuit ad extremum; &, quia tueri tam parvis copiis omnia ne-

§ XL. Cæf. Dio. § XLI. Plut. Cæf. Oros. 6, 15. Dio. § XLII. l. iii. 3, 9. Dio. Cæf.

quibat, *incendi*, quidquid erat in portu navium, iussit. Hac flamma, cum & vicina portui ædificia comprehensa essent, simul arsit bibliotheca, elegantiae regum curæque egregium opus. Millia librorum tum perisse quadringenta alii, qui plurimum, septingenta tradunt. Primus & maximus ejus operis auctor Ptolemæus cognomento Philadelphus fuit, perquam eruditus princeps, & erudito patre natus; quo curante, sacrorum quoque voluminum interpretatio, quæ Septuaginta vocatur, prodit.

XLIV. Ille, a Nileo quodam emta bibliotheca, quam Aristoteles collegerat, simul iis libris, qui erant ipsi Athenis & Rhodi comparati, Serapeum adornavit; magnoque deinceps studio & sumtu per Demetrium Phalereum, insignem studiis & civilibus artibus virum, quidquid investigari potuit, conquisivit. Sed & in posteris ejus quidam variae doctrinae ornamentis enituerunt: inter quos & Evergeres fuit, Aristarchi discipulus.

XLV. Ceterum occupatis in restinguendo igne Alexandrinis, Cæsar, per noctem militibus ad Pharon expositis, claustra occupavit præsidio, cum haberet in partibus custodes, qui dudum erant a Cleopatra corrupti. *Fuit quorundam insula Pharos, unius diei navigatione distans a continenti*, si quid Homero credimus; *deinde Nilo, ut putant, limum admoliente, prope litori conjuncta*: multum abluentibus, qui totum illum tractum saxis asperum esse compererunt. Id constat, cum paulo plus nongentis passibus abesset, superiorum regum opera jactis in altum molibus, & ponte superposito, connexam esse. quod opus frustra Cleopatras huic ultimæ quidam scriptores vindicant: major etiam incuria eorum est, qui *ab eadem exstructam* putant *cognominem insulae turrim, magnitudine maximam, & elegantia pulcherriam*; quam ad prælucendum noctu navigantibus a Softrato Cni-

§ XLIII. Flor. 4, 2. Oros. Agell. 6, 17. Lips. de Bibl. c. 11. Athen. 12, 10. L. Ampel. § XLIV. Voss. de hist. Græc. 1, 10. Joseph. Arist. ap. Euseb. Athen. Cæs.

*dio constructam esse, certior fides est, impensa Ptolemæi primi, aut: secundi certe, talentis offingentis.*

XLVI. Erat in hac insula vicus oppidi magnitudine; nec, invitis qui tenebant, quisquam ex alto poterat Alexandriam appellere. Hoc occupato Cæsar loco, protinus ad arcessenda ex propinquis locis auxilia misit: & quia de cætero, propter angustias viarum, æquo Marte discessum fuerat, per omnes insequentes dies, quam tenebat oppidi partem, munitionibus tutiorem efficere instituit. At Arsinoe, quæ cum sorore Cleopatra in Syriam profecta, mox, pace facta, Alexandriam reverterat, inter hos tumultus occupandi regni casum oblatum putans, Ganymedis spadonis ingenio reperit fugæ viam, & ad Achillam trajecta, communiter administrare bellum cœpit. Sed ut inter improbos & malitiosos haud diuturna potentiæ societas esse potest, cito insidiari invicem, & augendis largitionibus sibi quisque licitari militum studia cœpere.

XLVII. Eodem anno, quo pugnatum ad Pharsaliam, & Alexandrinum deinde bellum constatum est, Hispania maximo tumultu inhorruit, propter avaritiam & crudelitatem Q. Cassi, quem provinciæ Cæsar præfecerat. Ille primum appetitus insidiis, & accepto vulnere, cum in confcios partim animadvertisset; unum atque alterum (ita cum sævitia certabat in eodem animo pecuniæ amor) nummis acceptis dimisisset: non ideo tollere odium commune, quo tam apud milites, quam provinciales laborabat, potuit, præsertim cum eadem illa quotidie licentius faceret, ob quæ jam olim exosus esse cœperat.

XLVIII. Itaque duæ Varronianæ legiones, duce delecto T. Thorio Italicense, non a Cassio tantum, sed etiam a Cæsare defecerunt, Pompeji nomine scutis militum inscripto. Mox tamen profecti Cordubam, cum ad eam causam neque conventum Cordubensem, neque M. Marcel-

§ XLV. Plin. 5, 31. Pomp. Mel. 2, 7. Scalig. in Euseb. n. 1733. Cæs. Appian. § XLVI. Plin. 36, 12. Cæs. Strab. l. 17. Dio. § XLVII. Cæs. Liv. Epit. Hirt. de B. Alex. Val. Max. 9, 4.



lum, qui missus a Cassio urbem tenebat, adducere possent; convenit inter omnes, *ut, deleto Pompeji nomine, Caesaris omnes essent, sed Q. Cassium consensu oppugnarent; & ad hæc pratore* (hoc ei nomen imponebant, cum esset quaestor) *M. Marcello Æternino uterentur.* His cognitis, Q. Cassius cum legionibus & equitatu, qui fidem non mutaverant, Cordubam tendit; ubi Marcelli castra erant. deinde vastato agro Cordubensi, Ullam progressus, quod oppidum sibi fidum credebat, ab infecuto Marcello operibus & vallo cum ipsa Ulla circumdatur.

XLIX. Sed cum ad auxilium ejus rex Mauritaniae Bogud; cum una legione Romana, & Hispanis cohortibus venisset; multa proelia facta: castra quoque diversis partibus Cassius & Bogud adorti, haud multum abfuere, quin opera perrumperent. neque tamen depelli ab opere Marcellus potuit. Tandem M. Lepidus ex citeriore Hispania, quam obtinebat, cum legionariis cohortibus triginta quinque, magnoque equitatu, & auxiliorum numero affuit: ea mente, ut sine studio & ira controversias ejusdem partis hominum componeret. Et Marcellus quidem sine exceptione paruit advenienti; Cassius moras nectebat: eoque, ut putatur, conscio, sub oculis Lepidi castellum, quod Marcellus regi objecerat, oppugnatum est.

L. Quia tamen resistere tot legionibus nequibat, eodemque tempore C. Trebonius proconsule provinciam & exercitum accepturus veniebat, (namque legatis Hispaniae injurias deferentibus successorem Cassio miserat Caesar) liberum abitum pactus, navem conscendit, & in ostio fluminis Iberi cum rapinis suis tempestate est obrutus. Sic a magnis belli minis Hispania parumper quievit. Cassius enim, tanta erat hominis vecordia, gessisset & cum Trebonio bellum, si Bogudem trahere in societatem furoris potuisset. M. Marcellus, quod se tempori accommodasse visus erat, primo quidem iratum expertus Caesarem, procul

§ XLVIII. Liv. Epit. Hist. Dio. § XLIX. Liv. l. 113 ap. Priscian. l. 5.

patria vitam egit : postea tamen revocatus , honores etiam petiit gessitque. Hoc maxime modo Hispaniensis motus ; acrior , quam pertinacior , initia finemque habuit.

LI. In Illyrico majoris aliquanto dimicationis rem M. Octavius effecerat. eam provinciam Q. Cornificius Cæsaris quæstor proprætore fortiter feliciterque obtinebat , captis etiam multis Octavii navibus , cum is ex Pharsalica fuga in sinum Jadertinum se recepisset. At Cæsar , intellecto , multos hostium ob propinquitatem locorum Illyricum petisse , ibique colligere dispersas suorum reliquias , A. Gabinio scripserat , *uti cum legionibus tironum , quas habebat , Illyricum peteret , conjuncta cum Cornificio opera defensurus ; transiturus quin immo in Macedoniam , si res pateretur* : nam in Macedonia renovatum iri bellum , nondum cognita Pompeji fuga , crediderat.

LII. Sed Gabinium , peritum belli hominem , & hæcenus felicitis audaciæ , fortuna adeo destituit , ut multa nequidquam conatus , amissa magna parte exercitus , vix Salonis tutus esset. Nam & Salonas oppugnare ausi hostes , oppidanorum virtute , & insigni ad memoriam facinore mulierum repulsi sunt. Nam illæ , noctem atram noctæ , crinibus sparsis , Furiarum habitu cum facibus ad castra procurrerunt ; exterritisque vigilibus , multis locis injecerunt ignem : cum repente viri infecuti cum armis , complures præ consternatione vix sui compotes , alios adhuc somno implicitos occiderunt ; castrisque & statione navium expulerunt Octavium.

LIII. Sed ille non multo post reparatis viribus , prælio vicit Salonenses , iterumque admovit obsidioni copias. Inter hæc ex ægritudine contracto morbo , A. Gabinus interiit. Hæ res excitarunt spem Octavii , ut , icto cum barbaris fœdere , provinciam recipi posse consideret. Sed cum hac exspectatione virtus & diligentia P. Vatinii cito depulit : qui , crebris Cornificii literis evocatus , quamquam per valetudinem vix se regeret , cum paucis longis navibus ,

& magno actuariarum numero, quibus rostra imposuerat, Brundisio profectus est. Hujus adventu M. Octavius, qui interim Epidaurum erat aggressus, ab oppugnatione oppidi rejectus, ad Tauridem insulam substitit, hoc consilio, ut, siquidem insequeretur Vatinius, classe dimicaret.

LIV. Nam Vatinianas naves pleraque justo minores infirmioresque esse cognoverat. Sed virtute militum, quod robori navium deerat, largiter explente, victor Vatinius multas depreffit hostium naves, multas cepit. Alii auctores magnam ejus laudis partem Vatinio abjudicant: *ne tentata quidem pugna, Octavianos ad illum defecisse; quod auditus jam Pharsalici praelii eventus fuerat*. Quocunque modo superior Vatinius, profectus Isthm, in qua oppidum nobile erat, conjunctissimum Octavio, ab Isthmibus recipitur. Ibi cognoscit, *M. Octavium, cum sua quadriremis mergeretur, scapha exceptum, atque illa itidem depressa saucium, adnataisse ad myoparonem suum, Isthmque venisse; inde cum paucis parvisque navigiis vento secundo petisse Corcyram*.

LV. Vatinius, re celeriter & præclare gesta, Brundisium rediit. Jam inde a principio post acceptam cladem, omnium utique Pompejanorum perfugium Corcyra esse cœperat. huc ante Octavium & alii se receperant, & illustriores alii C. Cassius, Cn. Pompejus adolescens. Cnæus ante summam dimicationem cum Ægyptia classe Epirum ambiens, Oricum, cui M. Acilius Cæsaris legatus præerat, oppugnaverat, magno, sed ad extremum irritò, conatu. Cum enim esset ad claudendum portus introitum oneraria navis ab Acilio submersa, quæ scaphis magna saxorum mole oneratis teneretur: per urinatores extracta parte lapidum, hanc quidem funibus multis contendens deduxit remulco; aliamque ei conjunctam navem, in qua turris ad defensionem excitata fuerat, vi cepit. nactusque molem oppido objectam in speciem insulæ, quatuor biremes subjectis scutulis impulsas vectibus in partem interiorem transtulit: atque ita utrinque aggressus naves longas vacuas, quæ erant

ad terram deligatæ, quatuor ex his abduxit, reliquas incendit. cum his & magna pars oppidi deflagavit: fuissetque receptum Oricum, nisi vulnere Pompeji remissiores facti Ægyptii forent.

LVI. Igitur nec sanato eo, munitionibus interea auctis, difficiliorem futuram oppugnationem resumere ausus, Lissum tentavit. sed repulsus, paucis amissis navibus, tamen onerariis, quas M. Antonius ibi reliquerat, incensis triginta, vagari circum litora, & expositis subinde militibus, vastare cum Cæsare sentientium agros instituit: donec, clade patris cognita, desertus ab Ægyptiis, ad Catonem se contulit. idemque tum & C. Cassius fecit, & L. Afranius. His ceterisque adjutoribus, priusquam longinquæ spes tentarentur, Peloponnesum retinere statuit, Patrasque occupavit præsidio, multosque & ibi suarum partium, in quibus & Petrejus, & Pompeji gener Faustus fuerunt, recepit: & donec Athenis Megarisque oppugnandis distentus Fufius Calenus fuit, in potestate habuit oppidum.

LVII. Nam, licet amisso Piræo, Athenæ restiterant. mox his a Cæsare veniam adeptis, Megarenses pertinacius repugnantes expugnavit Fufius, multisque occisis, vendidit reliquos, sed necessariis eorum, & minimo pretio, ut libertati restituerentur. hic modus placuerat ita ulciscendæ contumaciæ, ne tamen vetustissima civitas prorsus interiret. Neque silentio prætereundum propter novitatem casus, quod inter capiendum oppidum, soluti leones, quos ibi C. Cassius ædilis designatus alebat, in ipsos Megarenses, qui auxilium aliquod inde expectaverant, irruerunt, adeoque discerpserunt multos, ut hostibus etiam dolori spectaculum esset.

LVIII. A Megaris Patras itum. Sed Cato ceterique, recepto præsidio, magna classe Cyrenen petierunt. Dum hæc diversis imperii partibus geruntur, Roma, non jam caput rerum, sed præda victoris, utri serviendum foret, exspe-

§ LV. Cæs. Dio. § LVI. Cæs. Dio. § LVII. Plut. in Brut. c. 13.

stabat. Ut enim militum Cæsaris & consulis Servilii præfens metus tacere Pompejanos, & dissimilem animo vulgum induere coegerat; ita clanculum rumusculi captabantur, &, dum quidlibet timetur, aut creditur, sæpius eadem die contrariis nuntiis animi diversos in affectus distrahebantur. Postremo Pharsalicæ pugnæ fama, vix tandem credita, (nam & Cæsar per speciem modestiæ scribere ad senatum noluerat) Julianos omnes redegit: certatimque hoc agebatur inter nobilissimos, ut pro se quisque maxime gravissus hac victoria videri cuperet.

LIX. Igitur, quod sic animatis proximum est, ruentes in adulationem, quidquid excogitari potuit, decreverunt; non jam metu solum, ne odisse felices viderentur, sed spe quoque honorum opumque, quas a Cæsare expectabant, tanquam aliquid ei dare possent, quod non prius ei dedisset victoria. Putabant tamen (nec fallebantur) magni æstimaturum, si jam, quæ alias suo arbitratu & vi armorum facturus erat, id jure facere existimaretur. Igitur & alia honorum cuiquam antea decreta contulerunt, & nova pleraque: *uti de Pompejanis, quemadmodum ei videretur, ita statueret; bellum, cui vellet, faceret; pacem, cui vellet, daret. uti consulatum in quinquennium, tribunitiam potestatem in perpetuum, dictaturam in annum integrum acciperet: triumphum quoque de Juba, quamquam bello nondum cæpto, geri, decreverunt.*

LX. Neque minore studio plebs agebat, sciscendis, quæ grata futura victori crederentur. Hoc illud tempus Hirtii legis esse reor, qua *Pompejani honores petere vetabantur*. At Cæsar, qui tum erat Alexandria, senatus populi que Romani cognita voluntate, dictatura, quamquam extra Italiam agebat, iterum inita, *Magistrum equitum M. Antonium* dixit. Is quoque magistratum eum toto anno gessit; multum ringentibus auguribus, quorum a plerisque vanitas deridebatur, fas in magistro equitum negantium, quod in dictatore probaverant.

§ LVIII. Cic. Phil. 14, S. § LX. Plut. in Cæs. c. 73. Dio. Cic. Phil. 13, 16.

LXI. Sed in plerisque annalibus consulatu Q. Fufii Q. F. C. N. Caleni, P. Vatinii P. F. hic annus notatur: quamquam illi magistratus ejus nomen (vis enim penes Cæsarem erat) extrema demum anni parte receperunt. Calebant interim Alexandrini tumultus, & acribus utrinque animis res gerebatur. divisam in partes urbem hinc Ægyptii, inde Cæsar, magnis operibus communiebant: & ab utrisque, unde poterant, auxilia ciebantur. Apud Cæsarem adhuc Ptolemæus erat, intentiusque servabatur, si nihil aliud, solatium vindictæ præbiturus pereunti; atque interim suorum animos vel miseratione periculi, vel auctoritate nominis flexurus.

LXII. Igitur & in superiorem locum productus increpavit *audaciam, non contra se minus, quam Cæsarem, ferentium arma, jussitque ponere. sibi enim optime convenire cum Romanis, suæque dignitatis & imperii firmum certumque præsidium habere in amicitia Cæsaris.* At illi non tam verba loquentis, quam tempora respicientes, & magis quid velle, quam quid dicere videretur, nihil remissa contumacia intiterunt cœptis. Ne mors quidem Achillæ finem aut moram bello attulit: quem suspectum invisumque per Ganymedem occupavit Arsinoe, percussorique imperium copiarum tradidit. Atque ille, militibus largitione placatis, haud segniter administrare bellum orsus, aquationem adimere Cæsari magnæ molis operibus instituit.

LXIII. Jam ante, qui pertinebant in regiam, aquæductus interrupti ab Achilla fuerant: sed aderant specus & putei, unde, licet anguste, Cæsar's milites, pro præsentis tamen necessitate satis aquabantur. Eorum specuum hæc erat ratio: Nilus aquam turbidam atque limosam vehens, quæ multos variosque morbos efficiebat, antiquitus monuerat Alexandrinos, ut, suffossis domibus, aquam e flumine exceptam fervarent: donec spatio temporis liquefcens potui aptior fieret. Igitur Ganymedes a solertibus hominibus, quales erant permulti Alexandriæ, admonitus, *corrumpi aquam in*

parte Cæsaris, immissa marina, posse, ingenti molitione specus sic intersepit, ut incorrupti manerent ad suam partem pertinentes; Julianis falsæ aquæ, quas ex mari rotis atque machinationibus continenter educebat, affunderentur. Cum ita paulatim falsior aqua ex proximis ædificiis traheretur, admirabantur primum Cæsaris milites, unde ergo mutatio illa procederet, præsertim cum remotioribus adhuc locis, qualis prius, aqua esse videretur.

LXIV. Sed postquam sensim illa quoque falsum trahere saporem cœpit, conjicientes, quod erat, in eum adducti sunt metum, ut *conscendendas extemplo naves, & fuga, licet plenissima periculi, consulendum salutis omnium* autumarent. Ibi Cæsar: *Vana vos exercet cura, milites; sed, nisi provideatur, in veram cessura perniciem. Aquæ penuria movemini: neque aliter evitari malum hoc posse creditis, quam in aliud rucendo, cui nullum sit futurum remedium, cum superius illud sit medicabile. Puteos fodientibus deesse aqua dulcis non poterit, quæ naturaliter litoribus omnibus inest. quod si sit alia, quam reliquorum, Ægyptii litoris natura, at quotidie nobis aqua subvehi navibus poterit. mari libero utimur, classem nostræ parem non habent hostes: & ne ventis prohibeamur, diversis ex partibus, hinc a Parætonio, inde ab insula petere aquam licet; quam utramque navigationem eodem tempore nulli præcludere venti possunt.*

LXV. Qui vero fugam respiciunt, ii, Hercule, non modo meæ dignitatis obliviscuntur, sed etiam salutis suæ. sic quoque, licet opportunitate ædificiorum & operum adjuti, tantam multitudinem ægre sustinemus. quid fiet nobis, ubi, relictis, quæ nos defendunt, locis, in apertum processerimus? quanta mora, quique tumultus sit expectandus inter conscendendum, quis nescit? præsertim ex scaphis in excelsas naves, & in ista trepidatione, & metu? Igitur pauci & properantes, pleni timoris, pleni tumultus, iniquo & tempore nostro & loco, aut diligentiam atque velocitatem Alexandrinorum effugiemus; aut adversus paratos, & infinitis partibus plures, nos tuebimur manu?

LXVI. Absit vero hæc ab animis vestris tam perniciofa co-

*gitatio, milites : & unum omnibus propositum esse salutis iter omnes norint, victoriam. Atque illa profecto, me duce, vobis militibus longius abesse non potest, quam donec aliis ex provinciis accitæ copiæ (misi autem circumquaque) veniant. Interim locis nostris nos teneamus, & virtute, quemadmodum hætenus, propulsemus hostilem impetum. Fugere vero minas Alexandrini populi & latronum arma, non mihi modo qualibet morte sit gravius, sed vobis etiam esse deberet, qui & Romani estis, quos victores omnium gentium superiora demonstrarunt bella, & mei milites, quos inter ipsos Romanos virtute excellere, recens victoria nostra declaravit. Interim reliquis intermissis operibus, ad puteos fodiendos laborem conferamus.*

LXVII. Ita confirmatis militibus, & ad fodiendum convertis, una nocte dulcis aquæ venæ copiosæ sunt inventæ: modicoque labore operosissimis Alexandrinorum molitionibus occursum est. Forte sub idem tempus Cæsar sit certior, ad litus Africæ, paulo supra Alexandriam, ad ancoras stare naves legionem vehentes septimam & tricesimam, ex dedititiis Pompejanis militibus. Nam cognito Cæsaris periculo, Domitius Calvinus, cui Asia cum finitimis provinciis commissa erat, legionem unam terrestri itinere per Syriam, alteram cum frumento armisque & tormentis, navibus miserat. sed prius confectum est bellum, quam ea, quæ per Syriam ducebatur, legio posset occurrere: naves, Euro continenter flante, pervenire Alexandriam nequibant.

LXVIII. Igitur Cæsar, ut in re præsentī certius consilium caperet, cum omni classe eo proficiscitur. quod ubi cognitum est Alexandriæ, neque ullum Romanum militem esse in navibus, quippe paulo longius processurus Cæsar. nudare munitiones noluerat, quidquid habebant navium paratum propugnatoribus complent, & redeunti Cæsari occurrunt. Ille, neque remigibus satis confidens, neque sub noctem cum hoste locorum gnaro dimicare tutum ratus, periculum vitabat; donec una navis Rhodiorum longius a



ceteris se abrumpens, cum ab Ægyptiis circumveniretur; impatientem ignominiae Cæsarem, aleam jacere coegisset.

LXIX. Virtute tamen & scientia Rhodiorum, penes quos diu præcipua fuit rei maritimæ gloria, vicit; multisque hostium interfectis, captas aliquot naves remulco traxit Alexandriam. Magnam ea res desperationem Ægyptiis attulit, quod jam sine robore Romani militis, tantummodo a classariis essent superati. Igitur jam etiam, ne a classe Cæsaris oppidum eorum oppugnaretur, veriti, os portus, spatium ad egrediendum relicto non magno, obstruxerunt injecto aggere. Neque tamen homines mari afluati, diu abstinere potuerunt. & quamquam supra centum decem naves amiserant, haud difficulter reparari posse classem reficiendis veteribus navibus, & cogendis, quæ ad exigenda portoria per omnia ostia Nili erant dispositæ, rebantur.

LXX. Neque conjectura falsi paucis diebus quadriremes duas & viginti, quinqueremes quinque confecerunt: quas intra portum remigio periclitati, cum minoribus apertisque navibus multis repleverunt. Huic paratæ ad dimicandum classi Cæsar cum quadriremibus decem, quinqueremibus totidem, quot hostes habebant, minoribusque navibus undeviginti, Pharon circumvectus se opposuit. Angustus inter utrosque per vada transitus erat, & qui prior ingrederetur, in locum iniquum se erat demissurus. Cum utrinque cunctarentur, præfectus Rhodiæ classis Euphranor, vir animo & scientia maritimæ rei nulli postponendus, recipit Cæsari, *se progressum facile moraturum esse Alexandrinis, donec subsecutæ ceteræ naves explicare aciem possent.*

LXXI. Nec plura promisit ille, quam præstitit. Scientiaque Rhodiorum, & virtute militis, cum pro salute suâ & eorum etiam, qui relicti in oppido erant, sicut nomine Romano, & ultima necessitate dignum erat, dimicaret; Alexandrini, licet numero navium hominumque multo superiores, victi sunt. paucas tamen amiserunt naves, propter propinquum perfugium, & quia ex molibus & ædi-

ficiis litori imminentibus defendebantur. Idcirco Cæsar, quo hanc eis adimeret opportunitatem, omnino sibi conandum existimabat, ut Pharum, &, qua Pharus Alexandriæ committitur, molem in sua potestate haberet.

LXXII. Neque difficulter expugnata est insula: sed ad portum, quem oppido suo propinquiorem Alexandriniuebantur, majoris certaminis res fuit. & cum remiges classariiue Cæsaris injussu imperatoris pugnae se miscuissent, deinde subito perterriti etiam pavorem iniecerunt militibus, fuga omnium ad naves facta, multi occisi sunt ab hostibus, magnus numerus inconsulto irruentium, cum ipsis navibus demersi. In hoc periculo Cæsar, cum, profligatis succurrere cupiens, non ab hostibus modo, sed etiam suis navigium onerantibus timeret, eiecit se in undas, &, quia paludamentum natatum prohibebat, illo relicto, per spatium ducentorum passuum adnatavit ad eas, quæ longius abstiterant, naves.

LXXIII. Utrumque consilium salutare fuit. nam & navis, quam reliquerat, præ multitudine subsedit; & paludamentum hostes petierunt telis, dum ille ignoratus & neglectus evadit. Neque indignum relatu est, quod traditur, *litellos, quos forte manu tenebat, inter natandum supra aquam elevasse, ne madefierent; paludamentum traxisse aliquamdiu mordicus, ne hostes eo potirentur.* At Alexandrini victores eodem loco castellum cum magnis munitionibus, multisque tormentis constituerunt: tropæumque erexerunt, in quo & paludamentum, de Cæsare captum, suspensum est.

LXXIV. Hac clade non tam perturbati, quam erecti incensique sunt militum animi: adeo quidem, ut post hoc incommodum formidabiliores fierent Alexandrinis, quam antea fuissent; quod neque secundis rebus quiescere, neque frangi adverlis videbant. Igitur legatis ad Cæsarem missis, *regem suum sibi remitti orant: pertæsos imperiam puella & crudelitatem Ganymedis, quod regi placuisset, facturos. atque*

§ LXXII. Orof. 6, 16. Hist. Piet. in Cæs. c. 72. Dio. § LXXIII. Hist. Plut. Dio. Flor. 4, 2. Sueton. in Cæs. c. 64.

*illius apud Cæsarem gratiam præsidio sibi fore, quo tutius ad amicitiam officiumque redcant.* Ibi Ptolemæus flens orare Cæsarem cœpit, *ne se dimitteret. nihil sibi conspectu ipsius esse jucundius.* Sed adeo fictæ fuerunt eæ lacrimæ, ut adventu ejus Alexandrini, si quam antea cogitationem pacis habuissent, eam omnem deponerent, bellumque acrius, quam unquam prius, administrarent.

LXXV. Jam ex Syria & Cilicia confluere auxilia ad Cæsarem cœperant, commeatusque navibus apportari. His intercipiendis Ægyptii ad Nili ostia ignes excitabant: quibus decepti, cum ibi præsidia Cæsaris esse putarent, nonnulli inciderunt in hostium manus: donec quæstor Ti. Claudius Nero, pater ejus Tiberii, qui postea imperavit, cum classe ad Canopum profectus, submovit Ægyptiorum stationes, plurimumque eo facto ad victoriam contulit. Amissus tamen ea expeditione cum sua quadriremi Rhodius Euphranor, rei bene gestæ tristem imposuit notam.

LXXVI. Inter hæc Mithridates Pergamenus, initio belli missus a Cæsare, validas in Syria atque Cilicia copias contraxerat. Erat enim magnæ apud civitates auctoritatis, propter singularem virtutem in bello, & summam nobilitatem domi: quippe ad Gallogræciæ tetrarchas referebat genus, & quia pellice Mithridatis Magni erat editus, amici materni hoc ei nomen imposuerant, ut rege prognatus existimaretur. Certe Mithridates, cum Pergami magnam tetrarchici generis stragem edidisset, hunc parvulum non servavit tantum, sed & transportavit secum in castra, multosque per annos disciplinis regiis educandum curavit.

LXXVII. Sed hic, ostio Pelusiaco conatus ingredi, cum ab Ægyptiis navibus prohiberetur, perrexit ad fossam, qualibus ea regio multis, ex anne principe deductis, irrigatur: atque in eam translatis navibus, (nec enim ad mare pertingebat, sed iterum in flumen erat aversa) Nilo fluvio

§ LXXIV. Appian. Dio. Hirt. § LXXV. Oros. 6, 16. Dio. Hirt. Sueton. in Tiber. c. 4. § LXXVI. Sueton. Hirt. Strab. l. 12. Plut. de virt. mulier. c. 44. Dio.

*T. Livii Vol. X.*

D d

subvectus, Pelusium venit. Ibi cum pacati responderetur nihil, (firmum enim præsidium Achilles ibi collocaverat) ex itinere oppugnationem orsus, eodem die oppidum pugnando cepit. Insignis in ea victoria totoque deinde bello fuit Antipatri opera, qui, ab Hyrcano tribus Judæorum millibus adductis, primus murorum, quæ ipsi evenerat, partem dejecit.

LXXVIII. Idem & Arabas hospites suos, Soæmique filium Ptolemæum, & Jamblichum regulos, multasque præterea Syrorum civitates ad mittenda Mithridati auxilia impulerat. Ceterum deinde iter ad Cæsarem contendenti pacatus, præter nomen Cæsaris, & auctoritatem victoriæ, idem Antipater præstitit, Ægyptios Judæos conspectu suo, & pontificis ostensa epistola, in partes pertrahendo. Ita & qui Oniæ regionem incolebant Judæi, arma, quæ prohibendo itineri sumferant, posuerunt, & omnia hospitaliter præbuerunt exercitui. Ab Onia, Simonis filio, Judæorum pontifice, loci nomen deductum est, qui, vastante Hierosolymam Antiocho in Ægyptum fugiens, concedente Ptolemæo, templum ad similitudinem patrii in Heliopolitano pago extruxerat.

LXXIX. Haud procul inde Memphis aberat, (stadia centum octoginta intererant) cognitoque successu Mithridatis, inde quoque legati venerunt, oppidum dedentes. Eo recepto, Mithridates ad Ægyptium Delta processit. Insula est haud procul Alexandria, quam in ejus literæ formam, una parte mare, duabus Pelusiæ & Canopicæ Nili ostia constringunt. Appropinquant missæ a Ptolemæo copiæ occurrerunt. earum pars, non expectatis subsequens, flumen, quo Delta clauditur, transgressa, tenentem se munitis Romana forma castris Mithridatem temere lacellivit.

LXXX. Sed improvise Mithridatis eruptione magnus

§ LXXVII. Strab. l. 17. Hirt. Joseph. antiq. 14, 14. § LXXVIII. Hirt. Joseph. de B. Jud. 1, 7. Euseb. § LXXIX. Hieron. in Dan. c. 9 & 11. Joseph. antiq. 14, 14. Hirt. Strab.

numerus, cum duce Dioscoride occubuit. ceteros notitia locorum texit, aut, quibus flumen transferant, navigia reportarunt. In hoc etiam prælio insignis Antipatri opera fuit, qui laboranti Mithridati subvenit, Ægyptioſque jam ſua opinione victores pepulit. Cum deinde cetera multitudo adveniffet, Mithridates, denuo cœptus oppugnari, nuntios ad Cæſarem de rebus ſuis miſit. Ergo ſub idem tempus & hic ad recipiendum Mithridatem, & rex ad opprimendum, proficiſcuntur.

LXXXI. Neque Ptolemæus, quamquam venerat prior, operæ pretium facere potuit, antequam Cæſar adveniret; aut hoc præſente prohibere, ne copiæ conjungerentur. Hoc factò, cum jam metueret, ne ad ſe iretur, equitatum omnem cum delecto pedite miſit ad flumen ex Nilo deductum, quod ſuperandum Cæſari erat: & donec eminus pugnatum eſt, loco adjuti facile reſtiterunt. poſtquam Germani equites, vadis repertis, tranarunt, legionarii, magnis exciſis arboribus, quæ ripam utramque magnitudine contingerent, & aggere ſuperinjecto, ſigna tranſtulerunt; terga vertunt hoſtes nequidquam. pauci enim reſugerunt ad regem: ceteros celeritas victorum occupavit.

LXXXII. Ægyptii, horum clade ſuoque periculo anxii, legatos ad Cæſarem de pace mittunt. Ille, perfidam & imbellẽ gentem cogitans, victoria finire bellum maluit. alteroque ſtatim die caſtra regis undique ſimul adortus, quamquam præter manufactas munitiones, hinc editiſſimo loco, inde palude aut Nilo tuta, expugnavit. Magna ibi cædes pugnantium fugientiumque eſt edita: nam *viginti millia regionum caſa* referuntur; *quingenti ex victoribus*. Rex ipſe, cum navigio conſenſo fugeret, præ multitudine adnatantium inſilientiumque, in Nilo navicula ſubſedit.

LXXXIII. Cadaver, expulſum fluctibus, limoque obrutum, indicio auræ lorice repertum. nam id in bello geſtamen erat Ptolemæorum regum. Cæſar, lorica Alexandriam

§ LXXX. Diodor. l. 42. Joſeph. Hirt. § LXXXII. Dio. Flor. 4, 2. Hirt. Plut. in Cæſ. c. 72. Oroſ. 16, 16. Liv. Epit.

præmissa, cum equitatu statim subsecutus, per media hostium præsidia intravit urbem. nec enim, audito eo prælio, amplius de bello cogituros prospexerat. atque illi supplice veste gestuque, sacris prolatis omnibus, quorum religione deprecari offensorum regum iram consueverant, occurrerunt victori, fideique ejus sine exceptione se permiserunt. Duodecim adhuc armatorum millia erant, navæque longæ septuaginta. Hæc novem ferme mensium spatio gesta: intra quod tempus & in Africa Pompejanæ partes coaluerunt, & Pharnaces paternum regnum recuperavit.

LXXXIV. M. Cato, cum ingenti numero navium Corcyra profectus, Cyrenen petierat, estque receptus a Cyrenensibus, quamquam Labieno diebus aliquot ante advecto portas clausærant. Eo in cursu naves ad eum venerunt, cum Sex. Pompejo noverca Cornelia crudeliter interfecti viri triste nuntium perferens. Id auditum, totaque classe mox vulgatum, sic exterruit animos, ut plerique convertere vela, seque victori permittere cogitarent, extincto, pro quo arma tulissent, Pompejo. Sed Catonis oratione revocati sunt plurimi: pars (neque enim retineri quemquam invitum Catoni placebat) in Italiam abnavigavit cum Cornelia, cui nihil a victore metuendum contabat. quæ & deinde, nescio quas Pompeji reliquias nacta, sepelivit in Albano.

LXXXV. Catoni cum ceteris petenda provincia Africa videbatur, quo appulisse L. Scipionem audierat, Varumque habere magnas ibi copias, & fidum partibus Jubam: sed neque mari tutus erat transitus; & pedibus circumviro Syrtes, per deserta & arida laboriosum iter, molesta sitis, infesti serpentes, insuperabiles pæne difficultates obiciebantur. Catoni tamen nulla videbatur poenitenda via, qua servitutem effugeret: tantumque abundavit ille vir animo, ut plerisque suorum ad eadem conanda inferere

§ LXXXIII. Flor. Oros. Appian. civil. l. 2. § LXXXIV. Plat. in Cat. c. 132. Idem in Pomp. Dic.

posset audaciam. Dimissis enim, qui sequi noluerant, inter quos & C. Cassius recta profectus ad Cæsarem erat; tamen plures decem millibus eduxit.

LXXXVI. Sed quia per squalentia loca proficiscenti timenda inopia aquarum erat, magnam asinorum multitudinem oneravit utribus; plaustra quoque multa secum traxit, & adversus venena serpentum Psyllos, qui & exsurgere virus ex vulneribus erant soliti, & carminibus vim nocendi anguium hebetare. His ita præparatis, quamquam bruma erat, quo anni tempore mitius uritur ea regio, per æstatem sole torrida, & sperari pluviae poterant; divis in partes copiis, quo commodius aquarentur, periculosissimum iter ingressus est. Ipse pedes ante signa ibat, laboris sitisque præ aliis patiens, totique exercitui exemplum, & deficiendi pudor. Per arenosa loca, in quibus plerumque viarum notas violentissimi flatus abolent, ægre ad Ammonis ædem perventum.

LXXXVII. Ibi refectis nonnihil copiis, reliquum iter absolvit. tricesimo, quam erat Cyrenis profectus, die circumgressus est Syrtin; inde pari ferme temporis spatio per cultiora paulo loca Leptin ventum, quæ *minor* vocatur; ibique reliqua pars hiemis ad quietem militi concessa. Sed Mithridatis filius Pharnaces, occasione temporum usus, Phanagorenses diu oppugnatos, mox Colchidem omnem, receperat: deinde in Pontum conversus, Sinope erat potitus; atque, invitante successu, per absentiam Dejotari regis, Armeniam minorem, & Cappadociam Ariobarzanis regnum, vastare atque occupare cœperat; cum Dejotari precibus, & Amisenorum periculo, qui interim oppugnari cœpti erant a Pharnace, Domitius Calvinus excitus, Pharnacem *abstinere sociorum regnis* iussit, quo plus auctoritatis denuntiatio haberet, cum omnibus copiis subsecutus.

§ LXXXV. Plut. in Cat. Liv. Epit. Vellej. 2, 54. Dio. Cic. familiar. 15, 14. § LXXXVI. Strab. l. 17. Plut. Flor. 4, 11. § LXXXVII. Strab. Sueton. in Cæs. c. 35. Appian. Mithrid. Dio. Hirt. de B. Alex. c. 36.

LXXXVIII. Eæ constabant ex legione XXXVI, quam solam retinuerat, duabus ad Cæsarem missis; duabusque Dejotari legionibus, quas ille Romanum in morem armatas institutasque jam a compluribus annis habebat. His accessit ex tumultuariis militibus in Ponto confecta legio, cum auxiliis Cilicum, & centum Dejotari, totidem Ariobarzanis equitibus. Pharnaces, adventu Domitii paulisper territus, fraudes moramque necere, *Cappadociam* longius dissitam *dimittere*, *non dimittere Armeniam*, denique postulare, *ut Cæsari res integra servetur*. At Domitius, indignum nomine Cæsaris & populi Romani putans, intermittere expeditionem, & Bosporano relinquere prædam, Nicopolin processit, Armeniæ minoris oppidum.

LXXXIX. Ibi cum castra vicina hostibus haberet, factum est, ut ex literis interceptis, Cæsarem in magno esse discrimine, Pharnaces disceret. Idcirco futurum ratus, ut omnino discedere Domitius cogatur, trahendi temporis causa, sine detrimento auctoritatis, nunquam longius produxit copias, quam quoad fossæ, quibus ab utroque latere locum muniverat, pertingerent. equitatum, quo erat superior, extra fossas habebat. Et processit ei consilium. quippe Domitius, cum morari diutius non posset, infecta re discedere turpe putaret, iniquo loco improspere prælium fecit.

XC. Pontica legio tota ferme interiit. Dejotari copiae vix conspectum hostium tulerunt: sexta & tricesima legio, cum totus regis exercitus eam adortus esset, virtute se defendit, amissisque militibus omnino ducentis quinquaginta, in loca situ tuta se recepit. Inde Domitius, collectis reliquiis suorum, per Cappadociam in Asiam rediit. Pharnaces, mire clatus hac victoria, multas extorsit populo Romano sociisque provincias, Bithynia, Cappadocia, finitimisque regionibus occupatis, pulsisque, qui beneficio Romanorum hæc obtinuerant, regulis. Recepit & Pontum, nullo jam defendente: Amisoque expugnata, sævissime tractavit & cives Romanos, qui ibi negotiabantur, & oppi-



danos, interficiendo puberes, exsecando pueros, nullo prætermisso genere aut ignominiaë, aut crudelitatis. Inde jam per Bithyniam paterna vestigia premens, Asiam cogitabat invadere: fecissetque, nisi, Asandri nuntiata defectione, fuisset revocatus, quem Bosporano regno præfecerat. Hæc pro magnitudine rerum, celeribus & calidis nuntiis ad Cæsarem delata,mersum voluptatibus, & Ægyptiis deliciis mancipatum, ad rempublicam capeffendam, duobus acerrimis stimulis excitarunt.

§ XC. Hirt. Dio. Plut. in Cæs. c. 73. Appian.

---











PA  
6452  
A2  
1784  
v.10

Livius, Titus  
Historiarum libri qui  
supersunt omnes

PLEASE DO NOT REMOVE  
CARDS OR SLIPS FROM THIS POCKET

---

UNIVERSITY OF TORONTO LIBRARY

---

